



BIBLIOTECA NAZ.  
Vittorio Emanuele III

XXVI


A

36

NAPOLI

~~87~~ 32.









*Sugduni Batarorum*  
*Apud FORDANVM SVETHEMANS 1694.*

*P. Penningen sc.*



CLEMENTIS BERG, J.U.D.  
*Moralium & Politices Professo-*  
*ris Publici, in Academia Electo-*  
*rali Brandenburgica Duis-*  
*burgensi,*

# INTRODUCTIO

I N


# DOCTRINAM POLITICAM,

Secundum meliora Politicorum  
 Recentiorum Principia ad usum  
 Academicum adornata.

*cum Indicibus necessariis.*



LUGDUNI BATAVORUM,  
 Apud JORDANUM LUCHTMANS,  
 M. DC. XCIV.



PERILLUSTRI,  
GENEROSISSIMO ET EXCEL-  
LENTISSIMO DOMINO,

D. EBERHARDO

L. BARONI

à DANCKELMAN,

DOMINO DE BRÉSQUES, &c.

AUGUSTO ATQUE PO-  
TENTISSIMO

ELECTORI BRANDEN-  
BURGICO

DN. FRIDERICO III.

S. R. I. ARCHICAME-

RARIO, &c. &c. &c.

à Sanctissimis & Intimis totius  
Status, Belli & Rerum Feuda-  
lium Consiliis,

Domino, Macenati ac Patrono Gratiſſo;

H. Q. L. C. Q.

ſubmiſſe

Sacrum eſto.



*PERILLUSTRIS  
ET GENEROSISSIME  
DOMINE,*

**A** Regula illa, quod ubique semper habenda sit rerum proportio, eoque Principibus, & in eminenti dignitate constitutis Viris, non nisi magna & digna offerri debeant, me resilire iussit fortior illa gratitudinis Lex. Proinde malui impolitior esse, quam ingratus videri. Spondet enim mihi Tua, Excellentissime Domine, omnibus Illustrium Virtutum Tuarum sinceris Cultoribus, & Eruditionis Amatoribus obvia benignitas & humanitas, Te potius meum ratione

# DEDICATIO.

tione provinciæ Morâlis & Civilis ab AUGUSTO Nostro, ad Cujus Aram Tua mihi benevolentia viam fecit, clementissime mihi conceditæ, officium, & cupidissimam Spartæ pro virili exornandæ, & sine invidia aut jactantia Auditoribus meis inserviendi ingenuam voluntatem & conatum, quam forsan opusculum ipsum, cui magnitudinem temporis brevitâs, ingenii operositatem illius curta supellex, & elegantix splendorem rerum intentio denegavit, benigne respecturum. Sisto itaque Tibi, HEROS TOGATE Eminentissime, more Literatorum, quibus alio argumento & signo gratum animum testificari vix licet, hoc ipsum in grati animi monumentum, & devotissimi cultus, quo

\*

4

Tuas

## DEDICATIO.

Tuas Virtutes prosequor, æternum testimonium. Impertire ergo Perillustri Domine huic nostro qualicunque labori, quod vehementer opto, ex benigno Tuo aspectu vitam & robur, ut, si non ob materiæ pondus & præstantiam, à præfixo saltem Tanti Mæcenatis Illustri nomine decus & famam sibi accipere & fœnerari queat. Voto hoc beatus, mihi meoque partui de Magni Patroni perenni gratia & tutela gratulabor, gloriabor. Quin excitabis etiam Humanitate hac, meum cum Deo & die majoribus & gravioribus in argumentis publico inserviendi honestum ardorem. Deus Te cum Illustri Tua Gente conservet, & Consiliis Tuis pro Potentissimæ DOMUS BRANDENBURGICÆ &



**DEDICATIO.**  
& Patriæ Salute conceptis felicissimos largiatur successus; Quod ex animo vovet

**PERILLUSTRIS ET EXCEL-  
LENTISSIMI NOMI-  
NIS TUI**

Duisburgi ad Rheni Rhuræque  
confluentes, A MDXCV.  
mens. Maji d. 7.

devotissimus cultor

**CLEMENS BER.G. Dr.**



P R Æ F A T I O  
A D  
L E C T O R E M.

**D**Amus Tibi, Benevole & Can-  
dide Lector, Tuoque iudicio  
submittimus Conatus no-  
stros & specimina prudentia Civi-  
lis, non, quod velimus excutere ex  
manibus Studiosæ Juventutis Alio-  
rum laudatos & eruditos Labo-  
res, sed quia pro hodierno tempo-  
rum & vicissitudinum statu, ad  
tollendas etiam inter Nobilissi-  
mos meos Auditores circa Au-  
ctorem dissensiones, supplendum-  
que hac in parte defectum, no-  
bis videbatur commodius fore, si  
ipsimet brevem aliquam delineatio-  
nem

# P R Æ F A T I O.

*nem prudentiæ politica temporibus accommodatam, pro Collegiis privatis elaboraremus. Suo enim quisque abundat ingenio. Qua nobis maxime ad rem & scopum facere visa sunt, ea tradidimus, remittendo Auditores nostros, ubi opus erat, ad fontes uberiores, quorum indicium manu non parca fecimus. Facimus autem hoc, nec sine exemplo Virorum nostri Ordinis, nec sine Amicorum exhortatione, qui visas hasce vigilias calculo suo non omnino indignas judicarunt publica luce. Obscuram nimis brevitatem & tædiosam prolixitatem aequè fugimus; probè gnari, intra semestre spatium hanc telam esse pro more Academico texendam. Nec adeò Suffeni sumus, ut nobis valdè blandiamur, quasi Iliadem cantaturi post Homerum, sed nobis maxi-*

## P R Æ F A T I O

*me placuit hac via propria, ne aliis  
aut refutandis, aut limitandis, aut  
augendis tempus terere necesse esset.  
Calumniari autem nonnulli forsitan  
possent, quod Doctorum vestigia  
subinde legamus, quod tamen faci-  
mus ubique ingenuè & cum hono-  
rifica & veneranda illorum laude,  
per quos profecimus; publicè enim  
exstant, publicique sunt usus. Li-  
cet, licuit semperque licebit alio-  
rum industria suam perficere, si  
cum candore & absque malignita-  
te vel plagio id fiat, quæ vitia cane  
pejus & angue detestamur. Sen-  
tentiam nostram ubique aut ex ipso  
Jure Naturali Gentiumque deduxi-  
mus, aut Magnorum Virorum sen-  
tentiis comprobavimus, ne jactan-  
ter soli sapere velle videremur.  
Scripsimus hac non Eruditis & in  
hac palestra exercitatis, sed pri-  
vato*

## AD LECTOREM.

vato nostro nostrorumque Auditorum usui. Quæ si Tibi placuerint, his utere nobiscum; si non, humaniter feras; si meliora nosti, discere volentes in viam reduc: Homines enim sumus; singuli aut nihil aut parum, plures verò multum possumus. Mihi certe bona mens fuit inserviendi publico, & ornanda mea Sparta sine cujusquam injuria aut fraude. Vale Lector Candidè, & conatibus hisce qualibuscunque fave!

*Nobilissimo & Cultissimo*

DN. AUTHORI  
INTRODUCTIONIS  
ACCURATISSIMÆ IN  
DISCIPLINAM PO-  
LITICAM.

**T**U quoque, mi BERGI, generoso  
percitus œstro  
Per merita affectas pergere ad  
astra viam!

Quæris ad illa aditum Civilis Templæ.  
Minervæ,

Et docta ostendis Sacra resecta manu.

Hæc Tibi mox pandet tersa *Introductio*  
portam,

Major ubi expectat Teque tuetur  
Honos.

Sic jam Te, BERGI, mactabit adorea  
Vatum,

Nomen & extollet Fama decusque  
tuum:

Nam

Nam cum primitiæ sint tales, Optime  
Civis,  
Qualis, quanta Tibi subsequa mes-  
sis erit?

*Collega & Amico integerrimo,  
his gratulari voluit, debuit*

HENRICUS HULSIUS,  
Theologiæ Sacræ in Acad. El.  
Brand. Doctor & Prof. Ord.

---

**A**Ntè Polite Tuam præclara Politi-  
ca mentem  
Perpoliit, BERGI; nunc novus  
autor eam  
Tute polis scripto fociâ virtute decoro:  
Gratulor, & grates Gloria certa  
feret!

*Nobilissimo & Consultissimo Do-  
mino Autori, Amico & Collegæ  
suo Gratissimo, ex animo fecit*

WILH. CRUSTIUS, Jct.  
& Antecess. Prim.

In

*Viri Nobilissimi & Consultissimi*

CLEMENTIS BERGII, JC.

SOLINGA-MONTANI,

In Electorali *Duisburgensium* Aca-

demia *Moralium & Civilium*

Prof. Publ.

*Eruditum Civilis Doctrina* Com-  
pendium.

**I** Secure liber, nec extimesce  
Momos lividulos, Theonis arma,  
Dirumve Invidiæ malæ venenum!  
Auctor namque tuus manu perita  
Sic te pumice rite perpolivit,  
Ut doctus simul & laboriosus,  
Rerum maxima cura publicarum,  
Orbem pervolites & ora Famæ;  
Quæ te Gloria jam manet perennis.  
Namque hic exiguo latent libello  
Rerum fœdera firma Publicarum,  
Nec non, qua patet, ipse totus Orbis.  
At



At Te, delicias meosque Amores,  
Pectus præ nive candidum canente,  
Musarumque decus, venuste BERGI,  
Clarum nobilitant Themis, Minerva;  
Nam præ Pyramidum situ perenne  
Nomen Montibus altius sacrarunt.  
Vives BERGIUS hinc in orbe docto,  
Donec filia nobilis Tonantis  
*Majestas* erit, aut in orbe toto  
Reges purpurei bonique Cives.

*Hoc sui Candoris & Amicitia  
monumentum conjunctissimo  
Collega erigit*

HENR. CHR. HENNIN,  
M. D. Ejusdemque & Litt.  
Hum. Prof. P.

CLA-

CLARISSIMO  
DN. AUTHORI,

Amico & Collegæ honoratissi-  
mo, Opus hoc *ad novas Majas*  
edenti.

**M**Ajo virenti quod Tux ver flori-  
dum

Ætatis & Spartæ quadret,  
Prudentiam quo Politicorum, cernuæ  
Hornam senectæ filiam,

BERGI! polita pandis hac in pagina,  
Mirantur omnes ac stupent.

Miro sed etsi constet istuc ordine,  
Plus miror à præfagio,

Hos namque fructus Ver recens si pro-  
tulit,

Costo quid Autumno feres?

ΑΩΕΩΕΩΕΩΕΩΕ

D. HUGUENINUS,  
SS. Th. D. & P. P.

Con-

*Consultissimo, Doctissimo & Po-  
litissimo Viro,*

DN. CLEMENTI BERG,  
JC. & P. P.

Amico Veteri & Constanti,

Cum hac primitias Academicæ pro-  
vinciæ, quæ *Moralia & Civilia* pro-  
fitetur, crudito stylo cum orbe  
Literato communicasset.

**P**Andit ut Imperii liber hic Arcana  
verendi,

Sic famam arcanam non finet esse  
tuam.

Accipit ut sacrum decus his Res Pu-  
blica chartis,

Gloria sic BERGI percipit inde decus.  
Quique docet Reges, Cives, legesque  
parendi,

Humani generis perbene doctor erit.  
Nomen & omen habes igitur tersissi-  
me BERGI,

Culte per antiquam semper amici-  
tiam:

Quan-

Quantum inter valles tollunt capita ar-  
dua Montes,  
Tantum fama Tui surgit & Ingenii.

*Amicitia nunquam intermo-  
ritura gratia transmisit*  
L. M.

ERN. CAS. WASSERBACH,

JC. Illust. & Excell. Comit. Lippiaci  
Satrapa in Barrendorffensi præfectura.

---

**C**Ur templum Triviæ jactabit Ionia  
mollis,

Quod missum in flammas, in cine-  
resque suos?

Cur Pharii jactent miracula barbara  
Nili,

Qua fera Pyramidum Memphis ho-  
nore tunc?

Templa & Pyramides vivax hæc pagi-  
na vincit,

Quæ struit Humani jura Sodalitii.

*Amicitia Sacrum hoc faciebat*  
*Cl. Auctori, Amico magno,*

JOH. von LINE.

INDEX

# INDEX

## CAPITULUM.

CAP. I.

*De Politica in genere.*

CAP. II.

*De Societate in genere.*

CAP. III.

*De Societate Conjugalī.*

CAP. IV.

*De Societate Paterna.*

CAP. V.

*De Societate Herili.*

CAP. VI.

*De Familia & Collegiis.*

CAP. VII.

*De Republica.*

CAP. VIII.

*De Majestate.*

CAP. IX.

*De Legibus.*

CAP. X.

*De Magistratibus.*

CAP.

# I N D E X

CAP. XI.

*De Judiciis.*

CAP. XII.

*De Poenis.*

CAP. XIII.

*De Premiis.*

CAP. XIV.

*De Consiliariis & Legatis.*

CAP. XV.

*De Jure circa Sacra.*

CAP. XVI.

*De Bello.*

CAP. XVII.

*De Neutralitate.*

CAP. XVIII.

*De Pace.*

CAP. XIX.

*De Fœderibus.*

CAP. XX.

*De Commerciis.*

CAP. XXI.

*De Regalibus Minoribus.*

CAP.

C A P I T U M.

CAP. XXII.

*De Subditis.*

CAP. XXIII.

*De Tributis.*

CAP. XXIV.

*De Ratione Status.*

CAP. XXV.

*De Rerumpublicarum Speciebus.*

CAP. XXVI.

*De Mutationibus Rerumpublicarum.*

F I N I S.



CLEM.







CLEM. BERG. D.

# INTRODUCTIONIS

IN

DOCTRINAM

CIVILEM,

CAPUT I.

*De Politica in Genere.*

§. I.



OLITICA est prudentia in Societate Civili bene agendi. Nempe secundum ratiocinia necessitatum & commodorum hu-

manorum; & prout facere potest ad salutem & tranquillitatem Reipublicæ.

A

Seu

## 2 INTROD. IN DOCTR. POLIT.

Sen est prudentia eligendi quæ reipubl. bona, & avertendi quæ mala sunt.

§. 2. Excludimus hinc (1.) Impostores illos & Pseudo-politicos, qui malitiis, fraudibus, simulationibus & dissimulationibus nomen hoc affectant, Religionis curam ridentes, Deo ita inservientes ne Diabolum offendant. Politicum vero virum arcanis politicis & simulationibus ad salutem reip. promovendam salva conscientia uti posse, ex communi Politicorum traditione refert Goehausen *Peric. Academ.* 1. 4. *quæst.* 32. conf. consentientem Lipsium *Polit. lib.* 4. c. 14. Et omninò ad magni Politici facultatem pertinere, elogium illud, quo Corn. Tacitus Mutianum mactavit, quod fuerit, *omnium qua diceret atque ageret, arte quadam ostentator*, suis argum. demonstrat Boeclerus *de Subtil. Polit.* 1b. 1. & 2. eandemque ostentationem, characterem memorabilem, Politicorum vocat *in annor. Polit. ad Tacit. l.* 2. *hist.* 80. Et hoc

hoc est, quod Πολιτικός se gerere, appellat Clapmar. *de Arcan. Rerump. lib. 1. c. 7. in marginal.* Et quod Germani proferunt, Ein Staatsmann muß oft den Mantel nach dem Winde hangen / vid. Conring. *de Prudent. Polit. c. 13. it. 2. & 4.* Talis verò simulatio pro licita reputatur, qua partem propositi nostri ita aperimus, ut alter aliud, quam quod in mente nostra & proposito est, ex eo colligat. Quia 1. non semper necesse est, ut alter propositum nostrum sciat; & si jam scire avidus, in perscrutatione illius decipiatur, sibi imputet & suæ in perscrutandis rebus temeritati. 2. Nihil alieni & falsi in his rebus ostenditur, sed quod revera est. *Exc. Dn. Becman. Doctor meus, Medit. Polit. c. 3. §. 13.* Talis fuit astutia Gibeonitarum fingentium se venire ex regione longinqua. *Jos. 9. vers. 4. & seq.* Nec fuit culpabilis, nec mendacii nomine venit. Quis enim reprehendat, si quis ficto sermone vitam suam servare

#### 4 INTROD. IN DOCTR. POLIT.

fategerit ab hoste ad internecionem  
grassante? Dein neque damnum pro-  
priè dictum ista astutia illatum fuit Israë-  
litis. *Dn. de Pufendorff. d. 7. N. & G.*  
*l. 4. cap. 1. §. 13.* (2.) Qui affabiles &  
comes, sicque ex opinione vulgi tales,  
qui cum decore cum hominibus versari  
possunt, *die von guter conduite seindt/*  
& potius *Politi* dicendi. (3.) Qui ve-  
stibus cultioribus incedunt & utuntur  
*die galants*, potiusque superbi dicendi  
& ad societatem inepti, quia aliis emi-  
nere student, sicque non cum pruden-  
tia in conjunctione cum aliis vivere  
sciunt.

§. 3. Distincta est ab *Ethica*, quæ docet  
honestè vivere i. e. secundum rectam  
rationem: ab *Oeconomia*, quæ curam rei  
domesticæ, & quotidianarum necessita-  
tum tradit: A *Jure Publico*, quod cer-  
tis legibus datum & traditum, uti Au-  
rea Bulla, Recessibus Imperii, Capitu-  
lationibus Impp. & in specie §. 4. *I. de*  
*Justit. & Jur.* illud dicitur, quod ad sta-  
tum

## CAPUT I.

tum Reip. Romanæ spectat. Adminiculum verò haud exiguum Jus Publicum ex Politicis habet, imò fundamentum ejus Politica dici potest. *vid. Rachel. Introd. Jur. Publ. Germ. cap. 16.*

§. 4. *Juris Consulti & Politici* in rebus gerendis concurrunt, mutuamque sibi præstant operam, diverso verò modo & fine. Hic utile sectatur, & tale quidem, quod facere potest ad salutem & tranquillitatem reipubl. ille pro scopo habet Justitiam, & num actus controversus sit justus, nec ne, examinat atque decernit. Quia vero utile & justum esse oportet, quo bonum Publicum promovetur, nec Politicus seposita justitiae atque injustitiae ratione, sicque deposito Jcti officio utile tantum, nisi ad Machiavelli ingenium se accommodet, sequi debet, nec Jctus Rempubl. benè ordinat, id quod justum saltem reip. consulendo, nulla utilitatis ratione habita, hinc saluberrime hi duo in Republ. conjunguntur; & hinc inepte,

## 6 INTROD. IN DOCTR. POLIT.

ignorantiam Juris Politico nomine tegi posse, asseritur. *plur. vid. Ziegler. ad Grot. de J. B. & P. Proleg. §. 57. conf. Tabor. de Regim. Imper. Eccles. Praefat. in med.*

§. 5. Basis, Fundamentum & primum principium Doctrinae Politicæ, ex quo demonstrationes & omnia dogmata Politica fluunt, & in quod resolvuntur, est, vitam socialem rem requirere & exposcere; seu cum fine & scopo vitæ hominis Socialis rem congruere; vel clarius, statum socialem hominum, exigente usu & necessitate humana, hoc suadere. Hinc igitur *bella orta*, ad se defendendum contra injurias aliorum: *discreta gentes*, quia in una Republ. comprehendere non potuerunt: *regna condita*, sine ordine enim imperantium & parentium in turbis vituri fuissent: *dominia distincta & agris termini positi*, ne oriretur confusio, *adificia collata* ob cœli tempestatem modo serenam modo adversam: Commer-

cia,

cia, emptiones, venditiones, locationes, conductiones, obligationes institutæ, non omnis enim fert omnia tellus. Eleganter hanc in rem Grot. d. 7. B. & P. lib. 2. cap. 2. §. 13. n. 5. ex Libanio sequentia adducit: *Deus non omnia omnibus terra partibus concessit, sed per Regiones dona sua distribuit, quo homines alii aliorum indigentes ope, societatem colerent. Itaque mercaturam excitavit, ut quæ usquam nata sunt, iis communiter uti frui omnes possent.* Etiam servitutes introductæ pr. I. de Libert. singulis enim bene esse non potuit, si non operam suam aliis locarent.

§. 6. Hæcque ex principio hoc resultantia & producta jura, quibus commodum suum & bonum universale promoveri debere & posse mortales viderunt, uno nomine deinceps *jura gentium* dixere, quasi quo jure omnes gentes ad conservandam & constituendam Societatem usu & necessitate humana exigente uterentur. l. 2. ff. de j. & jur.

## 8 INTROD. IN DOCTR. POLIT.

*coll. §. 2. I. d. §. N. G. & C. vid. Dn. Puffendorff. d. §. N. & Gent. l. 2. c. 3. §. 15. Grot. de §. B. & P. Proleg. §. 8.*

§. 7. Quoad initium & originem Vitæ Socialis tenendum, Deum T. O. M. hominibus, juxta sanctissimam, perfectissimam & immutabilem voluntatem creatis, indidisse convivendi aliquam necessitudinem, qua totum genus humanum una aliqua esset Societas seu Civitas. Et concordantem habemus *l. 2. ff. de justit. & jur. naturam inter homines cognationem constituisse, dicentem. Audiamus Romanæ eloquentiæ Parentem Cicer. lib. 1. de offic. Eadem natura vi rationis hominem conciliat homini, & ad orationis & ad vitæ Societatem, ingeneratque imprimis præcipuum quendam amorem in eos, qui procreati sunt.*

§. 8. Et hæc ipsa convivendi necessitas, suis causis impulsivis non caruit: *Extrinsècè enim ad vitam socialem ducebantur insuper homines ex indigentia seu insufficientia humana; (homo enim*

per



per se animal egeum, sive sine simi-  
 lium auxilio servari ineptum,) acceden-  
 te *Intrinsecè* studio se conservandi & a-  
 more nostri. (manifestum quippe homi-  
 nem esse animal se conservandi studio-  
 fissimum,) quæ verò conservatio sine  
 consociatione & vita sociali obtineri  
 non potuit. Nec indigentia & imperfe-  
 ctioni aliter nisi conjunctione cum simi-  
 libus consultum fuit. *Simul atque natum*  
*est animal, ipsum sibi conciliatur & com-*  
*mendatur ad se conservandum, & ad suum*  
*statum, & ad ea, quæ conservantia sunt*  
*eius status, diligenda: alienatur ab interi-*  
*tu iisque rebus, quæ interitum videantur*  
*afferre.* Cicer. de Offic. lib. 3.

§. 9. De Politices exacta scientia  
 theoreticè comparanda & Scriptoribus  
 Politicis vid. Gabriel. Naudæi Biblio-  
 graph. Politic. Pro summaria instructio-  
 ne Tibi commendatos habeas, quibus  
 ipse ex Commendatione Doctoris mei  
 in tumulum usque venerandi Excell.  
 Becmanni sum usus, (an feliciter judicæ;)

*Jacobi Regis Anglia Donum Regium*, quoad præcepta ad vitam; *Grotium de Jur. Bell. & Pac.* quoad demonstrationes; *Bodinum de Republica*, in præceptis & exemplis. *vid. plur. Dn. Becman. Meditat. Polit. c. 1. §. 5. & seq.* Usus, experientia & crebræ actiones complementum addunt, & Practicum absolvunt, secundum illud Manlii: *Artem experientia fecit, exemplo monstrante viam.* Nec semper Theoria cum Praxi in uno homine combinatur. Et aliquando quis est bonus Theoreticus, sed malus Practicus, & contra. Exemplum soli Theoretici in Cicerone ostentatur: Nemo enim melius de Republ. scribebat & loquebatur, nemo illam pejus & infelicius administrabat. Theoria cum Praxi in Cæsare Augusto concurrebat, ut proinde jure gloriari potuerit: *Se Romam accepisse lateritiam, & reliquisse marmoream.* *Conf. Conring. in animadv. Polit. ad Machiavell. Princip. Proleg. n. 3.*

§. 10. Machiavellum, qui in Politicis Pseudo-Politicorum gregis Dux dicitur, simpliciter rejiciendum esse, demitis nequitiis, non autumo. Nec tam niger est, uti vulgò depingitur, sed inter testes veritatis reponendus. In eo peccavit, quod Principem malum describere intenderit: Parum enim abest à docente, qui vitia aliorum describit; secundum versiculos,

*Nomine flagitii teneras qui laeserit aures,  
Non carpisse scelus, sed docuisse putes.*

Lipsii judicium de Machiavello vid. *Praefat. Lib. Polit. praemiss.*

§. 11. Addiscenda Politica ab omnibus, omnes enim qui in vita sociali vivunt, ejus directione indigent. Praeprimis (1.) à Principe, quippe qui aliis praesse vult, eum oportet rationem alios dirigendi scire, secundum illud:

*Tu regere imperio Populos Romane  
memento,*

*Haec tibi erunt artes. — — — —*

§. 12. Principis verò hac in parte  
A 6 Philo-

## 12 INTROD. IN DOCTR. POLIT.

Philosophia præcipuè in duobus consistit, (1.) in cognoscendo, (2.) in agendo seu cognitionis exercitio. Cognitio debet esse Universalis, quia officium Principis Universale, debet E. esse talis, ut nihil ipso incio, & invito fiat, nihilque effectu juris gaudeat nisi hac concurrente. Unde etiam omnes confirmationes actorum à Republ. s. Principe. Cognitioni debet addere exercitium, scientia enim non actuosa merè theoretica est & non sufficit. Sapientissimè hoc animadvertit Jacob. Angl. Rex, dum in *Dono Reg. lib. 1. de offic. Reg. p. m. 61.* filium monet, ut scientiam non otiosam, sed actuosam imperandi prudentiam sectetur, & illam studio quæsitam notitiam, omnibus officii sui partibus exprimeret: Astrologis plane dissimilis, qui interdum noctuque siderum motibus se fatigant, ideò tantum ne ignorent.

§. 13. (2.) A *Subditis*, ut officio suo rectè fungi discant. Politica enim sicut vitam

vitam socialem tradit, ita & ordinem imperantium & parentium. Nec personæ ignobilitas tollit naturam rei. Inepte E. & sine ratione Russi subditos à literarum scientia arcent, eruditio quippe non tollit, sed dirigit obsequium. Nec vera eruditio pertinaces facit, sed regit vitam humanam. Semidocti verò & semiprudentes turbant mundum, quia se ipsos variis vanitatibus opplent, nec ex rei veritate judicant.

(3.) A *Juvenibus*, ut præparentur ita ad officia publica, dum bene agere discunt. Et vulgatum illud in Scholis usitatum: *Juvenem non esse idoneum Auditorem Politicæ*, intelligendum de Auditore *Utente*, quia destituitur experientia, sed non *discente*.

§. 14. Maximè igitur in *Academiis addiscenda & tractanda*, quia Studia Academica sunt præparamenta ad rerum usum; quemadmodum consilia præparamenta rerum agendarum. Et vita Academica continet proximum gradum

#### 14 INTROD. IN DOCTR. POLIT.

ad officia publica. Et quales in Academiis vivunt & doctrina instruuntur, tales plerumque in Publicis existunt. Unde præludium dicitur vitæ futuræ. vita recens capta animum induit, ut odor novam testam. Utile pariter & necessarium *Disputationibus Academicis* materias Politicas pro & contra ventilare ad præparandos animos ad sententiarum varietatem, & ad oppositiones in publicis negotiis excipiendas.

§. 15. *Hypotheses Politica* necessariæ, ad conspiciendum eò magis & evidentius in vita Civili ordinem & necessitatem vitæ socialis. Tales sunt Status Naturalis, Communio Rerum, Translatio jurium in Principem seu Rempublicam. Præferendæ demonstrativæ, faciliores & breves. Natura enim adeoque veritas simplex. Et suspectæ semper ambagiosæ & prolixæ distinctiones.

§. 16. Objectum Politicæ est hominum Societas, seu Societas Civilis, seu magna illa Universitas generis humani; quod

quod quamvis in varios Populos & Regna divisum, semper habet aliquam unitatem, non solum specificam, sed & quasi Politicam & moralem, *Ziegler. ad Grot. Proleg. §. 24.* toti enim generi humano prudentia Politica ordinem præstare & modum agendi præscribere debet, ad modum disciplinæ architectonicæ.

§. 17. Finis Doctrinæ Politicæ est salus universæ Reip. in eo consistens, ut omnes socialiter pie probeque vivant. Item ut omnia hominibus, quatenus fieri potest, quæ ad vitam commodè transigendam necessaria sunt, adsint; & omnia communia jura & res Civitatis s. Reip. adversus vim externam defendantur.

§. 18. Quia verò Societas Civilis, Societates privatas omnes Conjugalem, Paternam, Herilem, Familiam, Collegia eminentè comprehendit, & ex harum coalitione Civitas s. Respubl. constituitur, prius agamus de Societate in genere, (2.) de Societatibus Privatis,

16 INTROD. IN DOCTR. POLIT.

vatis, (3.) de Societate Publica seu Republica, & Juribus Reipubl. quibus conservatur & regitur, (4.) de Reipubl. Speciebus, (5.) de Mutationibus.

C A P U T II.

*De Societate in genere.*

§. I.

**S***Ocietas est unio plurium hominum in communem finem. Plurium, unus enim societatem constituere nequit. Et in minoribus Societatibus ad minimum duo requiruntur, exemplum in societate conjugali. Unus tamen jam initam conservare & repræsentare potest. Quemadmodum in uno Cive, Senatore, opifice, tempore belli vel pestis totam Collegium conservari videmus. l. 7. §. ult. in fin. quod cuj. univ. nom. Aptitudo enim ad moralitatem nondum deficit, dum huic uni se plures, jure collegii aggregare possunt.*

§. 2. *Ad Societatem Majorem uti*  
Colle-



Collegium ad minimum requiruntur tres, secundum illud vulgatum: *Tres faciunt Collegium*. Quod ex Pythagoreorum disciplina videtur ortum, quorum hoc decretum erat: τὸ πᾶν καὶ τὰ πᾶντα, τοῖς τεσσὶν ὄνεται. Ipsum univ-  
ersum & omnia cætera, tribus seu tri-  
nitate definita sunt. *Vid. Arist. lib. 1. de  
Cæl. cap. 1.*

§. 3. Quo ad Originem Societatis  
*vid. §. 7. & seq. Cap. prac.* Addimus: So-  
cietates initas esse, ut quod singuli ob-  
tinere non poterant, conjunctim ob-  
tinerent, hacque ratione necessitatibus  
& commodis suis consulerent, habe-  
rentque solatium in solitudine, secun-  
dum DEI effatum *Genes. 2. vs. 15. Non  
esse bonum hominem esse solum*; ut & ad-  
jumentum in negotiis, & protectio-  
nem adversus injurias.

§. 4. Veniunt in Societatem res in  
universum omnes, quarum commu-  
nitione opus.

§. 5. Subjectum Societatis est *Solus  
Homo*,

## 18 INTROD. IN DOCTR. POLIT.

*Homo*, solus enim quid usus & necessitates suæ exigant, intelligit. Unde ab Aristotele dicitur φύσει ζῷον πολιτικόν, aptum natum animal politicum seu sociale. Quod diversimode accipitur & explicatur à Dn. Pufendorff. de *J. N. & G. lib. 7. c. 1. §. 3. & seq.*

§. 6. In homine requiruntur duo *Applicabilitas & Æqualitas*. *Applicabilitas*, quia, qui conjungi cum aliis vult, cum oportet etiam aptum esse, ad præstanda debita in communem finem tendentia. Unde stulti, furiosi, iracundi & male morati excluduntur. *Æqualitas*, quia firmissima inter æquales amicitia; & nullus cœtus sine æqualitate consistere potest. *Grot. lib. 3. c. 3. §. 2.* Unde & Potentioris amicitiae non nimis fidendum, ob potestatem quam sibi summet pro lubitu rumpendi fœdera. Ineptus ideò *Superbus*, quia eminere aliis studet; (& *Superbia* vitium, quo quis sibi sine justa causa plus tribuit aliis) cum tamen natura omnes æquales fecerit,

cerit, quam æqualitatem superbus tollere conatur. Unde & Germanicum Stols / non ineleganter à stulto derivari posset; superbia namque vera stultitia, in qua tamen cognoscenda, superbi talpa cœciores.

§. 7. Quia æqualitas quam maximè in vita Sociali inculcatur, ut necessaria: Hinc improbantur Conjugia Principum cum inferioribus, Nobilium cum ignobilibus, Senum cum Juven- cula; Conversationes dignius cum indigniori: cedunt enim digniori indehonestamentum; quæ dehonestamenta à Tacito *histor. lib. 2. c. 87.* vocantur *dehonestamenta amicitia.* Et ejusmodi sunt in publicis quoque conversationes superiorum cum inferioris plebis hominibus, lædunt enim statum publicum. In *vita privata*, familiaritas Nobilium, Doctorum & Ecclesiasticarum Personarum cum Rusticis infimæ conditionis, Studioforum cum plebe. Mox enim proverbium illud decantatum auditur:

## 20 INTROD. IN DOCTR. POLIT.

ditur: *Noscitur ex socio, qui non dignoscitur ex se.*

§. 8. Societatem colere, dici non possunt *Latrones, Conspiratores, facinorosi*, quia non ex necessitate & propter commoda humana, sed criminis causa sociantur; in quibus nulla necessitas, sed maximum periculum. Item congregatio illa brutorum gregalium & apum societatis nomine indigna, quia eundem quidem finem privatum, nullum verò communem habent.

§. 9. *Conversatio*, quæ oritur ex cognatione naturali, seu communi natura, & communi origine, cognata in eo, quod quidem homines jungantur, sed in eo differt, quod non fiat in communem finem.

§. 10. Sed an etiam in *statu innocentia* s. integritatis, ubi nulla indigentia & nullæ necessitates humanæ fuissent, societates exstituræ fuissent? R. Proprie sic dictas nullas, amicitias verò & conversationes omninò exstituras fuisset.

se. Homines enim non opus habuissent concurrere tanquam partes ad constituendum aliquod totum, ad majorem perfectionem obtinendam.

§. II. Oppositum Societati est *Status hominis naturalis*, qui ut hypothesis politica, ad demonstrandam necessitatem vitæ Socialis, in Politicis admittitur & tractatur, quamvis nunquam existerit.

§. 12. Contrarium Societati *vita Solitaria*, qua generi humano renunciatur, & omnis conversatio tollitur, divino quoque elogio contraria: *Non esse bonum hominem esse solum*. Quod ad matrimonium non tantum, sed & ad Societatem in universum cum hominibus pertinet. Et homo in auxilium alterius creatus, & ad excitandum alterum vita & conversatione sua natus, secundum illud Salvatoris nostri unici *Matth. 5. v. 16. Facite ut lux vestra luceat coram hominibus.* Μισὸν ὄφρωνται E. hi omnino execrandi; nihilque nisi insensibilitatem

22 INTROD. IN DOCTR. POLIT.  
tatem naturæ pro causa allegare pos-  
sunt.

§. 13. Consequentia vitæ socialis sunt  
*pacta*, per quæ jus nostrum cedimus; &  
*Imperium* s. *Dominium* i. e. translati ju-  
ris persecutio.

### C A P U T III.

#### *De Societate Conjugali.*

##### §. I.

**V**isa natura Societatis in genere,  
eandem jam in suis speciebus por-  
ro considerabimus. Et quidem *sec. §.*  
*ult. cap. 1.* inter privatas, quæ iterum vel  
*Majores*, uti Familiæ, Collegia; vel  
*Minores*, ut Societas Conjugalis, Pater-  
na & herilis, ex recepto ordine, de  
conjugio initium facturi.

§. 2. Est *Societas Conjugalis*, maris  
& *foeminae legitime facta conjunctio*. Et  
dicitur *Conjugium* à *conjungendo*, quasi  
animorum, corporum, fortunæ & ejus-  
dem jugi consociatio.

##### §. 3. Au-

§. 3. Author Conjugalis vitæ est Deus T. O. M. *Genes. c. 1. vs. 27. 28. & seq.* hacque ratione sapientissimus rerum conditor, genus humanum mortalitati obnoxium, à totali interitu liberare voluit. Et rectissime à Cicerone Conjugalis societas principium & quasi seminarium reip. dicitur.

§. 4. Necessitas hujus Societatis ex eo claret, quia ordinem præstat & conservat in genere humano. Hac enim non exstante non minor confusio esset, quam inter bruta tempore conceptionis; & maxima confusio futura fuisset in successione.

§. 5. Essentiale Conjugii est (1.) *Consensus contrahentium mutuus* masculi & foeminae in vitæ conjugalis associationem; & hoc ipso distinguitur à brutorum conjunctionibus. Constat duabus partibus, nempe promissione affectus & debiti conjugalis, ut & promissione cohabitationis ac individuae assistentiæ. Nulla etiam societas sine consensu consistere

## 24 INTROD. IN DOCTR. POLIT.

sistere potest. Et in *l. 30. ff. de R. 7.* non concubitus, sed consensum nuptias facere, dicitur. Item (2.) *Parentum* in quorum potestate sunt contrahentes, non juxta Jus Justinianicum solum *pr. l. de nupt.* Sed & naturalia, divina *Exod. 22. & 17. Col. 3.* & gentium jura. Parentes enim commodis liberorum optimè consulere solent & præsumuntur; & insuper reverentia parentibus debita hunc exposcit. Nec *Matris* excludendus, præprimis si Pater mortuus. Reverentia enim seu pietas parentibus, etsi inæqualis sit eorum potestas, æqua debetur, *l. 4. ff. de Curat. furios.* Dissentiētibz verò inter se Patre & Matre, Patris voluntas sequēda & præferenda, quia caput familiæ, adeoque una caput matris. Unde Sponsam possidebat tanquam prædo, qui parentum consensum non indicabat Legibus Anglorum & Werinorum. *Vid. Grot. de 7. B. & P. lib. 2. c. 5. §. 10.* Eleganter de hoc consensu Catullus *carm. 63. vers. 63.*

*Virgini-*



*Virginitas non tota tua est, ex parte  
parentum;*

*Tertia pars matri data: pars data ter-  
tia patri:*

*Tertia sola tua est.*

Grave hac in re monitum Boecleri. *ad  
Grot. lib. 2. c. 5. §. 10. inquit: Matri-  
monia, invitis & præteritis sine causa pa-  
rentibus, contracta, exagitari non unis  
casibus sæpe visa, quasi in ultionem juris  
& officii naturalis non satis reverenter  
habiti.*

§. 6. In nonnullis locis consensus  
Magistratus à Cive requirendus, ne scil.  
ex amoris amentia in ætate, nimia gra-  
dum vicinitate, aut pietate contra bo-  
nos mores peccetur: Interest quoque  
Reip. scire, qualem nactura civem;  
talis enim ut plurimum est proles vel  
civis, quales habuit parentes; & lo-  
cum hic invenit dictærum German.  
*der Apffel fällt nicht weit vom Baum.*  
Nec etiam expedit reipubl. quoscun-  
que cives inducere.

B

§. 7. In

26 INTROD. IN DOCTR. POLIT.

§. 7. In Gallia Regii Principes cum consensu summi consilii uxores accipiunt, & sine hujus consilii consensu nati à successionē rejiciuntur. In Anglia Rege inconsulto pupilli & idiotæ sine gravi censura matrimonia non contrahunt.

§. 8. In Regnis Poloniæ, Sueciæ & Angliæ & olim Scotiæ, Regibus inconsultis non licebat Proceribus matrimonium inire. Et quoad Reginas adduci merentur verba Arnisei *de Republ. lib. 2. cap. 2. sect. 11. & 12. n. 148.* Licet vota matrimonii debeant esse libera, tamen si qua accadat, ut filia hæres regni relinquatur, non est in ejus temeritate ponenda salus totius reip. ut quem ferat vel cæcus amor, vel libidinosus impetus, eum populo invito Principem imponendi potestatem habeat. Et hinc Scotiæ proceres de futuro matrimonio Mariæ filiæ Roberti Brussii Regis ita censuerunt: *Multò æquius esse, ut puella maritus ab omnibus, quam à puella Rex*

*Rex omnibus eligeretur.* Maria Angliæ Regina convocatis regni ordinibus ad Parlamentum, matrimonium cum Philippo II. incundum, auctoritatem Parlamenti obtinuit. Sic olim Poloniæ Proceres Hedwigam Ludovici Regis filiam, quæ Wilhelmo Austriaco nubere volebat, Jagelloni Lithuano Duci, ex sola sua voluntate dabant.

§. 9. II. In Personis Contrahentibus requiritur *Iusta ætas*, ut sint puberes & jura sexus communicare possint. Et certum tempus à Justiniano nostro nubere volentibus præscriptum, videlicet masculis 14. & foeminis s. puellis 12. annus. Et forte ex eo, quod in complexu maritali majus requiratur robur in mare quam foemina; cum facilius sit pati, quam agere. Et jure naturæ pubertas requiritur, nullo autem anno circumscribitur & determinatur.

§. 10. III. Contrahentes in ipsa conjunctione honestatis rationem habere debent, ne *Propinquitas Consanguinitatis*

## 28 INTROD. IN DOCTR. POLIT.

*tis vel affinitatis* obftet. In contrahendis enim matrimoniis naturale jus & pudor inspiciendus. *l. 14. ff. de rit. nupt.* A conjunctione *Parentum & liberorum* ipsa natura abhorret, & naturalis repugnantia adest propter identificationem, quæ inter conjuges fit, & quod causa cum effectu identificari non possit. Imo confusio totius generis humani inde oriretur. tolleretur, vel saltem confunderetur, omnis imperii humani ratio. Inter *fratres & sorores*, itidem insignis verecundia deprehenditur. (Per se verò conjugia hæc contra jus naturæ esse, asserere non audemus; quia in principio creati mundi, inter fratres & sorores nuptiæ contractæ, & contrahi debuerunt, jam verò verosimile non est, Deum per actum legi naturæ contrarium genus humanum propagari voluisse & jussisse; præsertim cum nulla necessitate cogeatur unum hominum par creare.) Et genus humanum etiam non feliciter propagaretur per conjunctionem

ctionem partium unius carnis; ut se habent liberi & parentes, fratres & sorores. Amicitiae enim latius per diffusas affinitates spargi debent. Generatio etiam saepe citius deficit in una familia, instar seminis, quod cum ex eodem agro saepe nascitur, fecunditatem suam amittit.

§. II. De aliis gradibus Consanguinitatis præter Theologos & Jctos consule Hugon. Grot. de J. B. & P. lib. 2. c. 5. §. 12. & seqq. Dn. de Pufendorff. de J. N. & G. lib. 4. c. 1. §. 30. seq. Dn. Valandi Profess. Brandenb. in illustri Viadrina, Dissert. Legis Connubii, ad Levit. c. 18. Dn. Struv. Exerc. 29. th. 31. & seq. Preprimis Z. Pryschenck. Diss. de modo ac usu computat. grad. tot. & novissime à Dn. Petr. Müllero Ant. Jenens. Tr. de Annul. Pronubo & oscul. Sanct. addita.

§. 12. IV. Societas hac est unius cum una, & ideo in definitione dictum, esse conjunctionem maris & foeminae. Excluditur E. Polygamia: quæ an Jure na-

## 30 INTROD. IN DOCTR. POLIT.

turæ licita sit nec ne; inter eruditos  
controvertitur. Illam speciem Polyga-  
miæ, qua una uxor plures viros sibi af-  
sociat, seu Bigamiam illam muliebrem  
Jure naturæ ac gentium illicitam esse,  
rejectis quorundam populorum con-  
trariis exemplis, cum Dn. Pufendorff.  
*de f. N. & G. lib. 6. c. 1.* & Dn. Textor.  
*Synops. Jur. Gent. c. 3. n. 28. & seq.* asse-  
rimus. Pugnat enim (1.) cum procrea-  
tione sobolis, (2.) mutuo adjutorio,  
(3.) Imperio maritali. (4.) Solum libi-  
dinis causa admitteretur, & talis uxor in-  
de vix differret à meretrice ob eandem  
fœditatem. Et (5.) Deus ipse nunquam  
ejusmodi bigamiam admisit. Adde Ra-  
tiones pro & contra examinantem *Ex-  
cell. Dn. Thomasiū, jam Antec. Hall.  
Diff. de Crimine Bigamiæ, tot.* At verò Po-  
lygamiam virilem, seu plurium uxorū  
conjunctionem, similiter Juri naturæ  
& gentium per se repugnare non æque  
expeditum. In utramque partem ra-  
tiones expendit, *Dn. de Pufendorff. dict.*  
loc.

*loc.* iudicium penes lectorem relin-  
quens; tandem tamen sequentia ad-  
dens: Optimum, maxime decorum,  
atque perfectissimum esse, matrimo-  
nium unius cum una. Grot. *l. 2. c. 5. §.*  
*8. 9.* in negativam inclinare videtur,  
nim. hanc Polygamiae speciem Juri na-  
turae non contrariari, à quo tamen ibi-  
dem divortium facit Ziegler. *in not. ad*  
*§. 8.* Ex ratione, quod reciproca sit  
obligatio ut uxoris ad unum virum; ita  
viri ad unam uxorem.

§. 13. Quicquid sit, in hoc conve-  
niunt in diversis opinionibus haerentes  
Doctores; monogamiam convenire  
primæ institutioni divinæ, & proinde  
perfectissimum & optimum esse matri-  
monium; & hac ratione nec Grotium  
habemus adversarium. Non verò inde  
concludere licet; Polygamiam istam in  
Vet. Testamento Patriarchis & Regi-  
bus permissam aliisque gentibus usita-  
tam, ut rem per se illicitam Juri natu-  
ræ & gentium prorsus repugnare. Et

## 32 INTROD. IN DOCTR. POLIT.

qui in hac quæstione inter prima principia juris naturæ, & conclusiones ex illo jure deductas distinguunt, pluralitatemque uxorum non esse contra prima principia juris naturæ, vel scopum matrimonii primarium à natura intentum; revera autem contra conclusiones juris naturæ, & finem matrimonii secundarium, pugnare asserunt, inter quos Covarruv. *de Matrim.* p. 2. c. 7. §. 3. n. 1. 2. seq. Sanchez. *de Matrim.* Disp. 80. lit. 7. n. 26. & seq. Rationibus suis etiam plausibilibus non destituuntur; Inter quas (1.) finem conjugii primarium sobolis procreationem, per plures uxores non impediri, ut in conjunctionibus cum pluribus Viris, proindeque non pugnare contra scopum conjugii primarium, (2.) Nec impediri finem conjugii secundarium, si plures unus vir habeat uxores, hocque confirmant exemplis. Turcarum, qui pacificè cum uxoribus vivere dicuntur. Reliquas ad Lydium lapidum examinatas



tas adducit Textor. *all. Tract. c. 3. n. 34. & seq.*

§. 14. Nos in Controversia hac iudicium suspendimus; existimantes, Polygamiam utramque in novo fœdere non solum per Christum Salvatorem nostrum prohibitam esse; sed & pugnare cum institutione primæva conjugii, quæ mortalibus tanquam lex universalis est observanda, proindeque monogamiam tanquam perfectiorem ac divinæ ordinationi & statui primævo convenientiorem præferendam esse, cum *Dn. Pufendorff. all. loc. Textor. all. l. n. 38. & Dn. Thomas. all. Diss. §. 37.* concludimus: (1.) quia Deus non nisi unum masculum & unam fœminam creavit, sicque in posterum etiam matrimonium non nisi inter unum & unam esse voluit, (2.) quia expressè dicitur: *& erunt duo in carnem unam.* Accedente (3.) quod inter pauciores firmitior sit amicitia.

§. 15. Insuper quoque feliciora solent

## 34 INTROD. IN DOCTR. POLIT.

esse conjugia, quæ cum circumspectione, habita ratione personæ, cum qua individuum vitæ Consuetudinem inire volumus, contracta; an nimirum sit instructa pietate, & nobis perplacentibus & convenientibus animi, corporis & fortunæ dotibus; de quibus agit *Schonborner. lib. I. polit. c. 6.* Item fugienda *diversitas religionis*, nunquam enim satis uniti dici possunt, nisi etiam de modo colendi Deum inter ipsos conveniat. Et dissidium in sacris, dissidium in moribus plerumque creat, de quo *Jacob. Angl. Rex. Don. Reg. lib. 2. f. m. 57.* Et præprimis altercantur, si liberis gaudent, quem in religione sua sequi debeant. Porro *Nationis*, nam (1.) exterorum mores, mentes & ingenia ita perspicere non possunt, quod tamen in individua hac conjunctione optandum & utriusque interest. (2.) Tum Lingua moribusque peregrinis assidue adversari, molestissimum est. (3.) Liberis ex peregrinis conjugio procreatis insolens

insolens & peregrinum quoddam innascitur. (4.) Exterorum consortia, navi, mores & nova instituta in remp. implantantur. Verum in his proprio quisque vivit genio.

§. 16. Quam maxime *æqualitatis* ratio habenda, quia firmissima inter pares amicitia. Ut rectè Ovidius,

*Si qua voles apte nubere, nube pari.*

Hinc improbantur *Conjugia Principum cum fœminis inæqualibus*; & hanc in rem addo Regium monitum Sapient. Jacobi Angl. Reg. *all. l.* dicentis: *Maximam esse in prima uxore cautionem, qua, si infra sortem tuam fuerit, vix esse, ut unquam eam labem redimas.* Accedit, quod etiam *Fœminæ* tales (1.) ad contemptum patent. (2.) Liberi Jure succedendi carent; adeoque effecta juris in ejusmodi matrimoniis nulla. Item *Conjugia Senum cum juvencula*; eleg. Poëta canit. *Militat in teneris annis amor hospes amœnus: ast in canitie ridiculosa venus.* Confer. Salomon. *Proverb. c.*

36 INTROD. IN DOCTR. POLIT.

§. 18. Freue dich des Weibes deiner Jugend. ut scite vertit Luther. Et sanè impletis & appropinquantibus 40. annis, paulatim animi vigor & corporis vires deficiunt. Ovidius *turpem* vocat senilem amorem. Late & eleg. hoc deducit Reincking. *Biblischer Pollicey lib. 3. axiom. 17.*

§. 17. Consummatur Conjugium per Personas Ecclesiasticas *benedictione Sacerdotali*. Et est quasi Conjugii publicatio, ex voluntate Christianorum, ordinis gratia addenda. Et meritò accedentibus precibus peragitur, quia conjugium fundamentum totius generis humani s. vitæ socialis, adeoque imploratio divini numinis maxime necessaria. Veteri Juri Cæsareo ignota, & in Oriente primum tempore Leonis Philosophi, & Occidente tempore Caroli M. cœpit.

§. 18. Ritus variarum Gentium nuptiales, nihil aliud sunt, quam totidem modi publicandi matrimonium,  
& li-

& licet in infinitum variant, communem tamen gentium consensum, de magno momento conjugiorum indicant, alias enim tam operosa institutione non uterentur. *De nuptiis veter. German. vid. Hachenberg. de German. media Diss. hist. 5. tot.*

§. 19. Finis conjugii alius *generalis*, alius *specialis*. *Generalis* mutuum adiutorium, (quem primarium esse novissimè defendit argumentis non contemnendis *Excell. Dn. Pagenstecher, Antecess. Duisburg. inclytus, Orat. Inaug. de Scopo sive fine matrimon. adj. Aphor. Justin. in noviss. edit. & in aphor. lib. I. aphor. 36.*) ad se suaque jura conservanda. *Specialis* & primarius, procreatio Sobolis ad se conservandum in posteris. *Idcirco enim liberos concipimus atque edimus, ut ex prole eorum diuturnitatis nobis memoriám in avum relinquamus*, eleganter dicitur in *L. 220. §. 3. ff. de V. S.* Et ab eo etiam potius primarius rei finis æstimandus, quod

### 38 INTROD. IN DOCTR. POLIT.

in ea intendi primariò debet, & in quem finem ab auctore instituta.

§. 20. Finem hunc matrimonii specialem & primum qui obtinere nequeunt, sunt societatis conjugalis incapaces; & (ætate senili excepta) meritò remouentur; quales sunt Eunuchi, spado-nes, ueneficio ligati, paralyfi ac insanabili frigidityte laborantes, aut qui alio contagioso morbo infecti, & ad procreationem sobolis inepti sunt. Item tanquam inhabiles repelluntur *Impubes*, *conf. §. 9. huj. cap.* quia non intelligunt quod agunt. *Furiosi*, quia furor obest intellectui, & hinc sponsalia contracta dissolvit, non verò consummatum matrimonium. *Extremè ebrii*, qui insano, furioso, & infanti, imò planè mortuo comparantur. *Dn. Struv. Ex. 29. §. 25.*

§. 21. Lege prohibebatur Jure Romano conjugium inter servum & ancillam, & horum consortium non conjugium, sed *contubernium* dicebatur.

Et

Et effectis veri conjugii, quod naturaliter quidem erat, carebat. Aliud tamen hodierni Christianorum mores servant. *Grot. l. 2. c. 5. §. 15. Concubinarum* itidem quidem erat conjunctio, sed non legitima; conjugio alias proxima, ideoque dicitur conjugium sed inæquale *L. 3. C. de nat. lib.* quia concubina ab uxore non nisi dignitate differebat. *L. 49. §. 4. ff. de legat. 3. conf. Grot. all. loc. & Ziegler. ibid. cum Henning. in nott.*

§. 22. Ex Societate hac conjugali fuit *imperium Maritale seu Domesticum*, se extendens ad res conjugii & familiæ, marito competens ob præstantiam sexus virilis. Unde & dicitur caput familiæ & uxoris *Genes. c. 3. v. 16.* in statu innocentia quoque exstiturum fuisset; sed tantum quoad directionem non coactionem.

§. 23. Non tamen sibi *jus vita & necis* in uxorem asserat, quale Prisci Romani. Solius enim reip. hoc proprium. Maritalis etiam potestas in pietate, non atro-

## 40 INTROD. IN DOCTR. POLIT.

atrocitate, consistere debet. Nec etiam à verbis ad verbera deveniendum, propter dignitatem conjugii; nisi uxor adeò sit obstinata & perfricta frontis, ut verbis nihil efficere valeamus, tum enim secundum Catones quosdam extrema tentanda. In solitudine seu deserto si nulla facultas adeundi judicem, uxorem punire maritus potest, quia tum imperium publicum cum maritali coalescit.

§. 24. Consequens E. hujus, respectu mulieris, est obsequii gloria; suam namque maritali imperio subjiciant voluntatem. Quod etiam indicat S. Scriptura, *Ephes. 5. v. 22. I Cor. II. v. 3.*

§. 25. Finis est paternæ familiæ mulier, & principium familiæ, ad quam per nuptias transit. *Domicilium & forum* mariti sequitur. Etiam in *exilium* abeuntem, ex æquo & bono sequi debet; quia videtur iniquum, amicum in calamitate deserere. Et reciprocè se obligarunt, quod, tam in adversis, quam prosperis, individuo nexu cohærere velint.



velint. *Dignitate maritali fulget*, aut propter ejusdem ignobilitatem & suam amittit. Contrarium observatur in *Reginis hereditariis*, harum enim mariti transeunt veluti in familiam uxorum. Et in Germania nostra moris, natam fœminam Principem, nuptam Comiti, & vivo marito, & post obitum ejusdem, ab Imperatore & Statibus Imperii, verbis & literis salutare Principem. *vid. den Spaten in der Teutsch: Secretar: Kunst. vol. 1. part. 2. c. 22. §. 5. p. m. 495.*

§. 26. Cessat quoque imperium maritalitatis in *Reginis hereditariis*, & absorbetur ab imperio publico, tegiturque tanquam lumen minus à majori. Et dum hæ Reginæ nubunt, censentur hoc facere tantum suscitandæ prolis causa, non verò animum habere in potestatem aut familiam mariti transeundi. Hinc etiam mariti ejusmodi parcius Reges, sed communiter Reginarum mariti vocantur. Exempla in Conjugiis

42 INTROD. IN DOCTR. POLIT.  
jugiis Philippi II. Regis Hispan. & Mariae Angliæ Reginae; Mariae Scotorum Reginae & Henrici Stuarti Comitis Darlii; Ferdinandi & Isabellæ Regum Arragoniæ & Castiliæ. Nullum etiam dubium, maximam esse auctoritatem maritorum eorum, ob arctissimum consortium cum Regina. Et hinc in edictis publicis amborum nomina inveniuntur, si pares sunt, uti in actis Angliæ, in edictis publicis, Philippi & Mariae, ut & Ferdinandi & Isabellæ nomina reperiuntur. At si impares sunt, nomen mariti præteritur. Unde Henrici & Mariae nomina combinata in actis & Edictis Scotiæ nusquam inveniuntur. Maritus E. Reginae hereditariæ non obstante characterē suo ejusdem est subditus, si simul Rex non sit; si verò pares sunt, nec Rex Reginae, nec Regina Regi subdita.

§. 27. Oppositus conjugio *Calibatus*, & damnosus, si totam spectes rempubl. at si membra nonnulla, Milites, Cleri-

Clericos; Servos; expedire eum volunt Reip. Milites enim & Clericos ali ex patrimonio Reip. quod per numerum liberorum magis gravaretur. Servi ex patrimoniis privatorum aluntur; & si liberos habeant, quamvis fideles sint, nihilominus tamen aliquid, vel orando etiam, acquirunt; & ita patrimonium privatorum minuuntur. *Dn. Becman. Polit. paral. c. 7. §. 9. Grotius l. 2. c. 2. §. 21. n. 1. ita: Sine foemina aetatem agere etsi humana natura non omnino repugnat, tamen natura plerorumque hominum. Quare facultas comparandi uxores adimi viris non debet.* Et hinc nemo ad cælibatum cogendus, quia non nisi excellentibus animis convenit. *Conf. I Corinth. 7.* notandum & hoc, illos, qui cælibatum profitentur, aut qui paulatim ad senectutem cælibes perveniunt, in Germania vocari *Hage-Stolzen*: quasi in soli-sibi-placencia superbi, in sua superbia sese delectantes. Propriè *E. Hagestolzi* dici nequeunt, qui

#### 44 INTROD. IN DOCTR. POLIT.

qui propter mentem non sanam, incurabilem morbum, clericatum, aut nimiam inopiam, uxorem invenire nequeunt nec ducere possunt. Sed qui per superbam separationem, uti vox indicat, & sibi placentiam à conjugio quasi abhorrent. Arcebantur à veteribus ab honoribus Reip. ipsa appellatio ignominiosa habebatur. Ex communi recepta consuetudine annus 50. constituit. Hagestolziatum; uti in Ducatibus Brunsvicensi & Wolffenbutelano; amittunt jus & potestatem testandi, & bona Hagenstolzii inter illa recensentur, quæ indignis auferuntur. In nonnullis locis tantum bona acquisita, non vero hæreditaria magistratus sibi vindicat. *vid. Lübeckische Rechte | lib. 1. tit. 10. art. 6. & Mevium ad illud, ut & in Decis. p. 6. decis. 235. Latè & ex professo, de Jure Misogamorum, vom Hagestolgen Recht | Schottel. de singul. & antiq. German. jur. cap. 1. tot.*

§. 28. Dissolvitur conjugium morte,  
Rom.

*Rom. 7. v. 2. l. 1. ff. de divort. & divortio;*  
 est enim quidem individua vitæ consue-  
 tudo & necessitas, sed intentione, ani-  
 mo & voto. *Matrimoniorum terminum;*  
*qui omnia similiter solvit, expectat mors.*  
*Nov. 22. c. 20.*

§. 29. Divortii causæ *Adulterium & malitiosa desertio.* Hæc enim evertunt naturam & substantiam matrimonii (1.) procreationem sobolis, (2.) mutuum adjutorium. Et ad has causas in verbo Dei expressas, nulli licuisse alias adjicere, fortiter defendit Beza; *de repud. & divort. p. m. 230. & seqq. Conf. Dn. Lincken. Antecess. Aildorffin. diff. de usu divort. ex divin. human. jur. tot. Sterilitatem all. Beza p. 258.* pro causa non agnoscit, eo quod sit vitium occultum, & cui sæpe Deus remedium tunc attulerit, quum prorsus desperatum videbatur. Initio tamen hujus sæculi 1600. illustre divortium ob sterilitatem factum inter Henric. IV. Reg. Gall. & Margaretam antecessoris ejus  
 Henrici

Henrici sororem. Et à Pontifice M. Clemente IX. divortium publicatum. Legimus ipsam Reginam libello supplice à Pontifice M. matrimonii dissolutionem ultro petiisse, ob defectum lineæ masculinæ, & periculum litium de futura successione. *vid. Gramond. ad an. 1615. lib. 1. p. m. 79.* An præter dictas duas causas, aliæ non sint admitrendæ, dubium ferè reddit argumentis subtilissimis Boeckelmannus, *disp. Inaug. Heidelb. hab. meditat. penult. De Impotentia Conjugali*, & quid ob eam justum *vid. Exc. Dn. Simon. Tr. de Impot. Conjug.*

§. 30. Quid dicendum de *Complexibus Illegitimis*, an prætextu amoris defendi possint? Resp. Negamus, & illegalitatis ratio ex sequentibus rationibus specialibus apparebit; Namque (1.) *Stuprum* est contra dignitatem hominis. (2.) In *Adulterio* non tantum scor- tando peccatur, sed etiam fides publicè data læditur, frangitur, omnisque ordo

ordo in vita sociali turbatur. (3.) In *Incestu* item peccatur scortando, & quidem cum violatione jurium sanguinis. (4.) *Concubitus cum masculis* evertit genus humanum, dum nulla proles ex eo exspectari potest. (5.) In *Sodomia* seu commixtione cum bestiis, homo prorsus naturam suam abjicit, & genus humanum evertit. Imò genus humanum obbrutesceret. Et hinc etiam posteriores hæ species omnium gravissimè meritò puniuntur.

## CAPUT IV.

*De Societate Paterna.*

## §. I.

**A** Nuptiis ad parentes & liberos ex nuptiis natos descendo, de his pro instituti mei ratione verba facturus. Inter Parentes verò & liberos versatur *Societas Paterna*. Parentes sunt personæ aliud suæ naturæ simile generantes.

§. 2. *Officia autem Parentum*, quæ  
ex

48 INTROD. IN DOCTR. POLIT.

ex amore, quo in liberos, tanquam suorum corporum partes, feruntur, descendunt, sunt; Liberos alere, nutrire & conservare, educare. Qui enim voluit antecedens productionem sui similis, fertur & necessariò in consequens, scil. illius conservationem. Naturalis stimulus parentes ad hoc hortatur. *l. un. §. 5. de R. U. act.* Itaque Matres tenentur prospicere parvulis, & nisi necessitas aliud suadeat, uberibus suis lactare; quia lac & spiritus maternus longe magis, quam alius & ingenii & corporis incrementa augere dicitur. Et hinc sua laude non defraudanda, Maria Ferdin. I. Imper. Filia, quæ filiolum Carolum Fridericum, Cliviæ hereditarium Ducem, propriis uberibus nutrit.

§. 3. Etiam pro salute liberorum Parentes sint solliciti magis, quam propria, *l. 8. §. fin. ff. quod met. caus.* per liberorum corpora terrentur, læduntur, §. 2. *l. de injur. l. 1. §. 5. ff. eod. patiuntur,*



tiuntur, §. ult. *I. de nox. act.* Unde Paternum officium in omnibus tueri filios, nec indefensos relinquere, *arg. l. 30. ff. de admin. tut.* excusantur, si percussorem filii occiderint. *l. 3. ff. de 7. & 7.* Juliani effatum est: ad Patris officium pertinet, filium suum in omnibus tueri. *l. 17. §. 18. ff. de injur.*

§. 4. Item tenentur parentes instruire liberorum animos i. e. tenentur illos docere vel per se, vel per alios summa religionis capita, utpote sine quibus non humanam, sed bestiarum viverent vitam. Idque etiam in Ecclesiis nostris spondere solent Patres lustrici, seu Susceptores una cum parentibus, quod, in eum eventum, si parentes in eo sint negligentes, hoc sibi curæ esse velint.

§. 5. Insuper obstricti parentes, ut certo alicui vitæ generi, *studiis, militiæ vel opificio*, unde non inhoneste, & prodignitate sua victum & amictum parare possint, filios addicere. Non vero

C

ad

§0 INTROD. IN DOCTR. POLIT.

ad certum vitæ genus adstringere possunt; quia est pars libertatis naturalis, non tantum sentire, quid intellectui conveniens sit & esse videatur, sed etiam vitæ genus, in quod maximè propendamus, eligere. Et contrarium si accidat, tristitia effecta nonnunquam sequi solent. Filias quoque in his, quæ sexum fœmineum decent, instruant, vel instrui, ceu par est, curent. Quia liberi non solum parentibus, sed & reip. nascuntur: hinc laudabiliter, à parentibus capaces studiis literarum adducuntur; ut & literati cives reip. fistantur. Indicat hoc Cic. dum ait: *Non nobis solum nati sumus, sed ortus nostri partem patria, partem parentes vendicant, partem amici.* de Offic. lib. 1. Si parentes Eruditi & literarum Heroes; cavendum, ne filii spe nominis, quod in heroum & magnorum virorum filiis nonnunquam accidere videmus, corrumpantur.

§. 6. *Bona quoque Parentum liberis debentur.*

*debentur*; & ad colligendas opes illi sunt obstricti, ut vivis & mortuis parentibus habeant, unde vivant. Succedunt itaque vel ex testamento, vel ab intestato. Hæc Successio est vel *equalis*, quando liberi de Jure privato, Romano, in æquas partes succedunt, hoc enim jure inæqualitas odiosa. Vel *Inæqualis*, quando unus liberorum plus reliquis accipit, quæ inæqualitas præcipuè locum habet in Familiis Illustrissimarum & Nobilium, in quibus *jus primogenitura*, quod est sortis naturalis genus, obtinet. Id juri divino & naturæ congruere verissimum, per ea quæ tradit *Tiraquell. de Jur. Primogen. in præfat. n. 2. & 39.* estque præprimis introductum ad conservandam dignitatem & splendorem Familiarum. Familiæ enim Illustræ per nimias divisiones dispersæ vilescerent, tandemque præter nomen dignitatis nihil retinerent. Nihil etiam tam magnum, quod divisione parvum non fiat. *Bald. in auth. hoc amplius. C. de fideicom.*

## 52 INTROD. IN DOCTR. POLIT.

§. 7. Quam maxime in Regnorum Successionibus ab omni ævo hoc jus usurpatum, ut non omnibus liberis ex æquo, sed uni tantum dignitas cum successione cederet. Vis enim unita fortior & distracta debilior. Et infinitas has ex divisione hac secuturas partitiones, dignitates non admittunt; cum eas magis augeri, quam minui deceat. *l. 19. ff. de offic. presid.* Et impossibile, in exiguis partibus, Regis Majestatem & splendorem tueri. Imò filiis successio hæc debetur, licet filia sit primogenita, ob præstantiam sexus.

§. 8. Ultrogenitis vero constituuntur *Apanagia*, quandoque in pecunia numerata seu in redditibus annuis, quandoque in certa Provinciæ portione, vel in aliquo feudo. Hocque suadet ipsa æquitas & naturæ lex, ut ex bonis parentum filiis postgenitis alimenta decernantur. Quantitas autem determinanda ex analogia juris, secundum dignitatem natalium, & provinciarum ampli-

amplitudinem; & qua postgeniti ex familia principali Principis vitam agere & familiae splendorem conservare possint. Damit sie sich ihrem Standt gemäß halten / und ihre Fürstliche Reputation manuteneiren mögen. *Vid. Myler. ab Ehrenbach. de Princip. & Stat. Imp. p. I. c. 22. Rumelin. ad A. B. part. 3. diff. 5. §. 12. & Myler. ibid. in addit. diff. de Jure Apanagii. Argentor. an. 1670. hab. in decad. 1. diff. inaug. 7. Excludi E. penitus nequeunt, quia jure habendi gaudent, licet jure utendi, quod per primogenitum suspensum, destituantur.*

§. 9. Nec propterea regna in hereditate sunt; sed hereditaria regna dicuntur ad discernenda illa ab *electivis*, in quibus populus jura sua transfert in personam; in illis verò, *hereditariis* nempe, in familiam. Nec *successio hereditaria* locum habet, sed *linealis*, quæ in hoc consistit, ut omnes, qui ab auctore stirpis regnatricis descendant, veluti li-

#### §4 INTROD. IN DOCTR. POLIT.

*neam quandam perpendicularem intelligantur constituere, quarum qualibet regno prior, prout quisque in eodem gradu sexus, deinde atatis prerogativa potior. Nec prius ad aliam lineam regnum devolvatur, quam omnes ex prioris linea fuerint extincti, vid. Pufendorff. d. 7. N. & G. lib. 7. c. 7. §. 13. Doctorem nostrum Dn. Becman. consp. Doctr. Polit. cap. 9. p. m. 51. Grot. lib. 2. c. 7. §. 22. & Diss. nostram Inaug. de Conjug. Princip. cum Subdit. c. 2. §. 2. Et Liberi succedunt parentibus, non jure filiationis, sed jure primatus in familia.*

§. 10. Porro in regnis successio duplex obtinet: *Cognatica*, qua masculi & foeminae æque admittuntur, ita tamen ut foeminae & ex iis nati, masculis eorumque natis postponantur. *Grot. lib. 2. c. 7. §. 22.* Et talis successio in Anglia, Suecia, Dania, Hispania & Portugallia obtinet. In his duobus posterioribus regnis ita limitata; ne foeminae exteris nubant, sed indigenis.

Vel

Vel *Agnatica*, marium ex maribus, in Francia usitata, ex ratione, ne regnum unquam per foeminarum connubia in peregrinorum manus veniat. *Grot. cit. l. §. 23.* Cœpit in Gallia ex *Lege Salica* i. e. aulica, à *Sale* i. e. aûla ita dicta, quæ tamen ab Anglis in dubium vocatur.

§. II. Excluduntur à jure Succedendi (I.) *Liberi naturales*, seu *nothi*, quia (1.) non tam generandi, sed libidinis causa parentes coivisse censentur; dum horum matrem pater justo matrimonio dignatus non fuit, & pro instrumento magis defultoriæ libidinis, quam sociæ vitæ habuit. (2.) Inter generosas gentes ad contemptum patent. *Grot. l. 2. c. 7. §. 16.* (3.) Proles ex delicto nata. (4.) Quia minus certi, in Regnis verò quam maxime expedit personam regis esse venerabilem & certam, ad vitandas controversias & tumultus. Et hinc est, quod in quibusdam regnis aperto in conclavi reginæ pariant, ne partus

56 INTROD. IN DOCTR. POLIT.

fingi & supponi credatur. *Coronam* verò  
*semel susceptam omnes omnino defectus*  
*tollere*, à J<sup>C</sup>tis Anglicanis annotatum.  
*vid. Camden. ann. Elisab. ad An. 1559:*  
*fin. (II.) Adoptivi, (I.)* quia nobilitas  
 generis vere regii magis reverendos  
 efficit reges, majorque de iis spes con-  
 cipitur, quod similes sint futuri virtu-  
 tibus illis, ex quorum sanguine pro-  
 creati. *Est in Juvencis, est in equis*  
*patrum virtus, nec progenerant aquila*  
*columbam.* (2.) Quia in naturalem re-  
 gis stirpem populus regnum contulit,  
 hacque deficiente ad se voluit redire  
 facultatem, de futura regiminis forma  
 disponendi. *Grot. all. loc. Pufendorff. l.*  
*7. c. 7. §. 12.* Liberi verò naturales per-  
 sonarum illustrium pro nobilibus ha-  
 bentur; cum alias nobilitate ac digni-  
 tate paterna non gaudeant.

§. 12. Liberi etiam *Parentum con-*  
*ditionem* sequuntur, jure repræsentationis.  
 Ita ut parentis nobilis filius sit  
 nobilis, nisi jura & consuetudines aliud  
 velint.



velint: Uti in Anglia, solum primogenitum in parentum jura succedere, ita ut reliqui saltem in spe his fruantur, fertur, & quidem ob conservationem familiarum, *de qua in preced.* In Imperio nostro Procerum Liberi statim atque nati Parentum dignitate fruuntur, ac proinde Duces, Principes, Marchiones, Comites vocantur æque ac ipse pater, quia non tam parentibus nascuntur, quam imperio. Non tamen *in officiis*, quia actus Personales personam non excedentes. Nisi sint *officia hereditaria* ex voluntate reip. Ut in Japania & China hujus successionis in officiis inter privatos tanta necessitas, ut nunquam liberi aliud vitæ genus amplecti possint, quam quale parentes habuerunt, e. g. Sutorum & Sartorum filii, non nisi Sutores & Sartores fieri possunt. Huc trahenda, quæ leguntur de Linteonibus & Figulis *Chron.* 4. *vs.* 21. 23. Nec *in pœnis*; quæ suos debent tenere autores, actus enim personales.

58 INTROD. IN DOCTR. POLIT.

sonales. Et liberi propriè non puniuntur, si se miseros ob parentes spectare debent, sed *infortunium* patiuntur.

§. 13. Pro innato hoc amore, Parentibus competit *Patria potestas*, eminenter Patri, ob sexus eminentiam & quia caput familiæ, competens. Est vero jus regendi & animadvertendi in liberos. Et quid æquius quam ut is ei, à quo vitam & conservationem accipit, quoque se accomodet.

§. 14. Ex Lege XII. Tabb. hæc potestas nimis rigorosa fuit, habebat enim pater in filium *jus vite & necis, terque eum venundandi. l. II. ff. de lib. & posth. l. 3. §. I. de Cap. dim.* Sed asperitatem hanc, & imperium hoc, quod extra omnem sphæram Imperii privati est, nova hominum conversatio correxit, ut loquitur Imper. §. ult. *I. de noxal. act.* in omni enim imperio requiritur rationabilitas, & officium parentis in pietate, non atrocitate, consistere debet. *l. 5. ff. ad L. Pompej. de parric.*

*parric.* Filium E. delinquentem pater non occidere, *l. un. C. de his qui par. vel lib.* sed ad judicem, ut de causa cognoscat, deferre tenetur. Moderationem hanc in imperio quoque requirit Paulus *Ephes. 6. vers. 4. coll. cum Coloss. cap. 3. v. 21.* Nec libertatem ei eripere aut eum vendere, *l. ult. C. de patr. pot. l. 1. C. de par. qui fil.* (nisi *sanguinolentum* i. e. recens natum, ob famem, *l. 2. eod.* ipsius scil. pueri, non patris, *Gothofred. ad dict. l. 2.*) nec oppignorare, *l. ult. ff. l. 6. C. quæ res pign. exponere, tit. C. de infant. expos.* abdicare seu domo potest ejicere, *l. 6. C. de patr. pot.* quæ similiter parentibus, Jure Civili, jure hujus potestatis competant in bona liberorum, præter Jctos magno numero *vid. Tabor. diss. de Patr. potest. part. 1. c. 3.*

§. 15. Durat tamdiu patria potestas, quamdiu liberi ob defectum judicii, vel necessitates privadas in familia parentum degunt. *Grot. lib. 2. c. 5. §. 2. n. 1.*

## 60 INTROD. IN DOCTR. POLIT.

& cum eo Politici, tria liberorum tempora distinguunt: (1.) Vocant *Tempus imperfecti judicii*, quo omnes liberorum actiones dominio parentum subjiuntur. Est etiam naturali rationi conveniens, ut, qui se ipsos regere nequeunt, ab aliis regantur. (2.) *Tempus perfecti judicii*, sed quo filii adhuc manent in familia paterna, (3.) *Tempus perfecti judicii*, quo liberi ex familia paterna egressi. Et ex hoc tempore, licet absolute non pareant amplius, honorem tamen & reverentiam parentibus debent.

§. 16. Terminus imperfecti judicii, æque ac terminus pubertatis à natura non est determinatus; à legibus humanis E. aliquem poni in vita sociali oportuit, ad evitandam confusionem. Unde à nonnullis annus 30. alibi 21. communiter 25. determinatus. In Electoribus vigore A. B. est annus 18. in Rege Romanorum de annis nihil determinatum, unde & hodiernus Rex Roma-

Romanor. Josephus I. ante 18. electus. Accedit etiam quod ipsa qualitas Regis Romanorum nihil importat, quam certum successorem. Sic Henricus IV. anno ætatis V. designatus Rex Romanorum. In Regibus Suediæ & Daniæ annus 20. ex constitutionibus & consuetudine regnorum. Singulare est, quod Reges Sueciæ tempore minorennitatis se reges hereditarios scribant, post coronationem verò non. Sic Christina se scripsit Principem designatam hereditariam. Reges Galliæ & Hispaniæ anno ætat. 14. coronantur, itidem ex mera constitutione regnorum.

§. 17. Injurii in Deum sunt illi parentes, qui vel propter *numerofam prolem*, vel etiam ob *nullam* murmurent & impatientes sunt. Et quamvis numerosa proles Familiis privatis non nunquam incommodo sit, est tamen benedictio divina reip. Item illi parentum gravissime peccant, qui Deo diffidentes, legitimos amplexus averfantur,

## 62 INTROD. IN DOCTR. POLIT.

tur, aut non vivum, aut vivum embryo-  
nem, saltatione, equitatione immode-  
rata, purgationibus, sanguinis missio-  
ne, poculo abortivo enecant, aut emit-  
tunt. Olim scœmina, quæ clam partum  
vivum occiderat, viva in terram de-  
fodiebatur, & acutus stipes per mediam  
adigebatur. Hodie vel gladio punitur  
vel aquis suffocatur. *vid. Const. Carol.*  
*crim. art. 131.*

§. 18. Alterum subjectum societatis  
paternæ sunt *Liberi*, à parentibus ad  
similitudinem naturæ suæ generati, &  
educati, consortes eorundem sacro-  
rum, ejusdem nominis, agnationis,  
civitatis, dignitatis, & bonorum, uti  
in §§. *præc.* vidimus. Pro quibus sum-  
mis beneficiis, o utinam liberi pa-  
rentibus debitam referrent gratiam,  
secundum præceptum & benedictionem  
divinam, *Exod. 20. v. 12. Honora patrem*  
*& matrem, ut sis longævus in terra,*  
*quam dominus Deus dabit vobis. ad.*  
*1 Timoth. 5. & rectam rationem, quæ*  
*dictitat,*

dictitat, ut parentibus pareamus, *l. 2. d. 7. & 7. pietatem debitam præstemus, l. 10. de obseq. par. sanctam & honestam personam habeamus, l. 9. eod. veneremur, obsequamur, iis ex naturali ἀντιπελαργία beneficiamus, provideamus, Hug. Grot. lib. 2. cap. 7. §. 5. Enenckel. de Privil. lib. 7. c. ult. eorum salutem propriæ anteponamus, arg. l. 1. §. 28. ad Sc. Syllan. memoriam piè celebremus. Et eandem pietatem præcipit jus civilis arg. tot. tit. Cod. de obseq. parent. præst. jubetque, ut parentum dicto liberi sint audientes. l. 4. de R. 7. Exemplo præluxit Regum prudentissimus Salomon 1 Reg. 2. v. 19. Venienti matri surrexit, adoravit eam civiliter, & fedit super thronum suum, positusque est thronus matri Regis, quæ sedit ad dextram ejus. Sed dices, repulsam tamen matri dedit, *vers. 22.* Resp. rectè, quia petitum erat contra statum publicum. Similiter & Christus Matri, quod petebat, denegavit. *Joh. 2. v. 11.**

v. II. Illustre & æterna laude dignum, quod in historiis annotatum inveni factum, Casimiri Marchion. Brandenb. qui decrepitum cœcumque patrem, ne pedem offenderet, manu duxit, eique pro famulo ministravit: ut proinde rectissimè ipsi *Scipionis Pii* cognomen à posteris sit datum. Et pietas Georgii I. Elect. Saxon. qui ad contestandam filialem reverentiam in matrem Sophiam, nummos, cum hac inscriptione cudi curavit: *Ut Salomon, sic ego Matrem*. Et profectò si inter parentes & liberos nulla fiducia esset, nusquam amplius quæri posset, cum vinculum inter parentes & liberos naturale sit, reliqua verò omnia externas causas habeant. Si pater & mater simul justum quid mandent, patris mandato standum, quia caput familiæ est.

§. 19. Boeclerus *ad Grot. lib. 2. c. 5.*

§. 6. Obsequium parentibus debitum, duobus modis notabiliter limitat: (1.)

Per ordinem Juris naturalis naturalem, quo,



quo, Deo debita anteponuntur iis, quæ hominibus debentur. (2.) Ex ordine ad civilem societatem relato, quo quæ Civitati seu Reip. debentur naturaliter, anteferuntur iis, quæ liberi parentibus debent.

§. 20. Alias in casibus hujusmodi dubiis, si pater & filius, pater & mater, uxor & filius, in æquali periculo vitæ versarentur, præferendus is, in quo potior & justior causa amandi est. Quid si uxor sit plane morosa, inutilis, filius verò bonus, morigerus & optimæ spei, cui in periculo vitæ succurrendum potius? Respondent Moralistæ, filio salva conscientia succurri posse hoc casu, dimissa uxore. In foro verò soli sine dubio arbitrariè puniretur, vitandi majoris mali causa.

§. 21. Reverentia & obedientia illa, quam liberi parentibus debent, aliquo modo per dignitatem præprimis publicam, tanquam lumen majus, tegitur, ita nempe ut filio, in dignitate consi-  
tuto,

## 66 INTROD. IN DOCTR. POLIT.

tuto, pater publice cedat, quia privata dignitas publica tegitur. Et ideo Fabius Gurges teste *Plutarch. in Fab. Max.* cum Consul esset, & Patrem Proconsulem sibi obviam haberet, jussit patrem equo descendere, & pro more peditem ad se venire. Exemplum omni exemplo majus Ptolomæi Lagi Regis Ægypti, qui regno abdicato filii satelitem egit. *Justin. lib. 16. cap. 2.* Et graviter ô πᾶν Grotius de *J. B. & P. lib. 2. c. 5. §. 6. Regum actus irritos dici, eo nomine non posse, quod parentes habeant.* add. Boecker. *ibid. in nott.*

## C A P U T V.

### *De Societate Herili.*

#### §. I.

SUCCEDIT dominica societas s. herilis, quæ est inter dominum & servum. Bene enim constituta œconomia his carere nequit, nam cum Patres-familiarum nec ubique ac semper in persona

persona omnibus rebus & negotiis præesse possint, utile est habere personas, quotidianas operas in re domestica & familiari præstantes i. e. servos.

§. 2. Ad liberandam vocem *Servitutis* ab æquivocatione, dicimus servitutem esse vel *naturalem*, vel *legalem*. *Natura servi* dicuntur, qui se ipsos regere nequeunt, vel qui minus ingenii, licet plus roboris habent. Quo intuitu barbaros natura servos esse, & ideò libenter ferre dominatum, eo quod sciant obedire, sed non imperare, ait *Aristot.* *Legi servi*, qui se regere nequeunt ob defectum fortunæ, adeoque vitam suam ad nutum arbitriumque dominorum componere coguntur, præstantes dominis operas quotidianas; & de his nobis sermo.

§. 3. Et quanquam hæc sit species subjectionis ignobilissima, & natura omnes nascamur liberi, jure gentium tamen usu exigente & humanis necessitatibus, illam introduci oportuit; quia  
alia

alia conservationis nostræ ratio non apparuit, dum ingenia sunt, quæ sibi consulere non possunt, & qui continua aliorum opera egent. A maledictione Noachica *Genes. 9.* ortam esse, firmiter concludi nequit. Prima quidem mentio fit, à qua tamen ad institutionem primam argumentari non possumus. Et verba illa, *¶ s. 25. maledictus Cham, esto servus servorum*, intelligi possunt de servitute civili, quod omnes posterì Chami, subiecti esse deberent fratrum imperio. *Vid. Piscator. ad hunc loc. in explic.* Et etiam animadvertum, Chami posteros nunquam stabile imperium condere potuisse, Abyssinis exceptis, quia semper veræ religioni studuerunt.

§. 4. Porro Servi aut nascuntur aut fiunt: nascuntur ex ancillis, sequunturque ventrem seu ancillam, ex qua nati. *l. 5. §. 2. de stat. hom. conf. Grot. l. 2. c. 5. §. 29. num. 2. & lib. 3. c. 14. §. 8. num. 1.*

§. 5. Fiunt

§. 5. Fiunt (1.) *Pactione*, si homines sponte se subjiciunt, & hujus subjectionis species venditio, cum liber homo justæ ætatis se venundari patitur precii participandi causa. §. 4. *I. de jūr. person.* (2.) *Captivitate*, hanc enim victi præ morte libenter eligunt, quamvis libertas alias bonum inæstimabile, vita tamen potior. Requiritur verò, ut fiat in justo bello, non per rapinam s. raptum, quod nullum jus capienti tribuit, nec etiam captivos obligat, sed salva conscientia aufugere possunt. (3.) *Delicto*, quales hodiè condemnati ad triremes, aurifodinas Americanas & Peruanas, in ditionibus Austriacis ad fodinas mercuriales.

§. 6. Consequens hujus subjectionis est, quod jus consequatur dominus in *Personam* & *res* servi. Jure Romano, servi nihil sibi acquirere potuere, sed quicquid acquirebant, domino cedebat. Rebus æquiparabantur: in muneribus & actionibus civilibus pro nullis habere-

habebantur. Nec injuriarum capaces habiti, nisi ex persona domini. In servos jus vitæ & necis compete-  
bat, ad coercendam tum temporis magnam  
servorum malitiam. *l. 1. ff. de his qui sui  
vel al. jur: sunt. §. 1. l. eod. vid. Dn.  
Servu. Ex. 3. th. 5. & seq.* Verum hæc  
crudelitas, ut & cætera, in bene con-  
stitutis rebus publ. semper temperata,  
& temperari debuerunt; quia nulla ratio-  
ne jus hominis à servo tolli potest. Et  
quia servitus statui hominum privato  
tantum adæquata, jura etiam, quæ ex-  
tra sphæram imperii privati sunt, tolli  
debuerunt. Nec servum captivum domi-  
nus occidere potest, quia, dum servi-  
tutem obtulit, veluti ex pacto statum  
mutavit ac juri occidendi renunciavit.

§. 7. Humaniter E. servum habere  
debet, sævire in eum domino non per-  
mittitur, sive gravi, sive levi causa. §. 2.  
*l. de his qui sui vel al.* Nec ad inhone-  
sta servitia adigere potest, quia non  
tantum viribus humanis majora, sed  
etiam

etiam humanæ conditioni repugnantia. Et si fiat, fugere potest, quia *servitus est calamitosa* i. e. ultra humanum modum extensa. Reverti verò debet si constiterit dominum animum mutasse, nexus enim manet, & actus imperii saltem suspensi, salvo jure imperii. At si de constanti iracundo animo constet, nexus tacitè tollitur. Aliqua etiam acquirere permittendum, præsertim quæ sine præjudicio operarum præstandarum acquiri à servo possunt.

§, 8. Denique servitus dispescitur in *Perfectam*, qua ad perpetuam operam præstandam pro alimentis & aliis vitæ necessarijs, obstricti sunt. Qualis superesse dicitur in Asia, Africa & America: & *Imperfectam*, quæ vel *in diem*, vel *sub conditione*, vel *ad res certas*, qualis est mercenariorum & nostrorum servorum. Et in Veteri Testamento *Hebræorum* tempore septennii limitata. Libertas verò in septimo anno sperata duobus incommodis erat gravata: nam  
aut

aut deferenda erat uxor tempore servitutis ducta cum liberis, aut promissio facienda perpetuæ servitutis. Prioris ratione dominus jure suo fraudaretur. Posterioris ritus, erat perforatio auris ad postes januæ, tum in signum promptitudinis ad excipienda mandata domini, tum etiam in signum obligationis ad domum istam, ad quam introitum habebat per januam. *Exod. 21. v. 2. & seq. add. Piscator. ad h. loc.*

§. 9. Modi hujus *Imperfectæ Servitutis* in infinitum extenduntur; gradus quoque habent, alios servituti perfectæ proprios, alios remotiores. In *hominibus propriis* vestigia servitutis, quales in Episcopatu Monasteriensi, Comitatu Ravensburgico, Bentheimensi &c. & proximè quidem absunt à servitute perfectæ, sed verè mancipia non sunt; habent enim aliquid proprii, sibi que aliqua acquirere possunt. *Vid. Dn. Bucksulber, diss. Inaug. de homin. propr. tot. Duisburg. An. 1684. habit. Stamm.*



## CAPUT VI. 73

*Stamm. de homin. propr. item in illis qui certa gleba ita sunt adstricti, ut invitis dominis nec secedere, neque etiam bona immobilia jure Mancipi possidere queant; & bona vocantur Schupflehen/ oder Fallgüter; quia non perveniunt ad heredes, sed mortuis possessoribus domino cedunt, & ab heredibus certo interveniente pretio iterum conducere debent. vid. D. Schottel. de Sing. & antiq. Germ. jur. cap. 18. vom Schupflehn Recht. Et ideo Schupflehn/ dici tradit; weilien die Erben davon geschupfft werden. Et Fallgüter/ weil sie allemahl dem Herren wieder anheim fallen. Conf. Lehman. Chron. Spir. lib. I. c. 2.*

## CAPUT VI.

*De Familia & Collegiis.*

## §. I.

**E**X Societatibus simplicibus, conjugali, patria & dominica, oritur  
D familia,

## 74 INTROD. IN DOCTR. POLIT.

*familia*, quam hic sumimus pro conso-  
ciatione hominum domesticorum, sub  
eodem tecto viventium, imperio unius,  
usus quotidiani gratia, devinctorum.

§. 2. Communi etiam & latissimo  
sensu *Familia* vox notat omnes homi-  
nes, etiam plurium familiarum, qui  
ex una domo & gente (scil. speciali)  
prodierunt. *vid. l. 195. §. 4. de V. S.* Sic  
dicebantur olim *Familia Julia*, omnes  
ii, eorumque familiae, qui à Julio pro-  
dierant, ut erant familiae *Mentonom*,  
*Cæsarum* & aliorum. *vid. Tabor. Race-*  
*mat. crim. definit. ad tit. si famil. furt.*  
*fecisse dic.* Et Germanis usitatissimum,  
in eodem sensu usurpare vocem, *hauß*  
pro *geschlecht*. v. g. *das Hauß Sach-*  
*sen* / *das Hauß Brandenburg* / *das*  
*Hauß Neuburg* &c. Et his Familiis  
maximum addit splendorem *Antiquitas*  
*meritis clara*; simpliciter enim conside-  
rata nihil addit, cum omnes commu-  
nem habeamus originem. Ut proinde  
non abs re cecinerit, quisquis ille fue-  
rit,

rit, Germanus:

Da Adam hactt / und Eva span!

Wa war damahl der Edelman.

Et huic festivè respondit Maximilianus

I. Imperat. cum Rhythmum hunc aliquibi legisset:

Ich bin ein Mann / wie ein ander  
Mann /

Nur daß mir Gott die Ehre gan.

Et quid multa, venerationem habet  
castellum & ædificium antiquum, quod  
nulla ruina invasit, imò annosa & pro-  
cera arbor solida adhuc & integra;  
quantò magis igitur antiqua & nobilis  
prosapia à fluctibus & procellis tempo-  
ris illæsa? *vid. Celeb. Dn. Becman. de  
Notis Dignit. Illustr. diss. II. cap. 2. §. 8.  
& 9.*

§. 3. Habita ratione acceptationis §.  
I. adductæ, ad familiam ad minimum re-  
quiruntur tres, Pater, Mater & his ob-  
temperans servus. Sed *an Liberi non  
sunt pars familiæ?* Resp. non esse partes  
familiæ, ut familiæ, quia non per li-  
beros,

76 INTROD. IN DOCTR. POLIT.

beros, sed propter liberos constituuntur familiæ. Ideoque requiruntur ad integritatem familiæ non essentialem, sed accidentalem. De Familia esse dicuntur, qui habitant in domo. Quod observandum in casu privilegii familiæ concessi. Familia enim privilegiati eodem quo Paterfamilias jure & immunitate utitur. *Mevius p. 8. decis. 243.* Nisi illam communi & latissimo sensu §. 2. adducto sumere velis.

§. 4. Sequuntur *Collegia*, ob meliorem ordinem & facilius expedienda negotia humana, inventa. Suntque legitima hominum, extra usum quotidianum, eadem professione aut officio junctorum confociationes. Qualia *Opificum*, ubi quilibet artificum habet rerum ad id pertinentium cognitionem. Germ. *Zünfte / zu sammentünfte / Gilden.* Et insuper à superioribus concessam condendorum statutorum ac ordinationum facultatem habent. Legibus tamen publicis non contrariari, vel

vel limites commissæ administrationis egredi, aut monopolii iniquitatem sapere debent. *Gail. lib. 2. obs. 20. n. 29.* Et ad præcavendos abusus statuta collegialia plerumque à Superiore confirmantur. *Gail. de Pace publ. cap. 6. n. 10.* Imò *Directores negotiorum* ad Collegium pertinentium dantur, & nonnunquam Senatus urbanus unum è membris suis ipsis adjungere solet.

§. 5. Utilitas Collegiorum Opificum ex eo apparet, quòd si liceret promiscuè opificibus sedem figere, numerus tandem in Civitate s. Republ. se ipsum everteret. e. g. si in loco, ubi 10. Sutores sufficiunt, 20. admitterentur, nemo eorum in vitæ necessariis sibi prospicere valeret.

§. 6. Ad constituendum in genere Collegium requiruntur tres ad minimum, unus vero jus Collegii tueri potest. *l. 17. §. 2. ff. quod cujusque un. nom. conf. c. 2. §. 2.*

§. 7. Formam collegii, collegarum  
D 3 inter

## 78 INTROD. IN DOCTR. POLIT.

inter se unio, & mutua obligatio secundum pacta conventa, absolvit.

§. 8. Geruntur & expediuntur in Collegiis negotia per *vota* seu *suffragia*. Est *jus suffragii* facultas proferendi sententiam de rebus ad societatem pertinentibus, cum aptitudine ad effectum. Et ex pluralitate seu numero æstimantur. *Pars enim major censetur habere jus & rationem integri*, Grot. l. 2. c. 5. §. 17. paria vota nullum habent effectum. Grot. all. l. §. 18. Et si in plures partes eatur, conjungendæ sententiæ, quarum altera partem alterius includit; separandæ, quæ toto cœlo differunt. e. g. Si 10. reum morte puniendum esse censent, 8. verò relegandum esse pronunciant, 6. vero vel etiam 10. reum absolvendum esse volunt; Reus morte puniri non potest, quia 8. eum relegari, & 6. vel 10. absolvi voluerunt, per consequens major numerus & plurima vota eò tendunt, quod in vivis relinqui debeat, sicque etiam hi prævalent

valent & aliorum vota suis includunt.  
*vid. Grot. l. 2. c. 5. §. 19. & adde sis Zie-*  
*gler. in not.*

§. 9. Quia etiam §. 4. diximus, Collegia esse *consociationes legitimas*, excluduntur Conventicula otiosa, commensationes, conspirationes, factiones & omnes contra decorum publicum conventiones, licet etiam sub prætextu quodam pietatis fiant & habeantur, in his enim nonnunquam, imò quam plurimum, contra veram religionem machinæ struuntur, & reip. inde periculosa confusio in religione vera creatur. Sciolos enim in Collegiis hisce pietatis, uti vocantur, invenimus, nescio quid non, sub pallio pietatis tegentes. Flocci faciunt, imò contemptui habent illos, qui ejusmodi phantasia pietatis non imbuti. Unde & laudabiliter à nonnullis Principibus Collegia hujusmodi pietatis, ob periculum, quod religio publica inde, & ipsa Respubl. metuebat, edictis publicis prohibita.

& hoc ipsum Lipsiæ factum memini, cum ibidem studiorum gratia hærebam.

§. 10. Insigniores Societates verbo addam, quales sunt: Fœdus Hanseaticum; Societas Mercatoria Viennensis, Societates Indiæ Orientalis & Occidentalis in Belgio. Societates Philosophicæ Virtuosorum in Anglia, & Naturæ Curiosorum in Germania, Gallorum, Danorum. Societates Philologicæ ad excolendam linguam Patriam, Germanorum, Gallorum, Italorum.

## C A P U T VII.

### *De Republica.*

#### §. 1.

**V**His jam societatibus privatis, ex quarum coalitione Civitas seu Respublica constituitur, & quas eminenter complectitur, ad ipsius Reipubl. considerationem progredimur.

§. 2. Dicimus cum Grotio *de J. B. & P.*



& *P. lib. 2. c. 5. §. 23. & prolegom. th. 21.*  
*Rempublicam esse Societatem perfectissi-*  
*mam i. e. omnia in se complectentem,*  
*quæ ad vitam rectè tuendam sunt ne-*  
*cessaria, ex consociatione multarum fa-*  
*miliarum in unam civitatem seu popu-*  
*lum ortam. Quam & lib. 1. c. 3. §. 7. n. 1.*  
*vocat cœtum perfectum.* Addens, nul-  
lam actionem humanam externam esse,  
quæ non ad hanc societatem aut per se  
spectet, aut ex circumstantiis spectare  
possit; *all. lib. 2. c. 5. §. 23.* Ordinem e-  
nim vitæ humanæ præstat & hinc, sicut  
nulla actio humana sine ordine esse po-  
test, ita & nulla est, quin hac de causa  
Reipub. subiaceat. Et porro *ultra eam*  
*nihil dari, quia in imperiis progressus in*  
*infinitum non datur, sed omnino in a-*  
*liqua persona aut cœtu consistendum*  
*est, ut subtiliter asserit Id. lib. 1. cap. 3. §.*  
*S. n. 4.* Nec perfectior aliqua societas  
fingi potest, quia perfectissimo dari ne-  
quit perfectius. Unde etiam est, quod  
ajunt; quod si accideret, ut totum ge-

## 82 INTROD. IN DOCTR. POLIT.

nus humanum in unum coetum redigeretur, coetum illum itidem non alium, quam Rempubl. fore.

§. 3. Quæ autem de perfectione dicta, humano modo & more accipienda, nihilque ultra humanum modum extendendum. Nec obstat, quod una altera sit perfectior, quia per accidens hoc evenit, non naturali perfectione. Et ad perfectionem sufficit, quod plurima vel saltem majora mala tollit, & ordinem præstat, ita ut quidlibet cuius arbitrio non sit permissum.

§. 4. De Origine Reipubl. eleganter disserit Cic. lib. 2. de nat. Deor. sequentibus: *Prima nempe in ipso conjugio est, proxima in liberis, deinde una domus, communia omnia: sequuntur conjunctiones fratrum, post consobrinorum, sobrinorumque; qui cum una domo jam capi non possint, in alias domus tanquam colonias exeunt: Inde igitur pagus, familiarum plurium compages. Inde porro civitas, ad cuius tanquam animalis politici*

tici constitutionem concurrunt pagi & familiae, natura duce in id inclinantes, ut cœtum faciant, & ex hoc perfectiores. Confer quæ de orig. vitæ socialis cap. 1. §. 7. & 8. diximus: nim. instinctum illum ζωὴ πολιτικὴ, seu propensionem illam in vitam socialem, quam Deus auctor omnis ordinis, hominibus indidit, homines excitasse, concurrente indigentia & insufficientia humana, studioque se conservandi, ad jucundam vitam socialem. add. Cyriac. Lentul. Polit. meridiat. part. anter. p. m. 147. & seq. it. 162.

§. 5. *Materia Reipubl. primaria*, est hominum civilis societatis capaciam multitudo. Urbes enim sine hominum cœtu non potuissent nec ædificari, nec frequentari, ait Cic. lib. 3. de offic. nec multitudo & quantitas civium nimium augeri debet, sed mediocris hominum quantitas non deficientium, quam ingens turba miscellanei cœtus, præstabit. Nam uti ingentis capacitatis navis

#### 84 INTROD. IN DOCTR. POLIT.

non facile gubernatur; ita turba multitudinis confusæ, nec ordine nec moribus, imperii meliorum patiens, se ipsam & rectorem evertit. *Secundaria est Territorium*; & licet primaria interdum sufficiat, ut in exercitu virorum, mulierum, puerorum novas sedes quærentium; item exemplo Israelitarum, in deserto veram rempubl. constituentium, territorium verò seu sedem reip. non habentium, patet; debet tamen tandem certum territorium constitui, ob certitudinem Reipublicæ. *vid. Hug. Grot. d. 7. B. & P. lib. 2. c. 3. §. 4. n. 1. Cyr. Lentul. all. Tr. part. anter. p. 186. & 195.* dum de migratione Israelitarum diximus, verbo adjicimus, lusum diaboli in imitanda hac migratione, peregrinatione 80. annorum *Mexicanis* in America injecta, institutis Sacerdotibus & Arca circumgestata, apud *Horn. diss. Histor. Polit. diss. 32. f. 327. & seqq.*

§. 6. Forma ex ratione Imperii seu Legibus fundamenta'ibus desumenda.

Hæ

Hæ enim sunt vincula quibus imperantes & parentes cohærent, & spiritus vitalis, quem tot millia trahunt. *Sen. de Clem. l. 4.* Et ab his pacata reipubl. administratio dependet.

§. 7. Coetus E. Latronum & Piratarum rempubl. constituere nequit, etiamsi æqualitatem aliquam inter se fervent, sine qua nullus coetus consistere potest, quia tantum criminis causa sociantur. *Grot. lib. 3. c. 3. §. 2. n. 1. Henning. in not.* Occasionaliter addenda opprobria ab Ætolis Romanorum reipubl. objecta apud *Justin. l. 28. c. 3.* Romanos pastores esse, qui (1.) *Latrocinio justis Dominis ademptum solum teneant.* Et qui (2.) *cum uxores propter originis dehonestamenta non invenirent, vi publica rapuerint.* Et (3.) *qui urbem ipsam parricidio condiderint, memoriamque fundamenti fraterno sanguine asperserint.* Ad hæc tamen responderi solet, & quidem ad (1.) ex *Grot. l. 3. c. 3. §. 3.* Latrones Civitatem constituere posse,

## 86 INTROD. IN DOCTR. POLIT.

si vitæ genus mutant. ad 2. & 3. itidem  
*ex Grot. l. 2. c. 5. §. 16.* indecen-  
 tiam non durasse in effectum. non o-  
 mnia, quæ in initio injusta & illicita,  
 irrita esse. Ætoli etiam deinde Ro-  
 manis fastus hujus pœnas dederunt,  
 exuti enim libertate & Principes capti-  
 vi abducti. *vid. Justin. l. 32. c. 1. & l.*  
*33. c. II.*

§. 8. Constituitur seu coalescit res-  
 publ. ex partibus *perfectis & imperfe-*  
*ctis.* Et distinctio hæc ad imitationem  
 anatomicæ distinctionis, qua corpus  
 humanum in partes perfectas & imper-  
 perfectas dispescitur, instituta. Imper-  
 perfectæ dici possunt societates privatæ;  
 perfectæ, pagi, vici, urbes, provin-  
 ciæ, singulæ singularem reip. imagi-  
 nem repræsentantes. *Pagus* constat ex  
 consociatione familiarum ruralium.  
*Civitas* ex commoditatibus, quibus in  
 vita humana indigemus, æstimari po-  
 test. *Vicius* mediæ naturæ, societate  
 rurali major, minora tamen commoda,  
 quam

quam civitas habet. Et in singulis hisce species Jurisdictionis remanet, quam respubl. alias sibi debitam per illos exercet.

§. 9. Discrimen inter *civitatem* & *urbem* tale formatur: per *Civitatem* ipsos cives, corpus hominum habitantium; per *urbem* civium habitationes, denotant. Hancque in rem notanda æquivocatio Romanorum, promittentium Carthaginem fore liberam, corpus civium Carthaginensium, non ipsam urbem habitationem civium intelligentium. *Flor. lib. 2. c. 15.*

§. 10. Excrefcentibus hominum malitiis, ut à latronibus & invasionibus hostium & injuriis ferarum eò securiores & tutiores essent mortales, mœnibus urbes circumdatæ. Simpliciter verò necessaria non esse, exemplo Lutetiæ Parisiorum, Londini, & in universum ferè Angliæ civitatum comprobatur. Item in Polonia & Suecia rarius muris cinctæ. *vid. Cl. Dn. Beckmannus*

## 88 INTROD. IN DOCTR. POLIT.

*manum Histor. Geograph. & Civil. p. I.  
c. 8. sect. 2.*

§. II. *Fortalitia* maximè necessaria sunt, ad defensionem contra hostilem vim & irruptionem. Et præprimis *limitanea*, quæ claves rerumpublicarum sunt, ut hostes ab ingressu regionis arceantur, & nosmet ipsi hostile solum facilius involare possimus.

§. 12. Plures etiam urbes iuncta societate in unam remp. coiverunt, idque vel pacto, vel jure belli, vel vi, ut eò securiores mutuo auxilio jure belli viverent. Et tales respubl. dicuntur confœderatæ sive unitæ. Illustriora exempla sunt Respubl. Helvetiorum, & Provinciæ Fœderati Belgii septem, & 77. Civitates Hanseaticæ. *vid. Schot-  
tel. all. Tr. cap. 26. §. 29. & seqq.*

CAPUT



## CAPUT VIII.

*De Majestate.*

## §. I.

**S**umma potestas, quæ in unaquaque Republica existit, & qua velut anima illa vivit, singulique consociantur in unum finem, vulgò & propriè dicitur *Majestas*. Alibi variato termino *Suprematus*, & vicino, *Superioritatis Territorialis* (quæ Principibus Germanici Imperii tribuitur. *Myler. ab Ekrenbach. de Stat. Imp. P. I. c. 14. §. II.*) nomine venit. *conf. infr. §. 54.*

§. 2. Ad clariorem lucem nominis, ne decipiamur ambiguo nominis sono, aut rerum externarum specie *Grot. de J. B. & P. lib. I. c. 3. §. 10.* monendum; Majestatem aliquando significare summam in Republ. dignitatem, externumque splendorem: eaque ratione soli Imperatori Romano, rectè tribui Majestatem, quia ipse caput Imperii, cui Principes

## 90 INTROD. IN DOCTR. POLIT.

cipes tanquam Membra assistunt, cui singuli Ordines Imperii nomine iuramentum fidelitatis præstant, quem & ut Vasalli Dominum, reverenter habent, & *Ihren allergnädigsten Kayser und Herren* vocant, tradit *Schvveder. Introd. in Jus Publ. Part. gen. c. 2. §. 19.* Splendor hujusmodi externus & verborum pompa in Titulis Veterum Imperatorum Roman. quoque deprehendi potest. *vid. l. 10. l. 14. §. 11. C. d. SS. Eccles. §. 11. I. d. adopt. l. 5. C. d. Emancip. lib. l. fin. C. de defens. civit. l. 11. C. de Cohortal. l. 1. C. quando Imp. int. pup. l. un. C. de novi operis nuntiatione.* qui non nisi ad conservandam & conciliandam sibi auctoritatem apud Populum, & exprimendam dignitatem & eminentiam suam adhibiti. Sic nomine tantum Reges fuere, Reges Spartanorum Veterum, auctoritate suadendi, non jubendi, præditi. Primi quidem erant in republica, verum suberant Ephoris. Facit verò  
splendor

splendor ille Titulorum, ut magnifice de Principibus sentiant subditi. *Rumelin. ad A. B. p. 3. diff. 2. §. 2.*

§. 3. Nos *Majestatem* in primaria significatione, & qualis ipsa in se est, nempe ut summam & eminentem potestatem, considerabimus.

§. 4. Unde verò Majestas producat & ortum habeat, in eo Eruditi non conveniunt. Tres præcipuæ sunt opiniones; Primam vid. ap. Grotium *de J. B. & P. l. 1. c. 4. §. 7.* secundam apud Dn. de Pufendorff *de J. N. & G. lib. 7. cap. 3. §. 3.* Tertia est Ziegleri, Hornei, Henning. & aliorum, *Deum causam immediatam & unicam Majestatis esse* asserentium. Nec instituti, nec officii mei erit, Summorum Virorum Opiniones examinare. Meam ergò, quam ex Doctore meo *Excell. Dn. Becmano*, hausi, brevibus proponam. Cum quo distinguere placet circa originem Majestatis inter causam *Externam s. primam*, quæ dat esse rei,

&

## 92 INTROD. IN DOCTR. POLIT.

& *internam* s. *proximam*, ex qua res fluit. & Deum, uti omnium rerum, sic quoque Majestatis causam esse, sed primam & externam, non internam & proximam, ex qua immediatè fluat, dicimus. Quemadmodum Deus causa immediata viroris in gramine, & tamen idem viror in ipso gramine causam suam internam habet. Ex ipsis juribus Majestatis hæc conspicua, quorum quædam nimis clarè, e. g. jus dignitatum, Jus Monetæ, Fœderum, commerciorum &c. causam suam extra Imperium Divinum habent. Quæ vero Jura habet Majestas extra Imperium Divinum, sine dubio habet à Republ.

§. 5. Nam uti Homines non Dei præcepto, sed sponte adducti, experimento infirmitatis familiarum, quæ hinc inde dispersæ, sicque à fortioribus violentis se facile opprimi posse viderunt, adversus violentiam talem, ut sibi remedia quærerent, & sufficientiam, quam nec à se ipsis, nec ab uno  
vel

vel altero expectare poterant, sibi præstare possent, societatem civilem s. rempubl. inierunt; Sic quoque jura eorum in unum complexum coaluisse censenda sunt, utpote sine qua societas inefficax fuisset. Et hic *complexus jurium*, meritò *summa potestas* inter homines dicitur, quia ultra id, quod omnes habent, non datur. Est insuper prima productio reipublicæ, ex cujus natura hæc non minus derivatur, ac jura singula ex singulis hominibus, qui iis gaudent, non à causa extrinseca, sed yî naturæ suæ, quia homines sunt. Nec possumus rempublicam, corpus artificiale, deteriori in loco habere, quam alia corpora naturalia & moralia, quæ sunt nulla, si non qualitatibus ex natura sua fluentibus, per quas operentur, instructa sint; Ita Resp. quoque, tanquam corpus morale, qualitate hujusmodi, per quam efficax sit, instructa esse debet: Illa verò est *Summa Potestas* s. *Majestas*, complexus omnium jurium,

94 INTROD. IN DOCTR. POLIT.

jurium, s. facultas exercendi jura singulorum, quæ in Rempublicam æque, ac se ipsos, homines transtulerunt.

§. 6. Unde & dicitur *Majestas* Reipublicæ ætuoſitas; qua omnia agere; jubere & prohibere poteſt; & quod vita in unoquoque vivente, id Majestas eſt in Republ. *Eſt ſpiritus ille vitalis, quem tot millia trahunt*, ut Seneca loquitur lib. 1. de Clement. c. 4.

§. 7. Et hinc in Sacris monumentis Imperium Politicum dicitur *Divina ordinatio* Roman. 13. v. 2. ſeq. Reſpectu divinæ ejus originis, & *Humana* 1 Petr. 2. v. 13. reſpectu ſpecialis jam dicti ortus. Grot. lib. 1. c. 4. §. 7. n. 3. & lib. 2. c. 9. §. 3. n. 1. Hanc ſententiam antea in diſput. ſub Præſid. prælaud. Excell. Dn. Becmani, de *Securitate Doctrin. Reform. Relig. de Magiſtr. Politico*, in Illuſtri Viadrina publicè ventilavi; eamque poſtea in Diſſert. Inaug. de *Conjug. Princip. cum Subditis*, cap. 1. §. 4. Duisburgi Civ. repetii,

§. 8. Ut

§. 8. Ut Majestati eò melius cautum sit, dictam translationem jurium *privative*, nulla juris parte retenta, & *irrevocabiliter*, uti pacta perfecta privatorum se habent, factam esse censemus, per ea, quæ Grotius tradit *lib. 1. c. 3. §. 9. & c. 4. §. 4.* Imò talem Translationem, qualem olim à Populo Romano, per celebrem Legem Regiam, factam legimus apud *Dion. Cass. lib. 53. vid. Dn. Becman. Medit. Polit. c. 12. §. 5. 6. it. Diss. de Lege Regia. & Diss. nostr. Inaug. d. c. 1. §. 5.* Quæ lex, licet temporibus Augusti nomen Regiæ non habuerit, propter invidiam nominis, cum Augustus etiam Dictatoris nomen edicto prohibuerit, & ne *dominus* appellaretur nudo pectore deprecatus sit; *vid. Sueton. in August. cap. 52. 53.* tamen ab effectu postea apud Jctos Legis Regiæ nomen obtinuit.

§. 9. Definitur itaque *Majestas*, quod sit summa & libera Potestas regendi Societatem Civilem.

§. 10. Di-

## 96 INTRODUCTION. IN DOCTR. POLIT.

§. 10. Dicitur esse *Potestas* (i. e. Imperium) non dependens, limitata & restricta; sed independens: *Summa*, quam Vir Summus H. Grot. de J. B. & P. l. 1. c. 3. §. 7. sequent. circumloquitur, *cujus actus alterius juri non subsunt, ita ut alterius voluntatis humanae arbitrio irriti possint reddi.* Et circumlocutio hæc est infallibile γνῶσιμα τῆς κυρείας. Est enim Majestas quid in se perfectum, utpote quod in se stat & subsistit, quod se ipsum absolvit, atque determinat, quod denique ipsum est, seque implet totum sui. Tanta igitur est potestas, quanta nunquam gaudet, nec gaudere potest Magistratus, etiamsi summus. Majestas enim à Magistratu discernenda, tanquam omnium Magistratuum causa, fons & scaturigo, & propterea ne dignitas quidem dicenda ea est, sed dignitatum omnium culmen, fundamentum & principium, quemadmodum nec stipes, à quo gradus veniunt, gradum facit. *Matth. Stephan.*



*Stephan. de Jurisdic. lib. 2. part. I. c. I. n. I. & seq.*

§. II. Impropiè hinc etiam Summi Principes Magistratus vocantur. Ex Majestate enim, tanquam Oceano, seu abyssò Politicæ Potestatis, (eo modo quo ex mari fluvii cuncti) per delegationes, Commissarios, Ordinationes, Investituras &c. omnis oritur Jurisdictio Magistratuum inferiorum: ad eandem redeunt, quemadmodum omnia flumina in mare. *Zieglerus de Jur. Majest. lib. I. c. 29. §. II.*

§. 12. Porro hinc vires mutuatur vulgatum illud axioma: Quod quamvis quis in amplissima forma investiatur, vel Jurisdictio concedatur, nihilominus tamen Superiorem Jurisdictionem concedens sibi reservet. Subordinatè enim conceditur, non enim censetur Princeps, alicui adcò plenam Jurisdictionem concessisse, ut non majorem penes se retinuerit. *D. Struv. Synt. Jur. Fend. cap. 6. §. 18. n. 4. 5. & à Principe*

E

Juris-

Jurisdictionem abdicari, perinde est, ac si ignis desineret esse calidas. *Lampad. de Rep. Rom. Germ. lib. 3. c. 16. §. 3.* Nec sub generali concessione venit. *cap. in generali de R. J. in Vltio.* Et Jurisdictionis appellatione in dubio solum concessa videtur inferior. Hinc etiam Jurisdictio Nobilium semper supposita est Jurisdictioni superiori, ita ut non solum Superioritas, recognitio & fides Superiori maneat salva, verum etiam ut ad ipsum appellari, præventioni locus esse, & ad ipsum supplicari possit. *Mynfinger. centur. 6. obs. 99. Struv. S. J. Civil. Ex. 4. th. 80. Ziegler. all. loc. §. 13. VVurmser. Ex. 3. quest. 10.*

§. 13. Huic fundamento etiam innititur illud: Quod Majestate superveniente, nullus Magistratus Jurisdictionem suam retineat salvam; ad eum modum quo lumen majus tegit s. tollit minus, seu Oriente Sole, Stellæ aliæ cunctæ obscurantur. Et fluxisse hoc sine dubio, ex antiquissimo Germanorum

rum

rum Proverbio; (desumpto auß dem Schwabischen Recht / oder Schwaben Spiegel part. 1. c. 13. ex Rubr. Von des Königs gewalt:) wo der Keyser hinkommet / da stehet Ihme das Recht offen / tradit cit. *Myler. ab Ehrenbach. d. Tr. p. 1. c. 14. §. 20. Et §. 21. addit, fallere hoc in Principibus & Statibus Imperii Romano-Germanici, quia Ducatus, Comitatus ac territoria cum Regalibus, propter bene merita Imperio & Imperatori præstita, per Infeudationem Irrevocabiliter, hæreditario & perpetuo jure, concessa, adeò ut Jurisdictionem territorialem, Patrimonii jure, Status Imperii possideant. conf. Bocer. de Jurisd. c. 8. n. 80.*

§. 14. Occasionaliter hic etiam quæri potest, (1.) quo in loco habenda sit, Veterum Romanorum Dictatorum Summa Potestas? Dici possunt habuisse Summam Potestatem, sed non quoad modum habendi, quia jus illorum temporarium erat. Ad summam vero Po-

testatem, summa etiam requiritur perfectio, & inter alia summa duratio, quæ nullius arbitrio tolli potest, prout Deus, cujus Imperantes Vicarii, temporarius non est, sic etiam Vicaria ejus Potestas temporaria esse nequit. Hinc etiam axioma: *Respublicas esse aternas*, s. immortales i. e. nullo desinendi tempore definitas. Distinguendum itaque inter Potestatem absolutam & summam. Absoluta rectè tribuitur, non v. summa. Qualem etiam habuit Wallensteinus Dux; in Exercitum Cæsareum non verò summam, rationibus enim reddendis tenebatur, & actus ipsius alterius juri suberant. Et præcedenti sæculo Belgæ Leicestrio Generali Auxiliarium ab Elisabetha Regina ad Ipsos misso potestatem absolutam in Fœderatas Provincias commiserunt. Quod cum Elisabetha ægerrime ferret, subtiliter illi se excusare, distinguendo inter *auctoritatem absolutam & supremam*, & quod illa auctoritas ad turbas vitandas

das alicui necessario fuerit deferenda; nec illam tantam esse, quantam verbum *Absoluta* præ se ferre videatur, cum ipse Principatus & Dominatio Suprema & Domini dignitas penes Populum integra maneat. *Camden. Annal. Elis. ad A. 1586.*

§. 15. (2.) Tutoribus verò s. Curatoribus Regum, qui jure habendi, non verò utendi gaudent, Majestatem denegamus. Rationibus enim reddendis tenentur. Et Curatorio s. tutorio nomine omnia agere publicè & privatim docent. Et communiter Regiæ Viduæ Tutelam in Regnis gerunt, quas ideo *Reginas Regentes* vocant. Exemplum fuit in hodierni Regis Galliæ Matre. De usu Imperii Rom. Germ. si Status Imperii, vel alii immediati Pupilli ac Minores, vide sis *sep. all. Myler. ab Ehrenbach. part. 1. cap. 29. tot.*

§. 16. II. Dicitur *Summa*, eo quod nullam recognoscat Superiorem nec Patrem, ( nisi Deum & gladium ) quem-

admodum primum id est, quo nihil datur prius; ita illud demum rectè dicitur Summum, quo Superius nihil est. Hinc Rex in Regno, non solum super singulos, sed etiam supra omnes simul. Nullam hoc in charactere admittit communionem, non enim nisi Subditos habet, quorum in loco etiam filii sunt. Adjiciendum proinde elegans responsum Petri Toletani, Legati Hispaniarum Regis ad Henric. IV. Regem Galliarum: Quem cum aliquis nomine Reginae tanquam ipsius Cognatum salutaret, dixit: *Reges & Reginas nullos habere cognatos, sed tantum Subditos. contin.* Thuan. l. 1. ad An. 1609. Et ea Regni est sanctitas, ut nemo prater Regem in regno esse possit, aut debeat, qui non agnoscat Regiam Majestatem, sive cui Rex non sit Rex. Boecler. ann. Tacit. lib. 1. c. 15. Egrege Tertullianus, *Reges in solius Dei potestate sunt, à quo sunt, à quo sunt secundi, post quem primi, ante omnes & super omnes Deos & homines.*

§. 17. III. Quia Majestas est *Summa Potestas*, sequitur eandem neque *rationibus reddendis*, neque *pœna humana obnoxiam*. Utrumque enim præsupponit Superiorem, qualis hic citra repugnantiam intelligi nequit; cum Summo Superius in eodem ordine dari non possit. *Impune quidvis facere, id est Regem esse*, ait Salust. & Plin. *Illud in Principatu beatissimum, quod nihil cogitur.*

§. 18. Notandum verò duplici modo reddi rationes; vel ut *Superiori*, vel ut *Æquali*. Superiori si rationes reddendæ, sufficienter debent probari; hoc non facto, acta rescindere, insuperque pœnam dictare potest. *Æquali* si reddendæ, gesta prout gesta saltem probo in hunc finem, ut pro viro bono & prudenti habear. Priori modo Majestas nemini mortalium ad rationes reddendas obstricta. Posteriori modo student famæ studiosissimi Principes, actorum seu rerum suarum rationes universo terrarum orbi, tuendæ

existimationis causa, reddere; ut in belli declarationibus, aliisque scriptis, quæ *Manifesta* vulgò vocantur. Quod etiam nihil subjectionis habet. Sic liberam de rebus meis disponendi habeo facultatem, nihilominus interdum rationem erogatorum constare volo, ne titulus dissoluti & stolidi Patrisfamilias mihi tribuatur.

§. 19. Accedit, qui nullum habet forum, nullumque Judicem qui sententiam exequatur, etiam pœna nulla affigi potest. Fora enim in Rebuspublic. exstantia, ad subditos spectant, omnemque vim à Majestate habent & mutuantur. Dices, Imperantes tamen ab aliquo in proprio foro se conveniri pati, e. g. super debitis & similibus causis; Resp. hoc non fieri, quasi forum hoc competens & se superius, cujusque potestate cogi possint, agnoscant; sed tantum ut, an actor prætensionem liquide & justè probare possit, videant, & hoc facto ultrò obligationi satisfieri cupiunt.



cupiunt. Dicta hæc accipienda de pœna humana. Divinam pœnam Legum Naturalium transgressores non evitant, quamvis nonnunquam lento gradu ad vindictam sui providentia Divina procedat.

§. 20. Denique IV. dicitur *Summa*, quia major homini in hominem potestas competere nequit, quam ut hic ad istius nutum & arbitrium, vires bonaque sua ad commune bonum & salutem publicam conferre teneatur, ac juri vitæ ac necis subjiciatur.

§. 21. Additur in definitione esse Potestatem *liberam*, sc. talem quæ omnem coactionem respuit; perfecta enim non esset, si non ex animi sententia & absque impedimentis externis, omnia sua agere posset. *Rex nominetenus est, qui ex persona necessitate adactus, habet magis quod sequatur, quam quod eligat.*

§. 22. Hinc etiam quia *Summa & Libera, Majestatem seu Principem Legibus solutum esse*, necesse est. l. 31. ff.

*de LL.* Summus quippe & liber is dici nequit, qui supra se hominem vel legem agnoscit.

§. 23. Quomodo autem effatum hoc intelligendum, in hoc non tantum Jcti & Politici, sed & Theologi non conveniunt. Optimè autem ex difficultate hac se expedire videntur, qui distinguunt inter ipsas Leges, nempe Divinas, Naturales, Gentium, Regni fundamentales, Civiles; & vim Legum *coactivam*, quæ in repugnantes exercetur, & *directivam*, quæ modum agendi universalem præscribit. Ita ut secundum illam Principem *solutum* dicant, non verò secundum hanc. *Divinis* Principem obligari dubio caret. Hæc enim à Supremo Rege Regum, ad cujus nutum obediunt omnia elementa, latæ. Nec Deus Vicariis suis tantam videtur concessisse potestatem, ut obedientiam sibi debitam remiserit. vid. *Deuter. 17. vers. 18. 19.* De *Naturalibus* item, utpote quæ divina quadam Providentia

videntia constitutæ §. II. *I. de J. N. G. & C.* & à Deo cordibus nostris inscriptæ, *ad Rom.* 1. res expedita. Et harum legum respectu Princeps non consideratur ut Princeps, sed ut homo. Item *Legibus Juris Gentium*, quo conventiones & contractus introducti; in his enim secundum vulgatam Reg. Princeps utitur Jure communi. *Leges Fundamentales* itidem Principem obligant, his enim tanquam catenâ respubl. cohæret, suntque conspectus ipsius Status Publici ejusque connexionis. Et his Principem solvere, nihil aliud est, quam Regni jura & totum imperium convellere.

§. 24. Sequuntur *Leges humana* seu *Civiles*, quæ nihil aliud sunt, quam Majestatis decreta circa ea, quæ subditis ad salutem publicam observanda sunt; & his Princeps solutus. Summa enim Principis dignitas, summa virtus ita eum supra Subditos exexit, ut nulla possit inter eos esse juris humani Civilis communio. Et quia Majestas est

summa, à superiori homine non potest injici obligatio. Nec *per modum legis i. e. superioris, se obligare aliquis potest.*

§. 25. Verùm & hic differentia aliqua, inter Leges, quæ solennia Juris in actionibus civium observanda præscribunt, & leges, quæ ad honestatem morum pertinent, & quarum materia & ratio est universalis, facienda. Adia-phoris illis civilibus, quæ divagantur à jure naturæ, solutus dici potest & est, tam quoad vim directivam, quam coactivam. Nec his obligari voluisse præsumitur, quippe quas subditis super re, quæ indifferens in se est, dedit. Sic Solennitatibus matrimonialibus, solutus, ut trina proclamatione & cæteris non opus habeat. Jure Justiniano donatio quingentos solidos excedens Principi facta sine insinuatione subsistit. *l. 34. C. de donat. Nov. 25. c. 2.* valet donatio pura ac simplex, quam Princeps facit uxori *l. 26. C. de donat. int. vir. & uxor.* Princeps potest per procuratorem hereditatem

reditarem acquirere *l. 1. §. fin. ff. de offic. proc. Cas.* quod privato non licet. *l. 90. ff. de acq. hered.* Si Principi quid relictum, antequam verò dies legati cedat, moriatur, successorì debetur. *l. 56. ff. de Legat. 2.* Testamentum Principi oblatum valet, licet nulla alia solennitas accesserit. *l. 19. C. de testam. & quæ similia.* Ratio hujus solutionis in eo, quia legis virtus in cogendo consistit. *l. 7. ff. de LL.* quis verò Principem cogere vult, cum nullum hisce in terris habeat superiorem?

§. 26. His verò Legibus, quarum materia & ratio est universalis, ultrò & sponte boni Imperantes ex pietate & amore erga Subditos, per *directivam obligationem*, seu potius per *reflexionem*, Grot. *lib. 2. cap. 4. §. 12. n. 1.* (ita ut Leges redundant in Legislatores suos, à quibus prodierunt,) se obligari permittunt: Edocti, id, quod publicè statuunt, contrariis actionibus impugnari non debere nec posse, ob inde oriun-

dam incertitudinem Status Publici. Rectè Plutarchus ait: *Quis igitur Principi Princeps erit? nempe Lex, qua omnium regina est mortalium, & immortalium. Lex Principis Imperatrix erit: non illa quidem, ut in libris extrinsecus scripta, aut in tabulis: sed animata intus in ipso ratio, semper cum eo conversa, ejusdem obversatrix, quaque ejus animam nunquam sinit tutela sui esse vacuam. Æquitati etiam naturali & decoro publico conveniens, ut quod in civibus ad salutem publicam utile esse judicat, ipse quoque servet, ne ita exemplo Principis subditi ad delinquendum impellantur; sed suo potius exemplo subditos ad servandas leges invitent; Regis enim ad exemplum totus componitur orbis. Graphicè hoc expressit Nobiliss. Hennin. Orat. Inaug. Paneg. Seren. Elect. Brand. Frider. III. consecrata, pag. 38. seq. Est enim Principum ac Superiorum vita, cum Solis instar omnium oculis, linguis, calamis proponatur, nihil aliud,*

aliud, quam perpetua quadam censura ac linea, ad quam cives diriguntur. Et Plinius in Panegy. Trajani Imp. Flexiles, inquit, quamcunque in partem ducimur à Principe, atque ut ita dicam, sequaces sumus, huic enim cari, huic probati esse cupimus, quod frustra speraverunt dissimiles, eoque obsequii continuatione pervenimus, ut prope omnes unius moribus vivamus. Et paulò post: Nec tam imperio opus est, quam exemplo: quippe infidelis recti Magister est metus, melius homines exemplis docentur.

§. 27. Huc pertinent l. 23. ff. de legat. 3. l. 4. C. de LL. l. 3. C. de testam. §. ult. l. quib. mod. test. infirm. Et has non de potestate Imperatoris, sed de officio illius agere, eruditè asserit Graswink. de Jur. Majest. c. 6. Legibus alligari, vivere secundum leges cum Majestatis natura non pugnat, sed subjici & obligari vinculo Juris.

§. 28. Aptè etiam quadrant, quæ Guntherus Legum. lib. 8. de Friderico Impe-

Imperatore canit:

*Ipse quidem quamvis divino munere  
Princeps*

*Summus in orbe ferar, legumque im-  
munis & expers;*

*Non servire quidem cogar, sed condere  
jura*

*Eas habeam, vestris cupio disponere  
cuncta*

*Consiliis: nostro non agere spondeo jussu,  
Vel sancire novas, vel priscis legibus uti;  
Nam nihil, ut verum fatear, magis  
esse decorum*

*Aut regale puto, quam legis jure so-  
lutum*

*Sponte tamē legi sese supponere Regem.  
Quod & sapienter pariter ac eleganter  
ipse Rex Angliæ Jacob. Jur. Liber. Mo-  
narch. p. m. 101. docet: Bonus Rex (ait)  
vitam omnem juxta Leges formabit, sed  
sponte sua, & ut subditis exemplo praeceat,  
non quod ipse legibus subditus aut adstri-  
ctus sit.*

§. 29. Antequam abeamus hinc, ne-  
scio



scio an absurditatis arguendi, qui reje-  
ctis adductis, circa solutionem legum,  
distinctionibus, exercitii forte gratia,  
statuunt, *Principem qua talem* (i. e.  
quatenus summus, & quasi extra omnem  
societatem) *indistincte legibus etiam na-  
turalibus esse solutum*. Sententiam ta-  
lem, jam dudum fovit Bernhard. Sut-  
holt. *Dissert. de jurisdict. aphor. 37. &  
seq.* Ubi circa explicationem phrasidis  
*solutum esse*, ait: aut enim significat,  
*non coërceri legibus*; aut *non agnoscere  
legem actionum suarum normam*. „Lex  
„enim cum regula est actionum dire-  
„ctrix, tum etiam vi pollet coërcitiva.  
„Soto. lib. I. qu. 6. art. 7. in pr. Et po-  
„steriori significatu, Principem omni-  
„bus Legibus, etiam naturalibus, so-  
„lutum, dicit, cum nemo sit, qui in  
„hac terra Principem coërcere aut co-  
„gere possit: cum nemo sit eo superior,  
„neque per rerum naturam fieri pos-  
„sit, ut se quis ipse cogat: violenta e-  
„nim actio principium requirit exter-  
„num.

#### 114 INTROD. IN DOCTR. POLIT.

„num. *Pergit aphor. 41.* quod si solutum dicis legibus cum, cui lex non est posita actionum norma & directrix, jam leges naturales fecerno à civilibus seu positivis, atque his ajo Principem solutum esse, illis non item.

§. 30. Certè Majestas omnem coactionem respuit, & ipsa coactio pugnat cum Majestate. Majestas quid sit, vix concipi, & proprietas rei vocabulis haud exprimi potest. De Principe non abs re dictum aliquando memini, & assimulatum à Doctore quondam meo, illud, quod in Sacra Scriptura de Melchisedek dicitur, quod habeat nec Patrem, nec Matrem, nec Legem, sed Deum solum supremum. Quod etiam claret exemplo Davidis, *Psal. 51.* dicentis ad Deum: *Ego Tibi soli peccavi,* & proinde se aliis subesse negat, unde occasione hujus dicti Owenus Poëta *Lib. 3. Epigr. 51.* eleganter cecinit:

*Subditus in Legem peccat, Regemque,  
Deumque:*

*Rex*

## CAPUT VIII.

115

*Rex peccat soli (Rex quia nempe)  
Deo.*

Idem animadvertit Tholosanus *de Re-  
publ. lib. 8. cap. 3. §. 2.* inquit: „ Quid  
„ autem sit illa Majestas; non potest  
„ facile exprimi proprietatem rei clare  
„ sensibus insinuando. Est enim quip-  
„ piam latens, quod reddit præter na-  
„ turam propriam mirabile quippiam:  
„ unde veneratio singularis & honor  
„ nascitur, nec quale illud sit, possunt  
„ ipsi admirantes notare aperte.

§. 31. Objicias (I.) quod objectum  
memini, Principem Deum habere su-  
periolem, per consequens etiam legi-  
bus divinis obligari. Respond. Prin-  
ceps respectu Dei non potest conside-  
rari, ut Princeps, sed ut homo; per  
consequens obligatur legibus, ut ho-  
mo, abstracta persona Principis, non  
verò ut Princeps. Nec (II.) est, quod  
dicas, sententiam hanc Principibus li-  
bertatem licentius grassandi, Jura Di-  
vina & Naturalia violandi concedere.

Ne

Ne tibi hoc persuasum habeas : Talia si fecerint, gravioribus etiam pungentur conscientiae stimulis, & vindictam Dei experientur graviolem.

§. 32. Nec exemptio hæc & libertas à pœnis humanis, in lucro aliquo aut privilegio Principum poni potest, ut prudenter monet Soto *de Justit. & Jur. lib. 1. quest. 6. art. 7. concl. 2.* Subditi enim, ait, qui non solum legis luce ducuntur, verum etiam ejus pœnis stimulantur, duobus subsidiis ad virtutem utuntur. Princeps autem altero destitutus est, dum nullus eum cogere possit, aut reprehendere, atque ita deteriori conditione utitur, quàm subditi. Consistentem allegare possum Dn. Tesmarum, Doctorem olim meum, in *Exerc. Jur. Rom. Univ. 1. posit. 17.*

§. 33. Additur porro in definitione esse Potestatem *regendi* : quibus verbis Majestati Eminentia tribuitur. Est & vocabulum Imperantibus maximè conveniens, (ab aurigis quamvis desumptum)

ptum) instar enim aurigarum, qui equos currusque moderantur, Imperantes Regni s. Imperii habenas tenent, & in moderandis ac in officio continendis hominibus occupantur; Sic Virgil. *Æneid. VI. Tu regere Imperio Populos Romanæ memento, Hæ tibi erunt artes.* Ille etiam qui regit, semper est potior & superior eo, qui regitur. A vocabulo *administrandi*, quod nonnulli in definitione hac usurpant, abstinui; tum quod in jure nostro *administratorum* nomine fere illi veniant, qui alieno, non proprio, nomine agunt. Quo pertinent *tit. ff. de administr. tut. tit. de administr. rer. ad civit. pert. tit. C. de administr. rerum publ.* tum etiam ne verba captandi ansa detur. Hinc etiam à Principibus discendam esse Politicam, patet. Qui enim aliis præesse vult, illum oportet rationes alios regendi scire.

§. 34. Quoad alii addunt definitioni, debere esse *perpetuam*, de eo *vid. §. 14.* intelligi etiam potest, quoad personam  
impe-

imperantem, eo, quod liberum non sit subditis, quem semel sibi elegerunt, pro arbitrio deinde repudiare, vel Majestate exuere, & alterius Jurisdictioni & Imperio se submittere. *Surdus decis. 266. n. 9. Panermeister. de Jurisd. lib. 1. c. 27. n. 43.* Hinc Imperator Valentinianus militibus, qui illum in Imperatorem elegerant, postulanti- bus, quod ipsi non probabatur, respondit: *Us me ad Imperatorem eligeretis, in vestra sita erat potestate, O Milites: at postquam elegistis, quod petitis, in meo est arbitrio, non vestro. Vobis tanquam subditis competit parere, mihi quæ faciendæ sunt cogitare.* Imo statum Reip. evertit, qui mutationem intendit. Omnis enim mutatio in Republica, tametsi in melius fiat, tamen in hoc mala est & periculosa, quod sine multis magnisque Reip. cladibus vix ulla in ea conversio seu mutatio fieri possit. In eo pro Cive bono habetur, qui præsentem reipub. statum mutari non vult.

§. 35. Denique *Subjeetum Commune* five *Materia* circa quam versatur Majestas seu Regimen Politicum sequitur. Et diximus hanc esse *Societatem Civilem* five *Rempubicam*, quam aucto numero homines, uno quasi consensu ob spem universalis subsidii, quod singuli inde expectant, inierunt. Conf. *dicta* §. 5. *hujus cap. Grot. lib. 1. cap. 4. §. 7. num. 3.*

§. 36. *Subjectum proprium* Majestatis i. e. quod Rempubl. repræsentat, in Successivis Regnis est *Familia Regnans*, cujus vices sustinet, qui primus est in Familia. In Regnis Electivis Princeps. Hinc an *Infantes & Furiosi ejus capaces sint, queritur?* Aff. Quia nemo ob vitium naturæ jure suo privari potest. Nisi Lex aliter velit. Jure *habendi* gaudent, non verò jure *utendi*, quia sine careret; nulli enim usui esset exercitium summæ potestatis infantibus vel furiosis concessum, adeoque si ipsis permitteretur, vana foret actio. *Grot. lib. 2.*

c. 3. §. 6. *Dn. Becman. Conspect. Doctrin. Polit. c. 14.* Et de hoc verum est, quod Metius Falconius Nicomachus in Senatu Romano dixit: *Dii avertant Principes pueros, & Patres Patria dici Impuberes, & quibus ad subscribendum Magistri Literarii manus teneant: Quos ad consulatus dandos dulcia & circuli & quaecunque voluptas puerilis invitant.* De Tutoribus & Dictatoribus Romanis actum §. 14. & 15.

§. 37. Quid dicendum de *Rebuspubl. Liberis*? Majestatem habere non dubito. Alterius enim juri non subsunt. Facultas item exercendi un. versa jura Reipubl. adest. *Grot. l. 2. c. 24. §. 6.* Oppon. (1.) quod *Majestas sit indivisibilis*, in Republ. verò Libera dividatur. (2.) *Majestatem a solo Deo esse.* Quod primum attinet, respond. Rempublicam considerari, ut Personam Moralem, & huic inherere Majestatem, sicque manere indivisam. Singula enim membra hic concurrunt ad constituendum ali-  
quod



quod totum seu corpus. Nec alteram, *Deum esse causam Majestatis negamus*, de eo certi; Deum tamen speciali & universali influxu, causis secundis i. e. Populo, quod ipsorum est, relinquere. *Vid. quæ §. 4. & 5. de orig. Maj. diximus.* Confirmat sententiam hanc monitum illud Grotianum l. i. c. 3. §. 17. *Quamquam Summum Imperium unum quiddam sit, ac per se indivisum, fieri tamen interdum, ut à pluribus sustineatur:* quod & in Rebusp. Liberis dicto modo patet; Procures enim universi simul sustinent Summam Potestatem seu Majestatem. Et tale fuit Imperium Romanum vetus, sub Triumviris Octavio, Antonio, Lepido; sub Divis Fratribus, sub Diocletiano & Maximiniano. Sub tribus Constantini M. filiis, Constante, Constantio & Constantino. *Rachel. Introd. ad jus Publ. c. 15. p. m. 140.* Item Theodosii M. filiis Arcadio & Honorio. Sub Valentiniano & Valente. Et exemplum hujus Imperii recentissi-

F

mum

num in hodiernis Russiæ Czariis Johanne & Petro, quorum amborum nomine omnia geruntur. *conf. Rumelin. ad A. B. p. 3. diff. 2. §. 25. & ibid. Myler. in addit.*

§. 38. *An Vasallus Fendi Illustris habet Majestatem?* e. g. Rex Hispaniarum respectu Regni Neapolitani, quod feudum est Sedis Romanæ, cujus nomine quotannis Pontifici mittuntur 7000. Ducati, & equa alba, die SS. Petri & Pauli. Resp. cum Grot. *aliud esse rem, aliud rem habendi modum. lib. I. c. 3. §. II. n. I.* Regnum ipsum plene habet & cum Summa Potestate, modus verò habendi variat. Seu distinguenda Origo Imperii ab ipso Imperio: Origo Imperii aliunde; ipsum Imperium verò summum esse potest. Obligatio hæc personalis, longe distat ab obligatione, quæ personam subditi stringit; Subditus obligatur simpliciter ut Subditus, Vasallus ratione rei in feudum concessæ. Subditus ad omnia licita; Vasal-

Vasallus ad ea tantum, quæ natura & conditio feudalitatis exigit. *D. Struv. Synt. Jur. Feud. cap. 8. n. 8. 9.* Mittit etiam Rex Hisp. dictam annuam præstationem Pontifici in recognitionem originis, non superioritatis. Alii die SS. Petri & Pauli mitti, quasi sit Vasallus SS. Petri & Pauli, ajunt.

§. 39. *Inæquali fœdere conjunctus* Majestatem quidem retinet; sub patrocínio enim, non sub clientela aut ditione alterius est, nec Majestas hinc imminuitur. Verum infirmitatis confessio quæ concurrit, de dignitate aliquid delibet, & inæqualis confœderatio talis subjectioni est proxima: inæqualis enim non audet potentiores suos fœderatum offendere, hoc enim si faciat, paratum erit bellum, & mox subjugabitur. *Grot. de J. B. & P. lib. I. cap. 3. §. 21. Ziegler. de J. M. lib. I. c. I. §. 53.*

§. 40. Porro Majestati ejusque summitati non adversantur donativa illa, quæ à Paribus ad Pares mittuntur ad

redimendas injurias, qualia fuere donativa Ferdinandi I. ad Imperatorem Turcicum, pro Hungaria; Polonorum ad Tartaros; Imperatoris Turcici ad Arabes. Quos Tributarios ideo dicere fas non est; quanquam & hic infirmitatis confessio de dignitate aliquid dēlibet.

§. 41. *An Capitulationes, Pacta, item juramentum servandarum Pactionum derogent Majestati, agitata est questio: Decisio dependet ex eo, quod Grotius lib. I. cap. 3. §. 16. tradit: Non desinere summum esse Imperium, etiamsi qui Imperaturus est, promittat aliqua subditis, etiam quæ ad Imperii rationem pertinent, & ad quæ sine promissione non teneretur. Sic Rex promittere potest salva Majestate, se bellum, pacem, fœdera, inconsultis Ordinibus non suscepturum, ad exemplum mariti, qui aliqua uxori promittere potest, quæ ad Imperii rationem pertinent, e.g. de non mutando domicilio, de mutando vitæ statu;*

statu; se juri, vel mercaturæ operam daturum, uti exempla hujusmodi eximia exstant: Non verò promittere potest, se ipsi obediturum; hoc enim esset imperium uxori cedere & evertere. Priora verò licet Imperium restringant, non tamen evertunt. Pro exemplo allegari posset Imperium Romano-Germanicum, ubi Publicistæ quærunt, *An Capitulatio deroget Majestati Imperatoris?* Alii hoc affirmant, alii negant. vid. *Lampad. de Rep. Rom. Germ. part. 3. c. 2. §. 12. Schruveder. Jur. Publ. part. gen. cap. 2. §. 19. seq. Clariss. Dn. Vatriarius Inst. Jur. Publ. lib. 2. tit. 7. §. 5. Stamler. de Reservat. Imp. §. 8. Linnaeus in append. ad l. 1. c. 12. n. 36. tom. 5. Jur. publ. Becker. Synops. Jur. Publ. l. 2. c. 3. §. 17. & Henning. in Annot. ad h. l. Rummel. ad A. B. p. 1. diss. 3. th. 18. Myler. in addit. Strauchius Diss. Jur. Publ. dissert. 4. §. ult.*

plenitudini, non verò Summitati Imperatoris derogare ait, cum Superior in Imperio Imperatore

nemo sit. Nos cum Dn. Zieglero *ad Grot. l. 1. cap. 3. §. 16.* non necesse esse putamus, ut uni aut alteri calculum adjiciamus, præsertim cùm Imperii Status purè Monarchicus non sit, sed ex Monarchia & Aristocratia mixtus, & multum limitata Imperatoris Majestas. *conf. cap. 24. §. 6.*

§. 42. Juramentum tempore Inaugurationis præstandum Majestatem minimè tollit, destruit vel minuit, sed in *præmunimentum nexus publici* intervenit, ut societatis membra metu iræ & vindictæ divinæ in ordinem redigantur, & ut Princeps limites officii contra juramentum transgrediens, non humanam sed divinam incurrat vindictam. *conf. Exercit. nostr. de Lege Minitante.* Et si juramenti præstatio aliquid detraheret, quid dicendum foret de Regibus Hispaniæ, Angliæ, Galliæ, Hungariæ, Bohemiæ, Daniæ, Poloniæ, Sueciæ &c. quos omnes in Leges Regni fundamentales jurare constat?

stat? quorum juramentorum formulas congeffit Althuf. *Polit. c. 19. n. 43. & seq.* Ipse Vespasianus in rostris juravit, & religione se Legibus subjecit, & quis huic Majestatem adimeret?

§. 43. Sed an nulli Imperantium, possunt dici habere Majestatem, nisi etiam habeant *Titulum Majestatis*? Ita sentiunt, qui Majestatis naturam ignorant, & *ambiguo nominis sono, externarum rerum specie decipiuntur.* Omnis enim, qui habet Summam & Liberam Potestatem, habet etiam Majestatem, licet à titulo Majestatis ob majorem splendorem, & quod veluti abstractum sit in Personis Regum, abste-  
neat. Quis ergo neget, Potentissimo *Electori BRANDENBURGICO* Majestatem veram, respectu *Borussia*, ratione cujus salutatur *Supremus Dux*, jure & rectissimè, (licet ex modestia Titulum recuset) adscribi & tribui posse? Profectò nemo, qui ad ingenii sui trutinam & sine studio partium, rem

## 128 INTROD. IN DOCTR. POLIT.

ponderaverit. Ignarus inspiciat Transactionem Velaviensem *art. IV.* hac enim Divo FRIDERICO WILHELMO MAGNO August. Elect. Brandenb. Prussia Ducalis, quæ antea Feudum Poloniæ, cum Supremo & Absoluto ejus Imperio, cessa. Missilia tum temporis in vulgum ejecta cum hac inscriptione: *Supremo Prussie Domino FRIDERICO WVILHELMO, Principi, Elect. Brandenb. Homag. prast. die 18. Octobr. Anno 1663.* ab una parte. Et altera manus è nubibus coronam repræsentans, his verbis: *à Deo data.* In medio verò Gladius cum Sceptro decussatim per lauream, cinctus sequentibus: *Pro Deo & Populo*, conspiciebantur. Monetam hinc etiam videmus in qua Seren. Electoris caput laurea cinctum, quo ipso nihil aliud quam Majestas ipsius, & quod coronatum sit caput, indigitatur. Vid. *Diar. Europ. contin. 9. ad An. 1663. fac. WVilh. im Hoff. Notit. Procer. Imp. lib. 2. cap. 8.*



§. 9. & plurib. *Oration. nostram Inaugural. de Majestate Brandenburgica.* Simile judicium ferendum de PP. Fœderati Belgii Ordinibus, *conf.* §. 37. Duce Venetorum, Magno Duce Thuscix, qui omnes Summam Potestatem habent, à titulo verò Majestatis abstinent.

§. 44. Quo in loco habenda *Superioritas Territorialis*, die *LandesFürstliche Obrigkeit / Landes Hoheit / und Herrlichkeit* / quæ tribuitur Principibus Imperii Romano - Germanici? Resp. Quamvis hanc à Summa Potestate aut Majestate distinguere debeamus; effecta tamen Juris eadem, quæ Majestas habet, habere, nemò diffiteri potest. Unde & Brocardicum hoc: *Quod quilibet Princeps Imperii in suo territorio tantum possit, quantum Imperator in Imperio*, verum esse: (1.) *Quoad Jurisdictionem territorialem*, habito respectu ad subditos. Imperii enim Status, non amplius, ut administratores aut gubernatores præsumunt, sed ferè ut Reges, F 5 regalia

regalia omnia tam majora, quam minora habent, ita ut, quod in absolutis Regnis Majestas, in Statibus Imperii Jus territoriale quodammodo permittat. (2.) *Quoad Dignitatem Personarum*, quod ratione Dignitatis & Illustris originis Electores ac Principes Imperii, parum aut nihil ab Imperatore differant in suis territoriis, nisi ambitus ratione. (3.) *Quoad Imperii administrationem*, quod Principes & Status Imperii in consortium admissi, jus habeant una cum Imperatore, tanquam Optimates, in Comitibus Publicis, de Imperio statuendi, tradit Mylerus ab Ehrenbach *de Pr. & Stat. Imper. part. I. cap. 14. §. II. & seqq. conf. Lampad. de Rep. R. G. lib. 3. c. 3. n. 7. 19. 20.* Ut verò Imperatori Imperatoria Superioritas salva maneat, hinc Principibus Imperii, ratione potestatis, quæ *autonomous* speciem refert, in suis Territoriis Majestatem non propriè dictam sed analogam quandam adscribunt

Ziegler.

*Ziegler. de Jur. Majest. l. 1. cap. 28. §. 9.  
& 25. it. c. 34. §. 37. D. Struv. S. J. F.  
cap. 6. §. 13. n. 2.*

§. 45. Sequitur vulgaris divisio Majestatis in *Realem* & *Personalem*. *Realis* dicitur, quæ Reip. perpetuo inhæret, nec morte Imperantium expirat, sed quamdiu corpus Regni durat, permanet. *Personalis* vocatur, quæ Imperantis Personam respicit, in quem collata, & cum eadem expirat. Meritò verò ab accuratioribus Politicis rejicitur: & plerumque ita Majestatem Personalem reali subjiunt, ut ab ea dependeat, ipsi obnoxia sit, ab ea fluat, & veluti Luna à Sole omnem splendorem mutuetur. Et fundamentaliter dicunt esse penes populum, formaliter penes Imperantes. Duo verò Summa hoc casu in Republ. existunt, & biceps formatur Respublica. Imò Populum Rege faciunt superiorem, ex quo non nisi absurda sequi possunt. Vid. *Dn. de Pufendorff. de J. N. & G. lib. 7. cap. 7. §. 4.*

*Ziegler. d. Tr. l. i. c. i. §. 44.* Alio sensu illam tolerat *Celeb. Dn. Becman. Medit. Polit. c. 12. §. II. & Cl. Dn. Collega Pagenstecher, Doctor olim meus, Sciagr. Instit. Polit. lib. 3. tit. 2. §. 2.* Distinctio illa Majestatis in *Absolutam & Limitatam* vana est. Limitata enim nulla, quia recognoscit superiorein, à quo limites accipit, adeoque independens non est, quod cum natura Majestatis pugnat.

§. 46. Quamvis Majestatis Potestas tam latè pateat, quam se ejus Imperium, officium & cura extendit, quæ in eo primariò consistit, ut omnia in Republ. ad finem propositum, salutem nim. publicam s. civium dirigantur. Hanc tamen Potestatem, cum pro diversitate objecti non uno modo exserat, hinc certa quædam jura, Majestati tribuuntur, quæ illam immediatè concomitantur, nihilque aliud sunt, quam exercitia summæ potestatis, pro diversitate rerum in Republ. occurrentium, & vulgo dicuntur *Regalia* seu *Jura Majestatis*.

§. 47. Ad

§. 47. Ad Tria capita revocari hæc possunt: *Potestatem Leges condendi, Magistratus constituendi, & Bellum indiciendi.* Et tam latè hæc tria patent, ut quamplurima alia Regalia huc reduci possint. Certa sunt Summæ Potestatis *γνωριματά*, in quibus quam maximè sita. Numerum verò horum Jurium Majestatis in actu signato determinare, non parum erit difficile, præsertim cum Lege Positiva, Usu & Consuetudine induci possit, ut jura, quæ olim regalia non fuerunt, regalibus hodiè annumerentur, & contra. *Rosenthal. de Feud. c. 5. conclus. 94. n. 1. Grot. de J. B. & P. lib. 1. c. 3. §. 6.*

§. 48. Alium non inelegantem Regalium conspectum exhibet Dn. Zieglerus *ad Grot. all. loc.* Majestatem considerans vel *in respectu ad Subditos*, vel *in respectu ad Pares.* Hæc dicit, quorum vi Princeps cum Principe agere & contrahere potest. Et talia ipsi sunt, *Jus Belli & Pacis, jus Fœderis sancienti, jus*

*Legatorum mittendorum*, & quæ similia Illa; quæ respectu ad subditos competunt, & limites Imperii non egrediuntur, sunt *Jus Vectigalium*, *Jus Legum ferendarum*, *Magistratum creandorum*, *Comitiorum*, *extrema provocationis* &c.

§. 49. Vulgò dividunt Regalia in *Majora* & *Minora*. *Majora* dicunt, quæ gubernationem ipsumque Reip. Statum concernunt, qualia *Potestas Legislatoria*, *Constituendi Magistratus*, *jus circa Sacra*, *jus Belli & Pacis ac Fœderum*, *jus extrema Provocationis* &c. Dicuntur *Personalia*, eo, quod Personæ & quasi ossibus Principum adhæreant. Et separari à Majestate, aut præscribi à privatis non possunt. *Minora*, commoda & emolumenta, quæ ex bonis publicis vel alias ratione Imperii aut territorii, ab eo, qui summam in illo habet potestatem, percipiuntur. Vocantur etiam *Jura Fisci* seu *Fiscalia*. Et sunt *jus imponendi Tributa*, *jus percipiendi*

*piendi commoda ex mari ac fluminibus publicis, jus Viarum publicarum, Vectigalium, &c.* præsupponunt potestatem aliquam in possessiones & bona privatorum; hæcque facilius communicari cum aliis possunt. *Vid. plur. Sixtin. de Regal. lib. 1. c. 2. n. 2. Dn. Struvius de Feud. c. 6. §. 13. usque ad fin. Ziegler. lib. 1. cap. 3.*

§. 50. In Imperio Romano-Germanico, Regalia in *Reservata & Communicata* dividuntur. illa dicuntur, quæ Soli Imperatori competunt in toto Imperio: Hæc, quæ ipsi Imperatori communia sunt cum Electoribus, & quæ sine illorum præscitu exercere non potest. *Celeb. Dn. Vitriarius Inst. 7. P. lib. 3. tit. 2. & 3. Schuveder. part. Spec. sect. 1. c. 4. §. 3. 7. & seq. Dn. Rhetius Inst. 7. Jur. Publ. lib. 2. tit. 25. Becker. S. 7. Publ. lib. 2. cap. 4. §. 4. & seq.*

§. 51. Cum Principes, nautarum instar, sese fluctibus Reipubl. accommodare necesse habeant, adeoque non  
semper

semper Reip. navim secundum ordinariam potestatem & regulam, nisi illam suffocari & naufragium pati velint, dirigere possint ac debeant: hinc est, quod præter Potestatem *Ordinariam*, quæ consueti Reipubl. casus comprehenduntur, aliqua *Absoluta*, ad extraordinarios i. e. Legum vi dijudicari haud aptos casus, se extendente Potestate, qua in Reipubl. tempestatibus, fluctibus & necessitatibus uti possunt, instructi sint: quæ communi vocabulo dicitur *Dominium Eminens*. Et vi hujus, quod est Potestas in Reip. necessitatibus, à necessitate limites accipiens, Leges Civiles negligere & dispensare, Jus Naturæ & Gentium limitare & determinare potest. Egestati enim singulorum ac defectibus Reipubl. aliter consulere nequit.

§. 52. Ad actus verò per se malos extendi non potest; hi enim nullo casu necessitatis boni fieri possunt. Nec absoluta hæc potestas, pro licentia  
quidvis



quidvis impunè faciendi accipienda. Non ergo sine causa i. e. Reipubl. necessitate hoc non suadente, Civibus res suas eripere potest. Princeps enim non publicum tantum, sed & privatum cujusque bonum procurare, non intervertere debet. Nam uti legitimum quis habet quæsitum dominium, aut aliud jus, id ne ei auferatur, Juris naturalis est, ita hoc & Principem obligat. *Struv. S. 7. F. c. 5. §. 6. Sutholt. Diss. de Jurisdic. §. 76.* Damnatur itaque exemplum Achabi Nabotho vineam eripientis *1. Reg. 21. eo*, quod nulla necessitas publica aderat. Excusari autem hac necessitate solent à nonnullis, hodierni processus Regis Gallix inquirendi in vasa aurea & argentea singularum Ecclesiarum, & opes Subditorum ob intercedentem necessitatem publicam. *Vid. pl. Diss. nostra Inaug. cap. 3. §. 12. & seq.*

§. 53. Reipublicæ fluctibus compositis, & discussis necessitatum nubibus,  
jura

138 INTROD. IN DOCTR. POLIT.

jura pristina resurgunt, & dicta potestas cessat. Necessitas enim Reipublic. non tollit legem vel dominium, sed tegit. *Dn. Pufendorf. de J. N. & G. lib. 8. c. 5. §. 7.*

§. 54. Illustrem & arduam hanc Quæstionem addere necessum duximus: *An* nim. *Princeps in alieno territorio existens, ex charactere Majestatis, liberum jurisdictionis exercitium in comites suos vel ministros habeat, seu exercere possit?* Si secundum rigorem juris, quæstio negativè decidenda. Eo quod Principis potestas intra territorii sui fines inclusa, ita ut extra terminos omninò definat, adeoque extra eos fines Princeps privatus sit, & potestatem in alios exercere non possit, *arg. l. ult. ff. de offic. pref. urb. l. fin. ff. de jurisdiction. l. 53. C. de Decur.* Vice versa verò alterius territorii Princeps, in omnibus, quæ ejus limitibus continentur, fundatam habet potestatem, *arg. l. 1. §. 1. ff. de offic. Pref. Urb. l. 17. ff. de act. empt. vend.*  
Gail.

*Gail. lib. 2. obs. 62.* Sicque etiam in Principes, qui in eo morantur. quod ex eo lucem accipit, si consideremus, Principem, ne quidem in suo territorio, subditum suum ex alieno territorio abducere vel citare, imò nec missis apparitoribus occidere posse, sed si tale quid fieri permittat vel jubeat, id pro immani violatione & turbatione Jurisdictionis territorii habeatur, *Gail. de Pace publ. c. 16. n. 27. & seq. Knichen. de jure territor. t. 4. n. 27.* Jam ergo, si Princeps, in proprio territorio existens, in quo summam potestatem habet, non potest actum Jurisdictionis in alieno territorio exercere, multo minus id poterit ipse existens in alieno, in quo nihil juris habet. Deinde etiam Majestas parem in suo territorio non agnoscit, sed omnes sunt subditi. involans in alterius exercitium summæ potestatis, ipsam Principis Majestatem violat, & in dubium vocat. Nec obstabit, Principem talem subditum non

non fieri, eo quod in subdito includatur obedientia, quæ hic locum non inveniatur, cum desit animus ad serviendum. Nam licet, in hac formali ratione *Subditus* dici non possit, nec sit, ea-tenus tamen ut *Subditus* considerari potest, eo quod parem ille Princeps in territorio suo, & exercitio Jurisdictionis non agnoscat.

§. 55. Si verò, quid ex decoro & honesto fieri debeat, quærat, omninò è dignitate Summorum Principum erit, ut ultrò & quidem in venerationem principalis fastigii, Principibus peregrinis & hospitibus indulgeant exercitium Jurium Majestatis, quæ cum Dominio territorii unquam sunt compatibilia; & sic potius hospitalitatis comitatusque officiis, quam rigidæ potestatis exercitio in eos affectato certent. Hinc inter Majestatis præcepta è Politicis refertur, quod *qui tueri Majestatem volunt, in aliis eam ladi ne permittant.* Lædere enim illam in aliis, est

est dare exemplum ejus rei, quæ postea nobis nocitura est. *Boxhornius Inst. Polit. lib. 1. c. 4. in explanat. p. 34.* Si quis itaque Regem captivum occiderit, vel alia ratione dignitatem ejus læserit, ostendit Reges quoque occidi & in dignitatis fastigio lædi posse. Maximè inde Elisabethæ Angliæ Reginae exprobratum, quod Mariam Scotiæ Reginam ultimo supplicio affecerit, & hoc argumento Oratorem Gallicum ad dissuadendam ejus mortem usum fuisse ferunt. Nulla enim re gravius læditur Majestas, quam si legibus & sententiæ Judicium subjiciatur. Inter illustria hujus rei exempla, instar omnium sit, quod tradit Priolus *Hist. Gall. l. 9. c. 14.* de Christina Sueciæ Regina, quæ à Rege Galliæ hospitali Palatio excepta, ibidem aliquem è domesticis, stabuli Præfectum, facta criminum exprobratione, non attenta facta ad Regem appellatione, interfici jussit. *Vid. express. argum. hoc tract. Dn. Tesmarum*

142 INTROD. IN DOCTR. POLIT.  
*in Dissert. de Tribunal. Princip. Peregrin.  
conf. Magn. Dn. Strykius Doctor meus  
Diss. de fur. Princip. extra territ. cap.  
1. n. 5. & seq.*

§. 56. Majestati adversatur *Crimen  
lesa Majestatis*, i. e. fraudulenta ma-  
chinatio adversus vitam Principis vel  
Statum Reipubl. Duas habet species  
*Crimen Perduellionis, & Crimen lesa Ma-  
jestatis in specie sic dictum*. Illud dici-  
tur, quando quis hostilia adversus Rem-  
publ. vel Principem tentaverit; v. g.  
si quis ad partes hostium transcat, se-  
ditionem in Republica excitet, similia  
& plura exempla referuntur in *l. 1. 3. &  
4. ff. ad L. Jul. Majestat. ad quas vid.  
eleg. Tract. Anton. Matthæi de Crimin.  
Tit. de les. Majest.* Hoc committitur,  
si ea, quæ Majestatis sunt, quis violat,  
sibique arrogat, adulteram monetam  
cudendo, vel privati carceris custo-  
diam exercendo, *l. un. C. de Privat.  
carcer. & l. 2. C. de fals. monet.* Olim  
etiam si Statuas Imperatori consecra-  
tas

tas quis conflavisset. l. 6. ff. ad L. Jul. Majest.

§. 57. *An maledicens Principi committit erimen læsæ Majestatis?* Proprie loquendo, non committit, nisi verba cum factis jungantur, & animo lædendi sint prolata: Data verò hac de re Lex Populo Israëlítico à Supremo Legislatore Deo T. O. M. *Exod. 22. v. 28. Diis non maledices, & Principi in populo tuo non maledices, & Jobi 34. v. 18. An licet dicere Regi, tu es iniquus, & Principibus, vos estis impii?* Sunt delicta hujusmodi atrocissima quandoque poena vindicata, vid. *Sueton. in Tiber. c. 58. & in Nerone c. 32. Tacit. b. 1. Annal. cap. 72.* Nec sine ratione, cum Princeps omnem sui contemptum, imper & ubique sedulò vitare debeat, nec ullibi magis lædatur Majestas, quam in animis & ore Subditorum minuari, aut interimatur existimatio.

§. 58. Theodosius, Arcadius & Honorius Imperatores convitia sibi dicta, (nisi

## 144 INTROD. IN DOCTR. POLIT.

(nisi seditiosa fortè fuerint, aut turbulenta, l. 1. in f. ff. ad L. Jul. Maj. l. 28. §. 3. ff. de pœn.) puniri à Magistratibus inferioribus noluerunt, sed sibi solis de iis cognitionem reservarunt in l. un. C. si quis Imper. maledix. Non quasi Lex Julia Majestatis, quatenus de Maledictis agit, nulla & sublata esse debeat, sed quod ipsi deinceps facultatem Judicandi, vindicandum an contemnendum maledictum, sibi reservaverint.

§. 59. Committitur crimen hoc in omnes, qui habent Majestatem, quod & criminis hujus nomen innuit, per consequens non illum, qui nulla Majestate pollet. Hinc igitur in Imperio Rom. Germ. in Imperatorem tale crimen committi, ad unum ferè omnes concedunt. De Augusta dissentiunt, eo quod tantum fulgeat dignitate Mariti Imperatoris. vid. Limnaus lib. 2. Jur. Publ. c. 14. Clariss. Dn. Vuriarius I. 7. P. lib. 3. tit. 17. §. 10. Dn. Pagenstech. Sciagraph. I. Polit. lib. 3. tit. 28. Idem  
ctiam



etiam negant de Rege Romanorum, vivo adhuc Imperatore electo. *Carpzov. diss. feud. 9. quest. 2.* Cum, licet comitia aliquando ab eo indicta inveniantur, maximæque potestatis argumenta passim sint obvia; ista tamen partim ex concessione Imperatoris, partim etiam non proprio nomine gesta deprehendantur.

§. 60. Sed quid dicendum de Principibus Germaniæ & Statibus Imperii? De Electoribus nullum dubium. Committi enim in eos Crimen læsæ Majestatis, expressè sancitum in A. B. cap. 24. pr. quo ipso Carolum IV. nihil aliud egisse patet, quam quod L. quisquis. C. ad L. *ful. Majest.* Electoribus applicaverit, quam & ita applicare ipsa jubet Electorum conditio. Sunt enim pars Corporis Imperatoris. d. c. 24. A. B. Palmites Imperiales, & propinquiora Imperii Membra, Candelabra-Lucentia, quibus in unitate Spiritus Sacrum illuminatur Imperium, solidæ

G

bases

basēs Imperii, *A. B. proœm. c. 2. §. 5.*  
*& Capit. Leopold. art. 46. pr.*

§. 61. An dicta L. quisquis §. C. ad  
 L. 7. M. etiam in aliis Principibus Im-  
 perii locum habeat, DD. non conve-  
 niunt: Quatuor diversas opiniones ex-  
 hibet ipse dissentiens Fachinæus *lib. 9.*  
*Controv. 32. conf. Ant. Matth. de Cri-*  
*min. tit. Læs. Maj. c. 1. n. 4.* Missis his  
 opinionibus, ex hoc capite Crimen  
 læsæ Majestatis, in eos committi pos-  
 se, dicemus, quia de Majestate Imperii  
 Romani participant. Mixtum enim es-  
 se Imperii Statum, negari nequit. Sum-  
 mam enim Potestatem, sive τὸ κύριον,  
 non penes Imperatorem tantum, nec  
 penes Status Imperii tantum esse, sed  
 penes utrosque collective sumptos, &  
 hinc Principes non minimam Majesta-  
 tis partem habere, lippis & tonsoribus  
 notum. hinc non ex fictitia aliqua  
 aut communicata Majestate, (uti Con-  
 siliarii,) Principes eminent, sed jure  
 quodam suo, ex propria persona. *Ba-*  
*chov.*

*chov. ad Trentl. vol. I. disp. 3. th. 6. lit. E.  
& disp. 23. thes. I. C. Carpzov. Pract.  
Crim. p. I. quest. 41. n. 59. seq.*

§. 62. In Consiliarios Imperatoris crimen hoc quoque committi, docet *d. L. quisquis* ex fictitia illa Majestatis ex corpore Imperatoris proveniente communione; & ut Officiarii hac ratione in tuto collocarentur, mille alias periculis expositi.

§. 63. Poenæ huic crimini assignantur gravissimæ, quia cum homine tali non tanquam subdito, sed hoste proceditur, in quem quidvis licet. Ad Liberos etiam extenditur; qui, quia hæreditarii criminis metuuntur exempla, paterno etiam debent perire supplicio. *A. B. c. 24. §. I.* & ut deleatur omnis ac damnetur memoria, domus etiam diruuntur. Reciprocè ad Parentes, uti in causa Ravailiaci in Gallia, Parentes enim jubebantur Regno excedere. Sciens & non revelans, delictum hoc commissum iri, ipse quoque tanquam Ma-  
G 2
jestatis

148 INTROD. IN DOCTR. POLIT.

jestatis reus punitur, ob magnitudinem periculi. Et is, qui reticet, quod reticere non debet, auctori facti æquiparatur. *Grot. de J. B. & P. l. 2. c. 17. §. 2.* Exemplum in Juniore Thuano, qui ob conscientiam cædis Cardin. Richelio intentatæ punitus. *vid. plur. nostr. Exercit. de Lege Militante. §. 5. & seqq.*

§. 64. Denique *an Criminis hujus compertus citra strepitum forensem & non auditus interfici possit?* Recedendum hic à Regula Juris Civilis, de defensione nemini auferenda, ita ut ne quidem à Principe ex plenitudine potestatis denegari possit. At pro affirmativa militat, celeritatis necessitas, & crimen plane manifestum, notoriumquæ, & quod periculum creat Reipubl. si per solennem judiciorum ordinem ventiletur & discutiatur. Exemplum instar omnium nostri sæculi sit cædes Wallensteinii Ducis Exercitus Cæsaris. *Dn. Tesmar. vol. Diss. Academ. I. diss. 4. p. 160. & seq.*

CAPUT IX.

## CAPUT IX.

*De Legibus.*

## §. I.

**E**X natura Majestatis & Summi Imperii fluit *Potestas Legislatoria*. Imperare enim nequit Majestas, nisi per Legem universalem, totam Remp. & omnes in ea subditos obligantem. Per Leges Summa Potestas se exserit. Leges coagulum sunt societatis humanæ, & si demere has velis, cyclopica confusio & turba, ubi nemo audit neminem, non perfecta hominum societas erit. *Lex in Civitate est, ut mens in corpore humano, & ea sublata civitas amplius non est.* Grot. lib. 3. c. 3. §. 2. n. 2.

§. 2. *Leges nobis hic sunt, Regula humanarum actionum à Majestate præscriptæ.* Hinc fluit ad Potestatem Legislatoriam non pertinere *Leges Naturales, Divinas, Gentium & Regni fundamentales.* De Divinis res clara, quia

ipsa Majestas his subjecta est, & potestatem legislatariam totam excedunt. *Naturales* ideò extra sphæram Imperii humani, quia per se nihil aliud sunt, quam jura cordibus hominum à Deo inscripta. *Rom. 1.* Nonnunquam tamen aliquid addi vel detrahi jubet Reipub. Status s. civium conditio. *l. 6. ff. de 7. & 7.* Et *Jus Gentium* ideò, quia non ex Majestatis aliqua jussione universali, sed ex tacito populorum consensu originem traxit. Denique *Fundamentales*, quia pacta & conventiones verius dici possunt, quam leges. Discrimen legis à pacto, eleganter ostendit Hobbes *de Cive. cap. 14.*

§. 3. Causa impulsiva Legum est, tum amor Justitiæ administrandæ, tum etiam vitia humana. Ex malis enim moribus bonæ fiunt leges. congrue hanc in rem Cato apud *Liv. lib. 34. c. 4.* *Sicut ante morbos necesse est cognitos esse, quam remedia eorum; sic cupiditates prius nata sunt, quam leges, quæ iis modum facerent.*

§. 4. Rc-

§. 4. Requiritur in genere in Legibus (1.) *Rationabilitas*, unde rationem Jcti *animam legis* vocant. Non tamen necesse est, ut ratio legis omnibus constet, ob abusus metum. Imò legem ob rationem semper respicere, in subditis periculum foret, ob intellectus imbecillitatem; dum enim conarentur rationi legum satisfacere, ipsam legem plurimum spernerent. Sic Salomon credidit rationi legis, de non ducendis uxoribus peregrinis, se satisfacere, sed ipsam legem sustulit, in Idololatriam prolapsus. (2.) *Injustitia*, injustæ vero sunt, quæ contra rectam rationem sunt. In quarum numero habentur, Lex de bonis naufragorum occupandis; (quod jus vulgò das FahrRecht / Strand-Recht vocant) lucrum enim ita captatur ex calamitate aliena. *Vid. Schottel. de S. & A.G. §. cap. 20.* Et, quod olim etiam in multis Germaniæ locis obtinuit, *ius Caduci*, das Baulebungs Recht / & adhuc in nonnullis obtinet, quo Domi-

nus Territorii ob mortem subditi viri, optimum equum, aut si subditi uxor decedat, optimum quid ex induviis & exuviis, sibi sumit, & exigit. Additur verò hoc modo, ut ajunt, afflicto afflictio. Ortum traxit sine dubio ex licita & illicita iniquitate & duritie, qua veteres in mancipia & proprios homines gaudebant. *vid. it. all. Schottel. cap. 2.* Item illa Macedonum & hodie Japonum Lex, de interficiendis etiam cognatis eorum, qui adversus Reges peccaverunt. *conf. plur. Boecler. in not. ad Grot. part. 2. fol. 242.* (3.) *Possibilitas*, ad impossibilia enim nemo obligari potest. (4.) *Universalitas*. (5.) *Certitudo*, ut, quid jubeant & prohibeant, percipere valeamus. Removentur E. *contradictoria*, incertum enim sonum si tuba det, quis comparet ad bellum? Cavendum tamen ne contradictionem ex ignorantia nostra formemus; quod quandoque accidit in antinomiis juris nostri civilis, quæ ex parte solvi non possunt,



possunt, quia circumstantiæ earum, & tempora, quibus lata, ignorantur. Item *absurda & otiosa*, e. g. si jubeantur omnes nudis pedibus incedere; quia dignitatem hominis evertunt, & simul fine carent.

§. 5. Præterea necessarium Legis adjunctum est *promulgatio*. Lex enim in arcano habita, civiumque notitiæ non tradita non obligat; sed promulgatio demum vim & robur legi addit. Formam enim dat omnibus actibus socialibus. Et quæso, quomodo lex, quæ nondum in notitiam publicam s. subditorum pervenit, obligare subditos potest? Concludimus E. placitum Principis, seu voluntatem, publicatione demum *legem* fieri.

§. 6. Non verò Scriptura est de essentia legis, sed adhibetur ut *monumentum*; quemadmodum Scriptura in contractibus adhibetur. *Grot. lib. 2. cap. 16.*

§. 30. Ad majorem etiam certitudinem multum confert. Ad essentiam vero Le-

#### 154 INTROD. IN DOCTR. POLIT.

gis scriptæ requiri, quis negabit? *vid. Consultiss. Dn. Collegam meum Pagens-  
stecher. in elegant. aphor. Justinian. lib. 1.  
aphor. 17. Exempla Legum sine Scri-  
ptura: Lex Salica Gallorum; Lex de  
Germano in Imperatorem eligendo. De  
Lege Regia dubitatur, an scripta exstet.  
conf. Celeberr. Dn. Becman. Diss. de Lege  
Regia, & Ampl. Huberi Digr. Justin.*

§. 7. Subjectum, cui leges ferun-  
tur sunt *Subditi*, quemadmodum enim  
Leges ab Imperio, sic à Superioribus  
in inferiores descendunt. Excluduntur  
*Infantes & furiosi*, quia mentem legis  
nec assequi nec intelligere possunt:  
*Bruta*; cum intellectu & cognitione re-  
rum faciendarum planè careant.

§. 8. Effectus Legum est *Obligatio*.  
*Obligare* est necessitatem faciendi alicui  
imponere. Obligant autem vel *ad obe-  
dientiam* vel *pœnam*. Non quod per se  
in pœnam, ut in obedientiam feran-  
tur; sed quod defectum obedientiæ pœ-  
na resarciat: & ejus metu, præcipua  
legis

legis meta, obedientia nempe valeat. Obligant etiam in *conscientia*, quia obedire debemus non tantum *propter iram* i. e. metus causa, sed & *propter conscientiam* i. e. ex sensu officii nostri. *vid. ad Roman. c. 13. v. 5.* De obligatione Legum *coactiva* & *directiva*, & quatenus Principem legislatorem obligent, latè diximus *cap. preced. de Majestat. §. 22. 23. 24. & seq.*

§. 9. Quia verò omnes casus legibus comprehendendi non possunt, ideò opus est *interpretatione*, in qua tunc *verba*, *mens* & *ratio legis* probè ponderanda. Verbis namque inest sententia legis, & sententia innititur rationi, ob quam jus latum. *L. scire leges. 17. ff. de LL. l. 24. eod.* Interpretatio verò triplex: *Authoritativa*, quæ fit à Majestate seu Principe, unde lex prodiit. Nam ejus præcipuè est interpretari legem, cujus est condere. *l. ult. C. de LL. Usualis*, quæ usu & consuetudine nititur, dum secundum hunc, vel illum sensum legis

sæpe judicatum est; & præjudicia hos sequuntur. Requiritur verò ut constanter, & conformiter judicatum sit, per *l. 24. ad SCt. Trebell. Mevius Consil. 34. n. 26. conf. 38. n. 10. Doctrinalis*, quam Jcti faciunt, æquiparatur *Consiliis Doctorum*, quæ obligationem quidem non habent, pro ratione tamen instar auctoritativæ interpretationis se habent, & æstimantur. *Lacior interpretatio* admittitur in favorabilibus, *Strictior* in odiosis. *vid. Grot. lib. 2. cap. 16. Dn. Struv. Exerc. 2. th. 46. 47. & seq. Ziegler. de Jur. Majestat. lib. 1. cap. 6. §. 4.*

§. 10. *Æquitas* propriè dicitur prudens dispensatio justitiæ, ratione nimirum habita personarum, rerum & actionum. *Mevius Prodrum. Jur. Gent. Comm. Inspect. 5. n. 18. 7. n. 24.*

§. 11. *Dispensatio* est relaxatio legis; & per illam non tollitur lex, sed lege salva & integra manente, factum aliquod ad legem non pertinere statuitur.

Et

Et quemadmodum lumen majus non tollit minus, sed effecta ejus tantummodo per lucem majorem suspenduntur; sic etiam dispensatio non tollit legis effectum, sed illum suspendit. Et hæc iterum Principi competit: qui enim legem potest tollere, etiam vinculum circa personam vel factum relaxare potest. Quod factum, cum Israëlitis jubebantur Ægyptiis auferre vasa aurea & argentea. Hæ dispensationes cum personis applicantur, vocantur *Privilegia*, nihilque aliud sunt, quam beneficia Majestatis. *conf. plur. Ziegler. all. Tract. c. 1. §. 7. & 12.*

§. 12. Privilegia verò supponunt Rempubl. in ordinario statu suo, & extra hunc statum, sicut necessitas frangit leges, sic etiam Privilegia. e. g. Studiosi tempore obsidionis coguntur stare in excubiis, si alia ratio extremis necessitatibus consulendi non adsit, libenterque hoc facient, privilegiatæ alias personæ. Nunquam tamen, nisi

probabilis & rationabilis subsit causa, dispensatio & ablatio privilegiorum locum habet. Nisi privilegia sint *ad beneplacitum*, auff wolgefallen/ concessa, hæc enim liberè possunt revocari, instar aliarum legum. Et hoc casu Princeps nemini facit injuriam, dum id tollit, quod sine causa concessit. *conf. Myler. ab Ehrenbach. de Princip. & Stat. Imp. part. 2. c. 49. §. 10. & seqq.*

§. 13. Distinguuntur Leges, præter species §. 2. adductas, communiter in *Universales*, quæ ad universos subditos; & *Particulares*, quæ ad certam Reip. partem, vel loca certa spectant. In *Affirmativas*, quæ jubent seu mandant aliquid; & *Negativas*, quæ prohibent aliquid, cum tamen omnis lex prohibens per consequens etiam sit jubens, & vice versa. e. g. Deus jubet honorare Parentes, E. & hoc ipso prohibet, parentibus molestiam inferri. Prohibet adulteria, & hoc ipso jubet castè vivere.

§. 14. Leges Divinæ distinguuntur in

in *Forenses & Morales*. *Forenses leges*, utpote quas Deus, tanquam Princeps Reip. suæ, tulit, non amplius observantur, nec nos obligant, Respublicum Israëlita defuit: nec etiam Deus aliam gentem præter Israëlitam his obligare voluit. Negari tamen nequit, esse in legibus ipsis aliquod morale, quod perpetuum est, & legis animadversionem etiam extra Politiam Judaicam in se provocat. e. g. morale est: turbantes societatem generis humani furtis, cædibus, latrociniiis, item profanantes Divina &c. debere puniri; determinatio verò certæ pœnæ alicujus, ad quamlibet Remp. spectat, & non necesse est, ut ea semper cum legibus Mosaicis conveniat; & si conveniat, nulla hinc Legis Mosaicæ obligatio oritur. Ad id vero prosunt & maximè conducunt Leges Mosaicæ pœnales, ut quia determinatio pœnarum ab ipso Deo facta est, inde constet Legislatori, quales à se bona conscientia le-  
ges

ges condi & pœnæ dictari possint. Possuntque ex iis liberè sumi, quæ nostris Politis conveniunt. *Morales* verò non tantum Israëlitis datæ & præscriptæ, sed omnibus in universum hominibus. Peccabant ergo Israëlità non solum, dicentes falsum testimonium, sed peccamus & nos. Non prohibitum Israëlitis tantum, Israëlitam occidere vel proximum, item abstinere ab uxoribus suorum civium, sed & nobis idem severè prohibitum. *conf. Ziegler. ad Grot. lib. 1. cap. 1. §. 16. it. lib. 2. cap. 1. §. 14. it. lib. 1. cap. 2. §. 8.*

§. 15. Affinia Legibus sunt *Mandata*, quæ à Principibus ad certos Magistratus dantur, quomodo se in officio gerere debeant. *tot. tit. C. de Mandat. Rescripta*, quæ sunt responsa Majestatis ad consultationem, epistolam vel relationem illorum, qui Principi supplicarunt, emissa aut rescripta. *Consuetudo* est jus à Subditis, tacito Principis consensu, usu introductum. Etiam consuetudo



suetudo peccandi aggravat delictum, & ipsa iteratio delicti sæpè exasperat poenam. *Tabor. Racemat. Crim. fol. 311. n. 3. Grot. lib. 2. cap. 20. n. 2. confer. Struv. Exerc. II. th. 25. 26.*

## CAPUT X.

*De Magistratibus.*

## §. I.

**C**UM leges non tantum fanciendæ, sed & exsequendæ, & cum sine executione similes sint campanæ sine pistillo: cumque subditi, licet leges ipsos obligare ad obedientiam scirent, tamen hisce parendi necessitatem, sibi ipsis ob depravatam & corruptam naturam, quæ mala & contraria semper appetit, in vetitumque nititur, sibi imponere non potuerint: Cumque & ipsa Majestas seu Summus Princeps, executioni legum solus non sufficeret ob negotiorum multitudinem, sed in laxiori Republ. Imperium per plures veluti canales,

les, diffundi debeat; necesse fuit, ut ex mente l. 2. §. 13. ff. de orig. jur. aliqui constituerentur imperio & facultate, jura & leges illas exsequendi, instructi. Constituti igitur à Summis Principibus Magistratus inferiores (quorum creatio Jus Majestaticum est) qui cives ad observantiam legum, si non ex sensu officii sui se illis accommodarent, cogerent & refractarios poenis coercerent. Et ut hoc facere possent, potestas jus dicendi & judicatum exsequendi illis data, ex qua omnibus æqualiter nomine Superioris & vi Potestatis à Majestate communicatæ, Jus & Justitiam administrarent.

§. 2. Magistratus igitur hi, quoad originem, & omnem Potestatem, & totum suum esse & operari, à Majestate dependent, nihilque sine ejus, qui summum Imperium seu τὸ κρείον habet, consensu, tacito vel expresso, efficere valent.

§. 3. Decent verò Magistratus IV. virtu-

virtutes à Jethro in prudentissimo consilio, quod Socero suo Moyfi dederat *Exod. 18.* expressæ; nempe *Justitia, Pietas, 2. Paralip. 19. veracitas, & avaritia odium*, non verò quasi hæc posterior specialis virtus, & sub recensitis non comprehendatur; qui enim est justus, & hanc cum cæteris habet; Sed ut indicaretur, quanti Reip. intersit munera Justitiæ non committi hominibus avaris & improbis, qui metu Dei, ac Justitiæ, veracitatisque studiis neglectis, eadem quavis occasione haberent venalia. Insuper requiritur *prudentia juris reddendi*, sine qua alienis oculis videre, & ad ingenium aliorum agere debent. Elegans itidem de Magistratus officio regula observanda ex *l. 19. ff. de Offic. Præsid.* nempe, *Jus reddentem, nec nimis facilem esse debere, nec valde morosum, nec severum nimis ac difficilem aditu, nec lachrymis supplicantium propensum, sed virum vere bonum, & omnibus casibus à virtutis tramite*

*mite immobilem. coll. Nov. 3. c. 9. furis dicendo, cum summa animi intentione & cura incumbet, neque, ut haectenus, Rusticanos sine injuriis opprimi. Quæ originem, familiam & honestatem natalium Judicis spectant, juris sunt constituti. vid. v. g. Ordinat. Patrie mea ful. & Mont. c. 2. Was vor Persohnen zu Richter und Scheffen anzunehmen.*

§. 4. Item necessaria in Magistratu *Prudentia Politica*, ut officio suo intogatis & sagatis Reipubl. negotiis feliciter fungi queat. Utrumque enim hoc munus in una persona quandoque conjungitur, dum & militiæ & provinciæ cura in jure reddendo creditur. *conf. l. fin. C. de offic. jud. mil. juncta l. si quando. C. de appellat. & Jus Feudale 2. Feud. 10. ubi sine dubio Marchiones & Comites tum temporis & militiæ & Justitiæ muneribus præfecti fuere.*

§. 5. Porro etiam attendendum, ne officium Magistratus intempestivè & *immaturis admodum annis* committatur;

tur; quam maximè ideò, quia ætas tenerior affectibus magis obnoxia. Quæ observatio tamen pro diversitate ingeniorum fallax: Alii enim citius, alii tardius eam habent judicii acrimoniam, maturitatem ac præstantiam, ut rebus etiam arduis gerendis feliciter superesse possint. Inepte E. nonnulli ex barba Philosophum & virum æstimant, vel vulgari lippis & tonsoribus noto proverbio seducti, vel invidentes Juvenibus animi maturitatem, in florida ætate, quod illi illam, non ante barbam opacam & magnum annorum numerum, adepti sint. Quibus E. Eruditis de meliore luto finxit præcordia Titan, hi nihil curant, quod in florida ætate senii barbam repræsentare non possint, sed ingenii senectutem & maturitatem intuentur; & magni faciunt judicium senile in adolescente. Sic Scipio Africanus ante annos usitatos ædilis factus; jam enim anno ætatis 24. feliciter in Hispaniam duxit exercitum  
 contra

contra hostes. *Nec aetas juvenilis* ~~facit~~ *excludit*, neque *Senilis facit*. Nerva enim filius anno 17. vel paulo majori publicè de jure respondit. l. 2. §. 3. de *postul.* Senes prudentia valent, Juvenes promptitudine expeditionis, ait Besold. *Synops. Doctr. Polit. lib. 2. cap. 5. §. 4.*

§. 6. Denique ab omni partium studio alieni esse debent, nulli enim Jure gentium dantur casus pro amico. conf. l. 4. C. de LL. *Dissert. de Casib. pro Amico*, Joh. Melchior. Bitschii, (Cass. Fil. Profess. Argentor.) tot. *Argentorat. an. 1650. hab.* An Xenia, munuscula, seu donativa licitum sit accipere vid. Dn. Tesmarum *Diss. elegant. de Xenis von der Küchen Steuer.* Qui tandem ita finit: *Sed unusquisque hac in parte sequatur dictamen conscientiae suae, quàm vana nonnunquam hominum iudicia; & capiet aliquando munuscula; nec violabit tamen justitiam, impingetque in legem divinam.* Et ut plenè constet, qualis debeat

debeat esse Magistratus, dicimus *Magistratum debere esse virum bonum*; quia (1.) si Magistratus non est vir bonus, incertum ejus redditur regimen, subditi enim nesciunt, quid sequantur, cum aliter jubeat Magistratus, aliter vivat. (2.) Magistratus, qui vir bonus non est, finem regiminis non potest attingere, qui est salus Civium ex ordine regiminis proveniens; at ubi vita mala, malus quoque ordo est. (3.) Magistratus talis tutus non est, alienat enim animos subditorum, unde toties mali Magistratus à subditis pulsi, ob sceleratam vitam. Et hac in re subditi quidem injustum quid egerunt, Magistratus verò injusta non passi, ob delicta, licet per malum & injustum ministerium passi sint. *vid. Grot. l. 2. c. 20. §. 9. n. 2.* Plutarchus dicit: *Virum bonum à natura Magistratum designari.* (4.) Magistratus, (seu etiam Princeps talis,) est incuriosus, & in subditos malè animatus, quia contentus, si modo obedi-

obedientia præstetur, non habita ratione, quomodo affecti sint subditi. pertinet huc illud Caligulæ: *Oderint, dum metuant. conf. §. 2. cap. 22.*

§. 7.- Magistratus etiam alios debere esse *Majores*, alios *Minores*, non tantum sacra monumenta apud Moysen, *all. loc. Exod.* sed & ratio suadet: Diversa enim negotia publica sunt, quæ etiam diversos requirunt Magistratus, & alius ad majora, alius ad minora aptior. Omnes enim arcanam illam Rempubl. gubernandi rationem penetrare non possunt.

§. 8. *Fæminæ* arcentur, quia natura sunt inconstantis animi, adeoque merito à publicis judiciis & negotiis removentur; atque ita non solum in jure Civili constitutum, sed etiam Gentium moribus in benè constitutis Rebuspubl. servatur.

§. 9. Desinit Magistratus esse (1.) *Morte*, qui solvit omnia rerum. (2.) *Lapsu temporis*, si scil. ad tempus officium



cium magistratus concessum; uti hodiè in Civitatibus municipalibus & aliis Consulum officium, quod plerumque annuum. (3.) Ex voluntate Superioris, *revocatione*, sine nota tamen gerentis; quod usitatissimum Regi Hispaniæ in Provinciarum Gubernatoribus & aliis Regnis. Etiam *privatione*, ob delictum. (4.) *Resignatione*, quæ uti inter privatos, sic in Publicis quoque locum habet.

## CAPUT XI.

*De Judiciis.*

## §. 1.

**T**antum de Personis Magistratum, sequitur jam officium, quod in jure dicendo, seu exercitio judiciorum consistit. Et in his singulas leges suis factis applicare debent, ad bonorum virtutem augendam & improborum malitiam coercendam.

§. 2. *Judicia publica non à natura, sed factò humano orta. Multoque honestius*

H

nestius

nestius & ad quietem hominum conducibilius, ab eo, cujus nihil interest, rem cognosci; quam homines singulos, nimium sæpe amantes sui, (nemini enim mortalium injuriæ suæ parvæ videntur) quod jus putant, id manu exsequi. Proinde tam laudabili instituto obsequendum esse, ipsa dicitur æquitas, & ratio naturalis suadet. Et huc facit quod Paulus Jct. dicit l. 176. de R. 7. *non esse singulis concedendum, quod per magistratum publice potest fieri, ne occasio sit majoris tumultus faciendi. Conf. Hug. Grot. lib. 1. c. 3. §. 1. n. 2.* Et vim vocant leges, quoties quis id, quod deberi sibi putat, non per judicem reposcit. add. Ziegler. ad Grot. all. loc.

§. 3. Zieglerus ad Grot. in not. lib. 1. c. 3. §. 2. n. 1. de necessitate judiciorum ita differit: *Non arbitror consistere posse societatem sine judiciis, saltem inter populos moratiores. Etsi enim ordinatio judiciorum & forma eorum externa talis non fuerit ab initio, qualis nunc est; vi-*  
xisse

*xissetamen homines inter se sine magistratu, sine imperio & sine judiciis, mihi non fit verosimile.*

§. 4. Non obstat Judiciis dictum Servatoris nostri *Matth. 7. v. 1. 2. nolite judicare*; quia prohibentur saltem *judicia temeraria* i. e. non tantum ea, quæ ex partium studio manare possunt, sed imprimis illa, ad quæ non vocati sumus. hæc sibi arrogare velle, temeritatis est, licet frequentissimum inter homines sit vitium. In profanis huc pertinet: *ad judicium, nisi vocatus, ne accesseris.* Et monitum illud eximium Ziegleri ad *Grot. l. 2. c. 1. §. 3. Extra periculum constitutis; facilius esse recte philosophari, & de justitia cause disceptare.* Sique hoc, flagrante bello hodierno Germano-Gallico, à temerè judicantibus observaretur, tam sequiora judicia simulque tædiosa non audirentur ab illis, quibus bellum & modus bellandi incognitus & inexpertus; semper hæc ratione verissimum illud: *Tu si hic esses,*

*forſan aliter ſentires.* Qui etiam de hominibus & proximo ſuo temerè judicat, aliorum quoque judiciis ſubjacet, nec cauſam querendi habet; quia monumenta propriæ tranquillitatis reſcindit. Judicium enim ſuum cur non ſuſpendit? Locumque habent hic Regulæ: *Quod tibi non vis fieri alteri ne ſeſeris.* Et quod quique juris in alium ſtatuert, & ipſe eodem utatur. Et quale judicium in alios ferimus, tale nobis in paribus cauſis à Deo exſpectandum eſſe, graviter monet *incomparabil.* Grot. l. 2. §. 20. §. 16.

§. 5. Perſonæ judicium principaliter conſtituentes ſunt *Judex, Actor, Reus.* Minus principales *Advocati, Procuratores & exſecutores &c.* vid. Struv. Exerc. 9. th. 3. 4. 5. & ſeq.

§. 6. Subjacent Judiciis *Perſona, Res & Actiones.* Excipitur Princeps, quæ talis, quia ſupra vim eſt coactivam, neminemque agnoſcit ſuperiorem. In cauſis tamen privatis prædiorum & ſimilium

miliū possessionum, ordinariis judiciis se subjiunt. Difficilis verò executio.

§. 7. Judex sibi ipse jus dicere non potest, quia in rebus nostris & nostrorum affectu corrumpimur. *Grot. lib. 2. c. 20. §. 8. n. 4.* Nec sine iudicio nostrum consequi licet, si nim. copia iudicii adsit, ubi verò hæc cessat, incipit bellum. Cessat autem vel *continue*, vel *momentaneè*. *Grot. lib. 1. c. 3. §. 2. n. 1.*

§. 8. Judicandum in judiciis secundum *acta & probata*, quæ speciem facti constituunt. Huncque ordinem iudicandi ipse Deus in causa Sodomorum *Genes. 18. v. 20. & seqq.* observavit. Fama delictorum occasionem inquirendi dedit, *vs. 20. 21.* Et ad hanc Deus se accingit instar iudicis humani, & informari vult, an omnia ita se habeant. Hanc sequuta inquisitio, auditur etiam *Causarum Patronus*, Abraham, non quidem ex officio datus, sed sese offerens, defendere eos tentans ex eo,

quod tota communitas & multitudo deliquerit, ob quam alias in delictis poena si non remittitur, tamen mitigatur. Imò obmouet; Deum non posse communitatem tollere, in qua nocentes & innocentes, *vs. 23. 24.* piorumque recenset gradus. Nec petitionem & desiderium Abrahami Deus rejecit. Inquisitionis continuationem habemus *cap. 19.* Et convictionem de delictis *ibid. v. 4. 5. & seq.* tota quippe communitas peccaverat, nec decem innocentes ostendi potuerunt. Aderat & sic corpus delicti, etiam delicta ipsa *vs. 8.* Sequuta etiam sententia & poena, suppliciique seu poenarum executio, quæ *cap. 19.* legi possunt. Item David secundum acta & probata jussit interfici juvenem, jactantem, se interfecisse Saulum, 2 *Sam. 1.* Et quidem juste, quia gloriatio talis vana & illicita, ob summam inde orituram confusionem.

§. 9. Ergò Judex præcise ad acta & probata est obstrictus, nisi in conscientia

tia convictus sit, actis ob stare veritatem. Quod si infallibiliter sciat facti circumstantias, acta verò contrarium doceant, ad exonerandam conscientiam suam, secundum eam, non secundum acta judicare debet; aut potius, deposita Judicis persona, testem se offerre. Excusari alias posset factum Pilati, qui Christum secundum acta, sed reclamante conscientia, damnavit. *Marc. 15. v. 10. add. Libenthal. Colleg. Polit. Exerc. 12. quest. 6.*

§. 10. Elicitur vel constat veritas in judiciis vel per *spontaneam Confessionem*, vel per *juramentum*, vel *Testes*, vel *Torturam*, quæ propter magna, quæ in vita sociali occurrunt, incommoda, & quæ sine ea longe deteriora essent, seu ad vitandum majus malum admit-tenda. Et non tam ad eruendam & eliciendam veritatem, quam ad agnoscendam & confirmandam, & in subsidium adhibetur. *add. D. Rövestrunc. in addit. ad Oldendorp. Class. act. Class. 7.*

## 176 INTROD. IN DOCTR. POLIT.

*introd.* Neque etiam torturæ subijci solent, nisi quorum delicta jam ex aliis indiciis clarescerunt. An hæc pugnet cum principiis Theologicis & Politicis *vid. Keckerman. Discurs. Polit. Diss. 32. problem. 4. conf. Mevius Consil. II. n. 5. & n. 40.* in Anglia non admittitur, ob rationes, quod (1.) servile aliquid sapiat. (2.) quia infanti nulla compensatio fieri possit, ut illi de injuria satisfiat. (3.) abominandum esse, illum prius excarnificari, quem mori oporteat. *Videatur Smith. de Republ. Angl. lib. 2. c. 27.*

§. II. Variis, extraordinariis & suspectis probationum generibus usi veteres Germani mediis sæculis, qualia *Ordalia*, sive *judicium Dei*, *Ordel / Gades ordel / Gottes uhrtheil*. Ejusmodi probationum seu purgationum modi fuere (1.) *Duellum*, (2.) *Ignis*, cujus purgatio vel per *ferrum ignitum*, vel per *rogum*, vel *prunas*, vel *ferrum candens*, quo comprehendebantur *vermes*,



*meres, lamina, vel chirotheca candentes.* (3. *Aqua, eaque vel calida vel fervens.* His & addi potest usitata purgatio per Sacram Eucharistiam, panem bordeaceum, offam judicalem, juramenta, sortes. De his verò omnibus speciebus ex professo agere, instituti ratio non permittit, Vid. Hachenbergii *German. Mediam, & ibid. diff. 3. de Legib. Vet. German. §. 16. 17. & mult. seqq.* Schottelium, de *Sing. & Ant. Germ. jur. cap. 28. vom ordel Recht. Celeberr. Dn. Becman. Diff. de Judiciis Dei.* Quid de cruentatione cadaverum dicendum, quæ accidit nonnunquam accedente homicida ad cadaver occisi? Divini quid subesse negari nequit; Vindex est Deus ubique, & admirandis indiciis potens semper existit ira summi Numinis. Exemplis etiam constat, quæ magno numero adducit Schottel. *all. Traët. cap. 3.* & inter alia unum in Frider. I. Daniæ Regis corpore mortuo condito & linteis ceratis loculo incluso, quod ita

cruentasse narratur, ut vasa ad excipiendum sanguinem loculo supponere necessum habuerint. At Deum hac ratione, mox sequutam gravissimam pœnam & magnam sanguinis profusionem indicare voluisse, hinc colligebatur. *vid. all. c. 3. p. 99.* Regula tamen inde non formanda, sed divinæ providentiæ res tota committenda. A veteribus dicta das *Baar Recht* / it. *7us Feretri: 7us cruentationis. vid. latè Schottel. Dn. Becman. all. diss. cap. ult. §. 2.* An sufficiens sit indicium ad torturam, dubitatur à nonnullis. *vid. Schot. all. loc. §. 24. Carpzov. Prax. Crim. p. 3. quest. 122. n. 36. Mascard. de Probat. vol. 2. concl. 860. n. 24.* Si alia indicia concurrant, ad primum vel secundum torturæ gradum procedi posse cum Schottel. existimo.

§. 12. Processus judiciarii non debent trahi in longum tempus, nisi res & circumstantiæ aliud suadeant, & innocens ex celeri expeditione non gravetur; satius enim hoc casu erit processum extrahi,

trahi, quam innocentem gravari.

§. 13. Finiuntur per *Sententiam*: quæ vel à *Magistratu inferiori* profertur, à quo ad Superiorem appellare licet; vel à *Principe seu Supremo Principis Tribunali*, in qua acquiescendum, quia ultra Principem nihil datur. Et is etiam semper præsumitur talis, qualis esse debet, unde & nemini injuriam inferre creditur.

§. 14. Processus nulli formantur in Russia & Imperio Turcico; quod inconsultè Scriptores laudare solent. In utroque enim Imperio æque innocens & nocens patitur. Fatendum quidem sine strepitu forensi multa decidi posse, sed longè majora futura incommoda. Igitur majoris mali vitandi causa & ordinis gratia formandi processus judicarii.

§. 15. *Provocatio ad vallem Josaphat*, seu *Tribunal Jesu Christi*, suspecta & in vulgo etiam vana, quia adire possunt judicia. Imo Deus etiam sine provoca-

tione tanquam Justissimus Judex injurias vindicat, & oppressum è periculo & anxietate educit. Distinguitur tamen non inconcinne, inter *provocationem definitam*, qua certum tempus, locus, certum pœnæ genus Deo commendatur, quæ & sine tentatione Divina fieri nequit. Et *indefinitam*, qua res sine circumstantiis Deo commendatur, & hæc approbatur & licita est: Tali modo *Templarii*, ordo quondam Equitum Religiosorum, (quales v. g. hodiè Johannitici) causæ suæ innocentiam, cum quam maxime eos inimici persequerentur igne & ferro, Deo commendarunt; & licet super Personis etiam provocarent, non tamen tam Personarum, quam innocentia suæ rationem habuerunt. Brevi etiam Pontifex Max. Clemens V. cum Rege Gallia Philippo, auctores deletionis & persecutionis Templariorum, post illam obierunt, imò eodem anno: Sic Joh. Hufus celebris ille Martyr, cum ad sup-  
 plicium

plicium duceretur, an. 1416. testantibus Historicis dixit: *Post centum annos Deo & mihi respondebitis.* Et certe an. 1517. Martinus Lutherus contra Indulgentias Papales cœpit disputare. *add. Lieben-thal. Ex. 12. quest. 11.*

§. 16. Cognati Judicibus *Arbitri*, in litibus privatorum conciliationem tentantes amicam. *Mediatores*, in Principum negotiis rogatis & sagatis. *Compromissarii*, s. Judices Superiores ex pacto, dum controvertentes tertium aliquem sibi Judicem eligunt. Exemplum in Controversia *Wilderfangiatus* 1666. in qua Judices ex compromisso Rex Galliarum & Sueciarum. Sententia eorum vocatur *Laudum*. Quale est *Laudum Heilbrunnense*. Specimina Judiciorum in plerisque Rebuspub. *vid. apud Dn. Becman. Consp. Doctr. Polit. cap. 16. pag. 84. add. Schubhard. de Austregis S. Rom. Imperii.*

## CAPUT XII.

*De Pœnis.*

## §. 1.

**R**ECTISSIMÈ Cic. l. 3. de Nat. Deor. *Non domus ulla, nec Respubl. stare potest, si in ea nec rectè factis præmia existant, nec supplicia peccatis.* Quemadmodum enim formidine pœnarum improbi ac viles coërcentur: ita præmiorum promissione bonorum virtutes accendi solent. Hæc duo sunt veluti vincula, quibus civitas amicam concordiam retinet. Imò magna pœnarum in Republ. necessitas, ut delinquentes patiantur ob delictum, quo terreantur alii ad delinquendum faciles, singuli in officio contineantur, & suum cuique tribuatur, secundum primum illud Juris naturæ præceptum §. 3. l. de J. N. G. & C. hinc nunquam ulla ex morationibus Rebuspubl. fuit, quæ non singulis delictis suas statuerit pœnas. Judex ille  
justus

justus audit, qui delinquenti competentem & delictis adæquatam pœnam infligit; Justitia administrari dicitur, ubi rectè decernuntur pœnæ.

§. 2. Breviter cum Doctore nostro Dn. Becmano, dicimus, *Pœnam esse passionem ob delictum.* seu cum Grotio, *esse malum passionis, quod infligitur ob malum actionis.* add. Pufendorf. de Offic. hom. & civ. l. 2. c. 13. §. 4.

§. 3. Habet *jus puniendi* solus Princeps, & Magistratus à Principe constitutus. Soli enim hi jus agendi in Rep. habent, E. & jus pœnam infligendi. Dubium hic moveri solet, unde Princeps habeat *jus puniendi*, cum non aliud jus habeat, quam quod populus in ipsum transtulerit, *arg. §. 6. l. de J. N. G. & C.* verosimile verò non sit, subditum seu populum sibi voluisse infligi pœnas, cum nemo sibi ipse censeatur male velle, & carnem suam nunquam aliquis odio habuerit? Sed ad hoc responderi solet, unumquemque in Rempublicam

publicam transtulisse Jus arcendi à se injurias; & cum hoc ipso, jus, eum, qui nobis injuriam infert vel inferre studet, puniendi. Nos verò insuper cum aliis putamus, Jus puniendi propriè sic dictum, non fluere ex translatione Jurium singulorum in Rempubl. sed ex vicariatu Divino, quem repræsentat. Quod quis enim non habuit, non potuit transferre, Jus verò vitæ & necis subditi non habuerunt, E. Solius enim Dei, qui vitam dedit, est proprium, & jam Principibus, quibus hoc datum & communicatum, ob divinum, quod inter homines repræsentant, imperium.

§. 4. Cum verò Jus Puniendi semper requirat *inferiorem*; hinc Princeps Principem, Respubl. Rempublicam, punire non potest, ob paritatem, par enim in parem non exercet imperium. Denegatur etiam *privatis*, quia pares sunt. *Grot. l. 2. c. 20. §. 3. Nec nosmet ipsos punire possumus, ob teneritudinem nostri*



nostri amoris, qui molestum aliquod in corpore fugit; pœnam igitur appetere, implicaret contradictionem. Hinc iudicium formari potest de *Spontaneis flagellationibus*, utpote quæ repugnant naturali amoris, nihilque nisi defatigationem carnis & corporis involvunt, & proinde ad Religiones non forent accessendæ.

§. 5. Versantur pœnæ circa *delicta* i. e. transgressiones legum. Quæ ergo legibus non comprehenduntur, nec pœnis subjacent. Non E. indistinctè omnes actus vitiosi puniri possunt, sed ii tantum, qui Societatem humanam directò lædunt. Vitiorum igitur Internorum & Moralium, uti avaritiæ, superbiæ, timiditatis &c. quamdiu Societatem humanam non lædunt, nullæ pœnæ sunt. Hodie verò versiculus ille à quodam Germano, Germanorum in inebriando dulcedinem Italo accusanti & traducenti, per retorsionem justam objectus: *Ut nos dura sitis, sic vos Ve-*

*nitis*

## 186 INTROD. IN DOCTR. POLIT.

*nus improba vexat, Est data lex Veneri-  
fulia, nulla mero: (ex Recess. Imp. de  
ann. 1500. zu Augspurg. tit. vom zu-  
trinken. it. zu Eßlen an. 1512. à Land-  
rath. Imper. Maximil. I. publicatis & Re-  
format. Polit. zu Augspurg. de an. 1530.  
vom zutrinken. & de anno 1548. à Ca-  
rolo I. Maximil. I. ex filio nepote, glorio-  
siss. Roman. Imper. eodem animo publi-  
cata, uti ex identitate verborum cla-  
ret, vid. Melch. Goldast. Constit. Impe-  
rial. tom. 2. p. 143. & ultima Rudolphi II.  
Ordinat. Polit. de anno 1577. tit. 8. Ru-  
bric. von übermäßsigem trincken und  
zutrinken / aliorumque Serenissimo-  
rum Germaniæ Principum Constitu-  
tionibus), est limitandus.*

§. 6. *Cogitationis poenam nemo pati-  
tur, l. 18. de poen. quia actus est merè  
internus, & sermo animæ se ipsam al-  
loquentis. At quis inter homines κα-  
κογνώστus nascitur, nosciturve? Igno-  
tæ autem rei nulla accusatio, nulla co-  
gnitio, nulla poena. arg. l. ult. C. de non  
num.*

*num. pecun. cap. varias. 16. de jurejur.*  
 Neque enim potest Legislator præci-  
 pere vel prohibere id, de quo judica-  
 re non potest, quia hæc paris potesta-  
 tis sunt. Cum Deus solus cordium sit  
 scrutator. Unde nec Ecclesia de occul-  
 tis judicat. *cap. 33. in fin. x. de Simonia.*  
*can. 20. caus. 2. quest. 7.* Et voluntas in-  
 mente retenta nihil operatur, adeoque  
 nec delictum aut pœnam. *Grot. lib. 2.*  
*c. 20. §. 18. Magnif. Dn. Strijck. de fur.*  
*Sens. Diff. 10. c. 4. n. 2. & seq. it. c. 1. n.*  
*25. & seq.* Secus autem est, si cum effe-  
 ctu ad alios dimanent, & signum ali-  
 quod vel indicium relinquant; vel ut  
*can. 20. dist. 1. de pœnit.* hoc explicat, si  
 in terminis cogitationis non perman-  
 serint. Sic *crimen Majestatis* sola co-  
 gitatio facti absolvit. *l. 5. C. ad L. ful.*  
*Maj.* etiamsi confessio cogitati crimi-  
 nis tormento fuerit exacta, ut est *ap.*  
*Suet. in Tiber. c. 19. in fin.* Apud Cur-  
 tium *l. 6. cap. 11.* Calis ob cogitatum  
 cum Demetrio facinus faxis obrutus  
 est.

# 188 INTROD. IN DOCTR. POLIT.

est. Intelligunt verò hæc DD. de cogitatione conjuncta cum colloquio & tractatu, *Decian. de Crimin. lib. 9. cap. 28. n. ult. conf. Tabor. Tr. de Conatu, cap. 2. §. 6. Illustr. Dn. de Rhetz. diss. de Occultis, volum. 1. Disput. Select. cap. ult. Magn. Dn. Strijckius, Doctor meus venerandus, all. Tract. diss. 10. c. 6. n. 27. de Cogitationibus sequentem format more suo maximè laudabili Regulam: Cogitationem delinquendi, qua ad factum exterius, delicti consummationem respiciens, processit, puniendam esse. In Foro interno res expedita. vid. ad Rom. c. 7. v. 7. Exod. 20. v. 17. Notandus casus Torberni Oxii, Nobilis Dani, Gubernatoris Hassniensis, qui Christiani II. temporibus, ob solam cogitationem amorum, ultimo supplicio fuit affectus. Meurs. Histor. Dan. lib. 3.*

§. 7. Nec posterì propriè puniri dici possunt: qui enim non sunt, nec deliquisse dici possunt. Quod vero patiuntur ob parentes, *infortunium* dici meretur.

retur. *Vid. Dn. de Pufendorff. Element. Jurispr. lib. I. defn. 21. §. 7. Peccata & suos teneant auctores: Nec ulterius progrediatur metus, quam reperiatur delictum. Grot. lib. 2. cap. 20. §. 13. n. 1. & 2. Seneca nihil iniquius dicit, quam aliquem heredem paterni odii fieri. lib. II. de Ira c. 4. Audiamus Zieglerum de pœnis liberorum differentem: Supplicia quadam nulla ratione purgari satis possunt ab iniquitate, quam continent. Id tamen non diffiteor, prudenter coerceri perduellium liberos, ne noceant & parentum supplicia vindicent. ad Grot. l. 2. c. 20. §. 13. Bruta interficiuntur, non quasi deliquerint, intellectu enim carent, sed ad abolendam facti memoriam.*

§. 8. Extenduntur justè ad mortem, tum in favorem innocentum, tum etiam quia Resp. summum habet jus in vitam subditorum. *conf. §. 3. Cruciatu etiam in pœnis addi possunt, pro delicti ratione; attamen non ultra humanum modum extendi debent. Prout omnes actiones*

actiones nostræ intra humanum modum continendæ. Unde qui multis modis mortem meruit, multis cruciatibus ad illam duci potest. Sunt enim indicia & complexus plurium delictorum. Et vita anterior simul cum delicto in æstimationem venire debet. *Grot. l. 2. c. 20. §. 30. n. 2.* Nonnunquam etiam in pœnarum distributione Nobilitatis ac Dignitatis delinquentis ratio habetur, *arg. l. 16. §. 3. ff. de pœn.* Ipsa verò dignitate, officio & honore delinquens, antequam ultimo supplicio afficitur, per ejusdem dignitatis consortes & membra privatur, & in conditionem planè privatam ponitur, tumque manibus carnificis traditur. Exemplum recentissimum in eo, qui Heidelbergam Palatinatus Caput, in opprobrium Germanici nominis, tot millium totale exitium & interitum, infensissimo Germanorum hosti, nescio quo furore aut timore, flagitiosissimè, ne suscepta quidem ulla defensione, diripiendam & fundi-

funditus devastandam, reliquit.

§. 9. Quid dicendum de *pœnis in effigie*? Sunt veluti pœnæ morales, declarantes personam veram, ejusmodi supplicio dignam fuisse, adeoque pro veris & moralibus pœnis habentur, effectumque in genere humano producunt, & talis non habetur amplius pro existente, & in bona ita statuitur, quasi revera pœna affectus sit.

§. 10. Exsecutores pœnarum in Europa nostra sunt *lictores & carnifices*, ministerium Justitiæ in exsequendo supplicio præstantes. Suntque vulgo exosi & abominationi, quia semper circa facinorosos versantur, & mortis (quamvis meritæ) supplicium exsequuntur. Plerumque etiam ferocitas & crudelitas aliqua illis adest, ex frequenti illo suppliciorum exercitio. Accedit, quod & his sordidissima quædam à Magistratu opera nonnullis in locis, ut morticinarum, cloacarum &c. curæ demandentur. Verum quia causæ hæ omnes fluunt

ex accidente, *inhonesti per se & infames* minimè haberi possunt; nec quia Justitiæ ministerium præstant, incommodum, tanto minus famæ jacturam, pati debent. In Veteri Testamento in Republ. Hebræorum erant *Testes* executores. Saul jussit, ut emissarii sui interficerent Sacerdotes. 1. Reg. c. 22. David illum, qui dicebat à se interfectum Saulum, per unum ex pueris occidi jussit. 2. Sam. 1. v. 15. In Regno Persia proximi agnati eodem modo hoc peragunt, ut apud nos carnifices. Inhumanitate verò non caret. Conf. Bodin. de Republ. l. 3. c. 8. Keckermanit. Curs. Philosoph. disput. 32. emblem. 6.

§. II. *Nec ipsi pœnam in corpore nostro exsequi possumus*, licet Magistratus hoc jubeat. Ob amoris nostri teneritudinem. Repugnantia esset in materia, naturalem in nobis amorem extinguere velle. Proinde damnanda exempla Veterum Romanorum, & hodiernorum *Japanorum*. Apud hos Rex,  
alia



alicuique mortem meruit, mandat:  
*Abi, ventrem tibi scinde.* Seneca Epist.  
 30. *Aliquando, etiamsi certa mors insta-*  
*bit, & destinatum sibi supplicium sciet,*  
*non commodabit sapiens pœna sue manum.*  
*Stultitia est timore mortis mori, veniet,*  
*qui occidat, expecta; quid occupas alie-*  
*num negotium? Unde & præbitio veneni*  
*illicita, Antiquis Græcis valdè usitata.*  
 Apud Athenienses Socrates pœna hac  
 affectus, exhausto cicutæ, strenuè &  
 cùm admiratione adstantium, poculo.  
 Reus enim hac ratione carnificis munus  
 obit, ac sibimet manus violentas infert.  
*Add. Keckerman. all. Tr. emblem. 5. Ad*  
*facilitandam tamen pœnam infligendam*  
*reum concurrere posse, extra dubium,*  
*c. g. fur jamjam suspendendus, sponte*  
*scalam ascendere potest, quia pœna ex*  
*eo per se non sequitur. Non verò sponte*  
*se deicere; quia vitæ nostræ ad extre-*  
*mam mortem & halitum usque consu-*  
*lere debemus.*

§. 12. Oppositum pœnis *ius aggra-*  
 I tiandi,

*tiandi*, dubium enim nullum, quin Princeps id, quod lege positiva cum determinatione certæ pœnæ prohibuit, pro lubitu etiam vel totum remittere, vel mitigare saltem possit. Non autem nisi cum diligenti causæ cognitione fieri debet.

§. 13. Mensuram accipit ex *Natura delictorum*, quorum quædam indispen-  
sabilia & *Natura sua capitalia*, quædam  
verò ex *Lege capitalia* & dispensabilia.  
*Vid. Cl. Dn. Becmannum, Polit. parall.*  
*c. 15. §. 6. Natura capitalia* sunt: Homicidium, Atheismus, Magia nefanda, Concubitus cum masculis & bestiis. Quibus à nonnullis additur Crimen Majestatis & Rebellionis. *Lege Capitalia*: Furtum, Sacrilegium, Adulteria &c. hisce e. totum genus humanum, uti prioribus non evertitur, sed tantum turbatur. Cum porro Princeps juri naturali sit subjectus, & legibus Divinis moralibus æque ac alii homines teneatur, *Ziegler. de Jur. Majest. lib. 1. c. 8. §. 8.*  
limitata

limitata etiam erit ejus potestas, nec gratiam circa delicta, natura & lege divina, capitalia facere poterit. Quia hæc judicia non ex arbitrio ejus, sed ex mandato naturæ & Dei dependent, mandatarius verò mandati fines egredi nequit. *Dn. Becman. Diff. de Divin. Vicar. Princip. c. 3. §. 5. in fin.*

§. 14. Causæ, quæ Principem ad gratiam faciendam movere solent, sunt (1.) Utilitas publica, *l. 21. §. 2. ff. ad l. Aquil.* (2.) Delinquentium merita in reimpubl. collata. *Gail. lib. 2. obs. 56. n. 4. & 110. n. 41. Dn. Pufendorff. de f. N. & G. l. 8. c. 3. §. 17.* Exemplum in S. Scriptura *1 Reg. 14.* (3.) Vita ante bene acta; si enim is, qui alias optimis moribus Reip. se commendavit, delinquat, ex imbecillitate potius, quam dolo peccasse censetur. *l. 5. pr. & §. 6. ff. de militar.* (4.) Dignitas. *conf. §. 8. huj. cap. l. 6. pr. & §. fin. ff. ad. L. ful. pecul. l. ult. de sepulchr. viol.* (5.) Insigne artificium, *l. 31. ff. de poen.* (6.) Si delinquens

I 2

linquens pœnitentia ducatur, & omnia in pristinum statum reducat. (7.) Cum quis diutius in carcere detentus fuerit, l. 25. ff. de pœn. Clementius enim ille puniendus, ita ut à pœna, quam pati debuisset, detrahatur, quod ob diuturnum carcerem passus est. vid. Tabor. Armament. Justin. Comment. de admenat. cap. 3. & ibid. in Respons. verb. zum Sechsten. Mevium Consil. II. n. 102. 103. & seq. (8.) addunt, si rupto laqueo ad mortem laquei damnatus in terram ceciderit; quia reputandum pro facto miraculoso. Vid. latè Tiraquell. Tr. de pœn. temper. & remitt. caus. 41. 50. & seq. Carpzov. Prax. Crimin. part. 3. qu. 140. & seq. Pufendorff. de J. N. & G. lib. 8. c. 3. §. 16.

§. 15. Denique addimus *Asyla*, loca refugii adversus vim injustam. Adeoque facinorosis non profunt, quia vim injustam non patiuntur. Ideo enim Deus asyla illis constituit, qui homicidium casuale commiserant, *Exod. 21.*

§. 13.

§. 13. alios verò inde extrahi jussit in  
 generalem abominationem effusionis  
 sanguinis humani. Item Asyla illis, qui  
 crimen Divinæ vel humanæ Majestatis  
 commiserunt, securitatem minimè præ-  
 stant, exemplum in Sacris i *Reg. cap. 2.*  
 §. 28. 29. & *seq.* ubi Salomon jussit  
 avelli à cornu altaris & interfici in ta-  
 bernaculo Dei Joabum, quia proditor  
 Majestatis erat. *Add. Dn. Tesmar. Diss.*  
*de Asylis. vol. 1. Diss. & Dn. Thomasi*  
*Diss. de Jure Asyli legat. adib. compet.*  
*Lips. an. 1689. hab. Keckerman. all. loc.*  
*emblem. 3. Grot. lib. 2. c. 21. §. 5.*

§. 16. Hodierna Receptio facinoro-  
 rum in Monasteriis & Ecclesiis origi-  
 nem debet veteri Christianorum mori,  
 precibus suis interpositis pœnas ut plu-  
 rimum avertentium. Evidenti verò ab-  
 usu laborant, dum ædes Sacræ quan-  
 doque patrocinium injustitiæ præstant.  
 Salvum enim se sentit reus, cum in  
 monasterium vel templum aufugere po-  
 test, etiamsi ex malitia & studio homi-

198 INTROD. IN DOCTR. POLIT.  
cidium vel simile delictum commiserit.  
Apud Gentiles eodem loco reponeretur seu habebatur templum Minervæ Lacedæmoniorum; Nemo enim hinc extrahi poterat. Hic non prætermittendus casus Pausaniæ, Ducis Lacedæmoniorum, quem fugientem in templum Minervæ, Lacedæmonii quidem eo non extraxerunt, sed obstructis & oclusis foribus fame necarunt. Verum non eò minus vis Asylo illata, actu non simpliciter, sed effectum ex actu fluente spectato; major vis est in asylo aliquem enecare, quam ex asylo extrahere.

### C A P U T XIII.

#### *De Premiis.*

##### §. I.

**S**equuntur ordine *premia Reip.* quibus subditi ad honestatem & egregia reip. facinora excitantur. Et hodiè Summi Principes plerumque laudabilem

lem hunc morem habent, quod de se & Republ. bene meritos *nobilitate* vel *Equestri* & *maiore dignitate* condecorare soleant. Nec sine ratione; quia generosissimi cuiusque virtus, pretium nullum laborum periculorumque suorum desiderat, præter honoris & gloriæ.

§. 2. Causa efficiens harum Dignitatum est *Summus quisque Princeps*, in suo Regno. Inter causas impulsivas sunt *merita*. *Meritum* vero est jus accipiendi præmium, factis suis æquivalens. Ex meritis etiam fluunt dignitates, & ob res bene gestas nobis debetur æquivalens. Unde rejicitur *emptitia*, quia sine meritis esse creditur. hæc non durabilis, quia anima, meritis nempe, caret. Hincque recentes illos nobiles in se ipsis vel proximis deficere videmus, quia dignitatem non ex meritis habent. Deneantur E. indignis.

§. 3. Nec omnis virtus nobilitat, sed ea saltem, quæ ad bene esse Reipubl. quid confert. Hinc *Consiliariis* nobili-

tantur ob prudentiam: Milites ob fortitudinem; ob liberalitatem, qui Rempubl. opibus juvant. Hinc in Republ. Venetorum illi ad Patricios Nobiles adsciscuntur, qui certam pecuniæ summam tempore necessitatis subministrant.

§. 4. Nec indifferenter omnibus & copiosè nimis dignitates distribuendæ; quia hac ratione vilescunt, & antiquarum familiarum splendor deprimitur. *Hereditaria*, verò dantur in spem continuationis meritorum erga Rempubl. Et hæc ratio, cur Prisci Imperatores Germanici dignitates hæreditarias Statuum Imperii fecerint, e. g. Ducum Saxonix, Marchionum Brandenburgensium, Comitum Palatinorum &c.

§. 5. Etiam *Respubl. Libera*, dum habent plena jura Summæ Potestatis, habent & jus conferendi dignitates. Fieri verò non solet, ob studium æqualitatis, cui dignitates repugnarent. Sic Potentiss. & florentissima Belgarum Respublica,



publica, ut & Helvetiorum, nullos nobiles creant.

§. 6. *Exteris quoque conferri possunt, quia beneficia. Hacque in parte differunt à Pœnis, quæ in neminem, nisi Reipubl. nostræ subditum, conferri possunt. Imò esset cum injuria conjunctum, si alium malo sine causa afficeremus. Dignitates verò contra. Sic Princeps Transylvaniæ, ut & Razeviliensis S. R. I. Principes. Fallit hoc in Regnis absolutioribus, in quibus non nisi cum consensu Regis & Principis, cujus subditi perpetui sunt, dignitates accipere audent. Unde cum Rudolphus II. Nobili Anglo Comitis Titulum donasset, illumque in Anglia sibi tribui vellet, Elisabetha Regina hoc vetuit, dicens: Subditos non nisi cum consensu Superiorum suorum dignitates ferre & recipere debere, cedere enim hoc in contemptum ipsius. Aliud exemplum in Episcopo Roffensi. vid. ap. Camden. in *Annal. Elisabeth.**

## 202 INTROD. IN DOCTR. POLIT.

§. 7. Notæ Dignitatum sunt *insignia*. Hinc dignitates qui non gerit, nec insignia rectè gerit. Unde vulgi insignia nulla, quia dignitatibus caret; & quæ vocant insignia, nomen hoc non merentur, sed saltem notæ personales sunt, æquiparandæ notis ædium in civitatibus majoribus. Quo ad notitiam & antiquitatem Insignium consule Dn. Speneri *Opus Heraldicum i. e. notitiam insignium*.

§. 8. Observandum partes insignium esse (1) Scutum seu campum. (2) Emblentata i. e. figuras & colores scuto adhærentes. (3) Galeam, der Helm. (4) Clinodia ornatus causa galeis adjecta. (5) Sustentacula, seu Telamones, qui insignia sustinent. Non tamen in omnibus apparent. Seriem dignitatum latè exhibet *sep. laudat. Excell. Dn. Beckmanus Notit. Dignitat. Illustr. tot. conf. Jacob. VVilh. im Hoff. Notit. S. Rom. Imp. Procer.*

CAPUT

## CAPUT XIV.

*De Consiliariis & Legatis.*

## §. I.

**Q**uia unius mens non est tantæ molis, qualis Reip. administratio, capax, ut verbis Taciti *lib. 2. Annal.* utar; & quia Principes grande Regiminis onus, quod per vasta & magna territoria se extendit, sua cervice ferre vix possunt; præprimis dum in amplitudine ditionum & Regnorum Principatus sui gloriam quærunt, idcò necessarii Principibus adjutores & officarii, qui negotiis Principum gerendis præficiuntur; & totum Principem seu Rempubl. repræsentant. Tales præcipue *Consilarii & Legati.*

§. 2. Etsi etiam Princeps tam prudens sit & expeditus in Consiliis, qualem optamus; nimium tamen prudentiæ suæ tribuere non debet, ita ut sine consiliariis Rempubl. administret. Quia

prudentia humana anceps quiddam & lubricum, ideoque perpetuis quibusdam quasi fulcris & subsidiis eget. *Nemo quippe potest omnia complecti scientia sua*, ait rectissime Tacit. *lib. 3. annal.* Nemo est tanta prudentia præditus; ut majori non indigeat, & sapientissimo cuique deest facillimum consilium. Verissimum quod Cobares apud Curt. *lib. 7.* monet: *Naturam humanam hoc quoque nomine pravam & sinistram dici posse, quod in suo negotio hebetior quisque sit, quam in alieno; eorum autem, qui sibi suadent, turbida esse consilia.*

§.3. Est *Consiliarius* persona publica, salutaria Reipubl. vel Principi suggerens, eumque in administratione adjuvans. In *electione Consilarii*, quia reliquis exemplo sunt, spectanda pietas, fidelitas, rerum politicarum prudentia, & præprimis accurata Reip. cui consulere debet notitia. Ad consilium enim in Republ. dandum, caput est, nosse Rempubl. & ex hac ratione *incola peregrinis* præ-

præferri solent. Cum tamen virtus cuiusque, non patria æstimari ac respici debeat. *vid. latè Keckerman. Discurs. Polit. de Consil. quæst. 5. & II. & iudiciosiss. Lipsium lib. 3. Polit. c. 4. 5. coll. Burgersdick. Ideam Doctr. Polit. c. 7.* Item fidelis erga Principem in Consiliario requiritur affectus, & ut privata non posthabeat publicis. *Qui alterius Principatum in manu quasi habet, nunquam de se, sed Principis commodo cogitare debet. Keckerman. all. I. quæst. 12.* Nullum etiam est officium tam sanctum atque solemne, quod non avaritia comminuere ac violare soleat. *Cic. Lips. all. I. cap. 6.* Perfecta etiam requiritur ætas, & quidem à nonnullis senilis, eo quod *prudencia non veniat ante pilos.* Sic est, senectus venerabilis est, sed non tam quæ crine, sed quæ virtute una albescit, quæ ad iubendum suadendumque plurimum valet. Sed opinio sæpe de aliquo, plebem magis movet, quam res aut ratio ipsa. Vera verò demum canities

ties dicitur, quæ in canis cogitationibus ac operibus fulget. Et si anni præcisè in dandis honoribus numerandi essent, sæpe magna virtutis indoles prius exstingueretur, quam prodesse Reipub. posset. *Virtus*, inquit Cic. *etatem legitimam, admiratio virtutis auctoritatem facit.* Imò reperiuntur quandoque, qui Demophilo similes, qui in juvenilibus Juvenis, in consiliis Senex erat. *Vid. Tiraquel. de Jure Primogenit. pæfat.* Commendatur, ut Senibus adjungantur Juvenes, quemadmodum juxta annosas arbores plantas ejusmodi novas inferre juvat, quæ post interitum vetustarum & mortuarum, in locum earundem succedant. *Tholosan. de Republ. c. 6. §. 2.* Axioma Polit. de Electione Consiliariorum ita sonat: *Principem adhibere lateri suo debere viros doctrina, virtute, experientia, fide probatos. Et ad ornatum Palatii credimus pertinere, aptas dignitatibus personas eligere: quia de claritate servientium crescit fama dominorum.*

*rum. Tales enim provehere Principem decet, ut quoties Procerem suum fuerit dignatus aspicere, toties se cognoscat re-  
 eta iudicia habuisse. cum Lips. ex Cas-  
 siodoro, in not. ad cap. 10. lib. 3. Polit.  
 init.*

§. 4. Pro varietate rerum, de quibus  
 Consilia capiuntur, varii sunt quoque  
 Consiliarii: Unde Ecclesiastici, Politi-  
 ci, Aulici, Camerales, Consistoriales,  
 Militares, Commenciorum &c. *de quib.  
 vid. passim Polit. & Althus. Polit. c. 27.*  
 Eminent in aula, tanquam luna è stellis  
 minoribus, *Ministri Status Intimi*, qui  
 Statum publicum sustinent, principa-  
 liora ac nobiliora corporis Principis  
 membra. *l. 5. C. ad L. Jul. Majest.*

§. 5. In consultando permittum esse  
 debet Consiliariis liberè mentem suam  
 aperire; rejecto illo Harpagi: *Mihi  
 placet, quicquid Rex facit.* Magnum in  
 Consiliario atque utile munus, ut libera  
 ei sit lingua. Rectè olim Solon: *Consule,  
 non qua suavissima, sed qua optima sint.*  
 Sed

Sed hanc nimis raram in aulis Principum dicit virtutem Lipsius in not. ad lib. 3. Polit. cap. 5. addens ex Seneca lib. 6. de benefic. cap. 30. *Vis scire cuius rei inopia laborent magna fastigia? quid omnia possidentibus desit? ille qui verum dicat.* Sciant Consilarii sc libere cum Rege loqui posse, sed non de Rege. Lips. all. l. Modestia tamen libertas hæc temperanda. Etsi etiam Consilia aliquorum malè ceciderint, eo nomine Consilarii non statim culpandi, maxime si cum ratione conjuncta fuerint. In nullo enim errare, divinum potius, quam humanum est.

§. 6. Sed an Consiliario sufficit, si in consiliis respiciat, quid ex usu Principis? Resp. Semper quidem respicere debere, quid ex usu sit Principis, ita tamen, ut & suæ, & Principis conscientia ratio habeatur; ita utilitatem intendere & respicere debet, ut ratio recta semper adsit, & pro fundamento eam habeat, qua & conscientia placatur. Princeps



ceps itaque in conscientia securus esse potest, etiam in re injusta, si de injustitia rei informatus non sit, nam peccatum omne redundat in Consiliarios.

§. 7. *An tenentur eventum Consiliorum præstare?* Negatur, sufficit enim probabilis ratio data effectus sequuturi, seu quod probabilem rationem Consilii sui habeat. Ad eventum præstandum illos adigere est (1) ultra humanum modum, quia rerum successus in hominum potestate non sunt. (2) Principi quoque & Reip. perniciosum; viri cordatiores enim se tali ministerio adstringi non paterentur, quia ad talia præstanda se impares esse intelligunt. In Oriente tamen apud Turcas ita moris est, ut ad eventus præstandos ministri adstringantur. Atque hinc tot cædes Magnorum Viziriorum in hodierno bello Turcico. Quatenus teneantur ex consilio imperito latè & eleganter deducit *Magnif. Dn. Crusius, Antecess. Duisburgens. primar. in Tract. de Obligat.*

*gat. ex Consilio part. 2. Considerat. 2. tot.*  
 quorsum Lectorem brevitatis amore  
 remitto.

§. 8. *Legati sunt Ministri Principis*  
*s. Reip. ad negotia publica peragenda ad*  
*exteros missi.* Mittentis hi Majestatem,  
 quanta in comparatione ad alterius Ma-  
 jestatem intelligi potest, repræsentant.  
 Et hinc eodem loco habendi in terri-  
 torio ejus, ad quem mittuntur, quo  
 haberentur, si ipsi venirent, mittentes.

§. 9. Suscipiuntur Legationes vel  
 propter *negotia* v. g. bellum indicen-  
 dum, inducias faciendas, pacem cu-  
 dendam, foedus ineundum, matrimo-  
 nium contrahendum, & ejusmodi alia.  
 Vel *ex officio* ad quod obstricti, qualis  
 legatio Hispaniarum Regis ad recens  
 creatum Pontificem, propter Regna  
 Siciliæ & Neapolis. Vel *Honoris gratia*,  
 ad gratulandum vel condolendum. *vid.*  
*Perez. ad Tit. C. de Legat.*

§. 10. Differunt à Legatis *Nuncii*,  
 qui tantummodo mandata perferunt,  
 aut

aut nunciant aliquid. *Residentes*, qui negotia tractant, sed non perficiunt; qui sunt instrumenta communicationis inter Principes seu Respubl. & una vincula amicitiae inter utrasque, quod exinde patet, quia gliscente bello *Residentes* avocantur. *Commissarii*, qui mittuntur à Principe ad Subditos. *Deputati*, qui mittuntur à Subditis ad Principem. Verum & in his nominibus varietas utendi pro arbitrio Principis aut Reip. est; Potest enim sæpe qualitas interna i. e. facultas ad expedienda negotia impertiri sine qualitate externa, pendent enim hæc omnia à voluntate mittentis, finesque suos habent, vel ut pareatur sumptibus, vel ut prærogativæ contentio vitetur. Legatus Pontificis, si Cardinalis, vocatur *Legatus à Latere*; si alius, *Nuncius Apostolicus* dicitur; non alia fortè ex causa, quam quia aulae Romanæ sic placuit. Vocantur & *Legati nati*, qui cum dignitate, quam acquirunt, fiunt ipso jure *Legati*, qualis

lis olim Archiepiscopus Cantuariensis  
*c. 1. x. de Offic. Legat. it. Eboracensis*  
*e. 1. x. de Appellat. Bituricensis in A-*  
*quitania superiori, & Remensis in Fran-*  
*cia. Ziegl. de 7. Maj. lib. 1, c. 32. §. 4. &*  
*seq. Salisburgensis in Germania Bert.*  
*de Germ. lib. II. c. 3.*

§. 11. Quia repræsentant personam  
 Principis, hinc fuit Legatos esse *inviol-*  
*labiles*. Principis enim character sem-  
 per inviolabilis, quia est Vicarius Dei,  
 E. & Legatorum, quia quasi Vicarii  
 Principum. Ergò offendere, occidere,  
 contumelia aut damno afficere non ma-  
 gis eum licet, quam ipsum Principem.  
*conf. l. 17. ff. de Legat. Ziegl. all. l. §. 13.*  
*& seq. Grot. de 7. B. & P. l. 2, c. 18. §. 4.*  
*5. & seq.* Et quidem *ultra jus commune*  
 sunt inviolabiles ex persona mittentis  
 i. e. etiamsi peccent, violari non pos-  
 sunt. Alias enim nihil singulare præ  
 privatis haberent, omnes quippe de  
 jure inviolabiles sumus.

§. 12. Idem, quod de Legato dictum,  
 dicen-

dicendum de *Comitibus, Ministris, famulis & rebus* eorum. *Legatus* enim totus sanctus, ac proinde omnia etiam ad Legatum pertinentia. Si inter *Ministros* Legati aliquis delictum commiserit, graviter controvertitur, num ad Principem territorii, in quo degit Legatus, an ad legatum pertineat vindicta publica? Egimus de hac *Cap. 8. §. 64. 65. Munera* discedentibus offerri solent in honorem mittentis. Quæ attendenda in electione Legati, item quid Legato observandum, & qualem se gerere debeat, latè & insigni exemplorum congerie exponit Frider. de Marselaer *Tract. de Legatis. tot.*

§. 13. Cum omnium officiariorum & aulicorum communis finis sit gratia Principis: In hac enim assequenda omnium laborat scientia, omnis desudat labor. *vid. Meißner. Inst. Aulic. c. 2.* Optimos & tutissimos, ad aucupandam Magnam gratiam modos, esse veræ pietatis & reliquarum §. 3. *enarr.* virtutum studium,

studium, Pii aulici exemplis suis comprobant. Deus piorum Principum animos piis aulicis conciliat *Dan. I. v. 9. Tob. ult. vers. ult. coll. Exod. II. v. 3. & cap. 12. v. 36. Ecclesiast. cap. 8. v. 12. Salomon Prov. c. 22. vers. II. Qui amat munditiem animi, pro gratia labiorum Ejus, Rex amicus Ejus futurus est.* Pietatem enim qui amat, quæ pia sunt, etiam profert; pia quoque suavia piis. *vid. & Eund. cap. 15. v. 9.* præprimis inspicere Davidis *Psal. 101. v. 5. 6.* Denique imitatione non indignum illud Senecæ monitum: *Esto sermone affabilis, accessuque facilis: vultu, qui maximè populos demeretur, amabilis: æquis desideriis propensus, nec iniquis acerbis.* & illud Cic. *Quanto superior es, tanto te submissius geras.* Hæcque etiam à Viris Illustribus & Magnis fieri summa cum laude, notum. At quomodo inscitiam, stoliditatem & inhabilitatem suam ad vitam aulicam pròdunt commiseratione digni, qui quanto minores in aula sunt, tanto majores &

& arrogantiores minoribus se gerunt  
 & ambas inflant buccas; profectò, si  
 docti forent & sapientes, humaniores  
 essent. Et plerumque ejusmodi arro-  
 gantia se prodit, secundum tenorem  
 notissimi proverbii: *Asperius nihil est*  
*humili, cum surgit in altum. conf. Sapien-*  
*tiss. Regum Salomonem Proverb. cap. 30.*  
*v. 22. 23.*

§. 14. Cum nulla conversatio diffi-  
 ciliior aulicâ, fors cum prudentia in  
 aula misceatur, cumque non procul à  
 fulmine sint, qui non procul à Jove, at-  
 que secundum commune proverbium  
 quandoque *tollantur in altum, ut lapsu*  
*graviores ruant*: Hinc qui alteri à Prin-  
 cipibus & *Ministrissimi*, ut quidam lo-  
 quuntur, sunt, cauti & circumspecti ef-  
 se debent, ne in sublimi illo dignitatis  
 gradu, qui multorum odiis patet, gra-  
 dus ad ruinam parentur; ipsa enim au-  
 lica vita multis casibus exposita. Ince-  
 dendum Ministris aularum per ignes  
 suppositos cineri dolofo. Præprimis,  
 evenien-

evenientibus hisce casibus in Republ.  
cum Viri Magni & egregii infortunio,  
vel mala gratia Imperantium, statu suo  
excidunt, culpandæ vulgi invektivæ in-  
tales, juxta tritum illud: *Was ein grof-*  
*ser fällt / will ein jeder über ihn her.*

Recte Seneca *Consol. ad Matrem Hel-*  
*viam*, cap. 13. ubi inquit: *Si magnus vir*  
*cadit, magnus vir jacet. Non magis ille*  
*contemnitur, quam cum adium sacrarum*  
*ruina calcantur, quas religiosi eque ac*  
*stantes adorant.* Lapsum verò, plerum-  
que superbia præcedere solet *Proverb.*

II. v. 2. Eleganter hoc exprimit. Era-  
simus: *Ut venti desicuri vehementissime*  
*spirare solent; ita mortales cum maxime*  
*efferunt sese, tum proximi exitio solent*  
*esse.* *Inquinat egregios adjuncta superbia*  
*mores.* *Claud.* *Res secunda faciunt homi-*  
*nes insolentiores.* *Cic.* Vel etiam Fati hu-  
jus causa potest esse hæc: quia aut fa-  
tietas capit illos, qui omnia tribue-  
runt; aut hos, quia nihil reliquum est,  
quod capiant. Vel etiam malitia inimi-  
corum,



corum, æmulorumque *Sejani* casus, qui Ministrissimus erat *Tiberii Imper.* humanam imbecillitatem egregiè ob oculos ponit, monetque, nusquam inflatè se gerere. Hic ex summo felicitatis culmine deturbatus, capite multatus, in *Gemonias* projectus est; cumque totum triduum populus ludibrio habitum in *Tiberim* misit: Liberi ejus ex *Senatus Consulto* necati. Filia, quam pactus erat *Claudii Imperatoris* filio, constuprata prius à carnifice, quasi impium esset, virginem supplicio perire. *Tacit. l. 5. an. 9. vid. Inst. Viri Priv. Publ. & Aul. lib. 2. c. 21. & seq.* Felices itaque, qui in medio cursu felicitatis secedunt. *Felicitas, in ipsa felicitate mori.* *Sen. Rectè Diogenes Principibus perinde atque igni utendum esse dixit: neque nimis propè accedendum, ne exuraris, neque nimium procul recedendum, ne rigeas. Nemo potentes aggredi tuto potest. Sen.*

§. 15. Multa etiam quandoque in aula dissimulanda. Imo non licet hominem

*esse sepe, ita ut vult, si res non finit. Terrent. Et fortè non incongruè hanc in rem quadrabit illud Senecæ: Sapiens solaphis percussus quid faciet? quod Cato, cum illi os percussus esset; non exsaudit, non vindicavit injuriam; ne remisit quidem, sed factum negavit, majore animo non agnovit, quam ignovisset. Illud Claudian. exeat aulâ, qui volet esse pius, cum Dn. Becmano non simpliciter verum esse, dicimus: Cum etiam in casulis abjectissimis dominantur vitia, quamvis impotentius. Neque aula, sed toto mundo exire debet, qui perfectæ pictatis & quietis studiosus esse cupit. E contrario osores aularum sunt osores dignitatum & magnitudinis, quia fontem, ex quo promanant, odio habent & deserunt. Nunquam enim, qui aulas odit, magnus fuit. Eleganter talem osorem aulæ ob oculos ponit Seneca:*

*Stet, quicumque volet, potens*

*Aula culmine lubrico:*

*Me dulcis saturet quies.*

*Obscuro*

Obscuro positus loco  
 Leni perfruar otio.  
 Nullis nota Quiritibus  
 Aetas per tacitum fluat.  
 Sic cum transierint mei  
 Nullo cum strepitu dies,  
 Plebejus moriar senex.  
 Illi mors gravis incubat,  
 Qui, notus nimis omnibus,  
 Ignotus moritur sibi.

## CAPUT XV.

De Jure circa Sacra.

§. I.

**G**Raviter Plato Dialog. de Legib. l. 4.  
 Ut Civitatem nostram stabiliamus,  
 ante omnia Deus invocandus, obsecran-  
 dusque, ut nos exaudiat, & nobis pro-  
 pitius sit ac benignus, ad nos veniat, le-  
 gesque ipse nos doceat, nostramque civi-  
 tatem adornet. Et deinde addit, homi-  
 nes ad felicitatem suam dirigi non possent,  
 nisi Deus moderetur & quasi manu ducat.

K 2

Itaque

Itaque meritò prima Principis cura cōtendere debet, ut is devotè colatur, cujus in terris Vicarius est. Nec unquam visa civitas templis & Diis destituta, licet quamplurima alia ad beatitudinem civilem facientia defecerint. *Lips. in not. ad cap. 2. lib. 4. Polit. & lib. 1. c. 3.* Hinc & Athei, quia sine probabili ratione genus humanum turbant & violant, capitaliter puniuntur. *Grot. lib. 2. cap. 20. §. 46. n. 4.*

§. 2. Cum itaque Religio sit Rerum-publicarum vinculum, fulcrum & fundamentum, coagulum item, omnis societatis & fundamentum legislationis, *Grot. l. 2. c. 20. §. 44. n. 3.* utique is valdè peccaverit, tum in commoda publica, tum in Majestatem Imperantium, qui eam in alterius, quam imperantis tutelam collocaverit. Nam cui salutis publicæ summa commissa, ei quoque committi ea debent, sine quibus salus Reip. procurari & obtineri non potest. *conf. Aristot. l. 7. Polit. c. 8.* Ecclesia enim est in Republica. §. 3. De-

§. 3. Definimus Jus circa Sacra, quod sit publica veram Religionem introducendi & introductam asserendi potestas.

§. 4. Causa efficiens hujus potestatis nemo est nisi Deus. Deus enim Magistratibus custodiam legis Divinæ & quidem utriusque tabulæ commisit, *Dent. 17. vs. 18. 19. & Josue 1. vs. 7. & 8. 2 Reg. 12. vs. 5. & seq. Esaia 49. vs. 23.*

§. 5. Potestas hæc est vel interna vel externa. Illa circa ecclesiastica exercetur ecclesiastice, sc. prædicando & interpretando verbum divinum, administrando Sacramenta, &c. & quidem à Ministris Verbi Divini. Hæc scil. externa, exercetur quidem, non ecclesiasticè, sed modo quodam civili, consistitque in directione Sacrorum; & hæc est, quæ Principi seu Reipubl. competit, & ad humanum imperium spectat, ita tamen ut ordinatio fiat secundum verbum divinum.

§. 6. Ad hanc pertinet (1) Jus Religionem in Rempubl. introducendi, modo

## 222 INTROD. IN DOCTR. POLIT.

non sit falsa, hæc enim subditis imperari non potest. Imperium quippe, quod directè divino imperio contrariatur, aut fidem à Deo datam violat, obligationem non parit. Deo magis obediendum, quam hominibus. Unde rectè Augustinus: *Si aliud Imperator, aliud jubeat Deus, quid judicatur? Major Potestas Deus, da veniam O Imperator!* *conf. §. 8. Cap. 22.* Abhorremus hiæ ab illorum sententia, qui religionum tuentur indifferentiam. *Vid. Dn. Pictetum Profess. Genevens. Diff. de Religione, in qua disputat adversus eos, qui Religionum tuentur indifferentiam, an. 1691. edit.*

§. 7. (2) *fus mutandi* i. e. ut una Religio sit dominans seu publica præ alia. Interim tamen plures Religiones in una Republ. publicæ & dominantes esse possunt, uti in Imperio nostro Rom. Germanico tres publicæ sunt: Pontificia, Lutherana & Reformata. In Gallia antea duæ, Pontificia & Reformata.

Nec

Nec semper Principis Religio est publica; nam in Suecia olim Sigismundus Pontificius fuit, religio verò publica Lutherana. Sic Potentiss. Elector Brandenburg. Supremus Borussiae Dux, Reformatus, religio vero publica fere est Lutherana. Et hinc casus evenire possunt, quibus Princeps contra Religionem propriam pro religione publica pronunciare tenetur. *Signa Religionis publicæ* sunt campanæ, quæ conventum publicè indicant. Unde in Republ. Belgica Religionibus aliis præterquam Reformatæ, hoc jus non conceditur, licet tolerentur. Simile jus turrium, quod itidem ordinariè signum religionis publicæ, denotat enim eminentiam.

§. 8. *Plures etiam Religiones in Republ. tolerande*, quia Religio non imperari, sed suaderi debet; est enim pars libertatis intellectus, seu Philosophicæ libertatis, qua credimus, quod intellectui nostro conveniens. Christus ipse prædixit, semper fore sectas & hæreses

## 224 INTROD. IN DOCTR. POLIT.

in ecclesia. v. I Cor. II. vers. 19. *conf. plur. Rummelin. ad A. B. part. 3. diff. 2. Coroll. 1. & seq. & ib. Myler. in addit.* Aliud verò dicendum, si sint in Republ. Sectæ quæ nullam, vel absurdam & Societatem humanam turbantem religionem foveant: Unde Atheismus, auferens ex genere humano fiduciam, item Muhammetismus, vel Gentilismus, non tolerandæ. *Judæi tolerantur* in spem conversionis, *conf. cap. 22. §. 10.* Quamvis de his verum, quod Seneca dicit: *Deos neges an infames, perinde est.* Ejectione dissentientium in sacris, labefactatur Resp. exemplum præbet inquisitio Hispanica. Præstat E. dissidentibus exercitium quodcunque permittere, quam penitus cum perniciæ Reip. ejicere. Florentissima enim nonnulla Europæ Asiæque Regna religionum varietati non parum vigorem & florem suum debent. Publicam verò dissidentium religionem, nisi status publicus & necessitas hoc exigat, efficere non erit opus.



opus. In novis discrepantibus admit-  
tendis Resp. cautæ esse debent, admissi  
verò tolerandi; quia his fidem semel  
dedit Respubl. quæ servanda. Nec ob-  
stat pessimum illud axioma, quod ob-  
jici posset: *Hæreticis non esse servandam*  
*fidem*, natum an. 1415. in Concilio Con-  
stantiensi, approbante Sigismundo Im-  
peratore; Respubl. enim seu Princeps,  
qui illam repræsentat, jura & actiones  
Reip. competentes exercendo, Vica-  
rium Dei hisce in terris agit; & hinc  
etiam ejus verba & promissiones firmi-  
tatem quandam divinam & immutabi-  
lem habere debent, ita ut cum fides  
data, data esse & manere debeat. Exem-  
plum ex Sacris in Josua, qui fidem Gi-  
beonitis, licet dolosè egerint, datam  
servavit. *Josue c. 9.* In Profanis Caro-  
lus V. omnibus, etiam hæreticis, fidem  
servandam esse duxit; & cum interroga-  
tus esset à Ludovico Palatino Rheni, *cur*  
*Luthero fidem servaret*, respondit: *fidem*  
*rerum promissarum, etsi toto munda ex-*

*sulet, tamen apud Imperatorem consistere oportere. conf. §. 8. & 9. Cap. 19.*

§ 9. (3) *¶us Personas Ecclesiasticas constituendi*, qui subditos in religione ritè informant, & viam ad æternam salutem monstrent. Quo facit *Nov. 123. c. 1. & Nov. 137. c. 1.* Per consequens (4) *etiam removendi.* (5) *Hereticos coërcendi*, Ziegler. *de Jur. Majest. lib. 1. c. 16.* (6) *¶us in res & bona Ecclesiastica*, ita etiam, ut tempore necessitatis alienari & secularisari i. e. denuo profanari possint. *vid. Auctor. Anonym. de nat. ac jure bonor. Ecclesiast. unde vasa aurea & argentea conflari ad redimendos captivos possunt. l. 21. in fin. C. de SS. Ecclesi. Nov. 65. & 120. c. 9. junct. c. 10. caus. 12. quest. 2. c. 13.* Tradit *Victor l. 1. de Persecut. Vandalor.* Carthaginensem Episcopum, ut captivos à Vandalis & Mauris liberaret, vasa aurea simul & argentea vendidisse. Unde & notandi processus, tempore belli inquirendi in vasa aurea & argentea, item ampla bona Ecclesiarum.

clesiarum. Cum publica sint, eadem etiam publicæ utilitati postulante necessitate adhiberi possunt. (7) *Jus templi adornandi*, quia sunt loca, ubi sacri ritus peraguntur. (8) *Ferias & Festa indicendi*, qualia Jejunia publica, festa Eucharistica, & similia à Principibus instituta. (9) *Jus Concilia convocandi*, ad deliberandum de rebus Sacris. Sunt hæc vel *Provincialia*, quæ in certa regni provincia habentur. Vel *Nationalia*, quando clerus totius alicujus Regni congregatur. Qualia Concilia Gallica, Anglica, Hispanica. Et *Universalia* quæ constant ex congregatione Cleri totius Ecclesiæ. Qualia fuerunt Concilia Oecumenica IV. priora.

§. 10. (9) *Jus Advocatiæ* i. e. Jus defendendi Ecclesiam, quod à Politicis Pontificiis pariter ac Nostratibus admittitur. A nostratibus Evangelicis cō promptius, quia si Princeps jus totum circa Sacra apud nos habet, uti verissimè habet, eidem quoque competit

jus Advocatiæ. Sic Imperator Romanus vocatur *Advocatus Ecclesiæ* i. e. defensor ejus. Angliæ Reges in specie *Defensores Fidei* salutantur. Cui occasionem dedit liber ab Henrico IX. Rege Anglorum, contra Lutherum editus, quo judicium illius *de Sacramentis & Indulgentiis* reprehendit; Quod Leoni X. perplacuit, Henricumque illum de se & Ecclesiæ tam benè meritum, *Defensoris Fidei* elogio honorificè decoravit anno 1521. Regni Henrici XII. Sed cum progressu obedientiam Pontifici præstandam exsueret, ne Titulum hunc, quo maxime delectabatur, Pontifici amplius debere videretur, Statuto Parlamentario sanciri curavit, ut titulus *Defensoris fidei* in perpetuum Regiis Titulis annecteretur. Unde in hodiernum usque diem Titulo hoc gaudent. Nomen certe cum omine habet, Tituloque hoc verè gloriatur, hodiernus Incomparabilis ille Heros & Magnæ Britannię Monarcha WILHELMUS III.

S. II. *fm*

§. II. *Jus erigendi Academias.* Singularia jura, quibus Docentes & discipuli in Academiis gaudent, recensentur in famosa *Authent. hab. C. ne fil. pro patre.* Universalis horum causa (1) quod à studiis in remp. universam evidentissima redundant commoda. (2) Respectu Academicorum, quod amore scientia veluti exsules fiant; & quis eorum non misereatur? Quis Scholarium misérias enarrare poterit? Exilio quid gravius? Imò eleganter pariter ac verissimè *Excell. Dn. Zaunschlifferus, Antecess. Marburg. Clariss. Ein Student ist wie ein Schaaff/ so durch die hecken gehet; an allen orten wird er gerupft.* *Disput. Jur. ad auth. hab. sect. 2. §. 2. conf. Richter. ad Authent. hanc. it. Bechman. de Privileg. Studiosor.* Cætera jura Imperantium circa Sacra, vid. ap. *Tabor. de Regim. Imperant. Ecclesiast. sect. 2. Grotium de Imper. Summar. Potest. circa Sacra. Et Ziegler. de 7. Maj. l. 1. c. 13. 14. 15. 16. usque ad 23.*

§. 12. *Subditi* etiam de Religione sua differere & disputare possunt. Id enim est Deum confiteri coram hominibus, & fidei suæ rationes reddere; Aliique ita de mente nostra informantur, & fructu suo colloquia talia nonnunquam gaudent. Cum *temperamento* tamen ut fiat, necesse est, sine acerbitate; Dei causa alias enim magis prostituitur, nec homines inde meliores redduntur; sed potius obdurantur, & suæ unusquisque opinioni magis magisque insistit. Unde & laudabiliter Sereniss. Germaniæ Principes passim Edictis publicis caecoëthes hoc traducendi & condemnandi partem adversam, coërcuerunt. *vid. Brunneman. de Jur. Ecclesiast. l. 1. c. 2. §. 32.* & Grotii iudicium de modo hoc disputandi *de J. B. & P. Prolegom. §. 52.*

§. 13. *Bona Ecclesiastica* quam maxime etiam in Republ. necessaria, ad sustentandos Ecclesiæ Ministros, pro Republ. enim & quidem salute æterna singulorum laborant. Hæc licet quandoque

que ampla sint, ampla quoque eorum functio, quia in salutem generis humani directa. Quoad exemptionem Theologorum à muneribus publicis, *conf. Nov. 123. cap. 5. l. 52. C. de Episcop. & Cler.*

§. 14. Theologi etiam ratione dependentiæ i. e. quatenus res ex Jure Divino deducendæ, se rebus Politicis admiscere possunt. *conf. l. 1. C. de Episcop. audient.* Extra hos limites observandum sequens axioma Politicum: *Reipubl. interest, impermixta servari vitæ genera.* Et hinc è contrario nec Politicis licet, se immiscere rebus Theologicis, nisi ratione dependentiæ ex Legibus Divinis. Nec Militibus intercedere rebus Civilibus, nec opificibus mercaturæ, nec mercatoribus rei rusticæ.

## CAPUT XVI.

*De Bello.*

## §. I.

**A**D Rempublicam & jura Reip. & subditorum tuenda, amissa recuperanda, injurias illatas vindicandas, & ex jure perfecto debita asserenda, si per intermediarias personas, Legatos & Plenipotentarios in his satisfactio frustra quæsitæ, & amicabile compositio & concordia vane tentata, *Bella* adhibentur. Nec enim Principibus gladius datus est, ut solas suorum inter se injurias vindicent, sed & ab exteris illatas. Nam justa sunt bella honestis modo de causis suscepta. *Jacob. A. R. don. reg. l. 2. p. 46.*

§. 2. Describimus *Bellum* hodiè, quod sit *Status duorum pluriumve populorum per vim concertantium*. Quia enim nunquam ulla gens tam quiete possessione sua uti potuit, ut non identidem vel à vicinis,



vicinis, vel à longius diffitis lacefferetur, factum hinc est, ut gentes ferè omnes communi quasi consensu, necessitate exigente, in leges quasdam convenerint, juxta quas bellum, si quod inter eas exortum fuerit, geri deberet. Hinc propter istas leges & jura, quæ merito jure gentium nituntur, ipsum etiam bellum Juris Gentium esse non inepte dicitur. *Ziegler. de Jur. Majest. lib. 1. c. 33. §. 14.* Quod Ergò Hermogenianus Jctus l. 5. ff. de J. & J. *Jure Gentium bella introducta esse*, dicit, accipiendum de certa bellorum forma. Cum enim nondum gentes fuerunt, & genus humanum adhuc in tenui familia constitit, jam tum bella meditata, & necem sibi inferre studuerunt mortales. Exemplum in Abele & Caino. Et hinc omnis sine dubio bellorum origo repetenda, ita ut ab initio singuli, postea familiæ, hinc civitates, postea integræ gentes se invicem bello persequi cœperint. Ipsa vox *belli* hoc quodam modo

do indicare videtur: Dicitur enim, uti ait Scaliger, *Bellum*, quia ab initio fuit duellum, à duobus. Nam licet multi sint milites, dua tamen partes sunt, & inter duos tantum primum bellum fuit. l. 3. poet. 90. add. H. Grot. l. 1. c. 1. n. 1. & seq. Quamquam prima belli mentio fiat Genes. 14. probabile tamen, ex venatione Nimrodi & Statu antediluviano bella antea gesta fuisse.

§. 3. Personæ quæ bellum gerere possunt, sunt soli illi, qui tenent in Republ. *Summum Imperium*: hi enim Judicem nullum alium superiorem agnoscunt, & bella incipiunt, ubi judicia deficiunt. *Fermè omnium populorum legibus cautum esse, ne bellum geri possit, nisi auctore eo, qui summam in Civitate potestatem habeat*, ait Grot. l. 1. c. 3. §. 4. hinc in Polyarchico statu penes optimates, in Democratico vero penes populum ejusque Magistratus belli jus est. *Privatis E. denegatur*, quia judicem adire possunt, & privato-  
rum

rum conflictiones degenerant in duella, quæ Principum auctoritatem spernunt, dum privati sibi ipsi jus dicunt. Et insuper neutiquam licita & approbata, quia constant (1.) *Inexcusabili audacia*, qua homo sine necessitate se in discrimen vitæ & æternæ salutis con-jicit. (2.) *Inaudita feritate*, cum non tantum quis in suum, sed & alienum corpus cum rabie sævit. (3.) *Maxima injustitia*, quia levissima injuria ut plurimum morti æquiparatur. (4.) *Horribili superbia*, dum in morte proximi temporali, imò æterna, gloria captatur. Unde non nisi ab impiis & Religione Christiana plane averfis approbari possunt. Laudabiliter hinc in benè constitutis Rebus publ. severissimis Edictis prohibita.

§.4. Nec duella ab Imperantibus permitti possunt, quia indicant negligentiam in administranda Justitia. Potest verò bellum jam inter Populos flagrans, in singulare duorum pluriumve duellum  
feu

## 236 INTROD. IN DOCTR. POLIT.

seu certamen de summa rei dimicantium, committi. Hac ratione enim ingens, quod utrique Reipubl. imminet, malum averti potest. Bellum quippe omnium malorum colluvies. Et quamvis etiam ad effugiendam omnem sanguinis profusionem melius, quovis meliori modo transigere, quam sanguinolentum hoc remedium adhibere; si tamen pax & tranquillitas publica aliter impetrari nequeat, ex duobus malis eligendum minimum. Minimum vero hic erit, melius esse unum pro Reipubl. mori, quam totam Remp. extremo periculo & ruinæ exponi. Pro privato etiam duello haberi nequit, quia publica auctoritate nititur, & pro integro populo & Reipubl. suscipitur. Ideoque vocari potest *bellum representativum*. Tale in Sacris duellum seu conflictus Davidis cum Goliatho. 1 Sam. 16. 17. qui nomine utriusque populi gerebatur. In profanis *trium Horatiorum & totidem Curiatorum*. Improbantur

probantur ex eo, quod salus Reipub. fortunæ privatorum subjiciatur, quod & ipsi Albani post pugnam agnoverunt, querentes, *tribus militibus fortunam publicam commissam fuisse ap. Liv. lib. 1.* Etiam vana dicuntur eo, quod victi rarò in fide perstent: in exemplum itidem adducuntur Albani, qui mox fidem datam fregerunt, unde & Alba diruta, Metius Suffetius verò tanquam ruptor fœderis quadrigis in diversum actis discerptus fuit. *Conf. plur. Dn. Schottel. de sing. & antiq. German. jur. cap. 28. §. 7. & seqq.*

§. 5. Antecedit Bellum *publica inditio*, quæ fit vel per *Literas* vel *Fecialem*, vulgò *Einen Heroldt*. Et requiritur ad hanc utriusque consensus tam indicentis, quam acceptantis. *Acceptio* fiatne *expresse*, ut olim in bello Punico secundo à Carthaginensibus; an verò *tacite*, si scil. causis & gravaminibus belli ab altera parte non satisfiat, sed prætereantur, non multum refert.

Nam

Nam qui causas belli non tollit, nec ad amicabilem compositionem ratione propositorum gravaminum se offert, consentire videtur in statum hostilem, tanquam ultimum inter Principes dirimendarum litium remedium. *conf. A. B. tit. 17.* Denunciatio hæc belli omiffa, reddit bellum ex iusta quamvis causa suscipiendum, injustum. *Vid. Grot. lib. 3. c. 3.* nam denunciatio hæc indicat, non privato ausu, sed publica auctoritate bellum geri. Ritus quem Romani in indicendis bellis observarunt habet *Liv. lib. 1. c. 4.* Extra hanc denunciationem armati omnes prædones censentur, *l. 19. §. 2. ff. de Capt. & postlim. revers.* Literæ seu *Manifesta*, quæ hodiè ad indicendum bellum mitti solent, prætensionis causas continent. Hodiè etiam *Repressalias* dici posse indicationes belli, putat *Gail. de Arrest. obs. 2. n. 8.*

§. 6. Concomitantur publicam indicationem *Belli causa.* Quæ dividuntur  
in

in *Justificas*, quibus Justitiam belli toti mundo ante oculos ponunt, idque vel juxta necessitatem Juris Gentium, vel ex intentione bellum indicentis. Et *Suasorias*, quæ sub ratione utilitatis movent, & quod expediat Reipublicæ. Non enim quævis causa & læsio ad bellum inferendum sufficit, sed oportet esse læsionem extremam & enormissimam. Quia bello semper inest vis extrema & enormissima, cædes, rapinæ: oportet ergo extremam læsionem præcessisse. *Grot. de J. B. & P. lib. 2. cap. 1. & c. 22. Textor. Synops. Jur. Gent. cap. 16. Ziegler. all. loc. §. 49. & seq.*

§. 7. Non verò Subditi licet, quamvis de Justitia belli dubitent, bello & oneribus belli se subducere: quia Principi hæc in parte, utpote qui semper Reipubl. necessitatibus optimè consulere censetur, credendum. Accedit, quod subditi etiam in perpendendis causis facillime errare possint. Graviter hanc in rem *Dn. de Jena. de Rat. Stat. Diff.*

## 240 INTROD. IN DOCTR. POLIT.

*Diss. II. conclus. 6. Quid sit tot millibus imperare, singulorum precibus apte respondere, Gentium nationumque diversarum mores formare, Consiliis & Armis Sceptra juste regere, aut paucissimi satis anxie examinavere, aut nemo.*

§. 8. Semper etiam in suscipiendo bello *necessitas* spectanda, quia totus status belli necessitate sustinetur, & ex necessitate dependet. Non ergo *sola commoda simpliciter* sufficiunt, quia non ex eo, quia inihi commodum inde eveniet, licebit alterum Jure suo fraudare. Nec *ad Religionem propagandam*. Nam si ab omni coactione intellectus liber esse debet, debet etiam liber esse in cognitione rerum cœlestium. Actus enim intellectuales cogi non possunt. Hincque nec extrema coactione, qualis est bellum, induci potest. *Nihil tam voluntarium est, quam Religio, inquit Lactant. in qua si animus Sacrificantis aversus est, jam sublata, jam nulla est. Et quis mihi imponet necessitatem, vel credendi,*



*credendi, quod nolim; vel quod velim, non credendi. Inst. lib. 5. c. 19. conf. cap. prac. §. 6. & seqq. it. cap. 23. de Subd. §. 5. & seqq.*

§. 9. Nec ob denegatam sponsam, licet in ignominiam Principis tendat, quia nunquam pro extrema læsione haberi potest, quia terrarum orbis fœminis abundat. Magnates verò adeò facilè invenire non possunt, quia matrimonia ex ratione status contrahunt.

§. 10. Minimè omnium bellum expetendum & non data occasione inchoandum, quia malorum omnium diluvium. Evenire potest bellicoso, & non nisi bella meditati, quod juratus Romanorum hostis Hannibal in colloquio cum Scipione ante ultimum prælium dixit: *Ita aliena appetivimus, ut de nostris dimicaremus.* ap. Liv. lib. 30. cap. 30. Prorsus ut Turcæ & alii Germaniæ hostes nostra memoria experti, & Deo volente experientur. Tandem quoque & in fine adinoneri possunt, quemadmodum

modum Senatus Romanus Legatos Carthaginiensium pacis causa missos graviter & severe admonuit : *ut nim. tot cladibus edocti tandem Deos & iusjurandum esse crederent.* Et eadem querelæ apud Romanos de Carthaginiensibus audiebantur, quas hac ætate audivimus de ruptis induciis Turcicis & Gallicis. Improbandum hinc etiam consilium illud veterum Regum; qui bellis non imperium sibi, sed populis suis gloriam quærebant, *Contentique victoria, imperio abstinebant.* ap. *Iustin. l. i. c. i.* Quia gloria captata fuit ex calamitate aliena. *add. Althus. Polit. cap. 35. n. 8.*

§. II. *Substantia belli* consistit in vigoroso milite. Neque semper militibus ordinariis Resp. uti potest, sed & *mēcenariis*, iisque vel indigenis vel peregrinis. Et pro opera, quam Reip. præstant, remuneratione ac mercede sunt dignissimi. *Vid. Polit. passim, Keckerman. Curs. Philosoph. disp. 35. emblem. 8. & seq. Burgersdick. Ideam Polit. c. 16. & seq.*

*seq. Besold. Synops. doctr. Polit. l. 2. c. 2.  
 §. 3. 4. seq. Boxhorn. Inst. Polit. lib. 1. c. 2.  
 & ibid. Horn. in observat. & praprim.  
 Schonborner. Polit. lib. 6. c. 30. Lipsium  
 Polit. lib. 5. cap. 11. & 12.*

§. 12. Geruntur bella à Republ. ad consequendam suam satisfactionem, & non prius, usque dum hanc est consequuta, à bello desistere tenetur. *conf. §. 1. h. c.* In ipsa vero satisfactione querenda æquissimum, etiam illorum habere rationem, quæ tempore belli contigerunt, & imprimis (1) Sumptuum in militiam erogatorum, quorum justissima præter rem, ob quam bellatum, restitutio. (2) Damnorum hostilium, devastatarum urbium & provinciarum. (3) Cautela de futuro exigenda, & vires omni possibili modo adimendæ, ut in posterum ita nocere non possit. *conf. cap. de Pace. 18.*

§. 13. Ad obtinendam in bello justam satisfactionem hostem, offendere licet quovis meliori modo. Imò Jus

Gentium generaliter *hostem occidere* permittit, dum satisfactionem seu juris nostri persecutionem impedit. Verum cum moderatione jus hoc, quod victor mediante victoria in victos consequitur, exercere debet, habita ratione tum *personarum, senum, mulierum, puerorum & imbellis turba*: Horum enim truculenta occisio excusari nequit, imo pessimè semper audiverunt, qui sine distinctione talia commiserunt; quamvis maximè illos impunitos relinquat exorbitans belli licentia, ut ait Zieglerus *ad Grot. l. 3. c. 4. §. 9.* Imò omnia adversa & felicibus successibus contraria expertos esse, historici observarunt. Sic, post expugnationem celebrem & horrendam Magdeburgensem à Tyllio & Pappenheimio factam, Cæsareanos fortunam habuisse adversam, observatum.

§. 14. *Res itidem hostiles Jure Civili quoque, prout dupondiis notum, per occupationem bellicam, utpote justum modum*

modum acquirere & rapere licet, §. 17. *I. de rer. divis. Nec est contra naturam spoliare eum, quem necare honestum est, ait Cic. lib. 3. de offic. Nec Sacra exemptæ l. 36. ff. de Religios.* Magis verò gloriosum erit, si & in his victor jure suo, quod in omnia jure plenæ & absolutæ victoriæ acquirit, tam severè non utatur. Abstinentum itaque à violatione templorum, rerum sacrarum & ad religionem pertinentium. Deo enim Victor victoriam debet, templa verò aliæ huc pertinentia Deo consecrata violans, mala & pessima gratia datam victoriam datori refert. Pariter parcendum *Sepulcris & Cadaveribus mortuorum*; Juris enim nostri prosecutionem minime impedire possunt. Suntque facta, quæ barbaricam, imò majorem crudelitatem sapiunt. Mortui etiam manere debent in eo statu, in quò decedunt. Unde nec Commodi cadaver uncis trahi potuit. hujusmodi certe Christianis nihil minus quam Christianis obijci

potest illud, quod Darius Rex, cum Semiramidis sepulcrum ex inscriptione motus: *Quicumque Rex pecunia egue- rit, aperto sepulcro, quantum opus est, capiet; aperiret, loco pecuniæ, intus invenit scriptum: Nisi vir malus & a- varus esses, mortuorum sepulcra non commovisses.* Impium profectò est, ur- nas defunctorum aperire, ditescendi causa. *Grot. l. 3. c. 5. & 12. §. 7.*

§. 15. Incidenter quær. *An incendiis vel missis incendiariis hostiles Regiones planè devastare liceat?* Resp. Minimè, pugnat enim (1) cum natura belli, (2) cum celsitudine animi Principum, (3) facta sunt de causa sua desperantium. Vix etiam ulla sæcula tam horrendas devastationes, uti Historici observant, viderunt, quam præsentì bello Ger- mano-Gallico à parte Gallorum, proh dolor! regiones florētissimæ sunt ex- pertæ. Jure Talionis in solo hostili idem licere, dubio caret. Quod enim tibi non vis fieri, alteri ne feceris, & quod quisque

quisque juris in alterum statuerit, ipse & eodem utatur.

§. 16. *Nec pudicitia Captivarum violandæ & expugnandæ.* Stupra enim, utpote in se mala, nulla necessitas bona facere potest. Ad executionem quoque juris nostri, actus hi nihil conferre possunt.

§. 17. *Nec Veneno hostem tollere licet,* quia (1) non est bellicum, bellum enim est status hominum per vim certantium. (2) Fortitudo hac ratione opprimitur. (3) Victoria venenis parta infamat, ut refert *Flor. lib. 2. c. ult.* qui dicit, *Victoriam talem esse contra fas Deum, moresque Majorum.* i. e. contra naturæ legem, quam Gentiles *fas Deum* appellarunt. quæ non scripta sed nata, quam non didicimus, accepimus, legimus: Verum à natura ipsa arripimus, hausimus, expressimus: ad quam non docti, sed facti; non instituti, sed imbuti sumus, uti loquitur Cic. *Orat. pro Milon. conf. Grot. lib. 3. cap. 4. §. 15.* (4) Gentes si non  
L 4 omnes,

omnes, certè meliores in id consenserunt, ne hostem veneno interficere liceat: ex ratione, *ne pericula in bellis nimia essent. Grot. all. l. §. 15.* Et credibile judicat Grotius, à *Regibus id profectum, quorum vita ab armis ante alios defenditur, à veneno minus quam aliorum tuta est, nisi defendatur juris aliqua religione & metu infamia.* Nec morantur nos exempla, quæ magno numero in contrarium afferri possunt; Nihilominus enim est contra Jus Gentium, si non universale, certe particulare Gentium Europæarum, & si quæ ad Europæ melioris cultum accedunt. Non parum corroboratur hæc sententia, quod in pluribus Rerumpubl. cultiorum Statutis militaribus expresse venena prohibita legamus. *Vid. Corp. Jur. Militar. recognit. Hoyer. ad Tit. 3.* Et in negativam ex Floro & Livio generosa Strenuorum Ducum multa exempla adducuntur. Qui ex Heroibus nostri ævi & sæculi silentio præterire possumus *Divum*

FRIDE-



FRIDERIC. WILHELMUM *Elector. Brandenburg.* rerum gestarum magnitudine verè MAGNUM. Hic in bello nupero Gallico *an. 1673.* cum transfuga quidam Gallus, *Villeneuve* dictus, se supremum tum temporis Militiæ Gallicanæ Præfectum *de Turenne* vel veneno, vel alia occulta ratione, interficere velle, offerret, hostem tamen licet satis infestum, illicitis hujusmodi armis tolli noluit, sed misso nuntio, *Turennum* de insidiis non tantum monuit, sed & veneficum illum percussorem, quoad ætatem & habitum corporis, accuratè descripsit. Justis laudibus verè heroicam hanc virtutem extollit *Dn. Valckenier. Europ. perturbat. part. 4. p. 489.*

§. 18. Ex eodem sine dubio quoque fundamento ad minuenda pericula bellica, expressis pactis aliquando gentes inter se super omittendo certo genere globorum, armorumque, quæ impietatis alicujus suspicionem habent, con-

venerunt. Exemplum hujusmodi conventionis præterlapso bello Germano-Gallico Argentorati factæ an. 1675. ex art. 57. adducit Dn. *Kulpisius Colleg. Grot. Exerc. II. §. 7. conf. Dn. Zentgrav. Profess. Tubing. diss. de armis in bello prohib. §. 18. 19.*

§. 19. *Stratagemata bellica licita, observata distinctione, quam adducit Dn. Textor Syn. 7. Gent. cap. 16. n. 5. & seq. dicens: Bellum est status licite offensionis hostilis, quia non sola certatione per vim hosti nocere permissum, sed Stratagematibus etiam atque dolis, juxta vulgatum illud: Dolus an virtus, quis in hoste requirat: modo tamen hostiles actiones alioquin non repugnent legi divine vel honestati naturali, hinc magicis artibus pugnare, aut hostem per veneni infidias corruptis ad hoc hominibus interficere nefas est. conf. Dn. de Pufendorff de 7. N. & G. lib. 8. c. 6. §. 6. Grot. lib. 3. cap. 1. §. 6. Forstner. in not. Polit. ad Tacit. lib. an. p. 368. Lips. lib. 5. Polit. c. 17. VVare-mund.*

*mund. ab Ehrenberg. de Fœd. lib. 1. c. 2. n. 58. Alber. Gentil. de Jur. Bell. lib. 2. c. 3. & seq. Et Jacobum A. R. Don. Reg. lib. 2. p. 48. sequent. In stratagemate excogitando ingeniosus sis, idemque honestus; Non parum hinc est subsidii, si adsit taciturnitas.*

§. 20. Non exiguum momentum successibus bellicis addit, si gerantur (1) à *μὴδὲν ἀναβαλλόμενους*, nihil cunctando. quemadmodum felicissime bella gesta ab Alexandro M. unde & legimus interrogatum Alexandrum, quomodo paucis annis tantas res administrasset, respondisse; *Quia nihil, quod hodiè faciendum fuerit, in proximam diem distulerit.* Sic Cæsar contra Pompejum, *quamvis media hyems prohiberet, tempestate tamen ad bellum navigavit:* dixitque ad trepidum tanto discrimine gubernatorem: *Quid times? Cæsarem vehis.* Flor. lib. 4. c. 11. Item si gerantur (2) in hostili solo, juxta illud vetus axioma: *Regia laus est de alieno certare.*

Hosti enim tum duo incumbunt, (1) ut se defendat, & (2) offendentem impetatur, cum alter interim non de suo, sed hostili jure tantum certet. *Multum interest alienos populere fines, an tuos iri exscindique sinas: plus animi est inferenti periculum, quam propulsanti*, dixit Scipio in Senatu Romano ap. Liv. l. 28. c. 44. Et hac ratione Sueci in Germania & Dania, Galli in Germania & Hispania, Turcæ olim, Cæsarei verò nunc in Hungaria profecerunt.

§. 21. Nec magnitudo exercitus semper facit ad reportationem victoriæ ab hostibus: Xerxis enim exercitus maximus fuit, nec tamen ideò Græcos superare potuit. Exercitus majores sæpe se ipsos consumunt: quod in expeditione Xerxis Artabanus Patruus ejus monuit; & Regem duo hostilia haud declinaturum prædixit: Nullum portum enim opportunum & commodum fore tantæ classi capiendæ, eamque proinde tempestatibus obnoxiam futuram;

ram; deinde, nullam regionem quocumque tantam, quin famem ei sit allaturus ob magnitudinem exercitus. Exercitus erat 2641610. virorum teste Herodoto, *lib. 7. fol. 457. & seq.* quo majorem orbis non vidit. Justinus decies centum millia tantum, & classem mille ducen-  
 tarum navium fuisse memorat. *lib. 2. c. 14.* Sic anno 1588. Anglis negotium fuit cum *classe invincibili* Hispanica, impetrante Philippo II. hæc *invincibilis* dicta fuit à rerum omnium copia, quibus instructa. Militibus constitit fere 19000. Nautis 7049. Dynastis 220. Religiosis & Chirurgis 669. & toto numero exacte computata, hominibus 28239. navibus 150. sed unius mensis spatio, quanta quanta erat, disjecta fuit, & quidem præcipue dirigente providentia divina. Etiam ex parte virtute Anglorum, quorum naves, immanibus & simul tardissimis navibus Hispanorum minores & agiliores maxima damna Hispanis inferebant. Hac ratione olim Romani

Classẽm Carthaginiensium ad Insulas Ægatas superarunt, quia comœatu, exercitu & propugnaculis nimium armata & gravata; Romanorum verò prompta & levis. *Flor. lib. 2. c. 2. de bell. pun.* Sic eodem modo Belgæ, quia minores naves habebant, quas Avila Hispanorum Dux *Piscatorias* appellare solitus fuit, an. 1607. Duce Hemskerkio numerosam & à vicinis arcibus defensam Philippi III. classẽm in ipso sinu Gaditano feliciter superarunt. Similis ratio cladis Anglorum à Belgis acceptæ an. 1666. *Vid. Dn. Becman. histor. Geograph. part. 2. cap. 4. §. 16.*

§. 22. *Pecunia* dicitur *nervus belli*; ac quemadmodum sine nervis nec progredi nec agere quicquam homo potest, ita frustra sine nummis, militari-  
bus istis manibus, hostes debellantur. Subsidiũ enim belli necessarium, sine quo miles nec vincere nec vivere potest. Superfluum erit adducere, quantas in exercitu seditiones denegata aut dilata

dilata stipendia excitarint. Cum natura etiam miles pugnare non potest, quamvis fortis; utut hostes vincat, famem non vincet. Commeatu ergo opus; at unde ille, nisi pecunia præsto sit aut opes? *Vid. Keckerman. Curs. Philosoph. disp. 35. emblem. II.* Nihil etiam tam munitum, quin pecunia expugnari possit, inquit Cic. & facile capitur castellum, in quod asinus auro onustus ascendere potest. Præsentis belli exempla forsan forent odiosa.

§. 23. Ex observationibus quoque Politicis monentur *Principes, ne præliis ipsi intersint.* Bello non modo & castris interesse, sed præesse possunt. Prælio verò seu aciei se suumque caput haud temerè credere debent. Non enim saltem suam, sed totius exercitus personam uni veluti ictui exponunt. Nam in salute Principis salus totius exercitus & Reipubl. sicque omnium consistit. iisdem ferè monet A. R. Jacob. filium suum *all. Tr. p. 48. Nec quibuscumque periculis*

*riculis te objicies, sed omnium te saluti conserva, quorum major habenda cura est, quam tui.* Quamquam negari non possit, singulariter Deum custodire Principes, & quidem magis, quam privatos. Certe eximia & admiranda providentiæ divinæ exempla in conservandis Regibus & Principibus, & nostra memoria vidimus, & quotidie videmus. De hac certus & olim Carolus V. pericula bellica fortiter sustinuit; & idè Marchioni de Vasti ejus causa sollicito in obsidione Algeriensi, & monenti, ne se ita periculo exponeret, respondit: *Nunquam Casarem globo tormentario interfectum fuisse.* E contrariò vero Gustaphus Adolphus Sueciæ Rex in prælio Luzensi victor obiit; cujus obitum graviter deplorat *Alexand. Erskine.* *Orat. in Diar. Europ. contin. 3. inscript. Arminius Suecicus.* Uladislauus Hungariæ & Poloniæ Rex ad Varnam; Sebastianus Portugalliæ Rex in Africa periiit; Franciscus I. Galliæ Rex prælio Ticinensi



Ticinensi captus; atque hi similesve casus maximis incommodis involverunt Respubl. quia in salute Principum, uti dictum, salus versatur omnium. Idcò & Israëlitæ Davidem egredi non permississe leguntur, 2 Sam. 18. v. 3. & 21. v. 17. Rationesque reddunt (1) Davidem esse instar 1000. (2) metuendum esse, ne lucerna in Israële exstinguatur. i. e. exercituum jacturam facile reparari; at Rege cadente totam Rempubl. fluctuare.

§. 24. Si unus belligerantium vincitur, vincitur vel *bello*, vel *prælio*. *Victoria belli* est plena victoria, qua hostem eò adeginus, ut in omnibus nos, tanquam victores, agnoscere, & conditiones pacis offerre teneatur, vel oblatas accipere: estque modus, quo bellum finitur. *Bello* enim *vinci*, omnia in se continet, per consequens etiam *prælia*, quæ sunt partēs belli. Et hinc apparet *victoriam prælii* non esse plenam, quia, qui *prælio* aliquando vicerunt, bello

bello deinceps succubuerunt, vel saltem utrimque æquo Marte ab armis discessum, aut in dubio bellum relictum. Exemplum in bello Tricennali Germanico, quo Protestantes, primis annis toti ferè prostrati, vires recollegerunt, & gloriosam pacem impetrarunt. Sic Romani bello nunquam, multis tamen praliis victi. Sic Persæ olim à Græcis prælio quidem, sed nunquam bello victi, quia semper extra Persiam certarunt. De Romanis quadantenus hoc confirmat Ofilii Calavii sententia deprofligato à Samnitibus Romanorum exercitu ita differentis: *Silentium illud obstinatum, fixosque in terram oculos, & surda ad omnia solatia aures, & pudorem intuenda lucis, ingentem molem irarum ex alto animo cientis indicia; aut se Romana ignorare ingenia: aut silentium illud Samnitibus flebiles brevi clamores gemitusque excitaturum.* ap. Liv. lib. 9. c. 7. Hannibal in Curia Carthagenensium se non prælio solum, sed & bello à Sci-

à Scipione victum esse, professus est ap. *Liv. lib. 30.*

§. 25. Deinde etiam in victoria attendi solet distinctio *Deditionis* in *simplicem*, quando victi se mero victoris arbitrio submitunt. Vulgò auf gnad und ungnad; & *Conditionatam*, qua victi victoris arbitrio & potestati se subjiciunt sub conditionibus, quibus singuli securitati suæ consulunt. Diciturque hodiè, sich auf accord ergeben. Et in hac initæ conditiones ab utraque parte accuratissimè observandæ; nec contra eas sine damno plerumque venit, turpè etiam fidem datam fallere. Jus etiam victoris in victos non ita absolutum in hac, uti in simplici, sed conventionis lege definitum. Et eatenus saltem ex bonis devictorum victor acquirit; quatenus aut bello occupavit, aut per pacis tractatus post victoriam obtinet. Exemplis hujusmodi deditionis memorabilibus & præterita & præsens ætas flagrante bello abundat.

§. 26. Res

## 260 INTROD. IN DOCTR. POLIT.

§. 26. Res hostium acquisitæ seu *præda*, non capientium, sed Reipublic. sunt, cujus sumptibus bellum geritur. Non enim Milites sibi, sed Reipubl. militant, adeoque nec sibi acquirunt, sed Reipubl. Morationum tamen Gentium moribus pars prædæ militibus conceditur, ad excitandos eò magis ad fortitudinem militum animos in aliis expeditionibus. Æquissimum etiam, ut iis, quibus dulce est pro patria & salute Reipubl. mori, quique fortiter defensionem ejus suscipiunt, pars rerum hostilium ob res bene gestas & pro fructu laborum concedatur. & quidem primariò *Duces Militia* ob res consilio & virtute, strenuè, fortiter & generosè gestas, muneribus & honoribus cumulandi. His enim tanquam stimulis & calcaribus virtutes & animi Mortalium ita instigantur, ut prius non nisi adepto summo honoris culmine desistant. *Conf. plur. Grot. lib. 3. c. 6. §. 14. n. 1. & §. 17. n. 3.*

§. 27. Sed

§. 27. Sed *an victor debita hostis victi exigere, & jure Gentium debitores ad solvendum cogere potest?* Affirm. Quia in omnia bona devictorum, victori jus quæsitum, & sub hac universitate rerum comprehendendi quoque nomina & obligationes, quis dubitet? Unde Albâ victâ, omnia Albanorum jura sibi vindicarunt Romani. Et Alexander M. Thessalos, ab obligatione centum talentorum, quam Thebanis debebant, postquam Thebanorum Dominus factus, jure victoriæ liberavit, & ipsis illa donavit. *Dn. Pufendorf. de Jur. Nat. & Gent. lib. 8. c. 6. §. 23. Grot. lib. 3. cap. 7. §. 4.* Huc referend. *Instr. Pac. German. art. 4. §. debita. 47.*

§. 28. Bellum imperfectum sunt *Repressalia*. Est verò Jus Repressaliarum, jus detinendi bona vel subditum alterius Principis seu Reip. ob denegatam nobis vel Principi nostro justitiam, donec nobis de damno aut injuria satisfactum. Dicuntur *bellum imperfectum*, quia

quia jus quidem tribuunt auferendi bona alterius, sed saltem quoad certum tantummodo actum, non verò, ut veris bellis fieri solet, in infinitum. *Grot. lib. 3. cap. 2. n. 3. Ziegler. de J. M. lib. 1. cap. 34.*

## C A P U T XVII.

*De Neutralitate.*

## §. I.

**M**EDIÆ naturæ inter Bellum & Pacem est *Neutralitas*; quam amplectuntur Respubl. si videant, è salute Reip. non futurum, bello inter alias Summas Potestates exorto immisceri.

§. 2. Ab hac Neutralitate ita dicti *Neutrales* sunt, qui neutri partium bellantium accedunt, aut auxilia ferunt, sed utrique bellantium æque commodos se præbent.

§. 3. Subjectum Neutralitatis quod attinet, tenendum: Omnibus Rebuspublicis licere, aliis bellum gerentibus,  
Neutra-

Neutralitatem seu quietem amplecti, nisi *speciali aut peculiari pacto* uni parti belligerantium ad subministranda auxilia & ferendam opem, obstrictæ sint. talis obligatio si desit, nemo cogi potest, ut invitus aliorum bello se immisceat. *Vid. Boecler. Diss. Quies in turbis. p. m. 191.*

§. 4. Officium Neutralium in genere in eo consistit; ut neutri partium belligerantium accedant, sed utrique se æquos præbeant, nihilque faciant quo alter directò lædatur. Illustris hinc suboritur controversia, inter arma sæpissimè acerrimè agitata, *an liceat Principi pacato & neutrali, alterutri hostium ejusmodi res, quæ in bello usum habere possunt & habent, vendere?* Angli hujusmodi res intercipere licere, contra Polonos, qui libertatem commerciorum objiciebant, defenderunt. Magnus ille Grotius *de J. B. & P. lib. 3. c. 1. §. 5.* distinguit inter res, quæ tantum in bello usum habent, uti instrumenta bellica

lica &c. quæ simpliciter vetita esse, asserit; & inter res, quæ usum quidem in bello, sed tamen extra bellum, habent; & horum commercium non impediri posse probat, edictis & exemplis præcipue hanc in rem adductis §. 5. *in not.* Nobis in ardua hac controversia placet decisio Magni Jcti, Excell. Cocceji, nempe: Cum riguroso illo belli jure liceat munitiones hostium, urbes, portus, fructus, naves, & hoc genus alia perdere & vastare ad tuendum & recuperandum jus nostrum; hinc sequi, Principem omnia ea facere posse, sine quibus defendere tale jus suum nequeat, ac remove impedimenta, quæ defensionis huic obsistunt. Ad eum modum quo privatus, si ab aliquo gladium nondum habente, ab adstante verò emere volente impetatur, emptionem hujusmodi, licet jus vendendi rem suam, habeat adstans ille, pro defensione sua impedire potest. Sic etiam Reipub. in res, quæ hosti ipsius, à pacata Republica ex



ca ex pacto vel fœdere transmittuntur, pro defensione sua jus belli competit. Adcò enim natura unumquemque sibi commendat: & defensio sui suorumque jurium jure naturæ est permissa, ut quicquid executionem juris nostri impedit, etsi in se alias justum sit, removeri tamen è medio possit. Transvectio ergo rerum hostilium indistinctè, modò usum habeant in bellis, etsi & extra bellum, si hostium vires eo ad resistendum augeantur, & juris nostri executio impediatur, impediri potest. Et hoc ipsum Elisabetha Angliæ Regina objecit Sigismundi Poloniæ Regis Legato Paulo Dzial'ino, querenti commercia cum Hispanis ex interceptione navium interdicta, sicque Jus Gentium violatum, quo libera debeant esse commercia, dicens: *Nihil esse tam congruum naturæ humane, hominumque moribus, quam periculum propulsare, quare haud passurum sapientem, ulla ope eum juvari, qui suo exitio immineat.* Grot. histor.

M

Belg.

*Belg. lib. 6. p. m. 286.* Eadem prudentissima Regina Civitatibus Hanseaticis conquerentibus naves suas à classe Anglicæ spoliatas, cum tamen per pacta liceret amicos esse hostibus Angliæ, sapienter respondit: *Non hoc esse cum utrisque colere amicitiam, si alteros ladas, juves alteros, imò hoc esse auxiliari hostibus, & cum his adversum alios facere.* Sane videtur profectò de hostili actione participare, qui subministrat ea, sine quibus bellum trahi non potest, & per quæ audacior fit hostis. *Grot. lib. 3. c. 1. §. 5. & ibid. Ziegler. in not. n. 3. Alber. Gentil. de J. B. l. 2. cap. 22. Textor. Syn. fur. Gent. c. 26. n. 27. Anton. Matthai de Crimin. tit. de las. Majest. crim. c. 5. n. 18.*

§. 5. Fieri vero solet, ut non simpliciter omnis commerciorum usus cum hoste neutralibus interdicator, sed certarum saltem mercium transportatio prohiberi soleat, quarum nempe præcipuus in re bellica usus. *vid. Puffendorf. Rer.*

*Rer. Succ. l. 25. §. 39.* Acriter tamen nonnunquam disceptari solet, quænam merces res bellicæ dicendæ nec ne, an herba nicotiana, vaginæ ensium &c. *vid. Hillig. ad Donell. l. 9. c. 12. lit. B.* De herba nicotiana seu Tabaco acriter disputatum inter Anglos & Hispanos, cum Hispani navem tabaco onustam, in Hollandiam tendentem, interceperant. Hispani enim Tabacum inter victualia referebant, Angli verò fumum Tabaci non nutrire, ex sententia Medicorum, urgebant. Sententia tandem pro & contra agitata à Collegio maritimo pro Hispanis lata. Hodie Tabacum inter res illicitas, quæ ad hostes deferuntur, referri posse, non dubito cum Bóxhorn. *Inst. Polit. lib. 1. c. 12. & ibid. Horn. in diss. ad c. 12. p. m. 204.*

§. 6. An neutri parti addictus milites suos dimittere potest? Obstare videtur, quod ad alterutrum ex bellantibus transcant. Verum hoc nihil obstabit, quominus quis superfluum militum nu-

merum abdicet. Aliud verò dicendum si constet, non alio fine, quam ad alterum ex bellantibus sublevandum dimitti milites, tum enim quia hoc directè tendit in damnum alterius, justè se pars altera opponere potest indicendo etiam bellum.

§. 7. Præprimis nulli partium additis, seu Neutralibus eò quam maximè allaborandum, ut æqualia bellantibus exhibeant officia & auxilia. Et hinc est, quod, si Respubl. quæ neutralitate gaudet, subditis licentiam militandi concedat, integrum subditis relinquere debeat, qualem partem eligere & amplecti velint. Item si uni bellantium facultatem milites parandi & conscribendi in ditionibus suis concedat, & alteri permittere debeat, si neutralitatis legi satisfieri velit. *conf. Grot. hist. Belg. lib. 8. pag. 367. it. Meteran. lib. 25. p. m. 223.*

§. 8. Porro in præstandis bellicis apparatus, æqualitas observanda, ut  
utrique

utrique parti æqualia præstentur auxilia. Item Transitus innoxius utrisque concedi debet. *Grot. l. 2. c. 2. §. 13.* Sed quid si Transitus petatur ad invadendum alterum? Denegari hunc posse statuitur: eo quod non nisi gravissimum tertio, seu concedenti, inde imminet periculum; æqualia siquidem utrisque debet officia, etsi jam uni transitum ad invadendum concederet, alteri ad se defendendum denegare nec auderet nec posset citra neutralitatis violationem, hac ratione verò facillimè fieri posset, ut concessio transitu in neutralium ditionibus sedes belli constitueretur, non sine maximis incommodis. Tutissimum igitur erit, ubi citra magnum incommodum fieri possit, transitum denegare. *conf. Dn. de Pufendorf. de J. N. & G. l. 3. c. 3 §. 5.*

§. 9. In ditionibus quoque suis Neutrales nullam hostilitatem exerceri, pati debent. Utrisque flumina & portus amicè patentes habere, nec alteri ab

altero injuriam & vim inferri intra suum territorium permittere debent. Underectissimè Magnus Hetruriæ Dux Gallos, Belgarum naves in Portu Livornensi aggressuros, desistere jussit; nisi vellent sibi vim opponi. *Dn. Valkenier im Verwirten Europa p. 4. pag. 539. seq.* Et si contemptis admonitionibus alteruter alteri intra pacati territorium vim inferre moliat, arma dominus territorii pacati opponere potest; quia ipsi injuria infertur. Nec saltem in portibus & fluminibus, utriusque parti securitas præstanda, sed etiam in maribus ditioni alicujus subjectis. Sic Daniæ Rex, cum Angli Batavos in Bergensi portu invadere vellent, ex arce advectis tormentis eosdem abigi fecit. *Dn. Textor alt. Tr. c. 26. n. 41.*

§. 10. Dissolvitur Neutralitas (1.) communi consensu quo facta, naturali unumquodque dissolvendi modo, quo colligatum. (2.) Renunciatione unius, ubi tamen adesse debet justa causa, præ-  
primis,

primis, si ad finem belli usque neutralitas contracta. Si enim indistinctè, magis in partium arbitrio erit jus recedendi. (3.) Tempore, & quidem ipso jure; si ad tempus contracta, tempore elapso. Aliæ causæ, quæ dissolutionem neutralitatis evincunt, & quidem justæ, sunt: (1.) Mutata rerum facies; in publicis enim ex ratione status consilia formantur. Et (2.) primariò, violatio neutralitatis ab adversa parte, utpote quæ ipso facto illam tollit. *Vid. Textor. all. Tr. & loc. n. 43. & latè de hac mater. Boecler. in all. Dissert. quies in turbis. Grot. l. 3. c. 17. tot. & l. 3. c. 1. §. 5.*

§. II. Denique Neutrales, qui securi bellorum naufragia ex littore respiciunt, ad componendum bellum collaborare debent, humanitatis lege ad hoc impulsæ. Commodissime hoc facere posse creduntur ob neutralitatem, quod æquali in bellantes ferantur animo, & minus sint suspecti. Cum vix cum Mediatoris officio consistere possit stu-

272 INTROD. IN DOCTR. POLIT.  
dium partium. Suaderi verò saltem po-  
test concordia, non imperari, prout  
ostendit *Boecler. all. Dissertat. pag. 193.*  
& seq.

## C A P U T XVIII.

### *De Pace.*

#### §. I.

**B**ellum, utut sit justissimum, sic in-  
justissimum si æternum. Pertinacia  
namque facit, ut aliquid semper ini-  
qui in armis sit, licet iniqua ipsa non  
sint. Imò Summum Politicæ Societatis  
bonum in pace consistit. Pax rerum  
humanarum optima, & modus bellum  
finiendi. Status pacis quam maxime na-  
turæ humanæ congruit, ex eo princi-  
pio quod Florentinus tradit *in l. 3. ff. de*  
*Just. & Jur.* nefas esse hominem ho-  
mini insidiari; quod principium non  
solum à privatis & civibus, sed etiam  
à Regibus & Populis observari meretur.

#### §. 2. Pax



§. 2. Pax definiri potest, quod sit *Status, quo Respublica inter se quiesce & citra injurias violentas agunt, & qua invicem debent, velut ex obligatione & ultro præstant. Pufendorf. de J. N. & G. lib. I. c. I. §. 8. vel, est cessatio hostilitatis, & restitutio pristina securitatis inter illos, qui hostes fuerunt.*

§. 3. Potestatem *condendi pacem* ad Principem & Summum Reipubl. Governatorem pertinere, nullus dubitat. Penes quem enim belli gerendi, penes illum etiam illud finiendi potestas esse debet. Nec tantum, quod publica ad hanc opus sit auctoritate, sed etiam ne Respubl. inde damnum & detrimentum sentiat, sit enim hæc publica conventio instar privatorum conventionis, dato aliquo, aut retento, aut promisso; maxima igitur cura & circumspectione opus, in incunda pace. Et hinc verba & res, concipientium tabulas pacis, probe ponderanda & ad Lydium lapidem revocanda; ne fraudulenta ex  
M 5 illis

illis aliquando elici possit interpretatio, neve plus scriptum, quam conventum reperiatur.

§. 4. Excluduntur hinc omnes cæteri Reipublicæ Proceres & Ministri, qui hac potestate destituuntur. Item *Belli Duces*; nisi *speciale mandatum* acceperint; alias enim, uti dictum, hæc potestas ad Majestatem, cujus nomine bellum geritur, tantum pertinet. Et licet generale mandatum habeat cum libera belli administratione, sub hoc tamen non contineri autumo, quæ mandato speciali expediri debent, qualis est transactio in publicis & privatorum litibus. *arg. l. 60. ff. de Procurat. junct. c. 3. de Procur. in 6to. Struv. Ex. 6. th. 55. Brunneman. ad all. l. 60. it. ad l. 12. C. de transact. n. 5. l. 7. C. eod. & præprimis vid. Tabor. disputat. Wesenbecian. disp. 8. quest. 2. conf. Grot. l. 3. c. 22. §. 7.*

§. 5. Fœderatis non licet cum parte adversa, incio & invito fœderato, pacem inire. Præprimis enim Principes  
deceat

debet fidei stabilitas, & horum promissa, pro factis habenda. Huc trahi potest egregium monitum Jacobi A. R. ad Filium Henricum *lib. I. p. m. 2. Memento hunc humana glorie splendorem cœlitus datum esse Regibus, ut integritate & sanctimonia vite populo praluceant; ut sint tanquam faces, virtute & pietate accense, dirigendis errantium civium vestigiis.* Et illud Elisabethæ A. R. ad Proceres Angliæ: *Principes solis instar sunt, in quo vel minimus nevus ex longissimo intervallo conspicitur.* Cumque mutuo consensu bellum sit initum, & dissensu mutuo dissolvi debet, *arg. l. 35. ff. de R. 7.* Male ergo agit, quisquis foederato inscio & invito contra pactum conventum, cum hoste pacem facit. Limitant tamen hoc ipsum nonnullis casibus, & quidem (I.) Si perpetuis & capitalibus odiis, unus ex sociis cum hoste decertare velit, conditionibus pacis omnibus rejectis & spretis. Ab humanitate enim hac ratione alienum

M 6

foret,

foret, cæteros etiam nolentes volentes implacabili bello implicari. *Bodin. de Republ. lib. 5. c. 6.* (2.) Si necessitate ad pacem ferendam cogatur, si ita viribus dejectus & exsutus sit, ut plane inutilis confœderato suo, nullumque amplius ex fœdere commodum appareat. Hoc casu, quemadmodum necessitas non habet legem, ita nec contractum sustinet, si confœderatus gravissimis hisce causis prematur. (3.) Si fœderatus injuriosus & damnosus. (4.) Si metuat, à confœderato deserri; cum melius sit hoc casu prævenire, quam præveniri. Semper itaque discessio à fœdere denunciari debet, ut de fœdere posthac cessante confœderatus certior esse possit. *Conf. Brunneman. de Pace Polit. diff. 1. §. 9. Ziegler. all. Tr. 1. 1. cap. 40. §. 4. Rumelin. ad A. B. part. 2. diff. 4. §. 37. & ibid. Myler. in addit. cum allegat. Horn. in diff. ad Boxhorn. Inst. Pol. lib. 1. c. 11. ad th. 9.*

§. 6. Personæ, per quas Pax conficitur,

citur, sunt *Mediatores*. Et quod in privatorum litibus sunt arbitri, hoc in publicis inter belligerantes sunt *Mediatores*. In Persona Mediatoris requiritur (1.) *Iustitia*, seu ut sit vir bonus i. e. qui ea agit, quæ legibus consentanea. Hinc fluit, quod neutri partium belligerantium debeat esse addictus, sed communis amicus; unde hoc neutralium officium esse diximus §. ult. cap. preced. (2.) *Auctoritas*, ut ipsi de eo gradu sint, ut bella movere possint. Cum enim mediationis negotium sit publicum, talem etiam requirit personam, quæ publicæ auctoritatis respectum habet.

§. 7. Causæ moventes *Mediatores* dividuntur in *apertas & occultas*. Inter *apertas* sunt (1.) Summa potestas, quoad subditos proprios. *conf.* §. ult. in fin. cap. præc. (2.) Belligerantium *compromissio*, si nempe aliquem eligant mutuo promittentes, se staturos isto, quod ille pronunciaverit. Quod factum in con-

troverfia Wildfangiatus à Principibus Rhenanis an. 1666. compromittentibus in Regem Galliæ & Sueciæ. (3.) Unius partis rogatio, quæ clam & rectè fieri solet. (4.) Religionis amor.-(5.) Amicitia, consanguinitas vel affinitas, item foederis vinculum. Inter *occultas*, quæ à parte Mediatorum esse solent, sunt (1.) utilitas, quæ vel venit ex vicinitate belligerantium, & interesse hoc continet, ne vicini conditio mutetur. Vel ex eo, ut crescens & metuenda alterius potentia cohibeatur. Tum, ut ipsi Mediatores extra periculum constituentur. (2) Nonnunquam gloria & auctoritas, quæ inde quæritur, præprimis si Princeps famæ & gloriæ sit cupidus. Et (3.) quandoque subest prædæ spes. Locum hic inveniet proverb. illud German. *In träben Wäſſeren iſt es gut fiſchen.* *Vid. plur. Brun-*  
*neman. all. Tract. dissert. 3.*

§. 8. In recentioribus negotiis Pacis, uti Bredana inter Belgas & Anglos, Mediato-

Mediatores fuere Suedi, in Westphalica Veneti, Angli in Pace Neomagenfi, an. 1678. Sola Pax Pyrenæa an. 1659. inter Hisp. & Gall. Mediatoribus caruit; ex eo fortè, quod Ministri utriusque coronæ gloriam hanc soli reportare voluerunt. Vel quod belli ab utraque parte ita pertæsi eoque fatigati fuerint, ut nulla admonitione opus fuerit. In quo ultimo, dudum fuerat Propheeta Innocentius X. P. M. cum enim quadam die, Palatii sui Navoniani fenestræ adstans, duos infimæ fortis è vulgo, orto forte jurgio, ferociter pugnis in se invicem incurrentes videret, ne quisquam pugnam dirimeret, maximè prohibuit, cum hoc Epiphonemate. Videbitis eos jam fessos peritacia destitutos: Cumque exitus verbis accessisset: *Certum*, inquit, *habeo inter Gallos & Hispanos bello, succedente tempore, attritos, pacem ad eundem modum, sine cujusquam interventu coitutam.* Gall. Guald. de Pace Pyrenæa fol. 107. §. 9. Pa-

§. 9. Pacem initam comitantur & comitari debent (1.) *Amnestia* i. e. ob-  
livio moralis injuriarum illatarum. Na-  
turalis enim esse nequit, quia illam ob-  
corruptam naturam in potestate nostra  
non habemus. *Vid. Instr. Pac. Olivenf.*  
*inter Suec. Polon. & Brandenb. art. 24.*  
§. 3. *Diar. Europ. contin. 3. mens. April.*  
(2.) *Pactorum observantia*; *Grot. lib. 3.*  
*c. 25. §. 7.* Iterum verè Regiè hanc in  
rem. *Jacob. A. R. all. Tr. lib. 2. pag. 46.*  
*Cum aliis Principibus, tanquam fratri-*  
*bus tuis justitiam & benevolentiam coli-*  
*to. Quidquid promiseris, vel cum tuo*  
*damno præstato; humanitatis & officio-*  
*rum quasi inito cum singulis certamine.*  
*Ut enim apud omnes, ita maxime apud*  
*hos candoris & fidei laus tibi querenda*  
*est; & Christianæ charitatis præceptum*  
*servandum, ut alteri facias, quod tibi*  
*factum cupis.* (3.) *Satisfactio*, quæ fit  
retributione æquivalentis, seu pro ac-  
cepta injuria, seu pro opera impensa.  
Et teneri quidem illum, qui injuriam



& damnum dedit, populationes Provinciarum, Civitatum, agrorum, ædium incendia, refarcire, cum & in bellicis actibus, si non adhibeatur temperamentum, multa committatur injuria, uti observat *Grot. lib. 3. cap. 12.* Verum quia moribus gentium licentia bellica ut plurimum impunis, & difficile, quo jure quave injuria damnum datum sit, definire, repetitionem talem rectius remitti, statuit *Ziegler. de Jur. Majest. l. 1. c. 40. §. ult.* Addens, hinc forte esse, quod hostium incursiones casibus fortuitis annumerentur. Atque hinc suadet, — utrique parti utilius & consultius esse, ut per amnestiam generalem, quicquid damni datum, utrinque compensetur, & per amicam pacis compositionem in mutuam charitatem animi civium coalescant. Fortè magis arridebit consilium Regis Angl. Jacobi *all. Tr. pag. 48.* ita se habens: *Consulo, ne temere pacem facias. Priusquam transegeris, vide ut per pacis conditiones*

*ditiones suscepti belli causâ compensentur, tuæque & Populi securitati prospiciatur. Alias honestum bellum ignominiosa paci præferendum.*

§. 10. Differunt à Pace *Induciae*, quæ hostilitatem non tollunt, sed suspendunt. Pax enim animum lædendi abjicit, induciæ eundem non abjiciunt, sed suspendunt. Unde definiuntur à Grotio *lib. 3. c. 21. §. 1. n. 1. Conventiones, per quas, bello manente, ad tempus bellicis actibus abstinendum est. Quidam examinat all. Ziegler. d. Tr. lib. 1. c. 39. §. 2. add. Brunneman. de Pace Polit. diss. 5. Pufendorf. de J. N. & G. lib. 8. cap. 7. §. 3. seq.* Induciæ verò non sine fructu antea procurantur; ut eo melius animi bello exacerbati, ad pacis felicitatem amplectendam, aptentur. Item *Armistitia*, in quibus bellum potius non geritur, quam sublatum, & post hæc statim ad bella reditur. *Vid. Boxhorn. Inst. Pol. lib. 1. c. 13. §. 8.*

§. 12. *Pax Universalis* i. e. tempore  
& loco

& loco universalis, qualis in Imperio Romano tempore Augusti fuit, vix expectanda, ob varietatem ingeniorum & rerum humanarum. Expectandam esse, ostendere conatur Burgersdick. *Problem. Polit. Id. Polit. Doctr. annex. Problem. 1.* *Æterna* sæpissimè contrahitur, æternitate nempe Politica i. e. nullo tempore finienda. Verbo addendum, differre *violationem Pacis & Rupturam.* *Violari* Pax dicitur, quando Pax antea inita læditur. *Rumpi*, quando ad arma itur ex nova etiam causa. *Grot. lib. 3. c. 20. §. 27. 28. & ibid. Henning. in nott.*

§. 13. Denique Pacem Imperfectam constituunt *Sponsiones Pacis*, quæ fiunt quoties periculum in mora, & iussa Majestatis audiri nequeunt. *Necessitas enim magnum imbecillitatis humane patrocinium, omnem legem humanam, aut ad humane modum factam, frangit.* *Sen. lib. 4. controuv. 27.* Est autem *Sponsio Pacis* pactum, quo is, qui à summa potestate

## 284 INTROD. IN DOCTR. POLIT.

potestate mandatum ad pacem ineundam non habet, illam tamen promittit, & à summa potestate ratam habitum iri, spondet. Utilior illa est illi *quo*, quam *cui* fit; quia hostis statim se obstringit, & conditiones pacis ab altero nondum confirmatas, admittit; dum tamen alter acta, quæ ipso incio & injussu à Duce facta, rescindere potest. Princeps igitur seu populus facta tali sponsione non obligatur. *Grot. lib. 2. c. 15. n. 3.* Et si Sponsor Principem seu Rempubl. ad sponsionem persuadere non potest, tenetur ad id, quod interest, vel ad restituendam rem in eum statum, in quo erat ante sponsionem, vel ad sui deditioem. Exemplum in Sponsione Romanorum Numantina, de qua integr. disput. conscripsit Dn. Thomasius, Lipsiæ 1688. item Caudina. Plura huc pertinentia tradit Bruneman. *de Pace Dissert. 4. de Sponsion. Dn. Pufendorf. de J. N. & G. lib. 8. c. 9. §. 12.* Finio voto hoc: Faxit Deus

T.O.

T. O. M. ut tandem Principes sincera  
ac stabili pace conciliati, pacis jura  
sanctè colere discant!

## CAPUT XIX.

*De Fœderibus.*

## §. I.

**F**œdera quam necessaria sint in Re-  
publica, satis cognitum habent ii,  
qui clavem Imperii tenent. Cum enim  
nulla Respubl. sibi tam sufficiens sit,  
ut non aliquando alterius ope & auxi-  
lio indigeat, ipsa natura duce, inter  
duas pluresve Respubl. conveniri so-  
let, vel de Commerciis invicem ha-  
bendis, vel auxilio sibi mutuo præstan-  
do. Dux ergo præprimis causæ sunt,  
quæ gentes ad contrahenda fœdera adi-  
gunt & impellunt, *Indigentia & neces-*  
*sitas*: Quæ tamen ita connexæ, ut u-  
nam efficere videantur, & sive indigen-  
tiam sive necessitatem illam dixeris,  
idem dixeris. Istud enim, quo indige-  
mus,

286 INTROD. IN DOCTR. POLIT.  
mus, necessarium est, & nihil necessarium dici potest, quod non ex indigentia ortum.

§. 2. Sunt *Fœdera pacta publica de prestandis mutuis auxiliis*. Quia *pacta publica*, hinc fiunt jure Imperii, & hujus consequens, quod non nisi ab eo, vel auctoritate ejus, qui τὸ κύριον in Republ. habet, iniri possint. *Rumelin. ad A. B. Diss. 4. p. 2. th. 34. & ibid. Myler. in addit.* Hinc differunt à Contractibus privatorum, item Principum circa negotia privata, quia & in his utuntur jure communi & instar privatorum habentur. Unde & si Princeps à Principe quid emat, non fœdus, sed contractus est. *Dn. Puffendorf. all. Tr. cap. 10. §. 4.*

§. 3. Constant fœdera *articulis*, qui sunt vel *publici & aperti*, vel *secreti s. occulti*; & hi interpretationes & mens articulorum publicorum dicuntur. Unde & Minister, si contra articulos secretos agat, licet articulis publicis se confor-

conformem gerat, omninò peccat; scit enim veram mentem Principis in articulis secretis contineri. *Conf. Textor. S. J. G. cap. 24. n. 25. 26.*

§. 4. Ineuntur fœdera vel propter *commercia*, vel propter *bellum*. Quod fœdera commerciorum attinet, videtur natura studio non omnibus terræ partibus omnia dare voluisse, ut tanto arctius gentes jungerentur, & mutuis auxiliis se invicem juvarent. In his agitata est quæstio: *An alicui Populo liceat cum alio populo ita pacisci, ut is populus certi generis fructus, qui alibi non nascuntur, sibi soli vendat?* Affirmat hanc Grot. *lib. 2. de J. B. & P. c. 2. in fin.* cum hac tamen limitatione, si is populus, qui emit, paratus sit vendere aliis æquo precio. *Diss. Ziegler. de J. M. lib. 1. c. 38. §. 3.* Fœdus Commerciorum in Sacris inter Salomonem & Hiramum occurrit. *1 Reg. 5. v. 12.*

§. 5. Fœdera *belli* vel inferendi vel avertendi gratia inita, dicuntur *offensiva*

## 288 INTROD. IN DOCTR. POLIT.

*siva & defensiva.* Sunt vero *offensiva* potentiora, quia ad omnes casus se extendunt, & vim non tantum repellunt, sed & inferunt. *Defensiva* limitata, & solummodo ad vim repellendam inita censentur. Ad hunc modum bella dividuntur in *Offensiva* & *Defensiva*. *Offensivum* dicitur à parte illius, qui bellum primo infert. *Defensivum* à parte illius, qui vim illatam repellit. Ast bello jam inchoato & offensior se defendit, & defensor offendit. Ita ut in omni bello & defensio & offensio sit, & post illationem *Offensivum* propriè dici non possit, nisi ratione initii bellandi, & prout bellantes modo offensive modo defensive agunt. Quid dicendum de *Fœderibus non nocendi*? Fœdera hæc non sunt, sed pacificationes. Quanquam & subinde fœdera pacificationibus adjici soleant. Unde si bellum nullum præcesserit, & fœdus non nocendi ineatur, sunt continuationes & firmamenta priorum Pacificationum. Quale fuit  
contra-



contractum inter Jacobum & Labanum, *Genes.* 31. *vs.* 44.

§. 6. Porro fœdera hæc belli sunt vel *aqualia* vel *inequalia*. l. 7. §. 1. ff. *de captiv. & postlim. revers.* *aqualia* sunt, si conveniunt, ut ab una quaque parte paria præstenter auxilia militum, navium & alterius apparatus bellici, idque vel utroque tempore, sive quando alteruter offendatur, sive hostilia arma ipsi alteri inferre velint. Non nunquam etiam auxilia promittuntur ad certum duntaxat bellum, vel certos hostes, aut contra omnes, exceptis tamen utriusque confœderati sociis. *Inequalia* dicuntur vel ab inæqualitate auxiliorum promissorum, vel quod alterutra pars deterioris sit conditionis, & potentiori plus honoris, & inferiori plus auxilii deferatur. Exemplum in Confœderatione Judæorum cum Romanis, *Maccabæor.* 8. *vs.* 23. & *seq.* & imprimis 31. & 32. Incommodis tamen suis non carent, præprimis propter metum suppressio-

pressionis, cum potentiores soleant esse interpretes foederum. *vid. Reinck. Bibl. pol. l. 2. ax. 203.* Suntque etiam in se considerata, nihil aliud, quam species protectionis ab una parte petita, & ab altera praestita. *Conf. Horn. in Diss. Polit. ad Boxhorn. l. 1. c. 11. th. 9.* An retineat Majestatem inæqualiter foederatus, *vid. cap. 8. §. 39.*

§. 7. Utraque sunt vel *temporaria*, vel *perpetua* seu *aterna*, æternitate nempe politica i. e. temporis indefinitione. Inter hæc hodiè eminent tria foedera: *Hanseaticum, Helveticum & Belgicum.* *Horn. all. l. §. 3.*

§. 8. In contrahendis foederibus ratio personarum & nationum habenda, præprimis si ineundum foedus bellicum. Unde finis difficulter obtinetur (1.) cum Foederatis *nimis remotis*, ob difficultatem præstandorum auxiliorum. Sic Germanorum foedera cum Russis & Persis in causa Turcica, nunquam singulari effectui gavisa sunt. Si commerciorum

ciorum causa, affert utilitatem, quia Respubl. inde accipit res è longinquis terris, quas non habet. (2.) Cum *Infirmis & indigentibus*, quia onerosi esse solent, dum auxilia ferre nequeunt. Alia ratio fœderatorum inæqualium §. 6. *h. cap.* (3.) Cum *pluribus*, quot enim capita, tot sensus & opiniones. Sic plerumque tempus deliberando, si res expedienda, hostis profligandus, perditur & consumitur. Exemplum in fœdere Schmalcaldico an. 1531. crecto. *Add. Hahn. de Jur. Imper. Rom. Germ. sect. 73. 74.* Excipiendum tamen si singuli fœderati seorsim agant, & copias suas ad invidiam & æmulationem contra communem hostem producant, contempto & spreto propriæ utilitatis & lucri studio, sed habita saltem ratione salutis & securitatis publicæ subditorum. (4.) Cum *diversæ Religionis* fœderatis; diversitas enim religionis animorum etiam diversitatem nonnunquam creare, promptitudinemque in

præstandis auxiliis minuere solet. Verum & hic excipiendum, si omnes partes in mutuam religionum tolerantiam consentiant, uti in præsentī Germano-Gallico bello. *conf. Rumelin. ad A. B. part. 2. diff. 4. §. 36. & Myler. ib. in addit.*

§. 9. Deinde circa personas cum quibus fœdus initur, quæritur; *An liceat fœdera cum infidelibus Turcis & Ethnicis inire, pacis vel commerciorum causa?* Et communiter affirmatur, Eo quod negotia & commercia etiam cum Ethnicis & infidelibus, salva fide salvifica, esse possint. *conf. §. 1. cap. seq. 20. Grot. de J. B. & P. lib. 2. c. 15. §. 9.* Talia fœdera fuerunt Davidis & Salomonis cum Hiramō Tyrriorum Rege. Item: *An liceat Principibus Christianis inire fœdera cum infidelibus, v. g. defensiva, contra æque infideles?* Et hoc affirmatur. Quia hac ratione contra infideles pugnatur, quos justo bello prosequi nulla religio est. Talia sæpe cum Persarum Rege

Rege Principes Christiani pangunt contra Turcam. *Besold. de fœder. c. 4. n. 2. Grot. all. loc. Carpzov. de Lege Reg. c. 6. sect. 3. tot. Ziegler. l. 1. c. 38. §. 8.*

§. 10. Anxiè & maxima cum sollicitudine controvertitur; *An Principi Christiano liceat, pro sui suorumque defensione cum Principe infideli contra Principem fidelem & Christianum, si ab eo armis prematur, auxilium petere?* Hic quid statuere debeant, multi hærent. Communiter affirmatur: Ineunda non esse, nisi summa & extrema necessitas efflagitet, aliudque remedium evadendi non appareat, & prospiciendum esse, ne veræ & Christianæ Religioni inde aliquid decedat, statuit *Schvveder. Introd. Jur. publ. part. spec. sect. 1. c. 27. §. 9. all. Bodin. lib. 5. de Republ. c. 6. Besold. de fœder. cap. 4. n. 2. 3. VVahr. ab Ehrenberg. de Fœder. lib. 1. cap. 2. n. 36. Ziegler. Dissent. de J. Maj. lib. 1. cap. 38. §. 9.* Et exempla ejusmodi fœderum in ipsis Sacris à Deo nequaquam impro-

bari probat exempl: Jacobi, qui ini-  
vit fœdus cum Idololatrîco Labano  
*Gen. 31. vers. 44.* Josuæ cum Gibeonitis.  
*Jos. 9. v. 15.* Maccabæorum cum Roma-  
nis. 1. *Maccabæor. 5. conf. Henning. ad*  
*Grot. cit. loc.* Fœdera verò Principum  
Christianorum cum Turcis, contra æ-  
què Christianos, meritò abhorrenda,  
etiãsi etiã justa adsit causa bellum  
movendi, asserit *Myler. ad Rumel. in*  
*addit. diss. 4. part. 2. ad §. 35.* Natura e-  
nim suadet, ne adversus fratres no-  
stros, quales Christiani inter se sunt,  
certè esse debent, excitemus commu-  
nem fratrum omnium & juratum ho-  
stem, ut maximè armatâ manu ab illis  
insestemur, ait *Ziegler. all. Tr. & loc.*  
*§. 6.* Maximè superiori sæculò quæstio  
hæc agitata, cum tum temporis Fran-  
ciscus I. Galliarum Rex uti hodie Lu-  
douicus XIV. Turcas in auxilium vo-  
caret, inque Christianum orbem sin-  
gulari fœdere excitaret. Famam Prin-  
cipum per ejusmodi fœdera maculari,  
notat

notat ipse, ( quæstionem hanc alias affirmans ) Linnæus. *in addit. ad capitul. Carol. V. ad prolegom. verb. durch die wahl. num. 85. & seq. in Francisco I. R. G.* Imò hinc factum, quod Status Imperii Romano-German. Franciscum non minus ac Turcam, pro communi Christianorum hoste habendum decreverint. R. I. zu Speyr an. 1544. §. So achten wir. Ziegler. *all. loc. §. pen.*

§. II. Subsistunt tam diu fœdera, donec justæ causæ finiendi illa obveniant. Causæ verò hæ non ex cujusque genio æstimandæ; Multominus ex Pseudo politicorum sententia, ex sola utilitate mensurandæ, ita ut hac cessante, fœdera quoque cessare & evanescere nobis imaginemur; licet auribus principum ejusmodi quid insusurrare non erubescant. Valeat horum opinio; Immemorum illius quod Romanæ Eloquentiæ parens Cicero *lib. de offic.* disserit: *Vere utile nihil esse, quod non sit honestum.* Imo quæ, stante hac opinione, in

genere humano superesset fides? Et si  
 inter Principes in tantis negotiis non  
 esset, ubi quærenda, *conf. cap. præ. §.*  
*9. cit.* hanc in rem verba Angl. R. Ja-  
 cobi. Summus Legislator Deus T. O.  
 M. pactis suis ultrò se subicit, *Genes. 9.*  
 multò magis vicarii ejus hisce in terris  
 faciant, necesse erit. Nonne pedibus  
 proculcaretur *l. i. ff. de pact.* Et si hoc  
 modo fides ex consortio humano pro-  
 scriberetur, omnes contractus; com-  
 mercia, imò ipsa civilis justitia abole-  
 retur. Accedit, propriæ tranquillitatis  
 monumenta rescindere, qui observan-  
 tiam foederum, tanquam merè arbitra-  
 rium quid habent. Aliæ E. cum utili-  
 tate concurrere debent causæ. Nec  
 causari licebit, Principes hac ratione  
 esse mancipia verborum suorum, dum  
 promissa & fidem servant. Multò ma-  
 gis enim, è dignitate Principum erit pe-  
 nes Sanctam Majestatem & diademata  
 Regia, sanctè etiam fidem & promissa  
 servare & colere; & suo exemplo po-  
 pulum



pulum ad bene vivendum & colendam fidem invitare. Cum ita inter homines comparatum sit, ut simiorum more Regum suorum mores imitentur. *Jacob. Angl. R. Don. Reg. lib. 2. in. pr.* Nec magis mancipia verborum, suorum dici possunt, quam ille, qui justè vivit, mancipium juris, & qui caste, mancipium castitatis.

§. 12. Veræ igitur, justæ, & legitimæ discessionis causæ, ex eodem fonte, ex quo fœdera orta petendæ, æquitatem. Juris Gentium. Et quomodo vinculum hoc inter principes colligatum, eodem modo debet dissolvi. Hinc inter plures consortes (1.) unanimi consensu. (2.) Finito tempore, cui adstricta sunt fœdera. (3.) Cessante causa. (4.) Renunciatione. *conf. Textor. S. Jur. Gent. cap. 25.*

§. 13. Sed num Successorem in Imperio obligant fœdera? Putant nonnulli fœdus finire per mortem alterius ex fœderatis, perinde, ut societas alia. *l. 65.*

## 298 INTROD. IN DOCTR. POLIT.

§. 9. ff. pro soc. §. 5. *I. de Societ.* Verum limitandum hoc, quo ad pacta publica ad utilitatem Principatus & salutem Reip. inita, qualia foedera. Nam quæ Princeps, tanquam administrator Reipubl. exigente usu, necessitate aut utilitate publica gessit tractavitque, non in personam, sed in rem concepta videntur, i. e. ut interpretatur hoc Eximius Ict. Tabor. *Tr. de obligat. Success. in Offic. c. 5. §. 14.* non tam à Majestate aut dignitate personali, quam reali, vel certè hujus respectu, gesta videantur. Et cum dignitas cum persona non pereat, sed cum omni sua causa in successorem devolvatur; haud absolum esse putamus cum *all. Tabore* dicere, onus quoque hujusmodi obligationis una cum dignitate ad successorem transire. *conf. Ziegler. all. l. §. ult. Grot. d. 7. B. & P. l. 2. c. 16. §. 16.*

## CAPUT

## CAPUT XX.

*De Commerciis.*

## §. I.

**C**Um non omnis produceret omnia tellus, variæ verò Regionēs variis indigerent, & huic sal, vina & frumenta, illi aromata & similia decssent, nec ex omni terra indigentia humana & necessitatibus subveniri posset; utique ad vitæ necessitates sublevendas & commoditates promovendas, vicini & longius diffiti rogari debuerunt, ut mutua secum exerceri velint commercia ad communicandas res, quibus invicem carebant. In hac rerum distributione, quod unaquæque terræ pars, non omnia vitæ necessaria producat, sed alia alios fructus & proventus, Deus sapientissimus ille rerum omnium conditor, hunc videtur habuisse scopum & intentionem, ut nempe, hac ratione inter se arctiore nexu orbis sui terrarum inha-

bitatores continerentur & coalescerent.  
*conf. §. 4. cap. præ.* Ergo postquam  
 jam *cap. præ.* necessitatem foederum in  
 Republ. etiam circa commercia vidi-  
 mus, jam actus hos civium in specie,  
 & in se, & quatenus Reipubl. subja-  
 cent, considerabimus.

§. 2. Sunt *Commercium rerum com-  
 municationes, quæ negotiatione perfici-  
 untur.*

§. 3. Virum bonum & pium, imò gra-  
 vem, mercaturam & commercia decere,  
 latè & eleganter demonstrat Zieglerus  
*de J. M. lib. 1. cap. 41.* Qui vero macu-  
 lam mercaturæ impingere conantur,  
 non aliunde illam quærere possunt,  
 quam ex nimio lucri studio. Quod ta-  
 men in unaquaque Professione domi-  
 natur, & scopus & finis est. Imò Mer-  
 catoribus in professione quæstuaría Le-  
 ges positæ, tam à Jure naturali, quam  
 Divino, Gentium & Civili. Quoad  
 Jus divinum *vid. Exod. 22. vs. 25. 26.  
 Levit. 25. vs. 36. Dentor. 23. vs. 19. Psalm.*  
 15. vs. 5.

15. *vs. 5. Luc. 9. vs. 34.* de reliquis juri-  
 bus *cons. Celeb. Dn. Textor. S. 7. G. cap.*  
*13. n. 4. 5. 6. & seqq.* Insuper unaquæque  
 Respubl. negotiationibus modum po-  
 nere solet, ut & his salus communis  
 conservetur integra. *An nobiles & Prin-*  
*cipes deceat mercatura?* *vid. Ziegler. all.*  
*l. §. 9. 10. Tabor. de Jure Cerevisiar. cap.*  
*3. §. 3. 4. 5. & seq. Gockel. de Regib. Europ.*  
*cap. 24. §. 35.* Decere, ex ratione, quia  
 usu rerum suarum e. g. metalli fodina-  
 rum, agrorum &c. alias carerent, do-  
 cet Dn. Becman. *consp. doct. polit. cap.*  
*21. p. 104.* Sereniss. Portugalliæ Rex  
 partem Tituli à commerciis habet: *Do-*  
*minus enim navigationum & commer-*  
*ciorum in utroque littore Oceani, salu-*  
*tatur. vid. Diar. Europ. Contin. 5. ad an.*  
*1680. Mens. Decemb. p. 246.* Insuper  
 distinguit Cl. Becmanus inter *Merca-*  
*turam & Institoriam.* *Mercaturam vo-*  
*cat, si in majori copia & mensura res*  
*venduntur. Institoriam, si minutatim*  
*res distrahantur. Et hanc nobili indi-*

gnam dicit, eò quod minutia abjectum quid sapiant, & generosum animum non deceant. Generositas enim æque ac magnanimitas in contemptu quoque minutarum consistit. *conf. Textor. all. l. n. 37.*

§. 4. Interest quoque Reipubl. ne promiscuè omnibus negotiandi licentia detur, debent enim esse etiam, agricolæ & opifices; item qui in dignitate constituti, mercatura supersedere debent, ne unum per alterum evertatur, corrumpatur, temeretur; neve publica officia quibus admoti, negligentius & segnius administrent. Pluribus enim intentus, minor est ad singula sensus; Sic ergo nec Mercatores, & opifices, agricolæ feliciter esse possunt. Quia mercatores mercaturæ, opifices certæ officinæ & opificio alligati. Contrarium tamen feliciter succedit, & feliciter successit, in Patria mea *Ducatus Montani Civitate Solinga* & ejus dicecesi, ob armorum fabricam per orbem terrarum

terrarum celebri; hic nempe mercatores suam mercaturam, & opifices sua opificia & labores in poliendis perficiendisque armis, una cum agricultura, quia ut plurimum extra civitatem ruri habitant, commodè exercent & perficiunt.

§. 5. Cæterum exercentur commercia vel per *terras*, aut per *mare* vel *aquas*. Hinc in *terrestria* & *maritima* dividi solent: & ad hæc etiam illa pertinent, quæ in fluminibus exercentur. Hodie non solum ignobiles, sed & Nobiles, Civitates, Illustres, imò Principes & Reges ob insigne, quod inde in Remp. redundat, commodum, commercia aut ipsi agitant, aut eorum curam diligenter habent. Hinc olim publica & celebria Civitatum Hanseaticarum fœdera coaluere; & in Batavis hodie florent Celeberrimæ Societates propter commercia Indica maritima institutæ, vulgò die *Ost- und Westindische compaignien*. Ex Commerciis florent Potentissimæ Belgæ-

304 INTROD. IN DOCTR. POLIT.  
Belgarum & Venetorum Respublicæ.

§. 6. Aliquarum rerum commercia  
*absolutè* prohibita, aliarum *secundum*  
*quid*, & certis tantum personis. Illius  
generis sunt Res Sacræ, qua tales, l. 6.  
pr. l. 22. 25. 51. *de contr. empt.* Liber ho-  
mo, libertas enim res inæstimabilis: l.  
6. pr. l. 34. §. 2. l. 76. §. 6. *eod. tit.* Et in-  
tellectus non datur præcium, quia præ-  
cium consistit in comparatione rerum  
inter se, ast intellectus nulla cum re  
comparari potest, quia inter spiritum  
& corpus non datur comparatiō. *conf.*  
*Dn. Scheineman. Profess. Tubing. Diss.*  
*de Commerc. circa lib. homin. tot.* Et  
hinc Liberi vendi non possunt, vendi-  
tione propriè sic dicta, quia libertas li-  
berorum præcium non habet. In alius  
potestatem transferri possunt, si ali-  
mentationi parentes non sufficiant.  
*conf. cap. 4. §. 14.* Inter antiquissima ta-  
men commercia fuit commercium ho-  
minum; & primum in Sacris hujus fit  
mentio *Genes. 17. vs. 12.* Nec Respubli-  
cæ l. 22.



cæ l. 22. & 51. ff. de contrah. empt. quo ad subjectum scil. subditos, benè vero jus imperandi; ad eum modum, quo res ipsa quidem non est in commercio, sed jus tamen aliquod circa rem alienari potest: uti monumenta legari non possunt, sed jus tamen mortuum inferendi legari potest. l. 14. C. de legat. Et hinc Grotius ita: *cum populus alienatur, non ipsi homines alienantur, sed jus perpetuum eos regendi, qua populus sunt.* lib. 1. c. 3. §. 12. n. 2. add. Ziegler. ibid. in not. cum Strauch. Exerc. exot. 4. n. 18.

§. 7. Ad genus posterius referuntur *merces contrabande*, quæ Gallis vocantur *marchandises de contrabande*, quæ ad bellum per se spectant. Hæ iterum sunt vel in specie *Contrabande*, quarum commercium cum aliis populis, Regnis aut Civitatibus interdictum, & quas vel evehere ad alios vel advehere non permittitur. Hujus generis merces jure positivo & Civili variæ sunt: Sic Barbaris nulla ratione Jure Civili licebat instru-

instrumenta bellica vendere. *l. 2. C. quæ res export. non deb.* Item vina, olea & similia liquamina, *l. 1. C. eod.* Item sericum à barbaris comparare vetitum, *l. 2. C. quæ res vend. non poss.* Et non tantum hostibus vendi prohibentur Jure etiam Civili instrumenta bellica, cotes ferro subigendo, & quæ in bello solum usum habent, sed etiam, quæ usum extra bellum habent, & hostibus ad resistendum proficere possunt, uti frumentum, sal, aliaque victualia, *l. II. pr. ff. de publ. & vectigal. c. 6. II. & 12. & 17. x. de Jud. Tabor. armamentar. Justinian. de jur. armor. cap. 2.* Vel saltem merces prohibita inter privatos tantum, qui in eodem territorio habitant, uti fruges in herba, vinum in uvis &c. & harum prohibitio non est inter gentes diversas, nec earum evectionem vel advectionem spectat, sed est inter ejusdem Reip. vel civitatis subditos.

§. 8. Prohibita evectione harum mercium

mercium, plerumque à Rerumpublicarum statutis adjecta *pœna Commissi*. Non verò in hac exsequenda via facti, sed via juris procedendum, & causa primum cognosci, eaque cognita executio ritè fieri, possessioque advocari judiciali ordine debet. *Gail. lib. 2. obs. 51. Brunnem. ad l. 14. ff. de publ. & vect. n. 2.*

§. 9. Et hinc quæritur; *an merces contrabanda, quæ deferuntur ipso jure, statim commissio & praeda cedant?* Resp. Minimè. Diximus quidem *cap. 17. §. 4.* impediri posse Jure defensionis, ne ad hostes deferantur, unde tamen non sequitur vel inferre licet, statim jure belli à pacatis quoque acquiri posse. Si verò denunciatio facta à parte, sub lege commissi, ne ad hostem tales merces deferantur, committuntur. *conf. Grot. l. 3. c. 1. §. 5.* item, *an commissis mercibus etiam navis committatur?* Hac in quæstione distinguo; an fraudulenter agatur & merces transvehantur non attenta *pœna,*

pœna, quæ prohibitarum mercium transvectioni imposita; an verò domino navis incio merces tales impositæ. Et priori casu, ipsam navem quoque committi puto. Nam lex vetans transvehī merces prohibitas sub pœna commissi, etiam navem comprehendit, non vero posteriori, per *l. ii. §. 2. de publ. & vect. & l. 3. C. de naut. fœn.* Si licitæ & illicitæ merces simul navi impositæ, illicitæ saltem in commissum cadunt. Quia in legem in illicitis saltem, non licitis peccatum; & ad illas, non has pœna legis extendenda. Notissimum, utile per inutile non vitiari, nec pœnam esse, nisi ubi vitium & transgressio est. Mores & Edicta Belgarum exhibet Wissenbach. *in ff. part. 2. Diss. 15.*

§. 10. Etiam *frumenta* mercibus contrahendis annumerantur, si hosti subvehantur, & idè auferri possunt pro defensione nostra, ne iis hostis juvetur; his enim non minus hostium vires

ac armis sustententur. Et qui facit, quod hosti placet, pro hoste habendus; censetur enim hostem adjuvare.

§. II. Circa Rerum precia illud quaeritur: *Utrum Princeps & ex Mandato ejus Magistratus, rerum precia definire possit?* Non incongruè distinguitur, inter res ad victum & amictum pertinentes; & inter illas, quæ ad usum quotidianum tam necessariæ non sunt. Ita, ut in illis potestas definiendi rerum precia Principibus & Magistratibus concedatur; eo quod rebus ad victum & amictum pertinentibus, nemo carere possit, sed ad conservandam vitam emere cogatur. In his verò non ita, quia homo illis carere potest; & tam facile etiam in his precium constitui nequit, uti in aliis, quæ quotidiani usus sunt. Ex necessitate boni publici *Dardanarii* illi, ad frumentorum venditionem cogi possunt, si justum offeratur precium. Hancque in rem insignis constitutio Justiniani nostri est in  
Nov.

*Nov. 122. add. Dn. Strykii. Diss. jur. de Dardanariis. vol. 1. Diss. 2.*

§. 12. In definiendo verò rerum quotidianarum precio, Princeps probè attendere debet circumstantias abundantiae & sterilitatis, item sumptuum & laborum, quem subditi impendere debuerunt. *vid. Ziegler. all. sep. Tract. l. 1. c. 46.*

§. 13. Ut eò facilius commercia in Societate hominum necessaria, perfici possent, *Moneta* constituta. De hujus origine *vid. it. Ziegler. all. Tr. c. 49. §. 1. & seq.* Prima in Sacris monetæ mentio fit, *Genes. 20. vs. 16.* Est *Moneta signum publicum, permutationi rerum inserviens, characteri publico notatum.* Unde sequitur non nisi Principem, & qui summum in Republ. tenet locum, monetam cudere & precium nummis dare posse. Publica enim quia ejus est æstimatio & forma, privata auctoritate fieri nequit. Hinc meritò jus monetam cudendi inter Regalia relatum; quia  
justus

justus ille & adæquatus monetæ valor, qui inter subditos requiritur, à privatis expectari non potuit. Tum etiam ob universalitatem, quam princeps in Republ. habet, non nisi ad principem pertinere potuit; quia omnes civium actiones à nutu & voluntate ejus dependent. Hinc & in Majestatem peccat, qui potestatem monetam cudendi sibi arrogat; Severissimè etiam violatio hujus juris punitur, præsertim ob incommoda & abusus, quæ ex licentia hac in Rempubl. redundarent.

§. 14. Quia etiam variæ in terris sunt Respublicæ, quæ sua Majestate & per consequens potestate cudendi monetam gaudent; Cumque moneta unius Reip. ex se & qua talis, nullam æstimationem admittat extra Rempubl. commercia tamen cum vicinis & dissitis necessariò exercenda sint: Hinc numismata extranea & peregrina indigenatus quasi jure donari solent in unaquaque Republica. Sub hac tamen conditione & lege,

lege, ut, si nummis patriæ pondere & valore non respondeant, valori eorum vel tantum addatur vel detrahatur, in quantum excessus vel defectus esseprehenditur. Et hac ratione approbatio nummi peregrini tantum præstat, quod percussio proprii. Nec subditi solutionem in ejusmodi moneta oblatam, recusare possunt. Imò puniri etiam possunt & debent, qui extraneos nummos radunt, aut quovis alio modo falsificant, ex ratione §. præc. data.

§. 15. Nonnunquam etiam necessitate exigente, nummi subsidiarii ex corio, papyro, stanno, cusi, & cudi exigente necessitate possunt. Exemplum inter alia in Friderico II. Imperat. qui bello Italico exhaustus, jussit coriaceam monetam cudi, eique valorem aurei augustalis assignavit. Per præconem quoque proclamari jubens, se finito bello pro singulis coriaceis nummis aureum augustalem restitutum. Sic Lugdunenses Batayi anno 1574. à Hispa-



Hispanis obsessi, papyraceis nummis defectum metallicorum supplere coacti sunt. Et anno 1631. Perusi, Belli Dux, hostili obsidione cinctus, & nummis destitutus, ex stanno monetam cudi curavit, hac inscriptione: *Necessitas Gryphisvaldensis. vid. Chemniz. Chron. tom. 1. lib. 3. n. 3.*

§. 16. Porro ad commoditatem merciorum *Nundina Solennes* introductæ; Quæ sunt *conventus negotiantium*, in quibus ex omnibus terra locis undique certo tempore concurrunt. Commodum non exiguum inde Reipubl. accedit. Non etiam nisi ab eo, qui τὸ κέρδιον habet, concedi possunt. Unde differunt à mercatibus vulgaribus & hebdomadalibus, *gemeinen Wochen Märkten* / quippe qui à quovis Magistratu sine consensu superioris institui possunt. quia non tam mercatus, quam annonæ causa haberi solent. *Zahn. Ichnograph. municip. cap. 61. n. 3. Klock. de Contribut. cap. 3. n. 78. Solennes & celebres*  
 O in

in Germania sunt Nundinæ *Frankfurtenses*, *Lipsienses*, *Naumburgenses*, it. *Frankfurtenses ad Viadrum*.

§. 17. Denique in Republica non admittenda esse *Monopolia*, plerique suadent; Quod melius sit, ut quotidianarum rerum usus pendeat à pluribus, quam ab unius arbitrio & sæpius avaritia. Et quia fatius Reip. & salubrius, si habeat plures mediocribus divitiis instructos, quam unum prædivitem, eo quod plures Reipubl. robur magis augeant. *conf. Mevius, Consil. 50. n. 36. & seq.*

§. 18. Concedi verò à Principe potest *monopolium* ex certis & justis causis; ut si reliqui cives impensis in rem faciendis impares, & rebus aliunde advehundis non sufficiant; & si sine tali monopolio Respubl. conservari non possit. Deinde ille, qui monopolium impetrat, constringi debet ad venditionem mercium oblato justo precio.

§. 19. Ex eadem ratione Princeps, si in

## CAPUT XX. 315

fi in urbe aliqua essent 20. futores aut opifices, & 10. sufficerent, posset his solis commercium & opificium concedere, ne se invicem exhauriant, & multitudine civitati noceatur. *add. cap. 6. §. 5.* Ad eundem modum inventori-  
bus rei novæ & artis alicujus, remunerationis gratia exercitium ejus artis ad aliquod tempus solis concedi solet, reliquis exclusis. Idem dicendum de privilegiis typographorum & bibliopolarum, ut intra certum tempus soli librum suis sumptibus excusum vendant. *vid. David Mevius. part. 3. decis. 70. Grot. lib. 2. cap. 12. §. 16. & Dn. Simon ibid. in not. Dn. Pufendorff. lib. 5. c. 5. §. 7.*

## CAPUT XXI.

*De Regalibus Minoribus, seu  
Juribus Reip. Fiscalibus.*

§. I.

**H**Actenus egimus de Regalibus seu Juribus Majestatis seu Reipubli-

O 2

cæ

cæ Majoribus, quæ fluunt ex ipsa natura Reipubl. utpote sine quibus perfecta & sibi sufficiens societas esse nequit. Sequuntur *Minora*, quæ sunt *commoda & emolumenta*, quæ ex bonis publicis vel alias ratione Imperii, is qui *Summam in Republ. habet potestatem*, percipit. Vocantur alias *Jura Fisci*, seu *Fiscalia*; præsupponuntque potestatem aliquam in bona & possessiones privatorum. Hæc, ut Becmanus noster amat dicere, sunt orta ex *ambiguitate privati domini* i. e. quia res privato domino caruerunt, ad principem meritò referri potuerunt & debuerunt. Non dissimilis à Grotio, qui sequentibus hæc exprimit: *Cum Principibus ac Regibus bona quadam essent assignanda, unde dignitatem suam sustinerent, sapienter existimarunt, ab illis rebus incipiendum, quæ sine damno cujusquam tribui possint, cujusmodi sunt res omnes, quæ in Dominium nullius pervenerunt. lib. 2. cap. 8. §. 5. coll. c. 3. §. ult. cum: Commentator. conf. Tit. 8. §. 52.*

§. 2. Ta-

§. 2. Talia sunt inter alia *jus venandi*, quod Principibus optimo jure competit. Nec in contrarium, aut dubium *jus Principum* facit, quod ab initio Deus dominium ferarum non certis personis tantum, sed toti generi humano concesserit, earumque capturam omnibus in universum hominibus voluerit esse communem, Jusque & potestatem plenam illas in usus suos transferendi dederit, *Genes. 1. vs. 26. & c. 9. vs. 3. Psalm. 8. vs. 8.* & ideò Principes, cum ita, Jure divino & Dei voluntate etiam naturali & gentium, omnibus hominibus conveniat ferarum captura, absque insignis violentiæ alicujus nota, illam prohibere & auferre non potuisse. *arg. §. 2. I. de f. N. G. & C.* Nam ad hæc cum *Christ. Fesch. disp. Inaug. eleg. de Re venatoria ejusque jure, Basil. 1638. hab. part. poster. th. 1. lit. d. e.* respondemus: Ab initio Deum T. O. M. non tantum animantia fera, sed etiam mansueta, & omnem herbam, hominis do-

minio subjecisse, *Genes. d. c. 1. vs. 29.* verum has adhuc hodiè post dominiorum distinctionem à singulis vindicari posse, quis absurdè hoc affirmaret? Hæc ipsa etiam facultas utendi his, hodie ab illis, qui facultates has restringere possunt, nempe Principibus, restricta. Deinde animantia fera non ita dici communia & Juris gentium, quasi in omnium dominio essent posita, sed potius, quod sint nullius, *dict. §. 12. l. de rer. divis.* cum autem Principes illorum, quæ nullius sunt, dispensationem & distribuendi facultatem habeant, potuerunt venationes justa & rationabili de causa certo hominum ordini interdicerè, aliique attribuere. Ac in iis utendis, vel limitando, vel permittendo, vel prohibendo, certum præscribere modum, *arg. l. 6. ff. de Justit. & Jur.* Imò à Principibus prohibitiones in iis, quæ Jure naturali & gentium licita sunt, fieri possunt justis ex causis, quæ hic adfuerunt, *vid. §. 3. seq.* Maxime autem

tem jus hoc venandi se fundat in dominio illo, quod Principes habent in territorium, in bona publica, inter quæ etiam sylvæ numerantur, & hinc, si quis dominus fundi privatus potest prohibere absolutè, ne quis ingrediat fundum suum, quare non etiam Principes restrictè prohibere possent, ne quis ingrediat sylvas venandi causa; deterioris enim alias viderentur esse conditionis, quam privati. *l. divus. 16. ff. de servit. præd. rust. l. 13. §. 71. in fin. ff. de injur.* Nec subditis res suas ita eripiunt, sed vetant duntaxat ab ipsis usurpari alicuius acquirendi modum, quem alias merum Jus naturæ, citra constitutiones civiles si esset, indulgebat, *Dn. P. fendorff. de J. N. & G. lib. 4. c. 6. §. 6.* Et quamvis etiam, (ut utar verbis Taciti) *omne magnum aliquid ex iniquo habeat, quod contra singulos utilitate publica rependitur*; negari tamen nequit, Principes ex iusta & rationabili causa, prædia ipsa, adeoque & jura

quæsitâ auferre posse, *Surd. Consil.* 113. n. 99. *Gail. lib.* 2. *obs.* 56. n. 1. *Schrader. de Fend. part.* 4. c. 1. n. 30. *vid. supr. cap.* 8. §. 51. & *seq.* multò magis & iisdem poterunt interdicere venationibus. Accedit & immemorialis hujus juris quasi possessio, cujus ea est auctoritas, ut præscribat etiam non præscriptibilia, *Surdus consil.* 127. n. 16. 17. *Rol. à Valle, consil.* 59. n. 6. *vol.* 4. *Natta consil.* 22. n. 2. & *consil.* 445. n. 6. 7. *Mevius consil.* 3. n. 69. & *sequent.* *Tabor. de Jure cerevisiar. c.* 7. *in Respons. rat. decid. in fin.* quia etiam prohibitio venationi, tanquam rei olim meræ facultatis, accessit, & in ea subditi seu homines acquievere, constituuntur in quasipossessione hujus juris prohibendi, & hoc ipsum præscripserunt legitima præscriptione. *Mev. cons.* 50. n. 35. Nec obstat, quod objicitur à nonnullis & *Bachov. ad Treutl. disp.* 20. rh. 3. *lit. a.* Præscriptionem hanc fieri non potuisse, quòd ab initio violenta præsumatur possessio,



fessio, cum subditi jus suum adversus  
 principes, potestate & imperio suo uten-  
 tes, tueri non potuerint; Quia falsam  
 & iniquam hanc præsumptionem esse  
 probant, *l. 18. §. 1. & l. 21. ff. de probat.*  
*l. 51. ff. pro socio.* Tum à tot sæculis &  
 plus quam immemoriali tempore toties  
 facta prohibitio & continuata possessio,  
 juncta subditorum patientia, omnem  
 meritò violentiæ præsumptionem ex-  
 cludit. Adcò, ut, qui ultra hominum  
 memoriam in possessione vel quasi per-  
 mansit, titulum ne quidem demonstrare  
 teneatur; cum immemorialis præscrip-  
 tio, ex communi omnium Dd. senten-  
 tia, titulum non requirat, sed insuper,  
 præter titulum, vim privilegii habeat,  
*l. 1. §. ult. l. 2. pr. ff. de aqua & aqu. pluv.*  
 Imò pro veritate habetur, & titulum  
 allegare opus non habet, qui immemo-  
 riale tempus probat. *Mynsing. cent. 1.*  
*obs. 3.* Immemorialis præscriptio omnem  
 malæfidei præsumptionem purgat. *Me-*  
*vius consil. 3. n. 74. & seq. it. 80. conf.*

*Dn. Beieri diff. de occupat. & venat. ferar. illic. tot.*

§.3. Causæ, quibus Principes ad adimendam subditis venationem moti, inter alias, hæ præcipuæ: Viderunt nempe, promiscuam illam venandi libertatem plurimarum inconvenientiarum in Republica esse matrem, uti acerrimarum altercationum & rixarum; & sæpius ad arma, à verbis ad verbera veniri, item subditos nimium venationibus deditos omnia pessundare, & propter quotidianas lanienas ferarum, species depopulari & opprimi, item venatores omni humanitate quasi exsutos, & nonnunquam feris similes fieri, ad latrocinia & alia facinora & flagitia allici, & iisdem sic fenestram aperiri, agriculturam, officia & alia necessaria & agenda negligi, nec non uxorum & liberorum Venatores oblivisci, secundum illud Horat.

*Manet sub Jove frigido  
Venator tenera conjugis immemor.*

Et

Et quidem omnia cum maximo Reipubl. detrimento. Ecquis ergo non videt iustissimis de causis & prudenter subditis venationes esse interdictas? *conf. Dn. Struv. S. 7. Feud. c. 6. aphor. 5. n. 3.*

§. 4. *ius Fluminum* tam navigabilium, quam aliorum, *vid. 2. Feud. 56.* tam quoad proprietatem, quam utilitatem inde proveniente, & *Insulas* in illis natas, tanquam accessiones fluviorum. *vid. Myl. ab Ehrenb. de Pr. & St. Imp. p. 2. cap. 66. ius circa Metalli fodinas*, tam auri & argenti, quam æris, ferri, salis, nitri, aluminis, non tam quoad proprietatem, quam quoad *canonem metallicum*. *Myler. ab Ehrenbach. de Princip. & Stat. Imper. part. 2. cap. 69. §. 2.* Sic Sereniss. Hassiæ Landgravius *Lapides scissiles*, vulgò *Schiefferstein* sibi vindicat, sub onere tamen decimarum quoslibet ad fodiendum admittens. Insuperque eximentibus & fodientibus ligna ad fulciendam & munendam.

niendam fodinam, ne corruant, gratiosè ( solvendis saltem à scissoribus saltuario debitis sportulis, *Stammgelt* ) concedit. Item ad eundem Sere-  
niss. Principem *carbones fossiles* perti-  
nent, & iisdem custodiendis & pro  
certo precio vendendis præpositus est  
quidam, qui vocatur *der Berg-Schrei-  
ber*. Adcoque privatis eximere non licet.

§. 5. Eodem modo ex *cesspite ustibili*,  
quem Belgæ vocant *Torff* / qui natura-  
lis est palustris, pinguis ac decoctæ  
glebæ terra; fiscus lucrum quoddam  
quærere non prohibetur. *Klock. de arar.*  
*l. 2. c. 27. n. 18.*

§. 6. In nonnullis Regnis & Rebus-  
publicis quoque *Thesauri*, licet in pro-  
priis locis licitè inventi, ad Principem  
pertinent. *Arnif. de Jur. Maj. l. 3. c. 6.*  
*n. 23.* Sic apud Hispanos lege Regia  
constitutum est, ut quinta pars inven-  
tori relinquatur, reliquæ fisco cedant.  
Gothorum Reges thesauros sibi vindi-  
carunt. Referunt, Richardum II. Re-  
gem

gem Angliæ armis infecutum fuisse nobilem quendam sibi subditum, quod thesaurum in proprio fundo repertum sibi tradere negaret. Confiscationem hanc licitam faciunt, quod sint res nullius & privato domino carentes, de quibus Principi ad salutem Reipublicæ disponere permissum. *Grot. lib. 2. cap. 8. §. 7. & ibid. Simon, & Henniges.* Æquitatem tamen naturalem suadere putamus cum Ziegler. *ad all. loc. Grot.* ut ad dominum fundi aliquid ex invento thesauro perveniat. Eò quod, si avitus fuerit fundus, à majoribus repositam & reconditam fuisse pecuniam verosimile sit. Si verò noviter acquisitus, uti in ipsum fundum dominium quis habet, ita etiam in omnia ea, quæ in fundo latent & ignorantur, fundo tamen continentur, verè habet; Ita ut fundi beneficium non immeritò thesaurus repertus dicatur. Item ad Jura fiscalia referuntur *Jura viarum publicarum & vectigalium*, quæ meritò pro

refectione viarum, ut tam personæ, quàm bona commodè de loco ad locum transferri possint, imponuntur ac exiguntur. *Klock. de arar. lib. 2. c. 77. n. 21.* Reliquia Regalia minora enarrare institutum nostrum non patitur, vide sis Bocerum & Sixtinum de Regalibus. *add. Magnif. Dn. Strykii dissert. de fur. Princip. subterraneo. tot. hab. an. 1685.*

§. 7. Tribus verbis addemus Regalia nonnulla in certis tantummodo Rebus publicis usitata; ut *fus Deportus* in Anglia & Gallia usitatum, quo Rex, ad quem omnis cura Vasallorum suorum minorennium pertinet, bona, quibus ad sustentationem non indigent, fisco regio addicit. Rigor hujus juris inde excusatur, quod primi feudorum acquirentes, ita cum domino feudi pacti sint, sicque damnum hoc majoribus, non Regi adscribi debeat. *fus extra-hendi bona naufragorum*, ex fundo maris; utpote quarum rerum desperata possessio, & in quibus non videtur quis retinere

retinere animum domini. *Grot. lib. 2. c. 4. §. 5. n. 1.* Notanda hic venit controversia, quæ Anglis hac de re mota, dum ex navi Hispanica è regione Americæ ante multos annos merfa, & ab illis fortuitò inventa, thesaurum extraxerant. Hispani causabantur, se nunquam animum recuperandi argentum abjecisse, nec illud pro derelicto habuisse. Angli è contrario sibi tanquam beneficium divinum, inventionem hujus thesauri attribuendam esse, urgebant, & omnem spem recuperandi Hispanos abjecisse, ex non tentata per tantum temporis decursum inquisitione, colligi posse, reponcbant. *Jus verò de Varech* in totum improbatur. *vid. cap. 9. §. 4.* Quale jus ratione Normandiæ ad Regem Gallix pertinere tradit Tholosanus, *de Republ. lib. 9. c. 1. §. 29.* Idem jus etiam tribuitur Regnis Italiæ, Siciliæ, Neapolis, Hispaniæ, Angliæ, Aquitaniæ, Navarræ, ut abundè testantur Renat. Chopin. *doman. Franc.*

*Franc. l. i. c. 16. Arnisæ. de f. Maj. l. 3.*

*c. 6. Imbecillis est, quæ redditur hujus*

*juris à Tholosano all. loc. ratio; curam*

*nempe, & refectionem portuum & lit-*

*torum ad Principem pertinere; Item*

*Principem debere esse sollicitum, ut*

*maria sint æque à Piratis, ac itinera à*

*Latronibus tuta. Jam verò secundum*

*naturam esse, ut qui sentiat onus, sen-*

*tiant & commodum. Cui oppono Re-*

*gulam illam Juris naturæ in l. 206. ff.*

*de R. f. Jure natura æquum est, nemi-*

*nem cum alterius detrimento & injuria*

*fieri locupletiores. Jam itaque obser-*

*vandum principium illud: Concurr-*

*entibus duobus præceptis Juris naturæ,*

*si utrumque servari nequit, observan-*

*dum id, quod fortius, & magis strin-*

*git. Quis hanc, Tholosani regulæ &*

*rationi præponderare non videt: In*

*aperto quippe, in exercitio hujus juris*

*lucrum captari ex calamitate aliena.*

*Ejusdem ferè farinæ Jus Albinagii, quo*

*bona peregrinorum morientium fisco*

*cedunt,*



cedunt, quod ex veterum opinione, qui peregrinos pro hostibus habebant, fluxisse videtur. *Ius bona vacantia occupandi*, iniquitate caret, si modo prius publice de more vocati fuerint, si qui defuncti hereditatem sibi deberi putent. Nam *alias si quid domino particulari carere incipit, ad universitatem aut dominum superiorem redit*, Grot. l. 2. c. 3. §. 19. n. 3. *Ius piscium Regiorum*: quales Balæne in Gallia & Anglia; item Delphini, Acipenser, Thynni. *Ius Ambari* apud Belgas in India Orientali & Hispanos, tanquam accessorium littorum. *Ius colligendi succinum*, Bernstein! singulare Regale Sereniss. Elect. Brandenburgici in Borussia, ob rationem eandem.

## CAPUT XXII.

*De Subditis.*

## §. I.

**S**equitur corpus parentium, in quod Respublica potestatem suam exercet.

cet. Ex Imperantibus enim & parentibus Respubl. constat. Parentes uno nomine dicuntur *subditi*, i. e. *persona Imperio publico subiecta*. Formalis ergo ratio subditi consistit in subiectione seu paritione, quemadmodum Imperantis in Imperio.

§. 2. Consistit subiectio hæc in agnitione superioritatis, seu *obedientia simplici*, i. e. proposito explendi mandata superioris, ex *sensu officii* sine vacillatione. Nihil enim certi alias in Republica esset, & finem quoque nostrum in illa non potiremur. Et hanc ipsam obedientiam inculcat Apostolus 1. *Petr.* 2. *vs.* 12. dum *perfectam obedientiam* superioribus deberi docet; & servos non tantum modestis & humanis, sed & duris dominis obedire jubet. Et ad *Roman.* 13. *vs.* 5. necesse est subijci non solum propter *iram* i. e. metum poenarum, sed & propter *conscientiam* i. e. ex sensu officii. *add. Hobbes. de Cive cap.* 6. §. 13. Hinc quoque *Civis bonus*, debet

*bet esse vir bonus*; quia Civis bonus nemo dici potest, nisi etiam sit vir bonus i. e. interno animi affectu in Rempubl. feratur, non metu aut spe futurorum. Civis enim tantum bonus nullo sincero affectu in Remp. fertur, quia nihil est, quod illum afficit intrinsecè. Unde & in singulas horas mutabilis, & præsentia tantum spectat, non perpendens futura, & qualem res habitura sit exitum.

§. 3. Ex natura itaque hujus subjectionis (1) à subditis *Princeps summa veneratione prosequendus*: Honoris enim maxima pars est, agnoscere potentiam alterius, eique nolle displicere. Tenuior hinc etiam fors Principis non contemnenda, qualis qualis etiam illa sit, in quam per infortunium conjectus. Davidem hoc non latuit, cum ipsi contemptissime à Simeï malediceretur, cum inquit: *fortassis Deus respiciet afflictionem meam, & reddet mihi bonum loco maledictionis hodierna.* 2. Sam. 16. vs. 12.

Huc

Huc referendum memorabile & generosissimum responsum, eventu comprobatum, Caroli II. Regis Angliæ, cum exsulem ageret & Ministri Pacificationis Pyrenææ Ludovicus de Haro & Cardinalis Mazarinus, ipsum ne quidem ad colloquium admittere vellent: *Intra anni spatium ipse quoque in Regno meo ero. Diar. Europ. an. 1671. 4.* Reverentia, quæ Principibus, qui, iusta vel injusta vi, item malitiosa desertione, coronæ & Imperii jacturam passi, debetur, assimilari potest reverentiæ illi, quam in jure nostro Civili Liberi emancipati, aut servi manumissi debent iis, quorum in potestate fuerunt.

§. 4. *Nec vitia Principum traducenda, nec dura in illos verba proferenda; ferendi enim, non culpandi Principes. Nemo nos censores morum constituit. Reges nos judicant, illos Deus, cui tantum peccant. Huc pertinet illud Virgil.*

*Discite justitiam moniti, nec temnite  
Divos.* Idem

Idem volunt loca Sacræ Scripturæ, *Eccles. 10. vs. ult. Job. 34. vs. 18. Deut. 22. vs. 28.* Modestè proinde locutus Grammondus de Amoribus Henrici IV. ad regendam hanc maculam: *Rarò sævit, qui amat.* Quamvis hoc axioma fallere, probet exemplum Davidis, ideò scærentis, quia amavit. Nec à Sacro ordine excommunicandi, quia subsunt eisdem Sacris per modum directionis & consilii, at non per modum Jurisdictionis. *Vid. Summum Theologum Max. Rever. & Excell. Dn. Henric. Cussum, System. Theol. de Molit. Oper. Sabbath. Dei c. 15. §. 9.* Admoneri rò ratione muneris Sacri possunt, ne his actus tales noceant; idque habitatione dignitatis Regiæ, ut videmus datum à Nathane Davidem super adulterio & occiso Uria privatim monentem. *Sam. 12.* Summis hinc laudibus collenda elogia, quæ Scriptores Antiqui passim suis Regibus tribuunt. alia: *Regem nemini posse injuriam facere,*

*facere*; eo quod præsumatur semper talis, qualis esse debet. *Eundem non posse errare*, ex causa eadem. *Nec de factis ejus disputare fas esse*; ob summam reverentiam ipsi debitam, & ne qua parte obsequium luxetur. *Omniū somnos Regis vigilia, omniū otium illius labor, omniū delicias ipsius industria, omniū denique vacationes illius sola occupatio defendit*, inquit Bractonus J Ct. Anglican. ex Seneca. *vid. auct. Stat. Angl. p. i. c. 4.* Verissimum certe illud Taubmanni:

*Sunt fasces fasces, & omnis honos onus, Fructus honos oneris, fructus honoris onus.*

§. 5. (II.) *Persona Principis subditis debet esse sancta*, quia Principibus, tanquam Dei vicariis, summus debetur amor & veneratio. Unde *Principibus resistere non licet*, quisquis enim resistit, Dei ordinationi resistit. *Rom. 13. §. 2.* & observandum hic, quod de parentibus legimus: *Ames parentem, si equus est, si non, feras.* Rex enim est populo suo,

io, quod pater est liberis; quod ca-  
 ut est corpori è multis membris com-  
 osito. Jam quam illicitum liberis, &  
 apium, inyenta etiam cāusa confur-  
 ere in patrem, tam illicitum etiam  
 bditis erit, insurgere in Principem,  
 out sapientissime hac de re differit  
 cobus A. R. *lib. de fur. lib. Monarch.*  
*103. coll. p. 88. it. 101.* Ratio etiam  
 oad Principem aperta; quia est per-  
 ia omnibus utilis, & in salute Prin-  
 is salus versatur omnium. Quod  
 mā est in corpore nostro, id Prin-  
 s est in Republica; hac verò à cor-  
 e sublata corpus perit, & Principe  
 lato; tanquam spiritu & halitu sub-  
 rum, Respublica societas amplius  
 ceta non erit, sed dissociata mul-  
 lo, qualis illa Cyclopum, *ubi con-*  
*turba, & nemo audit nominem.* Imò  
 itas monet & imperat interdum,  
 eo unius bono, multorum admo-  
 bonum præferam. Quæ omnia à  
 ibus ac recentioribus Theologis  
 pariter

pariter ac Politicis magno numero prolixè exposita. *Vid. Grot. de J. B. & P. lib. 1. c. 4. passim. & lib. 1. c. 2. §. 9. & Commentator. Grotian. in. h. loc. it. de Imper. Summ. potest. circa sacra, c. 13. §. 14. Brunneman. Jur. Eccles. lib. 1. cap. 2. §. 33. Keckerman. curs. Philos. disp. 35. emblem. 4. Et Theologorum nostrorum sententiam in Disputatione quam sub sap. laud. Celeb. Dn. Becmano, de Securitate Doctrina Reformat. Religion. de Magistr. Politico, in Illustri Viadrina, publicè ventilavimus, cap. 1. §. 21. 22. & Hubert. Mosan. im bericht von der Reformirten Lehre von der Weltlichen Obrigkeit. tot.*

§. 6. Quid verò juris erit in casu *extremi discriminis*, seu *summa necessitatis* Reipublicæ, si totus status publicus facto Regis minetur ruinam, si Rex planè ab officio suo recedat, hostili in populum feratur animo, ad vitæ vel fidei genus, à quo plane alieni abhorrent, trahat, Religioni subditorum extrema



ema inferat, & palam insidietur, suam-  
 ae velit esse publicam, si Regnum alii  
 bjicere aut illegitimo successori, vel  
 rtui tradere, Leges fundamentales  
 ertere velit, si fidem datam frangat,  
 l alio modo contra pacta publica agat,  
 & dicta patientia hisce casibus sub-  
 is tribui vel adscribi potest? Mini-  
 putem. Dei enim leges tacitam ex-  
 tionem habent necessitatis, multò  
 is populo hic aliquid licebit. Dicta  
 entia est quidem singulorum, uni-  
 orum verò quoad præsentem casum  
 est, quia sine careret; in propriam  
 : ruinam & destructionem tende-  
 à qua tamen omnis homo naturâ  
 alienatur. Subditi etiam hoc casu  
 aliter, quam assertores sui juris &  
 tatis, quæ ex promisso sibi quæ-  
 nt, imo sui ipsorum & suorum de-  
 es existunt. Quin quasi in extre-  
 æ & fidei discrimine constituti,  
 vationem suam, quæ omni jure  
 nec denegari nequit, licitè quæ-  
 P runt

runt & intendunt. Deinde etiam eversione sub jure Imperii non continetur. *Vide prolixè hac de re agent. sep. laud. Dn. Becmanum, diss. de jure Subditor. circa Sacra. tat.* Licet ergò Subditis, enarratis casibus, se defendere i. e. vim avertere & declinare; non verò vim Principi inferre, & injuriam vindicare, id enim non esset injuriam repellere & se defendere, sed offendere. Parcatur itaque semper personæ Regis, ob characteris sanctitatem & indelebilitatem. Principes enim licet excedant, vel delinquant, manent veri Principes; ad eum modum, quo pater etiam si in liberos injurius sit, verus pater manet. Neque liberis ideò competit jus in patrem insurgendi. *conf. Angl. Rex Jacob. jur. lib. Monarch. p. m. 104.* Hoc sensu capiendi & intelligendi Theologi nostri præcedentis sæculi, quando jus aliquod resistendi subditis aliquibus, scil. Magistratibus inferioribus seu ordinibus Regni, tribuerunt; non enim terminum

minum hunc, prout jacet, intellexerunt; sed tantummodo hoc voluerunt, subditis licere se defendere, seu tueri jura adversus vim injustam; de vi inferenda nunquam cogitarunt, prout latè & eruditè hoc ostendit Dn. Hubert. Mosanus, im bericht von der Reformirten Lehre von der Weltlichen Obrigkeit / cap. 1. & 2. §. 9. edit. 1690. oppos. Hect. Godfrid. Masii libr. de interesse Principum circa Religion. Evangelicam, quatenus is Reformationum Doctrinæ de Magistratu maculam impingere conatus est. conf. Barth. Keckermannus. curs. Philosoph. disp. 35. emblem. 4. p. m. 761. & seq.

§. 7. Imò recensitis casibus innocentes hujusmodi subditi defensionem ab aliis Principibus quærere possunt, si nullam spem reconciliationis, sed constantem & perpetuam Legibus contrariandi illasque evertendi voluntatem in imperante suo videant. Et ab aliis Principibus etiam defendi possunt & debent,

bent, ob *cognitionem naturalem*, quæ inter homines intercedit, *Grot. l. 2. c. 25. §. 6. 7.* item *Spiritualem*, si fidei socii, eaque cognitione Spirituali Principes attingant. *Galat. 6. vs. 10.* *Operemur bonum ad omnes, maxime autem ad Domesticos fidei. 1. Tim. 5. vs. 8.* Si quis suorum & maxime Domesticorum curam non habet, fidem negavit & infideli est deterior. Accedit, quod Principes sunt *Nutricii Ecclesie*: ergò & obligantur ad defensionem ejus. Nutrientium enim non est abjicere eos, qui curæ suæ commissi, sed ipsos fovere ac defendere. Nonnulli Principum speciali juramento se ad hoc obstringunt: Sic Imperator Romanus jurat, se *viduarum & miserabilium personarum pium defensorem & judicem futurum. vid. capitulat. invictissimi nostri LEOPOLDI, artic. 1.* Rex Galliarum, se *mandaturum, uti in omnibus judiciis equitas & misericordia locum habeat; quo Deus, qui clemens & misericors est, sibi & aliis misericor-*

*sericordiam præstet.* Et quamvis has promissiones ad subditos tantum pertinere constet; ad Exterorum nihilominus defensionem, præter adductas rationes; ex hoc capite etiam tenentur: Quia Principes sunt Custodes utriusque Tabulæ, universo generi humano propositæ, adeoque veluti Curatores universæ rei humanæ, ac proinde non solum unius sibi creditæ gentis rationem habere debent, sed totius humani generis: hinc Principes esse oportet non φιλομακέδονας tantum, aut φιλορωμαίους, sed φιλανθρώπους, uti *Grot. ex Themistio* disserit §. 24. *prolegom. conf. cap. 8. §. 30.*

§. 8. Reliquorum officiorum ex natura subjectionis profluentium, quæque subditi Reipubl. vel Principi debent, fundamentum est, *subditos omnia sua & se ipsos debere Republicæ*, seu obligari pro principe. Hinc fluit exquisitior ille gradus obedientiæ, qui vocatur *Exsuperantia obsequii & pietatis.*

Quæ non comprehendit illa, quæ necessario in Republ. facienda, uti obedientiam, tributorum solutionem, Principum honorem; Sed ea, quæ per se bona quidem sunt, verum ad quæ stricto jure non tenemur tanquam subditi, & quæ ratione exercitii etiam arbitrio nostro relinquuntur. Ut si subditus salutem privatam sui ipsius, plurimum postponat saluti Principis vel Reipublicæ; pro principe in periculo mortis constituto, se exponat armis hostilibus. Item si *navis potius se, navemque suam accenso pyrio pulvere perdant, quam ut hostibus eam permittant.* Præstat enim cum discrimine suo patriæ prodesse, quam nihilominus in ea versari contra utilitatem in patriam redundantem; aut declinando, illud pati, ut patriæ damnum inferatur. Quamvis negari nequeat, conservationem illam & amorem sui ipsius non parum obstare; Ac licet extrema hujusmodi non semper expressè jubeantur pro salute Patriæ,  
ab

ab his tamen persona talis e. g. nauta, immunis non est ratione officii. Sic per captam navem hostis contra patriam incrementa sumit; si verò nauta vitam suam ita periculo exponit, certissimam suorum hostium cladem experitur. Nata hæc quæstio ex factis nautarum, in specie Belgicorum; in quorum instructionibus nonnunquam mandata talia contineri volunt. Nec etiam ex actibus hujusmodi simpliciter & absolutè mors sequitur. Censentur tales secundum illud Senecæ, *memorabiliter & in opere virtutis* mori voluisse. *vid. Dn. Pufendorff. Elem. jurispr. lib. 2. def. 4. §. 10. Dn. Stryck, de Conscient. foro Cap. 6. n. 114. & seq. Dn. Becman. Doctr. Mor. cap. 15. §. 2.* In historia Romana, hoc nomine prædicatur inter alios *Attilius Regulus*, qui voluntario ad Carthagenenses in captivitatem reditu, (cum pacis causa Romam missus fuisset,) maluit cruciatus hostium subire, quam Romæ manendo

patriæ periculum attrahere. Causæ speciales hujus facti esse potuerunt, (1.) Fides data, quæ etiam hosti servanda. (2.) Ne, si contra datam fidem Romæ maneret, id aliis captivis vel capiendis exitio esset. (3.) Romæ oportuisset tanquam privatum, & extra omnem dignitatem mori. Illicitum verò amborum *Deciorum parentis & filii* factum, qui non tantum morti, sed devovendo insuper, se iræ divinæ pro salute Reip. objecere. *Liv. l. 8. c. 9. lib. 10. c. 28.* Item Curtiū; pro salute Reip. se in voraginem præcipitantis, quamvis Valer. Max. dicat. *Nullum pietate Curtii erga Patriam clarius observari exemplum. lib. 5. c. 7. vid. Dn. Becman. dissert. de piet. Subd. erga princip. it. de Exsuperant. obsequii. tot.*

§. 9. Distinguenda verò ab recensitis obedientiæ gradibus, *obedientia cæca*, qua ad quævis mandata superiorum subditi se prosternunt. Semper enim obsequium debet esse rationale. *Cæca* verò



verò imperata facit sine ratione, aut intuitu connexionis cum statu suo. Talis est *Turcarum*, quippe qui non dubitant jussu Imperatoris in præsentissimam mortem se præcipitare; imò Martyrii in loco habent, persuasi eum, qui mandatis Imperatoris immoritur, in continenti in Paradisum transferri.

§. 10. Quamvis etiam Principibus Dii summum rerum arbitrium dederint, subditis sola obedientiæ gloria relicta, non tamen in omnibus casibus exigi potest. Excipiuntur itaque *injusta & inhonesta*; quia in his obedientia crimen foret, & injusta & inhonesta in nullius potestate morali sunt. Quæ *contra conscientiam*, quia talia nec in nostra, multo minus aliena potestate sunt. Huc pertinet, si *Religio aliena & conscientia nostra contraria* obtrudatur. *conf. cap. 15. §. 6. 8.* Conditio enim imponitur ultra humanum modum, & subiectio redditur calamitosa; Unde & emigrare juste possunt. *Conf. Matth. 10.*

vs. 23. *D. Becman. diff. de fur. Recip. Ex-  
ul. fidei socios. tot. & §. 6. h. c. add. Con-  
ring. de fin. imp. l. 2. c. 19. n. 5. & contra-  
rias opiniones præprimis Machiavello-  
rum illud impium assertum: quod Prin-  
ceps Religionem, prout variat fortuna,  
mutare queat; examinantem Clasen. de  
Rel. Pol. c. 13. Item Absurda, quia ever-  
tunt dignitatem hominis, e. g. si jubean-  
tur omnes nudi incedere. *Quæ salutis Rei-  
publ. adversa*, unde & Sauli cædes, licet  
ipse illam expetierit, sine crimine peragi  
non potuit. Unctus enim domini erat.  
Unde & juste percussorem illum glorian-  
tem David occidere jussit. 1 Sam. 31. vs.  
4. & 2. Sam. 1. vs. 9. 10. 14. 15. 16. Alia  
verò principia & ratiocinia subditorum  
pro exfuta aut exfuenda obedientia, in  
quantum tranquillitati & paci publicæ  
adversa, docet Hobbes de Cive. lib. 1. c. 12.*

§. II. Nota subjectionis est *Homa-  
gium*, quod vel in initio inauguratio-  
nis vel postea accedentes subditi Prin-  
cipibus præstant, ut eò certius ipsis  
subjectio

Subiectio & obligatio ( etiam hoc non præstito debita, ) constet. *Vid. Excell. Dn. Lyncker. diss. de relig. obseq. & Nobiliss. Dn. Luder. Menckensii, Exerc. de jurejurand. Civium. tot.*

§. 12. Omnes, qui in Republ. sunt extra personam Principis, sunt subditi. Etiam personæ Ecclesiasticæ, quia Ecclesia in Republica, & à Republ. defensionem habet. An peregrini in Republ. admittendi, prolixè à Politicis disputatur. Pro negativa allegatur, maximum in stabilienda Republ. Romana momentum addidisse, quod aliquando nullos, aut ad minimum solos Italos, alienigenas receperint in civitatem. *Machiavell. de Republ. l. i. disp. 6.* Sed expedire admissionem peregrinorum, ex eo patet: quod grande momentum ad amplificandam Rempubl. conferant. *Dn. Becman. diss. de Indigenat. §. 13. & seq.* Actus, per quem peregrini in Rempubl. recipiuntur, est *Naturalisatio*, qua Resp. peregrinum

## 348 INTROD. IN DOCTR. POLIT.

pro indigena, & atque jurium suorum capace habet, & veluti format, quem natura talem non fecerat, qui hac ratione *ſus indigenatus* ſeu *naturalitatis* nanciſcitur. Facultas *naturaliſandi* dependet ab auctoritate publica, & in Anglia & Gallia per Decreta Parliamentaria exercetur. Triplex verò metus, ſi nimium creſcat admiſſorum peregrinorum numerus, (1.) ne conſpiratione indigenas opprimant, (2.) ne hoſtibus ſe adjungant, & (3.) ne vi exitum quaerant. *Judei tolerandi*, licet ſint exemplum iræ & maledictionis divinæ, in ſpem converſionis, *Rom. II. vſ. 25. Hoſea 3. vſ. 4. & 5.* quia & tandem erunt ſubjectum Miſericordiæ & Gratiæ Divinæ in generali ipſorum converſione. *Vœt. Diſp. Select. vol. 2. f. 90. 91. Diſp. VVurmſer. Exerc. Jur. Publ. Exerc. 4. quæſt. 18. add. alleg. Claſen. c. 12. & cap. 15. §. 8.* Tum & ne vicinorum potentia per egreſſum augeatur. Sic non leve ex illorum ejectione detrimentum paſſi

Hiſpa-

Hispani; Judæi enim, qui sub Ferdinando ad Turcas migrarunt, una usum tormentorum, & similium ad eos perduxerunt. Labefactata quoque Respublica. E contrario Mauri ejecti in Regno Gallix benignè recepti sunt, si Christiani fieri vellent. *Vid. D. Becman. hist. geograph. part. 2. c. 1. p. m. 447.* In Polonia idèd tolerantur.

§. 13. Subditi denique alii sunt *Eminentioris conditionis*, alii *purè obediētes*, & *inferioris conditionis*, & in specie vocantur *subditi*. Oritur autem eminentia illa, vel ex natalium splendore, seu generis claritate, qua eminent Nobiles, *add. D. Mauriti Diff. de Nobilit. imprimis German. tot.* vel ex officii respectu, quo præcedunt Consiliarii ex officio nobilitati, & qui aliis præclaris in Aula officiis præfunt. vel à Doctrina, quæ nobilitat Literatos, Tam Theologos, Jurecōsultos, quam Medicos & Philosophos. Doctores Nobilium numero inferendos esse docent

## 350 INTROD. IN DOCTR. POLIT.

in Imperio Romano Recept. Imper. in quibus Doctoratus privilegia, cum Equeſtri dignitate conjunguntur. R. I. zu Augſpurg. de anno 1500. Tit. von überflüſſigkeit der Kleider. §. item die von Adel / ſo nicht Ritter oder Doctores ſeind / ſollen kein Gold noch Perlen öffentlich tragen. Quicquid grunniant artium Liberalium & Litterarum contemtores. *Vid. omnino Guilh. Antonii dictus Freundenberg. de Reſcript. Morator. Concluſ. 68. n. 31.* Idem dicendum de Licentiatis promotis, qui de conſuetudine generali in favorabilibus, non verò in odioſis, pro Doctoribus habentur; Doctorum verò privilegiis & immunitatibus gaudent. *Becker. S. 7. Publ. lib. 4. c. ult. §. 9. & VVurmſer. Ex. 7. P. 4. quaſt. II.* Non verò Rabulæ iſti forenſes & Canini Cauſidici Doctorum & Nobilium titulo dignandi. Caſtiſſimam enim Themidem prostituunt ruditate & ignorantia ſua, & ventosa atque enormi loquacitate.

tate. Certè minimè merentur inſigne iſtud Elogium l. 14. C. de Adv. div. judic. vid. Ziegler. diſſertat. Rabuliſticam, proœm. & tot. Quoad Doctores juris videantur quoque l. 2. in fin. ff. de excuſat. tut. l. 4. §. II. in fin. d. tit. l. 7. C. de poſtul. l. 2. §. fin. ff. qui per tut. l. 2. §. 9. C. de vet. jur. enuct. Nolden. de Nobil. cap. 5. concluſ. 37. Dan. Otto. Jur. publ. c. 9. Matth. Stephan. de Nobilit. lib. 9. n. 9. & 27. VVurmſer. Ex. 7. P. Ex. 4. queſt. 17. Denique ob armorum ſummam neceſſitatem, Milites eminentioris conditionis meritò eſſe cenſentur: Ac etiam qui Capitanei, & ſublimiora officia gerunt, optimo jure Nobiles ſalutantur, & ſalutari poſſunt. Beſold. Syn. Doctr. Polit. l. 1. c. 16. §. 15. Reliquæ ſubditorum prærogativæ & dignitates ex mercatura, & artium ingenio ac ſubtilitate æſtimandæ. Beſold. cit. loc. Horn. in annot. ad Burgersdick. cap. 24. Theſ. 13. An Subditi à Principibus libere per donationes, venditiones, ſimplices

simplices permutationes transferri possint, examinat, & affirmative quaestionem decidit Conring. *de finib. imper. lib. 2. cap. 1. n. 15. & seqq.*

## CAPUT XXIII.

*De Tributis.*

## §. I.

**S**ubditi *Tributa* solvunt, tum in recognitionem superioritatis, tum tanquam mercedes pro defensione salutis & bonorum suorum, & ad sublevandam in oneribus Rempublicam. *Hobbes de Cive. c. 12. §. 9. Hoc ratio suadet*, ait Loccenius, *de Rep. apum. c. 7. & usus postulat, & necessitas jubet, ut qui sub umbra pacis, ac publica quietis tutela degere cupiunt, etiam defensionis ac tranquillitatis publicae subsidia pro debita portione conferant.* Hoc qui probe ponderaverit, fatebitur iniquas saepe ac impudentes esse vulgi querelas, cui maxima ferè miseriarum suarum causa videtur.



videtur tributorum gravitas; ut utar  
 verbis Dn. Pufendorffii *de J. N. & G.*  
*l. 8. c. 5. §. 4.* Sane opus in Republica  
 opibus, sine quibus nihil fiet, quod opus.  
*Lips. Civ. Doctr. lib. 4. c. 9.* *Nec quies-*  
*gentium sine armis, neque arma sine sti-*  
*pendiis, neque stipendia sine tributis ha-*  
*beri queunt*, ait Tacit. *l. 4. hist. c. 74. n. 2.*

§. 2. In universum verò sumptus pu-  
 blici certa quantitate includi semper  
 non possunt; ob varios casus, qui non  
 à nobis, sed à vicinis nostris depen-  
 dent, ad quos dispellendos pecunia  
 opus est. Unde *magnitudo* Tributorum  
 ex necessitatibus Reipubl. dependet,  
 quæ tempore belli majora sunt, quam  
 pacis tempore, quia necessitates tunc  
 majores. Et hinc in singula persona-  
 rum capita, patrimonii & quæstus ha-  
 bita ratione, onus quandoque consti-  
 tuitur, German. *Kopffgelt / Hauptgelt* /  
 de quo Dn. Tesmarus, *eleg. dissert. de*  
*Cephaletione*. Ut taceam alios, qui Bel-  
 gis & Venetis, nec non aliis in usu sunt,  
 augendi

augendi ærarii publici pro re & necessitate nata, modos. Summi verò Imperantes sapientissimè, & maxima, qua pollent prudentia, hætenus querulo vulgi ingenio se adtemperare & accommodare solent, ut quantum fieri potest, minimo quasi cum sensu & motu tributa colligantur. In Imperio nostro Roman. Germanico jus hoc est penes *Imperatorem & Ordines seu Status Imperii. Illustr. Dn. de Rhetz inst. jur. publ. l. 1. tit. 4. §. 36. & lib. 2. tit. 2. §. 4. Myler. ab Ehrenb. de Princ. & St. Imp. part. 2. cap. 62. Nobiliss. Dn. Vitriarius, inst. jur. publ. lib. 3. Tit. 18. §. 62. & seq. Schvueder. intr. jur. publ. part. spec. sect. 1. cap. 26. §. 7. & seq. it. sect. 2. c. 15. §. 1. & seq.* Optime etiam faciunt Principes, qui de imponendis tributis cum statibus suis deliberant. Facit hoc etiam ad conservandam inter imperantes & parentes, harmoniam mutuamque amorem. *Ziegl. de f. M. lib. 2. c. 3. §. 2.* Inter contribuentes debet quoque observari pro-

proportio, & quidem Arithmetica, quia tributa optimè se habent, si pro modo facultatum, negotiationum, & possessionum injungantur & exigantur.

*Franzk. ad ff. tit. de just. & j. n. 27.*

§. 3. Omnibus verò personis indistinctè imponi non possunt: quidam enim alia ratione fines hos explent; Quales personæ functionibus publicis oneratae & ornatae; Consiliarii, Professores &c. alias enim gemino onere premerentur in Republ. Consulendo Reip. & onera ejus sustinendo. Excipitur casus summæ necessitatis, c. 2. de censur. c. 2. de immun. Dn. Servu. S. j. C. Ex. 20. th. 63.

§. 4. Crebrò mutari non expedit Reipublicæ, quia omnia in incerto collocantur. Posito enim certo modo tributi, secundum hunc etiam rationes suas subditi insistant, eodem vero mutato, mutantur & rationes subditorum, unde confusio. Imò omnis mutatio in Republ. etiamsi in melius fiat, tamen

tamen hoc ipso mala, eo quod sine ullis incommodis & turbis Reip. vix fieri possit.

§. 5. Modus tributa exigendi voluntati Principis relinquendus; in ejus enim arbitrio positum, quem modum tributa colligendi præscribere velit. Semper quoque præsumptio est, Principem pro Republ. velle id, quod saluberrimum seu optimum est. *Conf. hic Boxborn. disquis. polit. cas. 42. 59. 60. add. omninò Nic. Myler. ab Ehrenbach | Nomolog. Ord. Imp. cap. 4. §. 12. & seqq.*

§. 6. Quid de *Accisis* dicendum? R. inserviunt in sublevationem tenuiorum, dum minorem in Re domestica habent consumptionem rerum quotidianarum. Hæc civitatibus inferioribus non competunt, nisi quatenus sunt concessa aut expressa voluntate Principis, aut immemorialis possessionis patientia. *Mevius part. 7. decis. 158.* Et ab his accisis præstandis, utut immunitatem generalem quis habeat, non liberatur, nisi legi-

## CAPUT XXIV. 357

legitimè acquisitam & concedentis voluntatem doceat. *Mev. part. 3. decis. 157.*

§. 7. Bona quoque subditorum pro tributis & aliis, quæ debent Principibus, per receptionem juris civitatis, ex eo tempore, quo cives seu subditi facti, pro tributis obligata sunt. *l. 1. C. in quib. caus. pign. tac. l. 46. ff. §. 3. de Jur. fisci. Mevius consil. 62. n. 24. & seq.*

## CAPUT XXIV.

*De Ratione Status.*

## §. 1.

**N**ON autem solum externis mediis civium seu subditorum salus & bonum publicum procuratur; sed & arcanis & occultis Consiliis & actionibus Status Reipubl. conservatur; noxia & utilia; prout ad tranquillitatem & salutem subditorum facere possunt, ponderantur. *arcana hæc & obliqua Rempubl. regendi & conservandi ratio, dicitur Ratio Status.*

## §. 2. Et

§. 2. Et rem esse antiquissimam, ex eo patet, quod fuerit, antequam Republicæ fuerunt; nulla enim unquam privata domus existit, quæ non status sui rationem i. e. studium se cum familia seu domo conservandi, habuerit. Imò, homo quam primum nascitur, sibi conciliatur, & commendatur ad se conservandum, & ad ea, quæ sunt conservantia sui status diligenda; alienatur autem à suo interitu, iisque rebus, quæ interitum videntur afferre, ut ait Grot. lib. I. c. 2. §. I. n. I. add. Comment. Et quicquid antea fecerunt homines, hodiè faciunt, & in posterum facient, illud ex status ratione i. e. studio se conservandi; fluxit, quod in ipsis mundi cunabulis enituit, uti §. seq. videre erit. Sic in Sacris quoque Abrahamus & Isaacus, uxores suas formosas, hic Rebecca, ille Saram, sorores dixere, ex status sui ratione; dicebat enim Abraham interrogatus, quare hoc fecisset, se cogitasse, nullam pietatem ibi loci

loci esse, & hinc metuisse occisum feri, ob uxorem. *Genes.* 20. *vs.* 11. Isaac, ne occiderent se propter Rebeccam, quod forma liberali esset. *Genes.* 26. *vs.* 7. Filiæ Lothi cum igne everfam videbant patriam, nullos masculi generis superesse putarunt, unde semen & imprægnationem expectare possent, ideò ex status ratione, à patre suo vino somnoque sepulto, se clam imprægnari fecerunt. *Genes.* 19. *vs.* 31. & *seq.* Jacobus ob privatam status sui rationem, studio nempe se conservandi, ad augmentandum gregem suum baculis verficoloribus est usus. *Genes.* 30. *vs.* 37. & *seq.* Ægyptiis Israelitæ vasa aurea & argentea abstulerunt, ex status ratione, ob detentam mercedem, Deo dispensante, uti & in facto Jacobi. Dicitque potest Deum hisce casibus fecisse, quod humani iudices facere solent, creditores nempe immisit in bona morosorum debitorum.

§. 3. Nomen Rationis status in usum  
Politi-

Politicum tractum est ab Italis, & arcanis Rerumpublicarum applicatum. Dixerunt illam *ragione di dominio, di signoria, di regno, d' Imperio*; & omnium elegantissimè *ragionamento di Stato*. Gallis curiosis Rerum æmulis, *la raison d'estat*, dicta, hinc à Politicis tandem Latinitate donata, & *Ratio Status* appellata; quanquam, ut ait Schwederus *Jur. Publ. part. Gen. cap. I. §. 5.* apud Criticos, & qui elegantiae Latini sermonis præ cæteris student, ratio status sine veniæ præfatione vix unquam reperitur.

§. 2. Porro cum Schwedero *all. loc.* dici potest: Illam esse vel *generalem* vel *specialem*. Et generalem iterum vel *intrinsecam*, quæ in suam maximè Rempubl. vel *extrinsecam*, quæ ad vicinos & externos quoque sagaces oculos vertat, esse: item illam versari vel circa Regimen *introducendam*, vel in pristino statu & vigore *conservandum*.

§. 3. Equiparatur *Ratio Status Principum*,



*cipum*, *Mysteriis Sacris* in eo, quod de utrisque non aliter quam cum reverentia & veneratione loqui liceat. Et hinc, quemadmodum in Sacris promiscuè disputationes & Mysteriorum curiosæ perquisitiones vulgo non permittendæ, ob intellectus imbecillitatem, & quod assequi nequeant, & ne causa Dei prostitatur; eodem modo etiam ratiocinia illa subditorum de arcanis Principum refrenanda, quia tum contra naturam parentium, utpote qui arcanam illam Remp. gubernandi prudentiam & rationem assequi non possunt; tum contra dignitatem Principum, quæ prostituitur, nec salva amplius esse potest, si inferioris cujusque judicio subjiciatur. Et posito etiam quod sciant, & assequi possint, sine tamen careret, quia nihil hinc conferre possunt ad causam publicam. Itaque ratiocinia hæc degenerant in *πολυπραγμοσύνην* exitiosam. Itaque uti *Mysteria* in Sacris non temerè scrutanda, sed potius piè & humiliter credenda,

Q

denda, ob erroris facilitatem, ita nec arcana Principum, ob eandem rationem. Quis quæso non agnoscit, quàm arduum sit in rebus Principum congruè versari, quippe quas parendo solum suscipere, non docendo tradere possumus. Proinde verè dixit in Senatu Romano M. Terentius, Vir Equestris Ordinis ad Principem suum: *Non est nostrum estimare, quem supra ceteros & quibus de causis extollas: Tibi summum iudicium Dii dedere: Nobis obsequii gloria relictæ est. Spectamus, quæ coram habentur; Abditos Principis sensus & si quid occultius parat, exquirere illicitum, anceps, nec ideo assequaris.* Tac. an. 6. c. 8. 5.

§. 4. Sola itaque hæc & vera Principum Philosophia, arcana Reipublicæ scrutari, naturæ arcanis otiosis relictis, ut eleg. Strada. Decad. 1. lib. 5. Imò Principis hac in parte philosophia debet esse (1.) *Architectonica*, ita ut ipse non tam agat, sed aliis præsideat, eosque ad officium compellere sciat, in-

star

star architecti, qui dirigit & disponit circa formam ædificii exstruendi, & ipse verò manum operi non admovet, opera inferioribus relictæ. (II.) *Universalis*, quia officium ejus universale. Ita, ut omnia expedienda sciente, volente & approbante Principe expediantur. Id-  
 eoque universalis omnium cognitio in Principe necessaria. Eleganter hanc in rem propria experientia edoctus Sere-  
 niss. Angliæ Rex Jacobus *Don. Reg. lib. 2. p. 61. Quo pacto enim omnes corrigas & redarguas, (quod Tui est officii) nisi omnes noveris.* Et quidem non solum suorum, sed & exterorum ratione uni-  
 versalis esse debet. Hæc est generalis illa ratio status, de qua *g. 2. h. c.* Sic Tyberius Imperator in hoc genere adeò sollicitus fuit, ut nihil eorum ignoraret, quæ apud hostes futuros agerentur, ita ut sæpiusculè ex ipsorum Stratagemati-  
 bus compendium duceret. Et aliquan-  
 do Wilhelmum Principem Orangii, apud Christophorum Assonviliū, glo-  
 riatum

riatum legimus: Nullum prodire è Regis Philippi II. ore verbum seu privatim seu publice, quin ad ejus aures in Belgium fideliter afferatur. Item olim laudatus Hispaniarum Rex, quod ipse Principum Europæ arcana quasi præsens intueatur. (III.) *Incommunicabilis*, i. e. soli Principi propria, & quibus arcana sua revelant, Consiliariis intimis. Qui enim nimium patet, suus esse non potest. Et *multa bene ordinata, improvida custodia perdidit*. Occulta etiam & ignorata ab omnibus minantur partibus, valentque non parum ad inimicos & hostes aliò distrahendos: è contrariò tela prævisa minus nocent. Hoc nomine quoque celebratur Tiberius, dum dicitur, quod fuerit *simulandi artifex*, quod est *Taciturnus*, unde & suspiciones de diriori ejus Regimine; Id quod & hodie Taciturnis & Arcanorum tenacibus accidere solet, ut quo secretius sua consilia abdunt, eò magis suspicionibus sint obnoxii, quia oc-  
cultas

## CAPUT XXIV. 365

culta ab omni parte metuuntur. Henricus VII.<sup>us</sup> Rex Angliæ. *vid. Verulam. vit. Henr. VII.* Et Wilhelmus I. à Strada dec. 1. lib. 7. sequentibus: *Et verò ad novandas res, inquit, haud scio, an ullus unquam mortalium fuerit instructior, quam Orangius. Ingenium ei præsens & occasionum haud segne, sui obtegens, etiam iis, qui arcanorum ejus conscii ferebantur, inaccessum.* Hic à Cardinali Gravellano Taciturnus dici solitus; *vid. Strad. dec. 1. lib. 6.* quid Taciturnitas in expediendis negotiis magni momenti valeat, & quale momentum non addat, exemplo majorum incomparabilis ille Angl. Rex Wilhelmus III. in expeditione sua Anglicana, Duce Deo, docuit.

§. 5. Ex dictis coll. §. 1. patent Requisita Rationis Status; quod nimirum esse debeat *Arcana*, ne alii propositum nostrum sciant; & *obliqua* i. e. ut serpentes repunt, ne, in quem finem apparatus nostri tendant, concipi possint,

Q 3

sed

366 INTROD. IN DOCTR. POLIT.  
sed ut externa rerum specie decipiantur.

§. 6. Partes Rationis Status sunt, promovere commoda Reipublicæ, & facultatem nocendi alteri adimere. Unde & Jure positivo Civili & ordinario contrariatur & auctoritatem adimit, vim & virtutem Legis temperat & flectit, seu, ut lumen majus, minus tegit; Item quod singulis damnosum, facit & admittit, neglecto privato commodo, omnia ad salutem publicam promovendam.

§. 7. Exercitium verò Rationis Status ita institui debet, *ne jus alienum tollatur. Grot. lib. 1. c. 2. §. 1. n. 6.* Qui enim spretis alienis juribus sua tantum commoda quærunt & curant, propriæ tranquillitatis monumenta rescindunt. *Grot. proleg. 18.* Illud enim jus, quod in aliis negligimus, illud & alii in nobis negligendum esse censent. Unde qui alteri suum aufert, non potest de injuria queri, si & suum sibi vicissim auferatur; ob negligentiam propriæ tran-

tranquillitatis. Hinc nec ex ratione status fides alteri data frangenda; mox enim auditur tritum illud: *Frangenti fidem, fides frangatur eidem.* Nec frangens de injuria sibi facta queri potest, quia in propriam salutem injurius, & monumenta propriæ tranquillitatis ipse frivole rescindit. Fracta etiam ex ratione status fides, frangentibus tandem malorum omnium colluviem attrahit; & à Deo, qui lento gradu ad vindictam suam procedit, gravissimè puniti. Exemplum in Sacris in Rege Zedekia. 2 Reg. 24. vs. 17. 2 Chron. 36. vs. 11. 12. & seqq. & præprimis Ezech. 17. vs. 12. 2 Reg. 25. 6.

§. 8. Hinc dispescitur Ratio Status in *Genuinam*, quæ commoda sua querit citra læsionem juris alterius. Eleganter hanc in rem Seneca Epist. 104. *Magnanimos nos natura produxit, & ut quibusdam animalibus ferum, quibusdam subdolum, quibusdam pavidum, ita nobis gloriosum & excelsum spiritum,*

*quarentem ubi honestissime, non ubi tur-*  
*tissime vivat, dedit. Et spuriam, quæ*  
 saltem privata commoda & utilitatem  
 quærit, citra respectum alieni juris, an  
 illud lædatur, vel dominii causa justa  
 sit, nec ne. Et hæc Machiavellistis,  
 qui, quicquid utile est, pro justo ha-  
 bent, & utilitatem justitiæ mensuram  
 constituunt, adscribitur. Ast infelices  
 facit utentes; & præ oculatissimis sunt  
 talpis cæciores, per evanida hujus mun-  
 di gaudia in æternæ miseræ barathrum,  
 se præcipitantes. *Vid. Tabor. de Contr.*  
*& jur. colonar. provinc. Coroll. 1. 2. it.*  
*Tr. de Confrontat. disp. 2. th. 19.* Talis  
 fœda & barbarica apud Turcas est par-  
 ricidium fratrum ad conservandum im-  
 perium, & ne habeant, quod metuant.  
 At qua ratione scelera hujusmodi &  
 flagitia excusari possunt? Cum in arca-  
 nis hisce, Religionis, fidei & pudoris  
 ratio quoque haberi debeat. Nisi dicās  
 cum Mchiavellistis, Principem Impe-  
 rium & vitam debere conservare; qui-  
 bus



bus autem id fiat rationibus, nihil interesse, modo aliquam honesti speciem præferant. *Besold. S. D. Pol. lib. 2. cap. 9. §. 17.*

§. 9. Tali fraudulenta & spuria Ratione Status in Sacris quoque usus auctor illius Satanas, ad amplificandū regnum suum tenebrarum in seducendis primis nostris parentibus, *Genes. c. 2. & 3.* His etiam habita Status ratione arridebat propositus ille felicissimus status, & hinc in obedientia erga Deum non permanserunt, persuasi conditionem suam meliorem futuram, sed immane quantum decepti. Ex ratione Status hac spuria, Cainus primogenitus omnium mortalium, primus parricida factus; ob primogenituram primam sibi à Deo quoque gratiam arrogans. Et cum votum hoc ipsi denegaretur, statum & auctoritatem suam hinc magnum præjudicium pati, si quem natura postposuerat, sibi præponi permetteret, persuasus, fratrem tanquam æmulum

Q5.

&amp; con-

370 INTROD. IN DOCTR. POLIT.

& consortem è medio sustulit. *Gen. c. 4.*  
 paria Orbis & Urbis Romæ fata fuere :  
*Fraterno primi maduerunt sanguine muri.*  
 Nam urbis conditor Fratricida fuit. Ex  
 ratione Status Esaavus Jacobo , ob  
 præreptam nempe benedictionem pa-  
 ternam , necem inferre quæsit. *Gen.*  
*cap. 25.* Ex ratione Status Josephum  
 fratres sui odio habuerunt , è medio  
 tollere tentarunt , dissuadentibus tamen  
 duobus , prætereuntibus Ismaclitis ven-  
 diderunt. *Genes. cap. 37.* Ex eadem Pha-  
 rao multiplicationem Israelitarum im-  
 pedivit. *Exodi c. 1.* Abimelech septua-  
 ginta suorum fratrum ; ne haberet æ-  
 mulos & consortes Regiminis , inter-  
 ficere curavit. *Jud. c. 9.* Saulus Davi-  
 dem persecutus & occidere quæsit.  
*1 Sam. cap. 20.* Salomon Jeroboamum.  
*1 Reg. 40.* Ex ratione Status Joabus for-  
 tissimum Heroem Abnerum , interfe-  
 cit. *2 Reg. 3.* Jerobeam vitulos aureos  
 conflare iussit. *1 Reg. 12.* Athalia omne  
 semen Regium Domus Judæ , excepto  
 Joa,

Joa, trucidavit. 2 Reg. c. 9. & 2 Chron. 22. Ex ratione Status diabolica, Herodes ad Infanticidium est seductus. Judas ad proditionem Domini sui Salvatoris nostri unici, instigatus. Ex ratione hac Status Pilatus Jesum ad mortem crucis condemnavit. Joh. c. 19. Luc. 23. Marc. 15. vs. 15. vid. plur. Reincking. Bibl. Policey. lib. 2. axiom. 37. 38. & seqq. Ex his videmus, tum genuinam tum spuriam tam à bonis quam malis, adhibitam fuisse Rationem Status, tam ab imperantibus quam subditis; & quidem ab unoquoque ad conservandum Statum suum. Habent præprimis cuncta imperia & in iis imperantes, peculiaris sua fundamenta & secretas rationes, quo Statum publicum, & se in vigore & flore conservant. Tales olim David cum Salomone filio suo communicavit. 1 Reg. 1.

§. 10. Quatenus *simulare* liceat, diximus cap. 1. §. 2. Et an *Stratagemata bellica licita*, cap. 16. §. 19. In Materia

hac de Ratione Status pertractanda palmam ferè omnibus præripuit Dn. de Jena. *Dissertat. de Ratione Status. conf. Joh. Hieron. Im Hoff. de Rat. Status.*

## C A P U T XXV.

*De Rerumpublicarum Speciebus.*

## §. I.

**D**Iversæ illæ Rerumpublicarum species ex varietate administrationis oriuntur. Et optima & commodissima Rerumpublicarum distributio est, quæ ex numero personarum ad clavum Reipubl. sedentium, seu Rempublicam administrantium, desumitur. Cum igitur Respublica administratur & repræsentatur vel per *unum*, vel per *Eminentiores* ex civibus, vel per *universitatem* seu plurimos, rectissimè & commodissimè dividitur in *Monarchiam*, *Aristocratiam* & *Democratiam*. add. D. Pufendorf. *de Offic. hom. & civ. lib. 2. cap. 9.*

§. 2. *Mo-*

§. 2. *Monarchia* itaque dicitur, ubi summa Reipubl. potestas penes unum residet. Seu, ubi unus est, qui repræsentatione jura & actiones Reipubl. exercet. Et hanc commendat (1) *Antiquitas & Splendor*; quod maximè oculos hominum perstringat, ut divini aliquid in Regio hoc unius imperio, magis esse arbitrentur, quam in alio, cum in omni imperio sit. Et è contrario Majestatem in multis divisam non adeò agnoscat vulgus, aut miretur. (2) *facilitas expediendi negotia*, quæ princeps commendationis ratio politica dici potest, in reliquis enim speciebus, propter tot capita & dissensum, tarditate hæc impeditur.

§. 3. *Aristocratia* ubi Eminentiores è civibus, seu optimates summam potestatem habent, & Remp. repræsentant. Ad constituendam itaque Aristocratiam requiruntur aliquot optimates, unus illam constituere nequit; quia Aristocratia non dicitur, quasi *ἀριστοκρατία*

τὸ ἀρίστου: Imperium Optimi, sed κρά-  
 τεια τῶν ἀρίστων: *Imperium Optimorum.*

Et hinc, si unus solus administret Rem-  
 publ. Monarchia erit. Nec numerus  
 præcisè definiri potest, quia variat pro  
 quantitate & qualitatè Reipublicæ.  
 Apud Lacedæmoneos 30. Optimates,  
 Pharsaliorum Reip. 20. Epidauriis cen-  
 tum & octoginta imperantes seu opti-  
 mates præfuerunt. Vetus Massiliensium  
 Respubl. ad Littus Celticum sexcentos  
 optimates habuit. Andreas Doria an.  
 1528. in formanda Genuensium Republ.  
 viginti octo præposuit.

§. 4. *Democratia* dicitur, ubi sum-  
 ma potestas est penes populum, seu  
 ubi universi Cives Remp. repræsentant.  
 Non tamen à toto populo jura Reipu-  
 blicæ exercentur, sed populi totius  
 nomine, quidam ab universis civibus  
 selecti cæteris omnibus imperant, &  
 secundum leges strictissimè observandas  
 jura Reipublicæ exercent. Rarissimè  
 hæc Reipublicæ forma in Asia & Africa  
 visæ,

visa, Carthaginem si excipias, quia Regibus & jugo quasi assueti. Unde Cappadoces apud Justinum, negabant gentem suam sine Rege vivere posse. Persæ assueti sub Regibus vivebant. *Curt.* 10. 5. In Europa nostra frequens, & inde, quia Europæi confidentiores, & semper liberius haberi & gubernari voluerunt. Græci antiquissimis temporibus, mox Romani, & nunc Veneti, Helvetii & Belgæ, Genuenses, Lucenses, &c. Respublicas Liberas formarunt. *Belgarum* legatis sæpius non leve dedit incommodum, quod Populi orientales Reipubl. Liberæ Imperium assequi non possent; & ideo tandem Nomen Principum Arausionensium substitui oportuit, ut in ipso tanquam Supremo Belgarum capite subsisterent. Et hæc ipsa Regiminis Forma, cum Belgæ Legationem ad Tartariæ & Chinæ Regem anno 1655. mitterent, Consiliarios Regni Chinenfis diu ambiguos habuit. *vid. Neuhoff. Sin. Reisebeschreib.*  
*pag.*

376 INTROD. IN DOCTR. POLIT.

pag. 161. Atque has duas species commendat Libertatis sensus.

§. 5. Quænam Reipublicæ Forma sit optima & præstantior, Monarchiane, an Aristocratia, an verò Democratia, sollicitè non examinabimus; quia *singulis Reipubl. speciebus manent sua incommoda*, & non ex præstantia hujus aut illius formæ, sed ex voluntate jus metiendum est. *Grot. l. 1. c. 3. §. 8. n. 1. 2.* Et prout universa nostra vita sine incommodis duci non potest, ita nec propter imbecillitatem in hac vita assequi possumus statum publicum ex omni parte beatum. Proinde unusquisque tutissime in eo statu acquiescit, in quo minora incommoda & imperfectiones sentit & deprehendit. Nullus enim status hisce in terris perfectus sperandus. Conf. inter Politicos de formis his controvers. *Horn. in annotat. ad Burgersdick. c. 21. O. 3. Keckerman. curs. phil. disp. 36. probl. 1. 2. 3. Rumelin. ad A. B. p. 3. diss. 2. §. 22. & seq. & ibid. Myler. in addit.*

§. 6. Di-



§. 6. Diversæ hæ Rerumpublicarum species seu formæ, non aliam habent causam, quam diversa hominum ingenia, quæ prout instinctu naturali ducuntur, hanc, illam, istam formam Reipubl. amplectuntur, eaque regi volunt. In unaquaque Regione proprius veluti spiritus dominatur, qui nascentibus hominibus habitum & cupiditates ingenerat. *Grot. l. 1. c. 3. §. 8. n. 2.* Sic pars vetustissimarum gentium Germanorum consuetudine Regibus parere; uti Tacitus de *Eburonibus, Gothonibus, Rugiis, Lemovicibus, Cimbris* testatur. Multi populari regimine gavisi, de minoribus rebus primores gentis, & promptissimos vulgi audiebant, de majoribus omnes consultabant. Nonnullis Reges erant, suadendi magis auctoritate, quam jubendi potestate præditi. Quales Reges veterum Spartanorum *conf. §. 2. cap. 8.* Et Eburonum, quorum Rex Ambiorix apud *Cæsar. lib. 4.* fatetur: *sua esse ejusmodi imperia, ut*  
*non*

*non minus haberet in se juris multitudo, quam ipse in multitudinem.* Pro ut itaque Populi habent ingenium jugo affuetum & servile, uti *Turca*, qui & hinc obedientia coeca imperatoribus parent. *Salmas. defens. Regia. cap. 8. p. m. 251.* Item *Africani*, (quod ex maledictione Chami, eo quod ex ejus progenie nati, quam maledictio divina affecit, ortum habere colligunt, nec stabile hinc condere potuisse imperium statuunt.) Vel in Libertatem ferax, degenerans, & illam amans, ita ut amore potius, quam Imperio Principum regantur; Vel Monarchiam affectans, & ad ferendam asperitatem dominantium patiens, eodem modo etiam Respublicas formatas esse videmus.

§. 7. Hinc observatio hæc Politica fuit: Maximè necèssarium esse Principibus, ut cognoscant subditorum animos & ingenia. Secundum illud: *Principis est virtus maximè nosse suos.* Non alia enim ratione Carolus V. tot diversissimas

fissimas gentes, nim. Italos, Germanos, Belgas, Hispanos, in officio continuit; quam quod singulorum ingenia exactè cognosceret, adeoque Italus cum Italis, Germanus cum Germanis, Belgæ cum Belgis, Hispanus cum Hispanis esset. Specialia singularum nationum naturalia recenset Barclaj. in *Icon. animor.*

§. 8. Quid dicendum de *Repubblica Mixta*, quam ex commixtione; vel Monarchiæ & Aristocratix, vel Aristocratix & Democratiæ, vel Monarchiæ Aristocratix & Democratiæ constare & coalescere volunt; an hæ tres species commisceri possunt? R. Propriè non possunt, quia præter unum, plures vel omnes non datur quartum. Observandum verò, distingui à Politicis inter formam Reipublicæ & ejus administrationem; Cum ergo modus administrandi Rempubl. à forma Reipubl. differt, id Politicis passim Respublica Mixta dicitur. Eo quod simplex

plex aliqua Respubl. Democratica Aristocratice gubernari possit; ut maneat tamen simplex Democratia. Quia jura Majestatis in hac penes populum, tanquam dominum proprietarium, uti Hornius ait; manent. Et Aristocratia Monarchice, exempli loco ponitur Respublica Venetorum quæ Aristocratica, modus tamen gubernandi Monarchicus, quia per Ducem regitur. Item Polonia, quæ Respublica quidem Libera, modus verò administrandi Monarchicus. Item Monarchia Aristocratice, exemplum in Imperio Romano-Germanico. *Schruveder. Jur. Publ. part. Gen. cap. 4. §. 49. 50. & sequent.* Monarchicum esse novissime defendit Celeber. Dn. Linckerus. *Antecess. Jenens. prim. Diss. de Forma sive Stat. S. R. Imperii. tot. anno 1686. hab.* Et jam hi modi administrandi non derogant formæ Reipublicæ; quia ipsum jus repræsentandi penes simplices formas, quæ se ab aliis repræsentari patiuntur, remanet.

manet. Et Repræsentantes ejusmodi Respublicas & Regna, sunt veluti imago imaginis. Quia repræsentant eos, qui Rempubl. repræsentant. Uti eleg. hoc explic. *Dn. Becman. Meditat. Polit. cap. 24. §. 5. Hornius ad Burgersdick. cap. 24. §. 5. in annotat. conf. Conring. in animadvers. in Machiavell. Princip. c. 3. §. 1. & Ziegler. ad Grot. l. 1. c. 3. §. 20. qui, quod quoad indivisibilitatem Majestatis objicitur, removet. conf. it. cap. 8. §. 37. Si quædam jura competant Regi, quædam optimatibus, quædam toti populo, tunc missionem fieri ex tribus Rerumpubl. generibus affirmamus. vid. Burgersdick. all. loc. th. 24. & ibid. Horn. in annotat.*

§. 9. *Regnum Limitatum*, quod nonnulli à Republ. Mixta distinguunt, alii tanquam affine rectè ad illam referunt, (quia si limitatum, simplex aliqua forma esse nequit,) propriè Regnum non est. Nisi limitatio de modo habendi saltem intelligatur; qui ex promisso li-  
mitatus

mitatus esse potest. *conf. cap. 8. §. 45.* Species Regnorum *pleni & Laconici*, dictum ita à Laconia, Regno in Republ. Peloponensi, eleganter explicat *all. Salmásius in defens. Regia. cap. 8.* *Plenum* verè Regnum est; non *Laconicum*, quia Princeps talis potestatem jubendi non habet, sed tantum auctoritatem suadendi.

§. 10. *Principatus* vox solet apud optimos quosque scriptores denotare Regnum quodque, sive simplex, sive Mixtum. Et si differentia facienda, in solo splendore & amplitudine Provinciarum ea erit quærenda. Quod nempe Regna amplitudinem territorii & majorem splendorem externum habeant. *conf. cap. 8. §. 43. Conring. ad Machiavel. Princip. ad cap. 1. §. 1.*

§. 11. Singulare & admirandum, Deum ipsummet in Republica Israelitarum, tanquam Monarcham in Regno suo Sacerdotali, Imperium & Summam potestatem humano more exercuisse.

Unde

Unde & Josephus hujus Reip. Formam  
elegantè *Theocratiam* dixit: quasi in  
qua Deus ipse Princeps fuerit. Hanc  
Rempublicam plane ad humanum mo-  
dum formatam fuisse, ex modo consti-  
tuendi apparebit, cum enim ex *Ægy-  
pto* egrederentur, *Populus* erant, i. e.  
multitudo hominum sine peculiari jure  
& Imperio, adeoque *materia sine for-  
ma*. Et hinc pro lubitu gubernationis  
formam eligere potuissent, quam vo-  
luissent, quia sui juris erant. *Grot. l. 1.  
c. 3. §. 8. n. 2.* Imperium verò Divinum  
elegere, ob immensa sibi à Deo præ-  
stita beneficia, & promovenda eò me-  
lius commoda vitæ temporalia. Quas  
rationes Deus ipse in pactione cum po-  
pulo urget, *Exod. 19. vs. 4. 5. coll. Dent.  
4. vs. 28. & imprimis 34. & cap. 6. vs. 21.*  
vim, & pondus, quod his inerat, po-  
pulus quoque agnoscit; Et ideò jus se  
regendi in Deum transfulerunt, & qui-  
dem *privative* i. e. nulla juris parte re-  
tentâ. Uti ex responsione Populi appa-  
ret;

ret: *Cuncta, quæ locutus est Dominus, faciemus. Exod. 19. vs. 18.* Solennia quoque suscepti Imperii, seu publicatio pacti mox secuta. *cap. 19. 20.* Et mundis vestibibus adesse jussi, in *honorem solennitatis peragenda.* Ipsa publicatio tri-duo post secuta. *Exod. 20. vs. 16.* Decalogus tanquam Lex fundamentalis novæ Reipubl. publicatus. *Exod. 21.* Populus solenniter receptus, *Exod. 24. vs. 8.* Primores quoque propius ad Deum admissi *Exod. 29. vs. 9.* Sicut & hodiè Proceres Regnorum ad novum Regem. Epulo denique solennitas hæc finita. Videruntque Deum & comederunt ac biberunt *Exod. 24. vs. 11.* Deinde Leges forenses latæ *Exod. 21. & seq.* pœnæ irrogatæ, *Levit. 24. vs. 10. & Num. 15. vs. 32.* Magistratus instituti, *Num. 11. vs. 16. 17.* ipse Moses Vicarius Reipubl. institutus, & Populi ad Deum orator fuit; deinde hunc secutus Josua: *Exod. 19. vs. 7. 8. Num. 17. vs. 18.* A populo quoque recepti & assumpti. *Exod.*



*Exod.* 20. 19. Ordinatio Sacrorum facta,  
*Exod.* 25. & *seq.* *Levit.* 1. 2. & *seq.* Mini-  
 stri Sacri vocati, *Exod.* 28. Feriæ indi-  
 ctae, *Exod.* 23. *vs.* 14. Tributa quoque  
 imposita, *Exod.* 30. *vs.* 12. *Levit.* 27. *vs.*  
 30. Nihil itaque in hac neglectum, quod  
 in bene constituta Rep. necessarium;  
 & quæ hodiè in benè constitutis Re-  
 buspublicis observamus.

§. 12. Denique, quando illi, quibus  
 summa rerum in administranda Repu-  
 blica commissa, scil. Principes obsti-  
 natè, violata fide, salute publica, justa  
 gubernandi ratione, & jurisjurandi Re-  
 ligione neglecta, fundamenta Reipubl.  
 evertere conantur, generali & vulgari  
 vocabulo *Tyranni* vocantur. Verum  
 cum doctrina hæc suspecta, difficillima  
 sit & plena periculi, nec cum Republ.  
 consistere possit; eo, quod corrupta  
 talis Respublica non sit amplius Res-  
 publ. æque ac homo pectus homo non  
 est, & vinum corruptum vinum non  
 est, & virtus corrupta vitium est; Tum  
 R quod

quod etiam vana hæc in Principes sit ira, quia (1.) in Foro humano nec convinci nec damnari Tyrannidis possunt, cum Principes Divini vicarii & sic soli Deo subjaceant. *vid. §. 30. cap. 8.* (2.) Posito, sed non concessio, Principem Tyrannum esse, omnes de Tyrannis hypotheses Politicas (*de quib. vid. Boxborn. Inst. Polit. lib. 2. c. 4. §. 6. & seq. Tholosan. de Republ. lib. 6. c. 18. §. 20.*) in illum quadrare, nihilominus tamen illicitum, ipsum Tyrannum vocare, quia veritas criminis vel vitii ab animo injuriandi nec hic excusabit; quia non justa & excusabili intentione, nec ad finem probabilem, qui excusat, sed ex malitia & animo injurioso talis vocatur. *conf. Mevius part. 5. decis. 389. Brunneman. ad l. 18. ff. de injur.* (3.) Difficillima quoque hujus rei probatio erit, quia Principem dicere Tyrannum, est dicere *consummatum malum*, & extreme malitiosum. Unde & rectè monet Keckerman. *all. sep. Tr. disp. 35. embl.*

4. *in princ.* Nullam in rebus humanis vocem inajori cautione usurpandam esse, quàm istam; Nec facilè aut temerè cuiquam istud nomen, quo nullum ad Sathanæ naturam & appellationem accedat proprius, tribuendum esse. Non enim Princeps degener, flagitiosæ vitæ, Homicida, Adulter, mendax &c. & qui vitiis etiam gravissimis se prostituit, statim Tyrannus dicendus. *Tyrannus* enim *Regi* opponitur, & in quo versatur virtus Regis, in eodem versatur vitium Tyranni, nempe in Reipubl. administratione. *Arnisaus de Reipubl. c. 3. Sect. 6.* Keckerman. *all. loc. embl. 4. p. m. 269.* illum definit: *qui datâ operâ in id incumbit, ut Statum omnem evertat publicum.* Tyrannus turpiter abutitur imperio & imperii subditis, cum extremo Legum contemptu, cum damno, interitu & ruina subditorum. Porro præsumptio illa veritatis & justitiæ, quæ pro principe & factis ejus militat, quod sint justa, nomen

hoc non admittit. Nec actus etiam Tyrannicus statim Tyrannum facit, quia ex uno actu de universis judicari nequit.

Quia denique (4.) *semper Principes presupponendi tales, quales esse debent*, ex recepta Politicorum Recentiorum doctrina; hinc, ne & nos prout Aristot. definitionem suam Tyrannidis, l. 3. *Polit. c. 5.* datam, in Parnasso revocare coactus fuit, apud Boccalin. *centur.*

*l. relat. 76.* doctrinam & verba nostra revocare necesse habeamus, materiam hanc mittimus; memores illius ex doctrina Morali recepti axiomatis: *In questionibus de personis, illam sententiam semper prævalere, qua in benigniorem partem pendet.* A peccato enim vacat, & cum nullius etiam injuria conjuncta.

*Consul. Dn. Becman. Diss. de non abus. nom. Princip. seu suspecta doctrin. de Tyrannide, tot. in vol. I. Diss. 7.* Conferantur & Politici alii, passim hanc materiam loco de Monarchia tanquam parallelam, tractantes; cum tamen dici posset

set oppositè ad Monarchiam ex dictis  
 rationibus, & aliis, quæ dari possent,  
 si hoc ageremus, quasque dedit *all. Dn.  
 Becman. all. diff.* Tyrannos non dari.  
 Benè verò oppositè ad Aristocratiam &  
 Democratiam, quia harum Administra-  
 tores, si eversores & turbatores Reip.  
 sibi conceditæ formæ existant, illam  
 ad se trahere & sibi subjicere conantes,  
 convinci hujus criminis facilius possint.  
*conf. Tholosan. de Rep. l. 6. c. 19. Bodin.  
 lib. 2. de Republ. cap. 4. Lips. lib. 6. polit.  
 c. 5. Schonborn. l. 2. polit. cap. 37. & latè  
 Rumelin. part. 3. Diff. 2. §. 22. & seqq. &  
 ibid. Myler. in addit. Keckerman. all. loc.  
 Althus. polit. cap. 38. tot.*

§. 13. Ne Tibi, quisquis eris Lector  
 Candide, persuasum habeas, ex enar-  
 ratis his & alibi rationibus & caracte-  
 ribus, Principes quidlibet audendi ha-  
 bere potestatem; & ab omni culpa &  
 pœna esse immunes; verba egegria &  
 planè Regia, quibus pœnas Principi-  
 bus ab officio recedentibus, à Deo im-

ponendas exprimit sæpe laud. & all. Angliæ Rex Jacobus, *lib. de jur. Liber. Monarch. fol. m. 110.* Neque hæc, (inquit) pro Regibus ideo differui, quod omnia scelera, omnia flagitia, iis velim esse impunita: quasi eorum gratia factus esset orbis terrarum, eorumque libidini permissus, ut omnia pro arbitrio agant ferantque, sed contra, dum Deo, cui soli ut judici ordinario subsunt, eos in supplicium dedo, asperrima (ni fallor) omnium & plagosissima ferula ejus subjicio. Nam quanto ceteros mortales loco, honore & potestate supereminent Reges, tanto majore obsequio creatori suo devincti sunt, tantoque majoribus pœnis, si sui olim immemores evaserint, exercebuntur. Nimirum ad dignitatis mensuram crescit eorum adversus Deum ingratitude, & quoniam in editiori loco positi sunt, graviore afflictabuntur casu. Quò enim aliquis Deo beneficiis devinctior est, eo ejus offensa jure enormior videtur. Sæpius & damnosius summas quercus feriunt Jovis fulmina,

*mina, quàm lentas salices: & ex altissima sede proclivior est lapsus. Nunquam auditum est aut pietati aut officio defuisse Regem, quin ejus ingratitude parem Deus aptaverit pœnam.*

§. 14. Subditorum recessus ab officio & obediendi gloria degenerant vel in *Factiones* vel *Seditiones*. *Factiones* sunt congressiones civium seu subditorum inter se, propter lites & dissidia, quæ cum aliis habent. *Seditiones* sunt motus & oppositiones subditorum adversus Magistratus, seu bella civilia. Et hinc seditio differt à bello, eò quod oriatur inter concives & familiares; bellum verò cum aliis populis & inter extraneos. *vid. Gregor. Tholosan. lib. 23. tit. 1. & 2. add. Dn. de Pufendorff. Elem. jurispr. Univers. lib. 1. definit. 3. §. 6.*

§. 14. Sufficiant hæc generaliter de Formis & Speciebus Rerumpublicarum. Ad specialem Politicam pertinet singularum Rerumpubl. & Regnorum accurata cognitio, & sine hac difficillima

392 INTROD. IN DOCTR. POLIT.  
dictorum ad singularem Statum erit  
applicatio. Catalogum omnium Regno-  
rum & Rerumpublicarum exhibet Hor-  
nius ad Burgersd. *cap. ult. th. 29. in an-  
not. add. Dn. Becmani histor. orb. ter-  
rar. Geographicam & Civilem. part. 2.*

## C A P U T. XXVI.

### *De Mutationibus Rerumpu- blicarum.*

#### §. I.

**E**St illa maximorum Imperiorum &  
Rerumpublicarum fatalitas, ut non  
possint eodem loco consistere; Princi-  
pes grande Regiminis onus, diu recta  
cervice sustinere vix possunt. Lassantur  
& se inflectunt, nec decurrunt ad me-  
tam æquabiliter. Quemadmodum singu-  
lis hominibus sua *infantia, adolescentia,*  
*robur, senectus, & mors:* sic & Rebus-  
publicis. Incipiunt, crescunt, stant,  
florent, senescunt, atque ut omnia,  
tandem cadunt. *Cic. de fin. l. 5.* Sequen-  
tibus



tibus hoc exprimit Dn. Textor Syn.  
*fur. Gent. cap. 30. pr. Ut curricula vitæ*  
*hominibus per ætates distinguuntur, sic*  
*imperii sua sunt temporum intervalla,*  
*quibus ab exiguis rebus sumpto initio, vel-*  
*ut adoleſcunt, inde ad potentiam mayo-*  
*rē crescunt, postea rursus deſcunt,*  
*& intermoriuntur. Imò in ipſo ortu*  
*singulis rebus lex iſta data, ad nihi-*  
*lum, unde prodierant, recidere. Ge-*  
*nerantur Regna nova, ex corruptione*  
*aliorum; Generatio enim unius eſt cor-*  
*ruptio alterius; & corruptio unius ge-*  
*neratio alterius. Huc trahi debent ele-*  
*gant. Ovidii verſus lib. 15. Metamorph.*

*Sic omnia verti*

*Cernimus, atque alias aſſumere robora*  
*gentes,*

*Concidere has: Sic magna fuit cenſu-*  
*que virisque,*

*Perque decem potuit tantum dare ſan-*  
*guinis annos,*

*Nunc humilis veteres tantummodo*  
*Troja ruinas*

*Et pro divitiis tumulos ostendit avo-  
rum.*

*Clara fuit Sparte, magna viguere  
Mycena:*

*Nec non & Cecropis, nec non Amphio-  
nis arces:*

*Vile solum Sparte est: alta cecidere  
Mycena.*

*Oedipodionia quid sunt, nisi nomina,  
Theba?*

*Quid Pandionia restant, nisi nomen,  
Athena.*

Diruit enim construitque, & (si fas est dicere) ludit in rebus humanis *magnus ille Architectus*, & velut plastes, varias sibi formas & imagines fingit & refingit ex hac argilla. Nec tantum oppida & urbes, sed Regna etiam & Provinciae trahuntur in hanc labem, ait Myler. ab Ehrenb. *de pr. & St. Imp. p. l. c. 2. §. 2. ex Lips. de Const. lib. 1. c. 16. exempli loco producens Imperium Romanum. Conf. Schonborn. lib. 5. pol. c. 4.*

*§. 2. Quis negare audet, providen-  
tiam*

tiam Divinam in Regnorum ac Imperiorum constitutione, ac everfione mirabiliter operari. Infpiciantur facra monumenta, *Job. c. 9. 34. v. 24. Psalm. 2. & 109. Dan. c. 2. 4. & 5.* ubi legimus Nabuchodonofarem id ipfum inter beftias didiciffe, & Balthafarum ex feribente illa à Deo miffa manu. Testantur hoc translatio Regni à Familia Saulis ad Davidem, & diftractio Imperii fub Roboamo filio Salomonis & Jeroamo. Civitas enim non hominis tantum decretis ftat, fed majoris alicujus potentix vi, quam *naturam*, alii Saniores *Deum* vocant. Qui enim fingulorum hominum dies certis terminis circumfcripfit, idem & Regnorum; Ab illa ergo Luna dependet fluxus omnis & refluxus rerum humanarum; Ortus regnorum & occafus ab illo Sole, *Lips. de Constant. c. 14.*

§. 3. Exemplis hujusmodi fæculum noftrum abundat; maximis rerum mutationibus obnoxium, ut vel hoc no-

mine *Compendium omnium saeculorum* dici possit. Eversa florentia Regna; eveci, ejecti, restituti Principes, Reges; & una cum iis agitatus fluctuavit rerum Status. Exempla, prout illa congescit Dn. Bectman. *erud. diss. de Jur. Subd. circa Sacra, proleg.* breviter proponam: Quis credidisset restitutionem Angliæ Regis Caroli II. cum armis illam frustra intenderet? at sine armis & profusione sanguinis, præter opinionem quasi, obtinuit: Quis Protestantes in Germania tam generosam pacem impetraturos, cum vires eorum in initio belli tricennalis adeò attritæ, dixerit? Quis domum Austriacam duraturam dixisset, cum hostibus undique cincta? Quis salutem Daniæ & Poloniæ, cum armis ferè subacta Regna, sperasset? Quis totum Regnum Portugalliæ sine armis occupari posse autumasset? Ad præsentem rerum memoriam ut veniam: quis sibi imaginatus esset, Turcam infensissimum & juratum Christianorum

norum hostem, tota Europa tam formidabilem, tam brevi tempore ad tantas angustias & necessitates potuisse adigi? Et denique, ut ad recentissimam & omninò præsentem memoriam, & quæ nobis exhibuit & attulit exempla annus 1688. quem jam ante duo sæcula scriptores & scrutatores rerum Cœlestium fatalem prænunciavere, uti etiam revera admirandus fuit, veniam: Nonne expugnata, sine sanguine quasi, validissima fortalitia, & in quæ spem & fiduciam omnem Christianorum hostis posuerat? Anglis verò imprimis quam faustus, auspicatus, ter & amplius felix annus hic 1688. fuit? Dum præcedenti sæculo anno. 1588. *Classem invincibilem*, contra Reginam Angliæ Elisabetham emissam, Deo duce, tempestatibus conspirantibus, innoxiam pro Statu & Religione Regni, perire & dissipari viderunt. *Dn. Puffendorf. Einleitung zu der Histor. cap. 2. §. II. & 4. §. 22.* Et eodem anno 1688. nostri sæculi, die

etiã *quinta Novembris*, quæ ante octoginta tres annos 1605. fatalis fuerat, in detecta illa famosa conspiratione, pulveris tormentarii, qua Domum Parliamentariam simul cum Proceribus, Rege ac Prole Regia, subiecto pulvere pyrio incendere & disjicere, moliti; quam accuratè descriptam *Satyr.* suo adjecit Joan. Barclajus, sub tit. *Series patefact. divin. parricid.* stupendo exemplo, providentia divina ita volente & dirigente, Status sui Conservatorem & Religionis avitæ Defensorem, WILHELMUM III. exceperunt.

§. 4. Ut brevis sim, sunt Mutationes hæ scalæ ascensus & descensus actionum humanarum, & non in Rebuspublicis tantum, sed & familiis & privatorum personis se exserunt, ex naturali inconstantia rerum humanarum provenientes. Et hinc est, quod posterirarò iisdem virtutibus conservent imperia, quibus acquisita fuere. Et quod in quibusdam Rebuspublicis periodi hæ  
fatales

fatales tardiores, in aliis celeriores se  
 exserant, à stabilitate hominum venit.  
 Qui sequenti in cursu rerum humana-  
 rum incedunt ordine, ut à labore &  
 industria ad fortitudinem, hinc ad flo-  
 rem & potentiam, & ex hoc felicitatis  
 fastigio ad superbiam, & luxuriam, frau-  
 des, dolos, seditiones, factiones, sic-  
 que ad mutationem & interitum ten-  
 dant, & decurrant. Aptè Althus. *Pol-  
 lit. c. 9. n. 10.* Sicuti ferrum rubiginem  
 sua natura etiam generat, à qua paula-  
 tim absumitur, & sicuti maturi fructus  
 vermes generant, à quibus consumun-  
 tur: sic & potentia & ampla imperia &  
 populosa, vitia multa procreant, à qui-  
 bus paulatim atteruntur. Experientia  
 testatur, potentiam parere confiden-  
 tiam, confidentiam verò socordiam,  
 & hanc contemptum, hunc autem au-  
 toritatis diminutionem, & hanc imperii  
 privationem. Et quando crescit poten-  
 tia Reip. minuitur fortitudo & virtus.  
 Plerumque etiam prius, Stellarum in-  
 star

star ad occasum suum vergentium,  
 Resp. quoque mutationibus & nonnun-  
 quam interitu proximiores, majorem  
 lucem & efflorescētiā, mox tamen  
 obnubilandā, ostendere solent. Imò  
 juxta illud vulgatum: In altum & sum-  
 mum felicitatis gradum tolluntur; &  
 ex hoc, ut, providentia illa divina oc-  
 culta & reservata, mortalibus eò magis  
 manifestetur, & quicquid sint, à Deo  
 esse, experiantur, lapsu graviori ruunt,  
 & deturbantur. Causas alias harum  
 mutationum politicas, item remedia his  
 mutationibus opponenda, tradunt pas-  
 sim Politici, *Vid. Bodinus de Republ.*  
*Tholosanus de Republ. lib. 21. c. 1. 2. 3.*  
*Keckerman. curs. phil. disp. 35. emb. 1. 2.*  
 3. Qui & multa exempla ex antiquis &  
 veterum historiarum monumentis con-  
 gessere. An prodigia semper magnis  
 hujusmodi mutationibus præmittantur,  
 & an ex præsentibus prodigiis v. g. co-  
 metis &c. calamitates futuras colligere  
 liceat, examinat Dn. Becman. *Doctr.*  
*Moral.*



*Moral. cap. 8. §. 6. Ex quo saltem eleganter responsum illud Ludovici Pii, alii Caroli M. cum Egmondus Astrologus ei conspectum magni Cometæ allegato dicto Jerem. 10. vs. 2. nolite timere à signis &c. tanquam parvi quid persuaderet: Timeamus conditorem hujus Cometæ, non cometam, & laudemus clementiam ejus, qui nostram inertiam, cum peccatores simus, talibus admonere dignatur judiciis, allegamus. Væt. vol. 2. disp. de signis. p. 2. probl. 9. add. Dn. Tesmar. Diff. Astrolog. Roman. ex Cometis vaticinans. & Astrolog. Christ. Comet. insol. figura stupens, horrens, & non subsannans. vol. 1. disp. 9. & 10. §. 21. & seq. quibus semper Cometæ aliquid intendere, etiam mala & iram divinam significare, rationibus & exemplis probat. Nec insolita hæc spectacula & extraordinaria Dei opera, quamvis in iis Deus cum causis naturalibus concurrat, ideo contemnenda esse, ad oculum, contra dissentientes demonstrat.*

Addi-

Addimus Senecæ verba : *Nemo usque adeo tardus & hebes & demissus in terram est, ut ad divina non erigatur, ac tota mente consurgat, imprimis ubi novum aliquod è cælo miraculum falsit. Nam quamdiu decurrunt solita, magnitudinem rerum consuetudo subducit, ita enim compositi sumus, ut nos quotidiana, etiam si admiratione digna sint, transeant: contra minimarum quarumque rerum, si insolita prodierint, spectaculum dulce fiat. Et deinceps: Sol spectatorem, nisi cum deficit non habet: nemo observat Lunam, nisi laborantem. Add. Keckerman. hist. physica, lib. 6. cap. 5. Finio elegantissimis Senecæ versibus:*

*Vos, quibus Rector maris atque terra,  
Jus dedit magnum necis atque vita,  
Ponite inflatos tumidosque vultus.*

*Quicquid à vobis minor extimescit,  
Major hoc vobis Dominus minatur  
Omne sub regno graviore regnum est.*

*Quem dies vidit veniens superbum,  
Hunc dies vidit fugiens jacentem.*

*Nemo*

## CAPUT XXVI. 403

*Nemo confidat nimium secundis,  
 Nemo desperet meliora lapsus,  
 Miscet hæc illis, prohibetque Clotho  
 Stare Fortunam, rotat omne fatum.  
 Nemo tam divos habuit faventes.  
 Crastinum ut posset sibi polliceri.  
 Res DEUS nostras celeri citatas  
 Turbine versat.*

DEO T. OP. MAX. Rerumpublicarum  
 Fundatori, Conservatori, Instauratori  
 Sapientissimo, in Cujus manu sunt cor-  
 da Regum, quique Principes in Terris  
 Vicarios constituit, & per quem o-  
 mnes Magistratus gubernant, sit  
 Laus, Honor & Gloria in  
 Æternum!

F I N I S.

IN

# INDEX

## RERUM PRÆCIPUARUM.

### A.

<b>A</b> cademia.	pag. <u>229.</u>
Academica vita.	<u>13.</u> <u>14.</u>
Accisia.	356. <u>357.</u>
Æqualitas necessaria in Societatibus.	<u>19.</u> <u>34.</u> <u>35.</u>
Æquitas.	<u>156.</u>
Ætas in nuptiis & officiis spectantur.	<u>35.</u> <u>164.</u> <u>165.</u>
Æoli notantur.	<u>85.</u> <u>86.</u>
Jus Aggratiandi. <u>193.</u> Causa moven. es.	<u>195.</u> <u>196.</u>
Albinagii jus.	<u>328.</u> <u>329.</u>
Alexandri M. bellandi mos.	251.
Ambari jus.	Ibid.
Amnestia.	<u>280.</u>
Anglia Reges Defensores fidei salutantur.	<u>228.</u>
Anglicanorum Scriptorum elogia de Regibus suis.	<u>333.</u> <u>334.</u>
Arbitri. <u>181.</u> Aristocratia.	<u>373.</u> <u>374.</u>
	<u>Asyla.</u>

# RERUM PRÆCIPUARUM.

*Afyla.* [196.](#) [197.](#) *cognata.* [198.](#)

## B.

**B** ulebungs recht. [151.](#) [152.](#)

*Belgii Ordines habent Majestatem.* [127.](#)

*Belli necessitas.* [232.](#) *Origo.* [233.](#) [234.](#) *Po-*  
*testas.* *ib.* *Indictio.* [237.](#) [238.](#) *Belli cau-*

*sa Suasoria Justifica.* [239.](#) [240.](#) [241.](#)

*Substantia belli.* [242.](#) *Finis.* [243.](#) *Li-*

*citum in bello.* [244.](#) *Sepulchris parcen-*

*dum.* [245.](#) *Incendiariis uti non licet.*

[246.](#) *Quomodo geri debeant.* [251.](#) [252.](#)

*Nervus belli.* [254.](#) *Satisfactio ob bel-*

*lum.* [280.](#) [281.](#)

*Bellum Representativum.* [236.](#) [237.](#)

*Bellum Imperfectum.* [261.](#)

*Benedictio Sacerdotalis.* [36.](#)

*Bona Ecclesiastica.* [230.](#)

*Bona vacantia.* [329.](#)

*Brandenburgicus Elector habet veram*

*Majestatem.* [127.](#) [128.](#) *Frid.* *Vilh.*

*M. laudatur.* [249.](#) *Regale in Borus-*

*sia.* [329.](#)

*Caduci*

# I N D E X

## C.

- C** *Aduci ius.* 151.  
*Capitulationes an derogent Majestati.* 124--126.  
*Carnifices an infames.* 191. 192.  
*Christus Matri petatum denegavit.* 63.  
*Civitas differt ab urbe.* 86. 87.  
*Classis invincibilis Hispan.* 253.  
*Cogitationes non puniuntur.* 186--188.  
*Collegia. 76. 77. expediunt res per suffragia. 78. Pietatis illicita. 79.*  
*Compromissarii.* 181.  
*Commissarii.* 211.  
*Commerciorum necessitas. 203. 204. quos deceant. ib. 301. Divisio. 303. Res exemptae. 304--307.*  
*Concilia quatuorplex.* 227.  
*Concubinatus.* 39.  
*Conjugium. 22. Essentialia. 23. 24. Consensus Magistratus & Procerum Regnorum. 25. 26. Persona contrahentes. 27. 28. Conjugia Parentum & Liberiorum, fratrum & sororum an contra*  
I. N.

# RERUM PRÆCIPUARUM.

- I. N. 28. Finis. 37. Aequalitas inge-  
nii, Aetatis, Religionis, nationis at-  
tendenda. 34. 36. Persona inhabiles. 38.  
Opposita. 42. Modi dissolvendi. 45. 46.  
Consiliariorum necessitas definit. 203. 204.  
Quae spectanda in electione. 205. 206.  
Officia. 207. 208. 214. An teneantur  
prestare eventum consiliorum. 209.  
Difficultas hujus officii. 215. 216.  
Consuetudo. 160. 161.  
Conventicula. 79.  
Conversatio. 20.  
Crimen Laesæ Majestatis. 142. Quis com-  
mittat, an malidicens? 143. 144. In  
quos committatur in Imperio Romano.  
144--147. Poena ib. An hujus cri-  
minis compertus citra strepitum foren-  
sem occidi possit. 148.*

## D.

- D** Editio quotuplex. 259.  
Delicta quid. 185. Natura & lege  
capitalia. 194.  
Democratia. 374.  
fus

# I N D E X

<i>Jus deportus.</i>	326.
<i>Deputati.</i>	211.
<i>Dictator Romanorum an Majestatem habuerit.</i>	99.
<i>Dignitates.</i> 199. 201. <i>Note dignitatũ.</i> 202.	
<i>Dispensatio.</i>	156.
<i>Doctorem privilegia.</i>	250. 251.
<i>Dominium Eminens.</i>	136. 137.
<i>Donativa.</i>	125. 126.
<i>Duella illicita.</i> 235. <i>Quando admissa.</i> 236.	

## E.

<b>E</b> <i>thica.</i>	4.
------------------------	----

## F.

<b>F</b> <i>Uhrrecht oder Strandrecht.</i>	151.
<i>Fallgüter.</i>	73.
<i>Familia.</i> 74. 75. <i>Fatalia Rerump.</i>	392.
<i>Filio bono an præ morosa uxore in periculo vite succurri possit.</i>	65.
<i>Flagellationes spontanea.</i>	185.
<i>Fluminum jus.</i>	325.
<i>Fœderum necessitas.</i> 285. <i>Quid.</i> 286. <i>Articuli.</i> 287. <i>Quotuplicia.</i> ib. 288. 290.	
<i>Quate-</i>	



# RERUM PRÆCIPUARUM.

*Quatenus aterna.* 283. *Cum quibus &*  
*an cum infidelibus contrahenda.* 290--

292. *An Princeps Christianus cum*  
*infideli contra Christianum.* 293--295.

*Modi dissolvendi.* ib. 296. 297. *An ob-*  
*ligent successorem.* 298. *Inaqualiter fe-*  
*deratus.* 125.

*Fortalitiourum necessitas.* 88.

*Francisci I. Gall. R. fœdus cum Turcis.*

G. 294. 295.

**G** *Entium jus.* 7.

*Germanorum ille versiculus: Ut nos*  
*dura sitis &c. limitatur.* 185. 186.

H.

**H** *Areticis non esse servandam fidem,*  
*unde ortum.* 225.

*Hagestoltzen.* 43. 44.

*Heroum filii degenerant.* 50.

*Homagium.* 346.

*Homo animal Politicum.* 18. *Requista in*  
*homine ad Societatem apto.* Ibid.

*Homines proprii.* 72. *Certa gleba adstricti.* 73

*An Homines in commercio.* 304.

*Hostem ledere & occidere licet.* 244. 245.

S

Hypo-

# I N D E X

*Hypotheses politica.*

14.

I.

**I**mp<sup>er</sup>ium maritale. 39. *Limites ejus.*  
*ib.* 40. *Consequens respectu mulieris.*  
*ib.* *Cessat in Reginis hereditariis.* 41.

*Inducia.* 282.

*Insignia.* 202.

*Interpretatio Legum quid & quotuplex.*  
155. 156.

*Investitura in amplissima forma quomodo accipienda.* 97. 98.

*Judei an tolerandi.* 224. 348. 349.

*Judex in propria causa an quis esse possit.*  
173. *Cognati judicibus.* 181.

*Judicia Dei veterū Germanorū.* 176-178:

*Judicia hominum temeraria perstringuntur.* 171. 172.

*Judiciorum origo & necessitas.* 169. 170.

*Persona & res ad judicium pertinentes.* 172. *Judicandum secundum acta & probata, exemplo Dei.* 173. 174. *quatenus secundum conscientiam.* 175.

*Juramentum tempore inaugurationis praestandum an destruat Majestatem.* 126.

*Juri-*

# RERUM PRÆCIPUARUM.

*Juris Consultus & Politicus quomodo concurrant.* 5.

*Jus Gentium.* 7.

*Jus indigenatus.* 348.

*Jus Publicum.* 4.

*Juvenes idonei Auditores politica.* 13. Laudantur. 165. 166.

K.

**K** Opfgelt. 303.

L.

**L** *Atrones nec Societatem nec Rempubl. colunt.* 20. 85.

*Laudum Heilbrunnense.* 181.

*Liberi quid.* 62. *Officia liberorum. ibid. debentur iis* bona parentum. 51. *Sequuntur parentum conditionem.* 56. 57. *non in pœnis.* 57. *Pietas in parentes.* 64.

*multitudo liberorum.* 61. *Obsequium liberorum limitatur.* 64. *per dignitatem tegitur.* 65. *Liberorum tria tempora.* 60. *an pars familia.* 75.

*Legatus.* 210. *Legatus à Latere.* 211.

*Legatio quatuorplex.* 210. *Legati nati.* 211.

212. *Inviolabiles cum comitibus & ministris*

S 2

ministris

# I N D E X.

- nistris suis.* *ib.* 213.  
*Leges quid.* 149. *Divisio.* *ibid.* 150. 158.  
*Causa impulsiva Legum.* 150. 152. *In-*  
*justa.* *ib.* *Promulgari debent.* 153. *Sub-*  
*jectum Legum.* 154. *effectus.* *ib.* *Ob-*  
*ligant in conscientia.* 155. *Obligatio co-*  
*activa & directiva.* 106. 107. *quibus*  
*Legibus Princeps solutus.* *ib.* 107. -- 112.  
*an omnibus, qua Princeps, solutus.* 113. --  
116. *affinia.* 160.  
*Legum divinarum divisio.* 158. -- 160.  
*Lex: quisquis.* 5. *C. ad L. Jul. Maj. ex-*  
*plicatur.* 145. -- 147.  
*Licentia.* 350.

## M.

- M** *Achiavellus notatur.* 11. 295. 346. 368.  
*Magistratum origo.* 161. 162. *vir-*  
*tutes.* 163. -- 168. *arcentur fe-*  
*mina.* *ib.* *modi desinendi* *ib.* 169.  
*Majestas.* 89. *ambiguitas huius vocabu-*  
*li.* *ib.* 90. 91. *desinitur & explicatur.*  
95. 96. 101. 103. 105. 116. 117. 118. *Ori-*  
*go.* 92. 93. *Divina & humana ordi-*  
*natio dicitur in Sacris.* 94. *an Dicta-*  
*tores*

# RERUM PRÆCIPUARUM.

- tores Romani eam habuerint. 99. an  
Tutores seu Curatores Regum. 101. quo-  
modo etiam teneatur ad rationes red-  
dendas. 103. Subjectum. 119. 120. divi-  
sio ejus. 131. 132. fura. 132. -- 134. ad-  
versa illi. 142. 143.  
Mandata. 160.  
Matres an teneantur lactare liberos. 48.  
Mediatores. 181. Pacis. 277. 279. causa  
illos moventes. ib. 278.  
Merces contrabanda. 305. 306. 308. an  
ipso jure committantur. 307. an navis  
simul. 308.  
Ministrissimorum cautio. 215. -- 217.  
Moenia circa urbes necessaria. 87.  
Monarchia commendatur. 373.  
Moneta. 310. 311. Papyracea, Coriacea,  
Stannea causa. 312. 313. peregrina. 312.  
Monopolia. 314. 315.  
Mutationes Rerū publ: unde oriantur.  
392. -- 395. exempla. ib. 396. -- 398.  
an prodigia seu signa præmittantur.  
400. -- 403.

# I N D E X

N.

- N**aturalisatio. 347. 348.  
*fus* Naufragorum bona extrahendi & occupandi. 151. 326. 327.  
 Neutralitas, Neutrales. 262. officia. 263. 268. 270. 271. an alterutri hostium res vendere possint. *ib.* 264. -- 266. an milites dimittere. 267. an transitum concedere. 269. Modi dissolvendi. 270. 271.  
 Nobilitas. 199. 200. Exteris an conferri possit. 201.  
 Nuncii. 210.  
 Nundinae. O. 313. 314.  
**O**bedientia simplex. 330. Cæca. 334.  
 Obligare quid. 154.  
 Obsequii exsuperantia. 341. -- 344.  
 Oeconomia. 4.  
 Opificia. 76.  
 Ordalia quid olim. Ordel / Gottes Ordel / Gottes Urtheil. 176. -- 178.  
 P.  
**P**agus quid. 86.  
 Parentes quid. 47. Officia Parentum. 48. -- 50. Patris mandatū præfertur. 64.  
 Pax.

# RERUM PRÆCIPUARUM.

<i>Pax.</i>	<u>273.</u>	<i>necessitas.</i>	<u>271.</u>	<i>potestatem illam</i>	
<i>cudendi quis habeat.</i>	<u>273.</u>	<u>274.</u>			
<i>quatenus Fœderati.</i>	<i>ib.</i>	<u>275.</u>	<u>276.</u>	<i>Moderatores Pacis.</i>	<u>277.</u>
<i>Consequentia.</i>	<u>280.</u>				
<i>Pax Pyreneæ.</i>					<u>279.</u>
<i>Pax Universalis.</i>					<u>283.</u>
<i>Peregrini.</i>					<u>347.</u>
<i>ius Piscium.</i>					<u>329.</u>
<i>Pœna quid.</i>	<u>183.</u>	<i>origo &amp; necessitas.</i>	<u>182.</u>		
<i>ius puniendi ad Principem solum pertinet.</i>	<u>183.</u>	<i>Unde illud habeat.</i>	<i>ib.</i>	<u>184.</u>	
<i>Verfantur circa delicta.</i>	<u>185.</u>	<i>Extenduntur ad mortem.</i>	<u>189.</u>	<i>in pœnis infligendis aliquando delinquentis ratio habetur.</i>	<u>190.</u>
<i>Pœna in effigie.</i>	<u>191.</u>	<i>Executores pœnarum.</i>	<i>ib.</i>	<u>192.</u>	
<i>non ipsi esse possumus.</i>	<u>192.</u>	<u>193.</u>	<i>Oppositum.</i>	<u>194.</u>	
<i>mensuram accipiunt ex natura delictorum.</i>	<i>ib.</i>				
<i>Politica.</i>	<u>1.</u>	<i>Politici.</i>	<u>2.</u>	<u>3.</u>	<u>10.</u>
<i>distincta ab aliis scientiis.</i>	<u>4.</u>	<i>Politici &amp; Crimi quomodo concurrant.</i>	<u>5.</u>	<i>primum principium.</i>	<u>6.</u>
<i>quibus addiscenda.</i>	<u>11.</u>	<u>13.</u>	<i>in Academiis tractanda.</i>	<u>13.</u>	<u>14.</u>
<i>objectum.</i>	<i>ib.</i>	<i>Finis.</i>	<u>17.</u>	<i>fundamentum.</i>	<u>6.</u>
				<u>7.</u>	
				<u>S 4</u>	<i>Poly-</i>

# I N D E X

- Polygamia an I. N. licita.* 29. -- 33.
- Populus privative jus suum transtulit in Principem.* 95.
- Posteriores proprie non puniuntur.* 188. 189.
- Potestas patria.* 58. 59.
- Præda.* 260.
- Premia.* 198. 199. auctor. ibid.
- Precia rerum definiri debent.* 309. 310.
- Primogenitura jus.* 51. 52.
- Principatus.* 382.
- Princeps imperii quantum possit.* 129. 130.
- An Princeps in alieno territorio liberum exercitium jurisdictionis in suos habeat.* 138. -- 141.
- Principes an poena affici possint.* 104. judicis non subjacent. 172. Legibus soluti. 105. -- 112. an indistincte omnibus. 113. -- 116.
- Principes summe venerandi.* 331. 332. non excommunicari possunt. 333. Sancti debent esse subditis, & resistere illis non licet. 334. 335. an in casu extrema discriminis. 336. -- 339.
- An Principes praeliis interesse debeant.* 255. --



# RERUM PRÆCIPUARUM.

	255. 256.
<i>Principum philosophia.</i>	12. 362. — 365.
<i>suas nosse debet.</i>	378.
<i>Privilegia.</i>	76. 157. 158.
<i>Provocatio ad Vallem Josaphat seu Tri-</i>	
<i>bunal Christi.</i>	179. — 181.
<i>Processus judiciarii abbreviari debent.</i>	
178. 179. <i>in Russia nulli formantur.</i>	ib.
<i>Pubertatis termini.</i>	60. 61.

## R.

<b>R</b> <i>Actio Status.</i>	357. <i>Origo.</i>	358. 359. <i>Ne-</i>
<i>men.</i>	360. <i>Divisio.</i>	ib. 367. 368. <i>E-</i>
<i>quiparatio cum Mysteriis Sacris.</i>	361.	
362. <i>qualis esse debeat.</i>	363. — 365. <i>Re-</i>	
<i>quisita.</i>	365. <i>Spuria exempla.</i>	368. — 371.
<i>quomodo exerceri debeat.</i>	366.	
<i>Regalia quid.</i>	132. 133. <i>divisio.</i>	134. <i>Mi-</i>
<i>nora qua, unde orta.</i>	316. 317. — 329.	
<i>Regina hereditaria.</i>	41.	
<i>Regna hereditaria, successiva.</i>	53.	
<i>Regnum Limitatum.</i>	381.	
<i>Regnum Laconicum.</i>	382.	
<i>Religionis necessitas.</i>	220. <i>publica signa.</i>	
223. <i>an subditis imperari possit.</i>	222.	

## S 5

245.

# I N D E X.

245. an mutari. ib. 223. potestas prin-  
 cipis circa illam. ib. an plures toleran-  
 da. 223. 224. Differere de illa licet. 230.  
 Repressalia. 261.  
 Rescripta. 160.  
 Reservata & Communicata jura in Im-  
 perio Romano. 135.  
 Residentes. 211.  
 Respublica. 80. 81. Origo. 82. materia. 83.  
 Forma. 84. 85. partes. 86. 87. Species  
 seu forma rerump. 372. -- 375. Unde  
 diversa forma orta. 377-378. quam  
 optima. 376. Respubl. mixta. 379. --  
381. Respubl. aterna. 100. Mutatio-  
 nes rerumpubl. unde. 392. -- 295.  
 Respubl. confederata. 88.  
 Respublica Israelitarum. 383. -- 385.  
 Respubl Libera habent Majestate. 120. 121.  
 Russi notantur. 13. 179.

## S.

- S**olomon matri pet'itum denegavit. 63.  
 circa Sacra potestatem princeps ha-  
 bet. 220. 221. -- 229.  
 Schufflehn. 73.  
 Semi-

# RERUM PRÆCIPUARUM.

<i>Semidocti.</i>	<u>13.</u>
<i>Servi quid, quotuplices.</i>	<u>67.</u>
<i>nascuntur aut fiunt.</i>	<u>68. 69.</u>
<i>Servitus jure Gentium introducta. ib. an à maledictione Noachica orta.</i>	<u>68.</u>
<i>Servitus calamitosa. 71. perfecta &amp; imperfecta.</i>	<u>ib. 72.</u>
<i>Simulatio quatenus licita.</i>	<u>2. -- 4.</u>
<i>Societas. 16. requisita. 17. Origo. ib. Subjectum. ib. 18. non Latrones, bruta &amp;c.</i>	
<i>20. in statu innocentia an fuisset. ib. Contrarium. 21. consequentia.</i>	<u>22.</u>
<i>Societas paterna. 47. herilis.</i>	<u>66.</u>
<i>Societates insigniores.</i>	<u>80.</u>
<i>Sodomia crimen.</i>	<u>47.</u>
<i>Sponsiones pacis.</i>	<u>283. 284.</u>
<i>Stolz à stulto derivatur.</i>	<u>19.</u>
<i>Stratagemata Bellica.</i>	<u>250.</u>
<i>Subditi. 330. 347. qualem obedientiam debeant. ib. debent esse viri boni. 331. officia. ib. 332. -- 344. defendi possunt ab aliis principibus. 339. -- 341. quando obedire non teneantur. 345. 346. divisio. 349. 350. an alienari possint. 304. 305. 352. quando resistere</i>	

# INDEX RERUM PRÆCIPUAR.

resistere possint principibus.	337. -- 339.
Subditorum factiones, seditiones.	391.
Successio aequalis & inaequalis. 51. Linealis in Regni & Principatibus. 53. Cognatica & Agnatica. 54. qui excludantur à successione Regnorum.	55.
Superbia 18. Superbus.	19.
Superioritas Territorialis.	129.

## T.

T Abacum an hosti advehere liceat.	267.
Taciturnitas laudatur exemplis.	364. 365.
Templarii.	180.
Tbocra:ia Israelitarum describitur.	383. -- 385.
Theologi quatenus rebus politicis se immiscere possint.	231.
Thesauri.	325. 345.
Tortura an licita. 175. 176. ab Anglis improbat. ib.	
Tributorum necessitas. 352. 253. varietas. ib. 354. persona ab his immunes. 355. mutatio crebra non expedit. ib. 356. bona pro tributis obligata.	357.
Tyranni. 385. suspecta & ardua de illis doctrina. ibid.	

## V.

U de Varech.	327. 328.
Vasallus feudi illustris an habeat Majestatem.	121.
Venandi jus.	257. -- 226.
Veneno an hostem occidere liceat.	248.
Victor an debita hostis exigere possit.	261.
Victoria belli & praelii.	257. 258.
Vicus quid.	86.
Vita Socialis origo.	8.
Vita Solitaria improbat.	21.
Vita Academica quid sit.	14.
Vita Aulica. 215. difficultas. ib. 216. -- 218.	
Vota. 78. ex pluralitate estimantur. ib. Quid juris si in illis in plures partes eatur.	ib.

## X.


Xenia an liceat accipere.	166.
Xerxis exercitus.	252. 253.

# F I N I S.

81481 4455934







A. 36